

علی صائب

کیلیا فامیلری

و

اُورْفَهَنَكْ
قورنولوسه مجازلری

بیوک منجی ! اصیل نلمزك حر و مستقیل
اولادی ایچون یازدیغیم بو اثر نیم دکل سنك
یارایجی و قورتاریجی دهانك دستاندن
کوچوک بر بارچه در .

آقره

۱۳۴۰

مطبعه احمد احسان و شرکاسی




کیلیڈیا فاضلہ لری

و

اور فنک قورتولوسہ مجادلہ لری

بیوک منجی ! اصیل نسلہ زک حر و مستقل
اولادی ایچون یازدیغم بو اثر نیم دکل سنک
بارا ایچی و قورتاریجی دها کک دستاندن
کوچوک بر پارچہ در .







مندرجات

موندروس متارکه سندن بویوک ملت مجلسنك كشادینه قدر :

برنجی قسم : کیلیکیاده

اینگهی قسم : اورفده مجادلده اول

اوینچی قسم : اورفده مجادلده سی و اورفده قور تولوشی

مقدمه

كرك اورفه و كرك جنوب حدود لریمزده کی ملی مجادلاته و بومیانده قسماً عمومی مجادله ملیه یه عائد و نائی بو اثرمله بویوک تورک تاریخنه حاضر و مستقبل نسله تقدیم ایدیورم .

بومجادلاته اشتراکه سائق اولان حس و فکر بکا بو اثری یازمق و نشر ایتمک وظیفه و مجبوریتی ده تحمیل اییدی .

بو حرکات اثناسینده مع التأسف کندیلر یله قانلی بر صورتده چارپیشمق اضطرارنده قالدیغمز فرانسزلره عائد صفحاتی ؛ اورفدهه بالآخره مقتول اولان فرانسز ضابطانندن برینک اوزرنده بولمق صورتیه اله کچیریلن یومی حرب نوظلرینی حاوی مخطره نك عیناً ترجمه سیله قارشیلاد شیره رق یازدم که، بو وجهله ایکی مبارز طرفک متقابل حرکاتی بوتون تفرعانه قدر هرا یکی نقطه نظر دن تدقیق و محاکمه اولنه بیلیر .

بو وسیله ایله ملی و مظفر مجادله مزك بویوک و حقیقی قهرمانلری اولان مقدس شهیدلریمزك حضور معنویسنده کمال حرمتله اکیلیر و اونلرک عزیز وجودلرینی احتوا ایتمک صورتیه بر قاتدها قیمتله شهن بو حر و مستقل تورک وطننک ، تورک جمهوریتنک تمیز طو پراق لرینه یوزومی کوزومی سوره رم .

آنقره : ۱۱ نیشان ۳۴۰

سابق اورفه و حوالیسی قوای ملیه قوماندانی
قوزان مبعوثی

علی صائب

قِسْم ۱

موندوروس متار که نامه سنک ایلیک انطباعاتی

رأس العینده

قارا و چوق فورطنه لی بر کیجه ایدی .
روزکار ، اوزون اوغولتور و قودورمش هجوملرله پنجره لری
صارصییور ، صانکه بوقارا و یرتیجی کیجه جاملری قیر اراق بوتون
وحشتیه او طمه دولاجاق ، ساکن و متوکل یانان لامبامی سوندوره جک
درین و نهایتسز بر قرا کلق ایچنده
اعصابم ، فکرم چوق پریشان ...

ییللرجه دوام ایدن قانلی و بوتون دنیایی قاپلایان حربک بزم ایچون
ایم و سفیل بر نتیجه سی اولان موندوروس متار که نامه سی ماصامک
اوستنده باشم ایکی المک آراسنده دوشونیورم ؛ تکرار او قویورم ،
کوزلریمه اینا نامه جنم کلییور ، بو بر متار که نامه دکل ؛ فجیع بر اسارت
و تسلیمیت وثیقه سی !

او قودقچه او كرده او چوروملر ، جهنملر آچیلیور ، بوتون شان
وشكوهيله ، معظم تاريخيله ملتكم بو اوچوملره دوغرو سوركلنديكنی
كوروركی اولویورم ، بو آنده كیم بیلیر قاچ یوز بیک وجدان بنم کی
قیورانیور ، اضطراب چکیور زواللی وطنم ! سنك ایچون ،
سنك حریت واستقلالک ایچون سوه ، سوه ، سوه ، سوه ، سوه اولدیكمز
حاله دیمك اولویورکه ، سنی ینه قوراره میورز .

روز کار دیشارده متصل شدتی آریدیور ...

متارکه نامه نك او ، سینسی و آلاستیق ماده سنه استناداً برمدت
صوكر ا دشمن اردولرینك « سوق الجیش نقطه لریدر » بهانه سیله وطنمك
اك كوزل و اك باكر شهرلینه هوررا نعره لريله كیریشلرینی كوزومك
او كنه كتیریور . زواللی خلقی ، بو استیلا آلتنده چیرپنیر ، باغیریشیر ،
قاجیشیر و آغلاشیر كوریورم .

ملكتمزده ییلردنبری اجنبی پروپاگاندا سیله اخلاقی بوزولمش
و بزه قارشى هر فرصته اهانت و خیانت ایدن یرلی خرستیانلرك
شماریققلرینی و دشمن اردولرینك او كنه دوشه رك ، آرالینه قاریشه رق
عقله و تصوره صیغیه جق خباثلر یا باجقلرینی و مغصوب و وطنمزده بزه
« یاشامق حقی » نی بیله و یرمیه جكلرینی بو مستقبل وقایعك ایچنده
بولنمش کی قطعیتله تخمین ایدیورم هر حاله ، آوروپا و آوروپا مدنیتی
و بین الملل احكام و قوانینك بوتون بونلرك مغلوبلره و بزه قارشى برر
افسانه اولدیغنی ده باق قاچ سنه اول بالقان محاربه سنده کی مغلوبیتمز
اوزرینه آروپانك بوتون تأمینات و تعهداتی اونوداراق :

— ویل مغلوبلره !! ... دییه هایقیردیغی كوندنبری بیلیوردم .

ویلسون پرنسیپلری نامیه شهرت آلان دساتیرده اسکی دیپلوماسینک
یکی بر طرزده کی خدعهٔ سیاسیه و حربیه سندن باشقنه اولاییلردی؟! ..
مغلوبیتمز و اضمحلالمز ایچون چالنان «ظفر چاکلرینی» دیشارده کی
روز کارک اوغولتوسی آراسنده ایشیدیورم کبی اولویورم .

برچوق اسیرلر و آجیرلردن و رنک ، رنک عسکرلردن مرکب
دشمن اردولری متصل ایلریلیور ، وطنمده یکی براندلس فاجعه سنک
قائلی دومانلری بوتون بوشلغی ، سماواتی دولدوریور ، ارمیلر شرقدن ،
یونانلیلر ، غرپدن « قیزیل ایرماغه ! » دوغرو دییه هایقیریور ..
قیزیل ایرماق ! مقدس نهر وطنمک بو شاه داماری بویوک بر
سکون و وقار ایله آقیور .. بو خیالی و قائلی صفحه قارشیسنده
بردن سیلکندم

— خایر ! خایر ! .. دیدم . بر سس ، ماهیتی تعیین ایده مدیکم
امیدرس و خلاصکار بر سس بوتون خواص و مفکره می تیره تدی .

— تورک اولیه جک ، یاشایه جقدر !

بو سس نهم ایچون بر قاچ سنه تسلی ، بر قاچ سنه امید ، ونهایت ،
نهایت بر حقیقت اولدی .

هیچ شبهه یوق که ؛ بویوک منجی ! هنوز او زمان حادثات
و حقایقک ماوراسنده پنهان اولان بو سس ، بو لاهوتی سس سنک
سسک ایدی . او اضمحلال و ثبقه سنی یکی بر تورکیا یاراتان سنک
خلاصکار و چلیک اللرک بیرتدی .

رأس العیندن رجعت

دیر زور دن رأس العینه وظیفه مخصوص ایله یومیه یوز کیلومتر و
قطع ایتمک اوزره ایکی کونده کله بیلیمش ایدم . دیر زورده بولنان
خطوط مواصله و مخابره سی منقطع اولان فرات غروبنه عائد امر لری
الاجق و ایرتسی صباح عینی سرعتله عودت ایده جکدم .
چول ، بادیه ! قورقو و اسرار ایله دولو بر جهانی بر روزکار
کبی کچمشدم . یانمده کی سواریلر یورویشه تحمل ایده میه رک جبل -
عبدالغزیزده قالمشردی . یالکزدم . موصلدن چکیلمک اوزره بولنان
آلتنجی اردو قرارگاهیه مخابره ایدرک فرات غروبنک صورت حرکت
و خط رجعتی حقنده کی امر لری آلم . بر درلو او یویامیوردم .
دیر زورده ، اوراده پک مشکل وضعیتده قالان فرات غروبنه عائد
یالکز بو عسکری و رسمی امر لری دکل رأس العینده آلیه کچن
موندروس متارکه نامه سنک بر صورتی ، حربک انجام فجیعی خبرینی ده
کو توره جکدم . صبر سز لانیوردم صباحی بکله یه مدم . یوله چیقدم .
زواللی یورغون و بیتاب قیصر انغم بو چیلغینجه یورویشدن
متحیر کبی ... چوق سرت بر روزکار اسیبور ، چولک نهایتسنز
افقلرنده مایوس بر صباحک مغموم فحری یاناشیور . . .
چول ! چول ! بو کوزل و حر بادیه لر ، بو بوش و ازلی صحرا
اوزاقده بعضاً بلیردن عشیرت لر جیلان کبی آت لر بوتون بونلرک طالع

و مقدراتی بزدن آیرمق ایستین او اوغورسز و شقه کو کسمده بر
بیلان صوئوقاغیله او یویور . . . بر آنده بو بویوک فلاکتک هپسینی
اونودویور ، شخصمه ، شخصیتمه رجوع ایدیوردم :

بن دیرزوری ناصل تخلیه ایده جکدم . او ائاده دیرزور سیار
ژاندارمه مفرزه سنک قوماندانی ایدم . ملتکم ، حکومتک قانون
و حاکمیتی تمثیل ایدن بر ژاندارمه قوماندانی صفتیه :

— اهالی ! سز قالیکنز ، انکلیرلر کلیور ، بز کیدیوروز !

ناصل دییه جکدم . او ، اوزون یول بیتدی . دیرزوره کلام
عسکر ، اهالی اطرافنی آلدی . اندیشه لی نظرلر نی تجسس ایدیوردی .
کتیردیکم امری ، خبری ، معلوماتی بر آن اول آلمق ایچون استعجال
ایدیورلردی . او کونی بنم ایچون اونوتقم قابل دکلدر .

نسلمک اولاد مستقبلی ! بر انسان ایچون دنیاده اک بویوک عذاب
واضطراب نهدر بیلیرمیسکنز ؟ استقلال و حاکمیتدن فراغت و وطنی
دشمنه ترک ایتک بوالمی ، بو آجیبی بوتون وسعت و شمولیله بن
روحده حس ایتدم .

بر ، ایکی کون سوکرا اولجه یالکنز کچدیکم یوللردن بویوک
قافله لر حالنده رجعت ایتدک . یانمده یوز قدر دینج ، کنج ، فداکار
ژاندارمه م واردی . بردرلو یوزلرینه باقامیوردم . سانکه بورجعتک
خجالتی بکا عائد ایش کبی صیقیلیور ، مضطرب اولویوردم .

فقط نزهیه کیدیوروز ؟ موندروس متارکه نامه سی برهیولا کبی
قارشیمه دیکیلیور :

— سوق الجیش نقطه لری اشغال اولندی نزهیه کیدیورسکنز ؟

دیور. چول او آنده بکا او قدر مونس کوروندی که، وضمک
هر نقطه سی سوق الجیش نقطه سی عد اولنه بیلیردی. ایچمدن :
— بوراده قالا مازمی یم؟ دیدم. معیتمه نهایتسز بر اعمادم واردی.
کندی آیاغمله اسارته دوغرو کیتمکدن ایسه چولده بر تورک عشیرتی،
بر تورک قبیله سی حالنده قالا بیلیرز. اوزهرز، توره رز، البت بر کون
اولورینه

بوفکریمی در حال آرقداشلریمه سویلدم. بو عاقبتی مجهول سرگذشته
یالکز بر کشی پی طرفدار بولا بیلدم. اوده مغنیسالی علی بک ایدی.
جید، تمیز بر تورک روحیه موافقت ایتدی. بالطبع قوص قوجه
چولده ایکی کشی قالا مازدق. بوفکریم، بوتشتم کوزل بر خیال
حالنده قالدی. علی بک بالآخره آطنه حرکات ملیه سنه میلس یوزباشلیغیه
اشترک وبویوک خدمتله ایفا ایتدی. شمدی اطنه ده تجارتله مشغولدر.
کونلر بر کابوس حالنده کچیور، مغلوبیتک مشئوم نتیجه سی
ایلر بیلوردی.

اطنه یه قدر چکیلدک. فقط نه اولورسه اولسون سیحاندن ایلری یه
کیتمامکه عزم ایتدم. آرتق چولده دکلم، تمامیه بر تورک دنیاسی،
تورک مملکتی ایچنده ایدم. بورادن دیری اولارق حقیقه مازدم.

کیلیکیاده

آطنه ده حقیقتک بوتون فجایعیه قارشی قارشی یه کلمشدم. اردو

ترخیص ایدمش، ضابطان آچیقده و آواره بر حالدہ قلمش ایدی .
مدہش معنوی بر آنارشی حکمفرما ایدی . او ائشاده قارص [ذوالقدریہ]
ژاندارمه قوماندانلغنه تعیین اولوندم . قارصه کیتدم ، قصادہ ضبط
وربط قلامش، حکومت ضعیفلامش ایدی . درحال سکوتی تأسیس
ووضعیتہ حاکم اولوق لازم کلیوردی .

بویله زمانلرده هر یرده اولدینی کبی شعورسز برطرزده توسع
ایدن آنارشینک اوکنه کچمک ایجاب ایدیوردی . شخصی کینلر ،
خصوصتلا و انتقام حسلیله خلق باشلرینه کله جک استیلا واسپارت
فلاکتی و بونلرک هپسندن مدہش اولان ارمنی ظلم و وحشتی
کورمیورمش کبی برهرج و مرج ایچنده ایدی . بر مدت صوکرآ
منور وحمیتی زمره بکا استنادکاه اولدی .

حکومت قوتی اعادهیه و تأسیس انتظامه باشلادم . فقط نه قدر
یازیق که تام موفق اوله جغم ائشاده بالطه جی مصطفی نامنده برشقینک
بدبخت قورشونی قارصده کی خدمت و فعالیتمه نهایت ویردی .
برای تداوی اطنهیه نقل ایدلم . یارالی ، بیتاب ایدم . فقط روحم
صاغلام و امیدواردی . بالخاصه ، قارصده کی قیصه تدقیقاتم بکا چوق
امیدلر ویرمشدی .

هله اطنه یی یارالی کلدیکم کون او یله غلیانلی و متهیج بروضعیتده
بولمشدم که بیکلرجه خلق، اختیار، کنج ، قادین، چوجق حکومت
میداننه طوپلانمش فرانسزلرک اطنهیه ایاق باصدینی کوندن اعتباراً
باشلایان نجایعه قارشی کوکره مش، ایریلی اوفاقلی بر آرسلان سوروسی کبی:
— نه اوله جقسه بر آن اول اولسون دییه باغیرمیوردی .

او کون آئنه ده ارمنیلر طرفدن وانلی احمد افندی اسمنده
برذات غایت فجیع بر صورتده قتل ایدلمشدی . و محل وقعه ده بر
فرانسز سابقه سی و برسونکو بولنمشدی . جنایت شکل و ماهیت اعتباریه
غایت شیع و فرانسزلر ایچون غیر قابل ستر و تأویل ایدی .
بو اجتماع مرتب اولدینی حالدہ تورک تساندی ، منحصرأ
وجدانلرده کی حس مشترک بوتون خلقی مدنی بر انتظام و وقار ایله
طوپلامشدی . کیتد کجه بویویهن کومه لر ودالغه لر حالنده اهالی
کلیور . کلیور متصل کلیوردی . بو هیبتلی واصل متینغ آئنه یه یکی
کلمش اولان فرانسز والی عسکرسی بره مونی شاشیرتمشدی . یوکسک
و معظم بر تاریخ شرف و اصالت شعشعه سی آلنلرنده او قونان بو خلق ،
بوتون حالی ، طوری و سوزلریله مدنی رشدینی کوستریوردی . بو متینغ
سفیل بر جنایتک مرتکبلرینی تلغیندن زیاده بوتون روح و معناسنک
عظمتیه فرانسز اشغالی و استیلاسی غایت آچیق بر طرزده پروتستو
ماهیتده ایدی . فقط دشمنک دومانلی و حریرص کوزلری بو حقیقی
کوره میه جک قدر رؤیت قابلیتدن محرومدی . یارالی بولندیغ ائنده
شاهدی اولدیغ بو متینغ بکا یکی بر امید و حیات و مستثنا بر عزیم و غیرت
تلخیص ایدی .

بناء علیه نم حسی و حقیقی محرکم بو متینغ واطنه لیلردر دیه بیلیرم .
کوزل سیحان ! سن مسعود و مستریح آقابیلیرسک ! صولادیغک
ظوپراقلرده دنیانک اک اصیل و جوانمرد برملتی یاشیور ... بو قهرمان
و فداکار خلق قابل دکل اسارتی و استیلابی قبول ایتمز . یالکز
آ کلاتمق بو تهلکه کی آ کلاتمق لازمدی .

— یالکز بر رهبر و منجی لازم دیوردم .

خلقه چوق اعمادم وازدی . حتی اشقیابیه ملی و وطنی جریانلره لاقید قالامیوردی . بو عمومی فکرله بنی یارالایان و خسته خانه لرده ایگله تن شقی بیله عفو ایدیوردم و فی الحقیقه بالاخره کندیسنی معیتمه آلم . بکا اذ زیاده مربوط اوله رق فداکارانه چالیشدی . وظیفه اوغرنده یارالایمش اولمق او اثناده اطنه ده بنم ایچون مستنا بر معرفیت حاصل ایتدی . حتی بره مون بیله بنی فرانسر خسته خانه سنده تداوی ایتدیرمک صورتیه کویا بر جمیله کوستردی . اطنه ده تداویم خصوصنده پک چوق معاونت و تسهیلات کوردم . اعاده عافیت ایدر ایتمز همانینه قارصه عودت ایتدم .

اطنه ولایتی هنوز فعلاً اشغال عسکری آلتنه آلمامشدی . یالکز اطنه حلب شمندو فرخظنک بعض اقسامنده فرانسر کسوه عسکریه سنه بورومش ارمنی جاسوس و فدائیلرینک خط جوارنده اله کچیردکلری تورکلری اولدوردکلری و صویدقلری ایشیدیلوردی .

هر کون تهلکه و فلاکت بر آزدها یا قلاشیوردی .

هر ارمنی کون کچدکجه بر آزدها شماریسور ، وارمنیله شیور ، قورقونچ و قانلی طیرناقلرینی کوستریور ، اجنبی تحریکاتیه ، پروپاگاندا سیله اوصاف انسانیه سنی غائب ایتمش ساخته بر خلاص و مدنیت ماسکه سیله تورکه صالدیریوردی .

ارمنی انتقام آلائی

اظهاره تشکيل ايديلن ارمنی انتقام آلائی علناً ظلم و اعتساف بياراغی آچمش ایدی . فقط ، بو آلائی کیمدن انتقام آلاجق ؟ اردو ترخیص ایدلمش ، اظنه ولایتی قونترول آلتنه آلمش ایدی . فرانسزلرجه بو عنوان آلتنده برآلائی تشکیلنه ناصیل موافقت ایدیلیوردی ؟ بو انتقام آلاینه نه لزوم واردی ؟ فقط اونلرک هدفی یالکز تورک حکومتی تورک حاکمیتی دکلدی ، بالذات تورک حیاتنه قصد ایدی وبالخاصه اونی یاشاتماق ، اونی بوغمق ، اولدیرمک ایدی . لاکن بیلمم بو قاجنجی تجربه ایدی ؛ برقاچ دفعه لر ودها پک یاقین برماضیده خیانت و جنایتک جزاسنه دوچار اولدینی حالدده بو ملتی سوق واداره ایدنلر حالاً متنبه اولمامشردی .

هانکی دشمن مملکت مزه قارشی بر استیلا املی بسله مش و بونی احضار ایچونده وجدانه وانسانیتنه مخالف غیر طبیعی بر اختلال ، تورکلری حرکت کتیره جک بر ظلم و وحشت یایمق ایسته مشسه بو کبی ایشلر ایچون ارمنیلری دائماً لیاقتلی بر آلت اولارق قوللانمشدر .

فرانسز حرثی ، فرانسز مدنی ، فرانسز عرفانی چو جقلغمدنبیری بنی اوقدر تسخیر ایتمش ایدی که ؛ بدایه اظنه بی فرانسزلرک موقه قونترول آلتنه آله جقلری بنی تدهیش بیله ایتماشدی . و هر حالده فرانسزلرک ارمنی جانیلرینی ، فدائیلرینی ، جاسوسلرینی قوللاننه جقلرینه ده

بیلیم نه دنسه احتمال ویرمک ایسته میوردم . فقط حادثات و حقیقت تخمینده آلداندیغی بکا پک آجی بر صورتده آکلاتدی .

کیلیکیا فجابی

فرانسز میر آلابی برده مونک والی عسکری صفیله اطنه یه مواصلتی فرانسز - ارمنی مظالمنه بر مبداء تشکیل ایتشدی و بومظالم بلا انقطاع توالی و تزیاید ایدیوردی . ولایتده تورک حاکمیتی شکل و قوت اعتباریله تمثیل ایدن ژاندارمه یی طاغیتمادجه ، انحلاله اوغرا تماردجه خفیف قطعات ایله مصرفسز صورتده یالکیز ارمنی خباثت و خیانتنه استناد ایله کیلیکیا اشغال ایدیله مزدی .

واضحاً کوریل یوردی که فرانسز لرحه اورته دن قالدیرلمسی لازم کلن ژاندارمه ایدی . اونلر ، خلقه اک زیاده تماس ایدن بو قوتک معنوی قدرتی آکلیورلردی . بو اعتبارله فرانسز و ارمنی سونکولرینک کسکین اوغنی سینه مده حس ایدیوردم . فقط ؛ نه اولورسه اولسون ممکن ارله بیلیدیکی قدر صبر ایده جک ، ثبات کوستره جکدم .

کندیلکمدن مجبور اولمادجه چیقماق ، رجعت ایتک ، دیرزور کبی بوراسنی ده تخلیه ایتک امکائی یوقدی . بوکا عزم ایتشدم .

هر یاپیلان تجاوز، هر ارتکاب اولنان فحیعه کین وانتقام حسمی تزیید و تقویه ایدیوردی . بوتون قوتمله صبر و ثبات کوستره جکدم .

فقط ، بيلم که نه درجه يه قدر صبر ايده بيله جکدم . وقوعات سريع برصورتده عليهمزه انکشاف ايديوردی .

بره مون ، اطنه ژاندارمه آلاي قوماندانی قائم مقام هاشم بکی مقصدينه ايلک حائل عد ايتديکی ايچون کنديسنه ويرديکی برچای ضيافتنی متعاقب توقيف ايتديره رق ولايتدن چيقارتدی تبعيد ايتدی واطنه ژاندارمه آلاي لويه اسمنده بر فرانسز يوزباشيسنک امرينه ويرلدي .

اطنه ده تحت تداویده بولنديغم اشاده قائم مقام هاشم بکه خصوصي ومحرم کوروشمش ايدم . وضعيتک ايلريده آله جنی شکه نظرآ موقعلريمزی محافظه ايتمکلکمزى و ممکن اوله بيلديکی قدر تورکلری صيانت ، منور وحميتلی اهاليدن کيزلی بر مدافعه تشکيلاتی اساسلرينی احضار ايلکی قرارلاشديرمشدق . هاشم بکک بو صورتله انفکاکي مهم برضياع ايدي .

قوزان و هوالیسی

تا پاروا اسمنده بر فرانسز يوز باشيسنک ۳۳۵ سنه سی مارتنک جمعه کونی - متصرف عسکری صفتيله - قوزانه مواصلت ايتديکی خبر آندی . اطرافنی هپ ارمنيلر آلمش و کنديسنی فرانسز وارمنی بايراكلرندن ياپيلمش مشؤوم بر طاق آلتندن کچيروب متصرفلق مقامنه کوتورمشلر .

تاپاروا، توركلره قارشى تهديد آميز بر نطق ايراد ايتمش و آللني اردولرى كوچوك بر دعوت و اشارتمزه مهيار ديمش .
او ديقه دن اعتباراً قوزانك سمانسى ده سياه بلوطلر قاپلادى .
بر مدت صوكره قوزان ژاندارمه طاپورى قوماندانى بيكباشى
عثمان نورى بك مأذوناً طرابلس شامه كيتمش اولديغدن ژاندارمه
طاپور قوماندانلنى و كالته تعيين اولنان قوزان اخذعسكر شعبه رئيسى
[شاملى] هاشم افنديدن شو تلغرافى آلم :

قارص ژاندارمه قوماندانلغه

نومرو

۳۳۴۷

قادروكوزك نصفى اسلام، نصفى ارمنى اوله جقدز اوكا كوره ايجان ايدلمسى .
قوزان ژاندارمه طاپور قوماندان

۷ مایس ۳۳۵

وکیل

هاشم

آرتق ژاندارمه ده الدن چيقور ديمكدى .
ولايت اوزاقلردن كلن كيم وزردلى اولدقلى آ كلاشيلمايان بر
چوق ارمنيلرله دولويوردى . بو، بياض قاليقلى، قامالى چفته طبانجهلى
ارمنيلر آقین، آقین قوزان لوانسه ده گلکه باشلادى . بر چوقلى
قافقاسیه ده چار اردوسنه خدمت ایدن آترانیک چته سنه و آنارشىست
جمعيتلرینه منسوب بو سرسریلر اوزون مدت جنایت و شقاوتله

باشاد قلدن و کندیلرینه بونی برصنعت و مدار معیشت اتخاذا ایتد کلرندن
کوزلری قانلائمش برر انسان قصابی اولمشلردی . ییقمق ، قیرمق ،
ازمک ، اولدورمک یکانه امللری ایدی .

متنوع و علی العجایب اونیفورمه لریله بو آنارشیسترلر هر کسه
کندیلرینی مختلف رتبه ده فرانسز ضابطی اوله رق طانیاتورلردی .
بره مون ، بو جنایتلره و قاتلله بیلیم ناصل بر وجدان جسارتیه
فرانسز اونیفورمه لرینی کیدیرمش و بونلرک هیچ بر مقصد استهداف
ایتمه ین تورکلر علیهنده کی تشویقات لئمانه لرینه آلت اولمشدی .

فرانسه و فرانسز لره قارشی اوزون و اسکی سنه لردنبری تورک
قلبارنده موجود محبت بو صورتله مدهش بر طرزده سقوط و زواله
اوغرایور و او محبتک یرینه کین و نفرت قائم اولیوردی .

هله بو قفقاسیه دن ، آمریقان ، بلغارستاندن جانیانه مقصد لرله کلن
و کتیریلن بو شعورسز ، مفکوره سز یا لکنز تورک اولدورمکدن
و تورکی صومقدن باشقه برامل طاشیایان بو ارمنیلرک بره مون طرفدن
پولیس و ژاندارمه خدمتنده قوللائیلملری دنیانک هیچ بر طرفنده
کورولمه مش و ایشیدله مش بر طرزده کلیکیاده بر «جانیلر اداره سی» نک
تأسسنی موجب اولدی . کلیکیاده وجوده کتیریلن بو ماوی رنگلی
فرانسز اداره سی هر درلو قیود مدنیه و حسیات انسانیه دن معرا ایدی .
تورکلرک مالی ، جانی ، عرضی ، ناموسی هر درلو مقدساتی بشریت
ایچون الی الابد موجب شین اولان بره مونک اداره سنجه مباح ایدی .
وقتیله ارمنیلری تورکلره قارشی عصیان ایتدیرمک ، مملکت داخلنده ،
مداخله یه وسیله بولمق ایچون قاریشیقلق چیقارتمق مقصدیله متعصب

پاپاسلر و نفاقچو قومیته جیلر طرفندن تورکلرک مظالمنه دائر اویدورلمش
جایع افسانه لری شمدی بره مون وارمنیلر طرفندن بر حقیقت اوله رق
تورکلره تطبیق ای دیلیور ، کوز اویمق ، قولاق و برون کسمک ،
قادی نلری آیاق لر دن آصوب دو کمک ، مه لرینی قوپارمق ، اک خیال پرور
بر فاجعه رومانچیسنک بيله تصور و تخیل ایده میه جکی بر شکل ملعنتده
تورک قادی ن و قیز لرینک عرضنه تجاوز ایتمک صورتیله بد بخت مستولیلر
دنائت و شنا عتده جدا امثال سز نمونه لر کوستریور لر دی .

اک جایانه و نو ایجاد بر طرزده ایقاع مظالم ای دن هر ارمنی ،
ارمنیلر آره سنده بویوک بر انتقام قهرمانی دییه شهرت قازانیور دی .
هیچ بر اردونک ضابطی ، کیلیکیاده کی ارمنیلرله تشریک مساعی ای دن
فرانسز ضابطلری قدر کیرلنمه مش و آلچالما مشدر .

قانون ، نظام ، انتظام ، اصول ، وعدالت انجق فرانسز وارمنی
ضابطلرینک کیف ورائیندن عبارتدی .
بالخاصه بو اوچ اساسلی تشکیلات ، کیلیکیا تورکلکنی ازمک ،
قورقوتمق ، صویمق و اولدورمک ایچون جهنمی برر ما کنه حالنده
ایشلیور دی :

۱ — ارمنی انتقام آلائی وارمنی کولکلی و فدا ئیلری

۲ — تسویه مصالح قومیسینلری

۳ — ضابطه ، خفییه و جاسوس تشکیلاتی

بو اوچ شبکیمی قوران ، تنظیم ای دن قانلی بر طرزده ایشله تنده
بره مون و معنی ای دی . هیچ بر زمان فرانسزلر کیلیکیا فاجعه لرینک
مسئولیت تاریخیه سندن تبری ایده مزلر .

کیلیکانک تورک حکومتنه عائد بوتون تشکیلاتی پولیس
وژاندارمه سی انحلال ایتدی رلد کدن صو کرا صره منور صنفنه ، اشرافه
وزنکینلره کمشدی .

اولدورلسی موافق کورولمیانلر سوروله یوردی .

قوزان اشرافدن ضائم بک

سهلک زاده حسن افندی

قورد اوغلی خلوصی افندی

محفه زاده ابراهیم افندی

آووقات مصطفی افندی

و برچوق رفقاسی بوتون عائله لری و چو قتلریله برابر سورولاش
بوتون مال و ملک لری اللرندن آلتش ارمنی لره توزیع ایدلمشدر .

بر طرفدن تسویه مصالح قومیسونلری مسلمانلره عائد املاک ،

حیوانات و مواشی نی شارلاتان ویلانجی بر ، ایکی ارمنینک شهادتیه

صاحب لرندن آلوب ارمنی لره ویریور . بر ، ایکی عصر اول برارمنی

مالی اولدینی روایت ایدیلن بر تارلا ، بر باغ بو ، حکماری قابل

استیناف و تمیز اولمایان فوق القانون و فوق الحاکم قومیسونلر طرفندن

ارمنی لره تفویض اولونیوردی .

دیگر طرفندن ده فرانسز-ارمنی ضابطه و خفیه تشکیلاتی وارمنی

فدائیلری یوللرده ، قیرلرده الارینه کچیردکلری مسلمانلری جانا وارجه

بر ذوق ایله اولدی ریوردی . بو سخنده ؛ بره مون و معیتی قاتل بر آوجی ،

ارمنی لر قودورمش بر آو کویکی و هر درلو واسطه سی لندن آلتش

زواللی تورکلرده معصوم بر آو ، بر هدف ایدی .

هر کون تورکلردن سلاح آرامق بهانه سیله جزای تقدیر آلینیور،
رسمی بر عنوان و کسوه آلتنده مدهش بر شقاوت یاسیلوردی .
خاچین قضاسی مرکزینه یاریم ساعت مسافه ده اون بر یاشلرنده
ایکی تورک چوجغنی ارمنی فدائیلرینک یره یاتوروب قوزی کچی
بوغازلمقده اولدقلرینی کورده اشرافدن کوزاده اسماعیل بک نامنده کی
کنج چوجقلری قوتارمق خصوصنده کی رجا ومداخله سنک قوربان
اوله رق اوده قولاغی، برونی کسيلمک و کوزلری اویولمق صورتيله
اعدام ایدلمشدی . بوجانیلر هیچ بر صورتله تعقیباه معروض قالمیور
بالعکس فرانسزلره بر ارمنی ملی قهرمانی اولویورلردی .

قوزان تحریرات مدیری رضا بک

» محاسبه جیسی حمدی بک

خاچینک کرازیلی یورت قریه سنندن جانباز کهیا اوغلی منلا محمد

وعینی کویدن بوران اوغلی

کوریشارک قریه سنندن مرعش اوغلی

قازیقلی قریه سنندن عثمان

کبه چنار ژاندارمه قره غولی افرادندن حاجی

اقسار قریه سنندن قره حاجی اوغلی حاجی ابراهیم

کوچوکلر قریه سنندن طوپال علی ویدی یاشنده کی چوجغنی

قیزیل اوراندن چرکس

قازیقلی قریه سنندن مهاجر حسن ایله درت آرقداشی

ونک قریه سنندن طرسوسلی محمود

دوغانلی قریه سنندن دکانچی قیصریلی شکری

سرقطیندن یکیکجه لی محمد و اوغلی و آرقداشی امیر علی

داناچی قریه‌سندن خطیب اوغلی عبدالقادر

عمجه زاده‌سی اسماعیل

صاری چید قریه‌سی مختاری حلاج محمد

سپاهی قریه‌سندن حبیب و حسین و عثمان و فاطمه و دفته

قوزانلی بربر درویشک زوجه‌سی

محکمه مباشری قوزان اوغلی مصطفی

یره باقانی صبرلق مصطفی

قوزانلی بربر مصطفی درویش

طبانلی قریه‌سندن سلیمان

قوزانلی متقاعد یوز باشی حاجی محمد افندی

حاجی میرزالی قریه‌سندن ایبش

تجاردن جمال افندی

فکه‌نک بکر حاجیلی قریه‌سندن تراش علی

قوزانلی اسماعیل اوغلی بطلال

سیدلی منلا محمد

صره آفده محمد

هرکله‌جی عمر اوغلی احمد

امت چاوش

قوزانلی کورد علی‌نک درت چوجنی

دکرمنجی اوشاغی قریه‌سندن ازغین ابراهیم

طوشان تپه‌سی قریه‌سندن حسین آغا

طوسلی و حاجیلر قریه‌سندن احمد و مصطفی ایله بش آرقداشی

ودها اسملرینی ضبط و قید ایده‌مدیکم برچوق تورکلر کوزلری او یونق

و برونلری کسيلمک صورتیه شهید ایدلمشردر .

قوزان اشغالی انسانده طاغله و یوللره پارچه ، پارچه ایدیلهرک اولدورولمش یوز قرق تورک جسدی بولونمشدر .

ارمنلرک مظالمی

قوزانده فرانسز متصرف عسکریمی اولان تایاردانک ضابطه خصوصیه سی خدمتی یاپان و [اوخانس چاوش] نامیله شهرت آلان ارمنی ژاندارمه چاوشی ارمنی فدائیلریله برابر تورک کویلیرنی درلو ، درلو بهانه و تضیق لره صویویور و آلدیغی پاره لری :

— تورکلر بکا سلاخلرنی آمامقلغم ایچون رشوت و یردیلهر دیبه رک مکافاتنی آرقداشلریله آرالرنده تقسیم ایتدیریور وینه ظلم و تضیق ونهب و غارت سفینه چقیوردی .

بالخاصه خلقی ک زیاده متاثر ایدن تورک قادین و قیزلرینه واقع اولان تسلط و تجاوزدی . بو ، او قدر شنیع و رزیلانه برطرزده یاپیلیوردی که هیچ برینک حقیله تصویر ایدلمسنه امکان یوقدر .

بودنی ، سفیل و هر درلو قیدلردن ، مسئولیتلردن آزاده قودورمش جان اوارلر کبی اطرافه صالدران فدائیلر محضا تورکلری ده ا زیاده تحقیر و تعذیب اتمک ایچون مسلمان قادینلرنی تهدید و تضیق ایله و نمایشلره کلیسالرده تنصر ایتدیریوردی . بو فجایی حقیله نقل و تصویر اتمکی وقار و عزت نفس ملیمزه موافق کور میورم .

ایک مقاومت حرکتی

فکہ قضاسنک یرہ باقان قریہ سندن حسن نامندہ برینک زوجہ سنک
الندن جبراً آلہ رق او قریہ دہ فدائی قوماندانی بولنان اوسب چاوشہ
تزوینچ ایدلمسی او حوالیدہ کی مدافعہ و مقاومت حرکتی مبدئی اولدی.
حسن، شکایتلرینک مسموع اولمادیغنی کورونجه او کوزینی ساتاراق
تدارک ایتدیکی سلاخلہ اوسبہ تجاوز ایتدی. مرمی اوسبہ اصابت
ایتمہ مشدی. بو صورتلہ طاعہ چیقان حسن، ظلمدیده تورکلردن
درحال برچتہ تشکیل ایتدی. و مقابل حرکتہ ظلمک و تضیقک
غایت طبیعی بر نتیجہ سی اولہ رق کندینی کوستردی.

بن آرتق مجادلہ یی فعلاً باشلامش تعلق ایدیوردم.
هر نہ اولورسہ اولسون آرتق فعالیتہ کچمک زمانی کلشدی.
بوتون اہالینک کنجملرک، اختیارلرک، قادیلرک و چوجقلرک روحنده
یکی بر آتش یانمغہ باشلامشدی:

— اولہ جکسہ ک بیلہ ناموس و شرف نزلہ اولہ لم!
بو بر مجادلہ فکری و عزمی ایدی کہ بونی فعلہ قلب ایتک لازمدی.
قوزانک حمیتلی کنجملرندن: علی شادی بک [قوزان مبعوثی]
حسین افندی [قوزان مبعوث سابق]

یاریم زاده احمد افندی
بیطر مفتشی مظفر بک [آنقرہ دہ بیطر مدیر عمومیلکی امراض

ساریه شعبه سی مدیری [دن مرکب و فوق العاده خفی اوله رق تشکیل
ایتدی کمز :

« انتخاب جمعیتی »

خلقك مقاومت و خلاص آرزوسنك ساحه حقیقه انقلاب ایده جك
بر باشلانغیجی اولدی . جمعیت غایت ایی دوشونیلمش و ایی ترتیب
ایدلمش بر پروغرام داخلنده فعالیتته باشلادی . دورغون بر صویه
آتیلمش بر طاش کبی کیتدکجه بویومك صورتیه کیزلی بر موجودیت
اكتساب ایتدی . بالخاصه بنم ، نظر دقتی جلب ایتمامکلم ایجاب
ایدیوردی . بوتون ارمنی نظرلری بکا متوجه ایدی و بعضاً تحمل
ایده میور کندیمی اونودویور ، جوشقونقلر و طاشقینقلرده بولونیوردیم .
کوچوک بر احتیاطسزلق بوتون مساعیمزی زیر وزبر ایده بیلیردی .
کویلولر ، دوچار اولدقلری شدید ظلملره ، تعقیبلره و تضییقلره رغماً
فدا کارلقدن کری طور میور ، چکینمیورلردی .

تورک کویلوسنك اصیل روحنی ، نه عصرلرک سیئات اداره سی
ونه ده استیلا بوزایلمشدی . او ، بوملکتک حقیقی ولی نعمتی
و حامیسی هر زمانکی کبی ینه عالیجناب ایدی .

او مهالك آراسنده تشکیلات یاقمق اوزره بندن مظاهرت طلب
ایدن سعدالدین بکک [بالآخره قره عیسالو قائممقامی اولدی] قوزانده
قالمسنی موافق بولمادیغمدن کندیسنی صاری بانغچه لی روم ایلی مهاجرلرندن

علی عثمان اوغلی احمد آغانک نزدینه کوندرمشدم . احمد آغا هر درلو فداکارلغی کوزه آلدیره رق قبول ایتدی و جدأ حمیتلی برتورک اولان بو احمد آغا بالا آخره قوزان حوالیسنده کی خدماتیله بحق قلبنک نجابتنی کوستر مشدر .

یره باقانی حسنک ترتیب ایتدیکی چته یکر می کشیلک اولمش و کیتدکجه ده قوتلنمکده ایدی .

بوچته قوزان-خاچین جاده سی اوزرنده پوزات کدیکنده ارمنی ضابطلرندن میساق ایله درت ارمنی فدائیسنی پوصویه دوشوره رک قتل ایتدی . فرانسزلر و ارمنیلر بووقعه قارشیسنده شاشیرمش اولمغله برابر بوتون شاشیرمش ظالملرک یایدیغی کبی مدهش جنایتلرله موقعلرینی برآزدها دوشوردیلر . چته نی اله کچیره مدکلرندن محل وقعه یه یقین اولان پوزات تورک کوینی کاملاً یاقدیلر . اهالینک بوتون اشیا و حیوانلرینی ضبط و یاغما ایتدکلری کبی کویک مختاری حمزه ایله قارداشی موسایی قوزانده حکومت اوکنده و موقوف بولنان آنالرینک ، بابالرینک کوزلری اوکنده بلاحاکمه اعدام ایتدیلر .

بومظالم تورک مقابل حرکاتی تشویق ایدیوردی و جمعیتمزک مساعیسنی تسهیله وسیله اولویوردی .

جمعیتمز تورکلردن هیچ بر اهانت و خیانته معروض قالمیور ، بالعکس جمعیتمزه داخل اولسون اولماسون فعالیتمزی حس ایدنلردن دائمآ مظهر معاونت اولویوردق . قوزان اهالینسناک مظلم واکامیدسز کونلرده کوستردیکی حمیت و وطنپرورلکی دائماً لسان تقدیر و شکران ایله یاد ایدرم جمعیت مقصدینه موفق اوله بیلیمک ایچون قوزانده یکانه

حاکم اولان فرانسز متصرف عسکریسی تاپاروایی الده ایتمکی برامل
مخصوص تلقی ایتمشدی .

بونک ایچون ده ایلك یاییله جق ایش تاپاروانک ترجمانی اولان
ارمنی [بالیان] ک مأموریتته نهایت ویردیرمک و اونک یرینه جمعیتمزه
منسوب لسان آشنا برینی تاپاروایه ترجمان اوله رق ویرمک .

جمعیت ، بومقصدینه وصول ایچون بویوک مشکلاته معروض
قالمادی . ترجمان [بالیان] ک فضایی حددن افزون ایدی .

تاپارواده اوندن بکله دیکی استفاده بی تأمین ایتمش و ارتق کنیدیسی
ایچون ده لزومسز بریوک و یوز قاراسی و دیدی قودی منبعی اولمشدی .
ترجمان بالیانک علیهنده معین و منتظم یاییلان پروپاغاندا نتیجه سی
تاپاروا ترجمانه یول ویردی و جمعیتمزک هیئت مرکزیه سی اعضاسیندن
بیطر مظفر بک تاپاروایه ترجمان اولدی .

موندروس متارکه نامه سنک معدلی

بوصر ده ، موندروس متارکه نامه سنک عقدینی متعاقب جنرال
النبی ایله استانبول حکومتی آراسنده عقد ایدیلن و اوزمانه قدر استانبول
حکومتی طرفندن هیچ بر طرفه رسماً تبلیغ ایدلمه مش اولان ایکنجی
بر متارکه نامه داماد فرید حکومتک داخله ناظری اولان عادل بک
طرفندن تعمیم ایدلدی .

بو ایکنجی متارکه نامه جنرال آلنبی طرفندن وقتیه جنوب

منطقه سنده نشر ایدلیدیکی زمان عثمانلی حکومتی مأمور لرندن بر قسیمی بونی، کندیلرینه استانبولدن تبلیغ ایدلیدیکی اچون قبول اتمه مک ایسته مشلرمش، بود فعه استانبولدن رسماً تبلیغی استانبول حکومتک [داماد فرید] ضمیرینی، ماهیت و اهانتی کتم ایتمکه لزوم کورم دیکنی و دشمنلرله علناً تشریک مساعی ایتمکه اولدیغنی آ کلاتیوردی . دیمک اولویوردی که ارتق استانبولده بر تورک حکومتی یوقدی . بو مشوم وثیقه تاریخیه یی عیناً درج ایدیورم :

۱ — آلتنجی اردو قوماندانی علی احسان پاشا تحویل مکان ایده جکدر .

۲ — آلتنجی اردو ترک سلاح ایده جک طوپ، میترالیوز و اسلحه سی تعیین ایدیه جک بر محله مصر قوه سفریه سنه تسلیم ایده جکدر .

۳ — طرفزدن امر ایدلیدیکی زمان اهالینک اسلحه سی آله جقدر .
۴ — قونترولمز تحنده بولنان منطقه ده کی تورک ژاندارمه افرا دی طرفزدن لزوم سز کورولدیکی وقت ترخیص ایدیه چک و اسلحه سی آله جقدر . قونترولمز تحنده بولنان ژاندارمه لری ترخیص ایدیلنجیه قدر مصر قوه سفریه سنک او امرینه تابع اوله جقدر .

۵ — ارتکابی تبین ایدن تورک مأمور لری مصر قوه سفریه سی طرفدن تحویل مکان ایتدیر یله جکدر . بو مأمور لریک یرینه تعیین اولنه جق مأمورینک اسامیسی تصدیق ایدمک اوزره مصر قوه سفریه سی قوماندانلغنه تودیع ایدیه جکدر .

۶ — بالعموم ارمیلر ارزو ایدلیدیکی وقت مصر قوه سفریه سی

مملکتلرینه اعاده ایدیه جکدر . خانه ، اراضی و املاک لری در حال کندیلرینه اعاده اولنه جکدر . ارمیلرک املاکنه یاسیلان ضرر وزیانی تقدیر ایتک ایچون ایجاب ایدن محلی زیارته کیده جک اولان ضابطانه تسهیلات عظیمه کوستریله جکدر .

۷ — جرم ایقاع ایدن اشخاص توقیف ایدیه جکدر . آسایش و استراحت عمومیه یی اخلال ایتسندن شبهه ایدیلان اشخاص توقیف ایدیه جکدر .

۸ — مصر قوه سفریه سی قونیه نک شمر قنده کی بالعموم شمندوفر خطوطنی قونترول ایده جکدر .

۹ — مصر قوه سفریه سی بالعموم تلغراف و تلفون مخابراتی قونترول ایده جکدر . هیچ بر تور کجه شفرملی تلغراف قبول ایدیه جکدر .

۱۰ — مصر قوه سفریه سی ترخیص ایدیلن آلتنجی اردو افرادی بدایتده هفته ده طقوز یوز نفر اولمق اوزره مملکتلرینه اعاده ایتدیره جکدر .
۱۱ — تورک حکومتی بزدن فرار ایدن هندلی ویا دیکر افرادی بزه تسلیم ایده جکدر .

۱۲ — معلوم اولمیدرکه ؛ مصر قوه سفریه سی ارزو ایتدیکی محلی اشغال ایده بیلیر .

اخطار : سکرنجی ماده ده کی قونترول کله سنک معناسی :

مصر قوه سفریه سی ایستدیکی طرزده و ایستدیکی زمانده بغداد خطیله کرک عسکری و کرک ملکی نقلیات یاپدیرمغه صلاحیتدار اوله جنی کبی هر جنس امتعه یی هر زمان نقل ایتمکدن بغداد خطنه

ممانعت ایتمک صلاحیتی دخی حائز اوله جقدر . بو شرطر ، مصر
قوهٔ سفریه سنک باش قوماندانغی طرفندن درسعادتده بولنان تورک
حکومتیه بالمقابله یاپیلان شرائطدر .

بونک بلا ایجاب بر مدت صوکر ا استانبول حکومتی طرفندن
رسماً تبلیغه لزوم حاصل اولسی شایان دقتدی . بونی نشره سائق
عجبا نه ایدی ؟
عثمانلی حکومتی مأمورلرینک مطاوعتی تأمینمی ؟

فرانس ضابطاری

بوتون فرانس ضابطاری کبی تاپارواده کیلیکیاده کی فرانسز
اداره سنک چور و کلکنی و دوامسنلغنی کوریور ، تورکلرک اقوام
ابتدائیہ کبی جبر ایله ، قورقو ایله ، تهدید ایله اسارته آله مایه جغنی
آکلیوردی و بناءً علیه وضعیتی اداره ایتمکده و جر منفعت ایلمکدن
باشقه برامل بسله میوردی . تاپاروایی الدهه ایتمک جمعیتیزی یاری یاری به
موفق ایتمک دیمکدی . اک زیاده قوزانده ارمنیلرک کوزینه بن باتیوردم .
قاچ دفعه لر بنی ده تبعیدایتدی ر مک ایستدی لر سه ده موفق اوله مامشاردی .
تعقیب و تضیقه دوچار ایدلر دیکم واستجواب اولندیغ زمانلر :

— بن رواندیزیلم . مملکتیم انکلیز اشغالی آلتنده . صلح اولوب
وضعیت توضح ایتمه دیکه رواندیزه کیده مم . استانبوله و باشقه بریره

کیدرسم بنی قبول ایتمزلر . بنده سزه برفسالق ایده جک دکلم . بن علی العاده بر خاق کبی بوراده قاله جغم .

دیوردم . رواندیزی اولمقلغم فرانسزلر نظرنده تورک تابعیتدن چیقمش بولندیغمی ورواندیز اهاالیسنک تورک دکل کورد اولدیغی ذهابنی حاصل ایتمکده ایدی . [۱]

جمیتمزک تشکیلات وفعالیتی ایلریلیوردی . هر کس وضعیتک جاعتنی کورووور ، آرامزده کی تساند کیتدجه قوتلنیوردی .

بدایتدنبری ملی مقاومت و مجادلهیه طرفدار اولوب بالآخره فوقالعاده فداکارلقلر کوسترنن ذواتک اسملرینی کمال حرمتله ذکر ایتمدن کچه میه جکم .

قوزانده :

صائم بک [۲]

یاریم زاده احمد افندی

» سهلک زاده حسن

» قورد اوغلی خلوصی

» مفتی زاده احمد جودت

» یکن زاده احمد وخلیل

» آچهلی زاده کامل

[۱] دشمنلر دایما بو تورک - کورد ذهابنده آلدانه جقلردر . هیچ بیلیمورلرکه تورک ملتی ؛ تورکار و کوردلردن متشکل غیر قابل تفریق بر جامعه ملیه در .

[۲] بالآخره حرکات ملیه اثناسنده شهید اولشدر . مکتب حقوقدن

ماذون حیلتی وفداکار برکنج ایدی .

علی کهیا زاده حقی آغا و برادر لری یوسف آغا و عکاش [۱] افندیلر

حاجی حسن آغا زاده شا کر و احمد افندیلر

فکهلی جزمی بک

شریف افندی

قارصده :

مفتی زاده حازم افندی

نوری چاوش

توفیق آغا

معلم راسم افندی

حاجی موسی زاده لردن جوشقون توفیق بک و قرداشلری

صونباس آغالرندن محمد بک ، یعقوب افندی ، مرشد افندی ،

داود افندی ، منلا مصطفی

محرم بک زاده حاجی و دوردی بک

چوقاقلی احمد پاشا

حاجی ایده م افندی و فائق افندی

محمد فکری افندی

اوه رکلی قنبرلی زاده عثمان افندی و برادی شکری افندی [۲]

چوشقون عثمان بک

خاچینده :

[۱] بو ذاتده بالآخره حرکات ملیه ائناسنده شهید اولمشدر .

[۲] بو نجیب یوره کلی ذاتده حرکات ملیه ائناسنده شهید اولمشدر .

مفتی زاده عزت افندی [۱]

آرسلان بك

ودها اسملرینی تحظر ایده مدیکم قوزانده اویله حمیتلی ونجیب
انسانلرله محاط ایدم که ؛ یوزلرجه سنه لر صو کرا کیلیکیاده یاشایه جق
بونلرک اولاد و احفادی بو قهرمان بابالرینک فدا کاراغیله افتخار
ایده بیلیرلر .

ایک فخر ص سمدی

قوزان متصرفی اولان و جمعیتیزک تشکیلات و فعالیتدن معلوماتدار
بولونان احسان بك [تکفور طاغی والیسی] بیلم نره دن الله کچیرمش
بکا ۲۰ تموز ۳۵ تاریخی ارضرومدن یازلمش « مصطفی کمال » امضالی
بر بیاننامه ویردی . بو بیاننامه ایکی آی اول یازلمشدی . بیاننامه یی
اوقونجه دلی کبی اولدم . سو یجمدن نه یاپه جغمی بیلمیوردم .
— اوخ یاربی آرتق قورتولویوروز دییه باغیردم .

مصطفی کمال پاشایی طرابلس غرب حربنده درنده بولندیغم
زمان طانیشم . چولده او ، یوقسزلق ایچنده اونک متین شخصیته
بکا منتظم براردودن زیاده امنیبخش اولمشدی . اون بش سنه لک

[۱] عزت افندی بی برادری حافظ افندی ایله برلکده تاپاروا قوزانه
کتیرته رک حبس ایتمیرمشدی . طفوز آی غیر قابل تصویر اشکنجه یه معروض
قالدق لری حالده تخلیه لری ایچون تاپاروانک بالواسطه ایستدیکی پاره یی عزت افندی
ویرمامک خصوصنده قیرلماز برعناد وثبات کوسترمشدر .

وقایع ایچنده ، بو وقایعک لدنیاتنه و کنهنه واقف اولانلرجه بو بیوک هویت هر ضابطک قلبنده : استقبالك قهرمانی ایدی .

حرب عمومیده آنافارطه لرده وطنی ، استانبولی ، چناق قلعه یی او ، قورتارمش و برنجی اردو قوماندانی اوله رق حلبه کلدیکی زمانده قبلریمزه اونک اسمنک تأثیریه صانکه بر ظفر و موفقیت کونشی طوغمشدی . دیمک ، پاشا بزم خبریمز اولمان آیلردنبری چالشیوردی .

۲۰ تموز ۳۵ تاریخلی اولان بوبیاننامه ۱۸ ایلول سنه ۳۵ تاریخنده بزم الخیزه کچمشدی وشبهه سزدها برچوق شیلر اولمشدی .

انتباه جمعیتک سرورینه پایان یوقدی . شیمدی جمعیتمز ایچون ارضرومله ، پاشا ایله ارتباط حاصل ایتمک ییکی برغایه اولدی .

بیاننامه کیزلی ، کیزلی الدن اله دولاشیوردی بیاننامه ده پاشا : « آمال ملیه یه خادم بر فردصقتیله ملتله برلکده چالیشمق اوزره عسکرلکدن استعفا مجبوریتنده قالدیغنی » بیلدیرییوردی .

آیلردنبری هر درلو مواصله و مخابردن محروم اولدیغمز ایچون ولایت خارجنده کی تشببات و فعالیتدن خبردار اوله میوردق .

آراصیرا ، استانبولدن کلن بعض غزته لرده انسانه امید ویره جک ماهیتده دکلدی « ماندا » وحامی بردولت ترجیح و انتخابیه مشغول اولویورلردی . بونلر دولت حامیه نکه نه دیمک اولدیغنی کلوب کیلیکیاده کورملی ایدیلر ! ..

آوروپالیلر ایچنده اک چوق سودیکمز ، انسانیتک ، مدنیتک ، حریتک حامیسی وسرافرازی عدایتدیکمز فرانسزلر بویله اولورسه ..

سنه لردنبری آلساس - لوردهن ایچون آغلایان فرانسه ، بوراده

ایکنجی بر آلمانیا کیلیمش یکی، یکی آلساس - لوره نلر ایجاد ایدیوردی .
هر حالده آرتق فرانسزلرله وبالخاصه وجدانی قرارمش ارمنیلرله مجادله یه
باشلامق زمانی کلیوردی .

مصطفی کمال پاشانک بو کوچوک بیاننامه سی ، بزم ایچون جلدلرله
اثر دن دها مفصل ، دها بلیغ ایدی .

بو ، اوزاقلردن کلن سس ؛ برفرمان قیام بر مژده رها ایدی .
دیمک تورک ملتی یکی بردور تاریخی آچق ایچون دمیر کورسنی ، چلیک
قالقاتنی انه آلمش یکی بر بوز قوردک آرقه سندن خلاصه دوغرو
یورویوردی .

بیلم که بو سکیز اون کلمه ده نه سخر واردی . هراوقویانک
روحنه طلسملی بر امید خلاص نفخ ایدیوردی .

هله بزم ایچون مصطفی کمال پاشانی اولدن طائیش اولمق نهایتسز بر
قوت و امید منبعی ایدی . هر حالده ارضرومله مخابره ایتمک بوراده کی
وضعیتسز ، تشکیلاتسز آکلاتمق توحید حرکت و تأسیس ارتباط
ایلمک لازمدی . بو مقصدک حصولی ایچون فیکه قضاسنی موافق بولدم .
فیکه دن وجوارندن ارضرومله مخابره ممکندی .

بو مقصدک تأمین حصولی ایچون فیکه بلدییه رئیس جزمی بکله
کوروشدم . کندیسنی طانیورددم . حمیتلی برذات ایدی . قوزانده کی
فعالیتسزدن ، انتباه جمعیتک تشکلندن و مساعیسندن بحث ایتدم .
در حال تشریک مساعی نی قبول و هر درلو فداکارلغه آماده اولدیغنی
بیان ایتدی . دوهلی قائممقامی غاطف بکله [قیصری مبعوث سابق
و ایوم قیر شهر والیدسیر] کیزلی اوله رق مخابره یه باشلادق :

نهایت بنم بالذات دوهلی قضاسنه کچهرک قوای ملیه تشکیلاتنه مأموراً
اورایه گلش اولان ذوات ایله کوروشمکلکم تقرر ایتدی .
واسطه مخابره اولان جزمی بکدن آلدیغ « مستعجل » اشارتلی
برمکتوبده « قوای ملیه تشکیلاتنه مأمور ذواتک بنمله کوروشمک اوزرد
انتظارده بولوندقلری » بیلدیریلیوردی .

مصطفی کمال پاشانک ارضرومدن سیواسه کلدیکی شایع اولمشدی .
عزیزیه و دوهلی حوالیسنده قوای ملیه تشکیلاتی علائمی حس ایدلیدیکی
بر زمانده بنم فکه قضاسنه کیتمک ایسته مکلمک فرانسزلرک پک زیاده
نظر دقتی جلب ایتدی . فقط ، منع ایتمکی ده موافق بولمداقارندن فرانسز
ملازمی [سوئی] نک بکا رفاقت ایتسنی تکلیف ایتدیلر . قبول ایتدم .
جمعیت مزاعضاسندن مظفر بکده ترجمان اوله رق بزه ترفیق
ایدلدی . قوزاندن حرکت مزی تلغرافله جزمی بکه و فکه قائممقامی
شرف بکه بیلدیردم . [شرف بکده بوسیاحت ائناسنده جمعیت مزه
داخل اولدی] . یولده ملازم [سوئی] ایله کوروشورکن بوتون
آمال و تصوراتنه واقف اولمشدم . بو آدمک یکانه املی اون بیک لیرا
یاپارسه فرانسه یه عودتنده استقبالی تأمین ایدیه بیله جکنی تصور ایدیوردی .
و بو پاره بی آنجق تجارت یاپارق قازانمق املنده اولدیغنی سویلیوردی .
— هیچ مراق ایتمه ییکمز ! بن سزه دها فضله سنی تأمین ایدرم .
جزمی بک زنکین و تجارتله مشغولدر . و بنم عزیز دوستمدر .
هیچ کیمسه ده خبردار اولماز برلکده تجارت یاپارسکنز ! دیدم ممنون
اولدی .

جزمی و شرف بکلر قوزاندن حرکت مزی خبر آنجه بزه ملاقی

اولق اوزره « این دره سنه » ککشر ، اوراده کوروشدک .
 جزمی بکله [سوبی] یی طانیشدیردم . وهرایکیسنی ده محرمانه
 کوروشدیردم . هفته ده اوچیوز لیرا تأمین ایتک اوزره سوبی جزمی بکه
 بشیوز لیرا ویردی . و [سوبی] آرتق قازانه جنی اون بیک لیرانک
 نشه خیالیله بزه دوست اولمشدی . مخیل اون بیک لیرا ، [سوبی] یی
 تورک طرفداری یادی . آرتق بزم فضائلمزى سویلیور ، بالخاصه
 بزه محبتی آ کلامش اولق ایچون ارمیلرک یالانچیلغندن ، حیله کار-
 لغندن بحث ایدیوردی . آرتق [سوبی] نک زهرلی دیشلری سوکولمش
 دیمکدی . این دره سندن حرکتله [عائشه پیکار] کوینه کلدک ، قلم
 بونیوک براشتیاقله چارپیوردی .

عائشه پیکاردن دوهلی بهش ساعتدر . قوای ملیه هیئتک دوهلیدن فراقین
 کوینه کلدکلری خبرینی آلدق . آرمزده ایی ساعت قدر برمسافه واردی .

ایک ارتباط

آقشام ییمکینی متعاقب [سوبی] او طه سنه چکیلنجه هان جزمی
 بکله برابر یامتزه برسواری آلهرق فراقین قریه سنه کیتدک .
 قراقین ده دوهلی قائممقامی عاطف بک وقوای ملیه تشکیلاتنه
 مأمور طوفان بک [عسکری قائممقاملرندن عثمان نوری بک] [۱]

[۱] طوفان بک بالآخره بک چوق فداکارقلر یاپمش و طوفان بک
 حاجینده کی مجروحیتی اوزرینه او حوالی قوای ملیه سنک امر وقوماندا سنی
 درعهده ایدرک حاجین عائله سنی اورته دن قالدیرمش قیمتلی قوماندانلریمزدندر .

قنزیلی زاده عثمان وقوزاندن فرانسزلر طرفندن تبعید ایدیلن دعوی وکیلی مصطفی افندیلر بزه منتظر ایدیلر .

ملاقائمز پک صیمی اولدی . بوفداکار وعزمکار آرقداشلیری او قدر متین و چلیک روحلی کوردم که بن قوزان احوالی کیلیکیا خایغنی آ کلاتدم ، انتباه جمعیتک کیزی فعالیتنی ، امیدلرینی ، امللرینی سویلدم ، اونلرده کیلیکیا خارچنده کی بویوک ، معظم تشکیلات و تشبثاته ، سیاست عمومیه یه و هیئت تمثیلیه نك مقررآتیه دائر بزلی تنویر ایتدیلر .

او کیجه حیاتمک اک مسعود کیجه لرندن بری ایدی . بالخاصه طوفان بکک عسکر اولسی و عینی منبعدن یتشمش بولمقلغمز بنی اوکا دهها زیاده بقرب ایتدی .

ملاقائمز تام بر ائتلاف دائره سنده نتیجه لندی . نه لر یاپاجغمزی تشکیلاتک خطوط اساسیه سنی ، شکل و طرزینی ومخابره مزک صورت اجراسنی قرارلاشدیردق .

قوزانده کی انتباه جمعیتی او کیجه دن اعتباراً مدافعه حقوق جمعیتی عنوانی اکتساب ایتدی . ساعتلر بر دقیقه قیصه لغیبه کچمش صباح اولویوردی . کوکلم هیچ عودت ایتک ایسته مییوردی . بوراده تنفس ایدیلن هوا قوزانده یوقدی ، اوراده قان قوقان اسارت هوا سنه مقابل بوراده پاک ، تمیز ، پارلاق بر هوای حریت واردی . قوزان حیاته ارتق حساً تحمل ایدمه جک بر حاله کلمشدم .

فقط ، عودتم ، بودفعه بروظیفه حالنده آیروجه ضرورت کسب ایتشدی . آیرلدق ، فقط بو ملاقائمز شایع اولور . وقتسز و لزومسز بر تعقیبه معروض قالیرز ملاحظه سیله فرانسز ملازمی سوونی ایله

قوای ملیه هیئتک همان او کون کوروشمسنی قرارلاشد یردق .
بو صورتله بزم بو محرم ملاقاتمزرده شایع اولسه بیله تاویلی قابل
اوله جقدی . عائشه پیکاره عودتمزی متعاقب عاطف بکدن سوئی به
ملاقات طلبنی حاوی بر مکتوب کلدی . مکتوبده فراقین کوروسنده
کندیسنی بکله مکده اولدق لری مندرجدی .

سوئی بدایه کوروشمک خصوصنده تردد ایتدی . فقط . بزم
ماهرانه اداره لسان ایله کوروشمسنی تشویق ایتمکلمز اوزرینه
موافقت ایتدی . و کندیسنی ایچون بو ملاقت ، یازاجغی راپورنده
موفقتیلی بر فصل تشکیل ایدردی .

بو دفعهده سوئی ایله برابر فراقین کوروسنه کیتدک .
ترجمان مظفر بک ، مناسب فرصت و وسیله لردن استفاده ایدرهک
قوای ملیه نك عزمندن و تشکیلاتک پک وسعتلی اولمسی و بوتون
آسیا اقوامنه شامل بولمسی احتمالندن بحث ایدیور ، بو ، مادیتپرست
فرانسزک کوزینه عدد و ارقام بیغیوردی .

جزمی بکدن آله جق اون بیک لیراده سوئی به آلتوندن بریولار
اولمشدی .

فراقین کوروسنده کوروشولدی . طرفین یکدیگرینه تقدیم
اولندی . سوئی بر قلیشه حالنده بولنان و جنرال غورونک بیروته
کله جکندن و کیلیکیانک فرانسز طوپراغی عد اولنه جغندن باحث
بیاناتی عاطف بکه تکرار ایتدی .

عاطف بکده : فرانسه نك کیلیکیایی فرانسه طوپراغی عد ایتمه
هیچ بر زمان حق اولدیغنی و هنوز تورک صلیحی اساسلرینک تقرر

ایتماش بولدیغنی وتورك اولدیغنی بدیهی وآشکار اولان بر مملکت
ایچون فرانسزلرک اصرارده بولمیه جقلرینه امین اولدیغنی بیلدیردی .
عاطف بک سوبی نك بیاناتی شدت ومثانتله ردایدیوردی . صورت
ترتیندن تماماً غافل اولدیغنی بو مرتب صحنهده سوبی اولیله سفیل
و بجرکسز بر غاصب وضعیتده ایدی که بو متجاوز و شرفسز ضابطی
طوقاتلاماق ایچون جبر نفس ایدیوردم .
اساساً ملاقاتک ترتیندن انتظار اولنان مقصد حاصل اولمشدی .
عودت ایتدک و حاجینه متوجهاً یولوزه دوام ایلدک .

مغاره ناهیه سنده

اهالیسی عمومیتله تورک اولان مغاره ناحیه سنک یوزه قریب
کوینک مختار وهیئت اختیاریه سی قیارجق قریه سنده بزه بر رسم
استقبال حاضرلامشردی . سوبی بومراسمه قارشى اظهار حیرت
ایتدی . تورکلرک فرانسزلره قارشى بویله برنمایش ترتیب ایتملری
غیرواقع ایدی .

سائق و سینی آکلایاراق ممنون اولمشدی . سوبی مستقبلین
وهیئت اختیاریه لرله کوروشمک ایستدی و بونلره قارشى ده معهود
قلیشه یی تکرار او قودى و آرتق کندیلرینی فرانسز تبعه سی ، بویوک
ومعظم بردولتک نائل حمایه سی اولمش بختیار انسانلر (!) عد ایتملرینی
سویلدی . نطقنی مظفر بک ترجمه ایدیوردی .

بمده بوسوزلری تأیید ایده جک ماهیتده بعض شیلر سویلکلکم موافق اولاجغندن بختله، بوتون هجران واضطراباتمزی تشریح ایتدم. یاپیلان مظالمی و بوندن قورتولوق ایچون، حاضر لانتق و سلاح لانتق لازم کلدیکینی و بوقارا کونلرک برکون اولوب زائل اوله جغنی آچقدن آچغه سویلدم. بالطبع سویلدکلریمی سوبی آکلامیوردی.

بعض سیکیرلرینه حاکم اوله مایان و مظالمک فجاعتنی دهاز یاده حس ایتمش اولان سامعینک آغلاملری سوبی نک نظر دقتنی جلب ایتمش اولدیغندن نه سویلدیکیمی مظفر بکدن استیضاح ایتدی.

مظفر بکده : عثمانلی حکومتک نزی فائده سز بر حربه صوقوب محو ایتدیکندن و اولاد لری میز و قارداش لری میزک باطل و غیر قابل استحصال بر دعوی اوغرنده اولدکلرندن بحث ایدیور، آعالایانلرده چوجقلری و قارداش لری حربده شهید اولانلردر « دیدی.

مظفر بک تر جانلق رولنی جدا پک کوزل ایفا ایدیوردی . کرک اون بیک لیرانک تأمیننه توسط ایتدیکمندن و کر کسه علناً کویا خلقی فرانسزلره اماله ایچون سوز سویلدیکمندن دولایی سوبینک بکا مربوطیت و محبتی تزاید ایتدی. بونی، هر حالی، طوری و طرز معامله سی کوستریوردی .

اورادن خاچینه کیتدک. خاچینه اون بیک قدر ارمنی طوبولانمشدی. ارمنیلر سوبی نی آلهرق ارمنی مکتبته کوتوردیلر. بالا آخره مظفر بکه بنی ده دعوت ایتدیله . مکتبده ایکیوزدن فضله ارمنی کنجی واردی . سوبی نک بیاناتی دیکله مک آرزوسنی کوستردیلر .

سوبی بر معتاد عینی قلیشه یی اوراده ده تکرار ایتدی . کیلیکیانک

فرانسزطوپراغی عدایدیلہ جکسندن باحث فقرہ یہ کلنجہ ارمنی کنجلیری
الترینی ماصہ لره اورارق :

— کیلیکیا ارمنستاندر ! دیدیلر .

سوبی پک متأثر اولدی، مقابله ایتمه دی. بن بومنظره قارشیسندہ
سوبی بی بر آوجی، ارمنی کنجلیری ده بو آوجینک او کوپکلری
ماہیتندہ کور یوردم . هیچ شہہ سزدر کہ او سفرہ سندہ کوپکلرک
موقعی اوله مازدی. بو کنجلر آکلا میور لردی کہ، خیانتله، جاسوسلقه
دنائتله و باشقه لرینک ظلم واستیلاسنه آلت اولمقله برملت نه قور توله بیلور
ونہ ده یوکسله بیلور ...

هرملت آنجق کندی وارلغنه، قابلیتہ، کندی تاریخہ، کندی
عزمی و فدا کارلغنه باصارق یوکسله بیلور . حالبوکہ ارمنیلر بین الملک
جاسوسلغی و غیر وجدانی خدمتلیری تحت انحصارہ آلمش بروضعیتده
ایدیلر . مملکت مزده کی ارمنی مسئله سی بر ارمنی مسئله سی اولمقدن
زیاده بر آوروپا مسئله سیدی .

خاچیندن سوبی ایله برابر ممنونیتله و قوزانده نبی قارشیلایاجق
فلا کتدن تمامیلہ بی خبر اوله رق قوزانه عودت ایتم .

ناما مول برهادہ

دها آتمدن اینر اینمز ایکی مسلح ارمنی فدائیسنی بکا منتظر بولدم
— تا پاروانک نزدیکه کیده جکسز ! دیدیلر .

بو معامله بنم ایچون او قدر غیر منتظر ایدی که
— نه ایچون؟ دیدم. سرت و خشین بر چهره ایله :
— بیلیمورز دییه جواب ویردیله .
مقاومت اتمک معناسزدی . تاپاروانک نزدینه کیتدم . آثار تأثر
و هیجان کوسترمیورددم .
تاپاروا بنی پک صوئوق بر طرزده قبول ایتدی .
هنوز اوزون بریولدن گلش اولمقلغم حسیلله برای نزا کت معتاد
اولان مصافحه یه بیله لزوم کورمه دن سوزده باشلادی :
— سزک کالیست اولدیغکزه و اهالی بی تحریک و تشویق ایتدی ککزه
دائر المیزده مسلمانلر طرفندن ویرلمش و نائق موجوددر .
حقکزده تحقیقات اجرا ایدیورز . تحقیقات نتیجه سنه قدر تحت
توقیف و نظارتده بولنمکزه بره مونک امری اقتضاسنددر . دیدی
و علاوه ایتدی . حقکزده کی توجه مخصوصمک اثری اوله رق سزی
توقیفخانه یه کوندر میه حکم او یکزدن دیشاری چیقیمیه جقسکزه . سزی
او یکزده تحت نظارتده آلدیره جم .
برشی سویله مه دن چیقدم . کندیمی مدافعه یه بیله لزوم کورمدم .
قوزانه بودفعه نه بویوک املرله گلشدم .
حقمده شکایتده بولنان تورکلر کیم اولابیلردی ؟ اولجه انتباه
جمعیتی طرفندن مصنع شکایتلر یاپدیرلمشدی . بوندن مقصوده فرانسزلرک
بکا قارشی اولان امنیتنی ترصین و تقویه ایدی .
فقط بودفعه کی شکایتدن خبرم اولمادیغی کبی کیملرک طرفندن
یاپیلدیغی ده تعیین ایده میورددم . هر حالده تورکلرک بنم حقمده شکایتده

بولنلرینه امکان یوقدی . مطلقا بوده برارمنی خدعه و دسیسه‌سی
اوله جقدی . اساساً فضله تعمیقه‌ده حاجت یوقدی . تشکیلات تعضو
ایتدکجه ایرکیچ ناصیل اولسه میدانه چیقاجق دکلی ایدم . فقط بنم
ایچون قوزانده یاپیله جق دها برچوق ایشلر واردی . اصل جانلی
وروحلی فعالیتیم بوندن صوکر ا باشلا یاجقدی .

مدافعۀ حقوق تشکیلاتنی اکمال ایتمک بودفعه کی سیاحتمدن برابر
کتیردیکم اک مقدس امل ایدی . موقوفیتیم بوتون بومقصدلریمه حائل
اولویوردی . شاید قرانسزلر وارمنیلر تشکیلاتمزه ، بنم فعالیت خفیه‌مه
وقوای ملیه ایله تأسیس ارتباط ایتدیکمه واقف اولدیلر سه هر حالده
قولای قولای قورتوله مزدوم . بنم ایچون شمدی برچارۀ خلاص
قالیوردی : فرار !.. هر زمانکی کبی نفسمه چوق اعتماد واردی .
ومادام که اویمده خفیف بر صورتده تحت توقیف ونظارته‌یم .
قاجابیلیردم دییه دوشونویوردم . اوکیجه رفیقه‌مله بوتون احتماللری ،
بو وضعیت قارشیسینده نه یایمقلغمز لازم کله جکنی اوزون ، اوزون
تدقیق و محاکمه ایتدک ، قونوشدق . معروض قالدیغمز حال ، استخفافه
مساعد دکلدی .

رفیقه‌م ، بوتون افعال و حرکات و تشبثاتمده بکا محرم و شریک ایدی .
وظیفه اوغرنده آلدیغم یاره‌لری او ، اللریله صارمش ، بالخاصه دیرزور
رجعتنده چوق صقتیلر چکمش ونهایت قوزانده بزى آتشدن نچه‌سنه
آلان دشمن استیلا سندن چوق متأثر اولمشدی . زواللی قادین ! بن
دائما اوکا وسیله اضطراب اولویوردم .

بو دفعه برچارۀ خلاص اوله‌رق بولدیغمز فرار تشبثنه اونک

اشتراک آن امکان یوقدی . شمیدی بش یاشنده بولونان اوغلم «تیمور»
 نیایه کلمک اوزره بولونویوردی . او، بوحالیه بنمله برابر کیده مزردی .
 بوراده قلمسی ده بوسبوتون فجیع ایدی . موفق اولایم ، اولامایم بنم
 نشبتم هر حالده بوراده قاله جق عائلهم ایچون محقق بر فلاکت دیمکدی .
 هر طرفدن اوچورومارله محاط بولونویوردق . بوراده قالیرسه م :
 فی ، تبعید ، حقارت ، حبس ، تضییق واعدام ... بوتون بومشئوم
 حتمالره بویون اکمک لازمدی . هیچ برشیئه قرار ویره میوردق .
 مضاً مقدرات انسانی اوپله یدتحکم وانحصارینه آلییورکه ؛ انسان ، اوکا
 مرض تسلیمیت ومطاوعدن باشقه چاره بوله مییور .

ایجاب حالک آمر مطلق اولدیغنی ایلك دفعه اوله رق بوکیجه بوتون
 بدتیله نفسمده حس ایتدم .

موفقیت احتمالی پک مشکوک اولان بر تشبث دها واردی که ،
 رده : معذرتنه بناء رفیقهمی همان والده سنک نزدیکه کوندرمک
 — عیجا مساعده ایدرلمی ؟

هر حالده ایلك یاپیله جق ایش بو ایدی . رفیقهم بو مساعده بی
 دام تاباردادن استحصال ایده بیله جکنی امید ایدیوردی . تاباردانک
 دامنه کیده جک کندیسنه مساعده ایدلمسی خصوصنده مادامک
 نف دلالتی رجا ایده جک . و ناچیز بر هدیه اوله رق زیتتی اولان
 دندانلغنی ده مادامه ویره جکدی . فرانسزلر ، هدیه وپاره یه پک
 شکوندی .

حتی ارمنیلرک وجدانه بر انسانیتته مخالف مظالمنه مسامحه ایدلمسی
 مسوصنده ارمنی الیه فرانسز جینه آقان تورک نقود مغصوبه سی

مهم بر رول او نیوردی. از منیر ، اونلرک بوتون بوضعیف نقطه لرین
بیلدگری ایچوندی که موقت و دوامسز اولسه بیله موفق اولویوردی
زوجه مک بو تصوری بنده موافق بولدم . عینی زمانده پک
زیاده متأثر ولدینغی ده کتم ایدم زوجه مه بر تحفه ازدواج اوله رق
ویردیکم و مادی قیمتدن زیاده بجه معنوی و بی کران بر اهمیتی
اولان بر هدیه نک فدیة نجات اوله رق بر فرانسز مادامک بوینده
اصیلمسی عزت نفسمه پک آغیر کلیوردی ، فقط ؛ وقت پک دار
باشقه بر شیء تأمین و تدارکی ایچون مع التأسف پاره من یوقده
ایرتسی صباح ، نم توقیفمدن خبردار اولان و پک زیاده تلاشه دوشه
متصرف احسان بکله [تکفور طانغی والیسی] علی شادی بد
[مبعوث] نزدیمه کلدیلمر . وضعیت و تعقیبی ایجاب ایدن خط حرکه
حتمده مذاکره بولوندق . رقیقه می درحال قوزاندن چقارم
ووالده سی نزدینه کوندرمک خصوصنده کی قرار می وبومقصدک حصو
ضمننده زوجه مک مادام تاپاروايه کیده رک بر خاطرۀ مخصوصه اولما
اوزره کردانلغی ویره جکنی سویلدم .

اونلرده بو ترتیب و تدبیری موافق بولدیلمر . زوجه مک کیدر
یالکز قالیرسه م نم ایچون هر شیئی یاپه یامک قابلدی .

بنی اک زیاده نوزدن شیءه سبب موقوفیتمک هیچ بر کیم
طرفدن معلوم اولمامسیدی . احسان بکده اسباب موقوفیتمی بیلمیورد
زوجه مک ؛ اوکون صورت مخصوصه ده مادام تاپاروايه زیارت ایتد
مادام ، بدایة بوقیمتلی سووه نیری قبول ایتمک ایسته مش ، زوجه
ابرام واصراری اوزرینه نهایت قبول ایتمش ... و زوجه مک معذرتنه

بجمله وینه عودت ایده جکی قیدینی علاوه بی اونو تیه رق عزیمته
مداعده استحصال ایش.../

وقت غائب ایتک موافق دکلدی . هان او کون زوجه می عزیمتک
شیوعه امکان ویرمه دن ماردینه کوندردم .

بوسبوتون اختلاطن منع ایدلماش اولدیغمدن ارزو ایدنلر
زیارتمه کلیوردی . و آرقداشلم هر حالده قوزانده قالمماقغمی نه اولورسه
اولسون فرار ایتکلکمی توصیه ایدیورلردی . چونکه ارمنیلر آراسنده
علیهده مدهش بر جریان وارمش ، اساساً بو جریان شمدی دکل
اسکیدنبری موجود ایدی بیلمیور دکلدم . فرار ایچون لازم کلن
ترتیاتی آلم . شاید فرارده موفق اوله مز ، اله کچر و ئولدورولورسه
طوغاجق چوجغمک اسمک تیمور قونولسنی وعائله مه عائد ویتلریمی
علی شادی بکه سویلدم قوزانده کی قیمتلی وحمیتلی ارقداشلمدن صوکه
درجه نموندیم . استیلانک اک شدتلی و قورقونج کونلرنده قوزانلیلر
علی العموم بویوک بر وقار و سکینت کوستریورلردی .

موقوفیتی بویله اویمده کچیر مکلم ورفیقه مه سهولته اذن ویرلمسی
ینی متحیر ایتکدن خالی قالماشدی . مکر بوتوجه مخصوص اثری
موقوفیت اویله جانیا نه بر مقصده مستند ایش که

ارمنی طوزاغی

حسین بدرالدین افندی اسمنده - قوزان تلغرافخانه سنده مخبرات

اجنبیه مأموری۔ برذات علیہمدہ کی ترتیباتی بکا کیزلیجه اخبار و افشا ایتک صورتیله ابراز انسانیت ایلدی. کندیسنک کو کدره لیان و پاپاس بغیشه و پولیس قومیسری خاچیک طرفندن تحلیفی اجرا ایدیلهرک ارمنی قومیته سنه ادخال و بنم قتلهمه مأمور ایدلدیکنی و برچوق مکافات وعدلرنده بولندیغنی و بوایشی اجرا ایدمه مدیکی و افشا ایتدیکی تقدیرده ئولومله تهدید ایدلدیکنی و هر حالده کندی طرفندن اجرا ایدلیه جک اولان بوتشبنک بر باشقہسی طرفندن اجرایی احتمالنه قارشى نه یاپوب یاپوب قوزاندن صاووشمقلغمی بیلدی رییوردی. اساساً فرانسوزارمنیلر تورک اولمیانلره قارشى دهها مسامحه کار ایدیلر. کندی کندینه بن آرناوود ایم، عربیم، چرکسم، کوردایم دینه نلری و مسلمان عناصری تورک جامعیتی خارجنده عد ایدیورلردی. تورکلره قارشى آلدقلى جهه ده اونلری ده کندی طرفلرینه جلب ایتک و تورکک احساسندن صوکره برر، برر اونلری ده تپه له مک کیزلی اهللریدی. تک توك بوقیل بعضی صافدلرک ارمنیلره تشریک مساعی ایتدیکنی کورمشدم. حسین بدرالدینک آرناوود اولسی اخباراته بنی اینانیدردی.

— عجبا تاپاروا بوندن خبردار دکلی ایدی؟

سربستی موقوفیتمله بو ترتیباتک علاقه دار اولسی ایجاب ایدیوردی. فقط، بوسوء قصد ترتیباتی بکا بیلدیردن وارمنیلرک - کندیسنی آرناوود کوستره رک و ایجریلرینه کیره رک - نیات و تشبثاتندن خبردار اولق صورتیله مسلمانلری قورتارمق آرزوسنی پرورده ایتدیکنی آکلادیغ بوکنجی تهلکه یه دوشورمه مک ایچون بو تشبثدن خبردار اولماش کبی کورونمکی موافق بولدم.

مومی الهك بالاخره يازديني مکتوب مندرجاتي شايان دقت اولديغندن و ارمني لرك حالت روحيه لريني كوسترمكنده بولنديغندن بعض اقسامني عينا درج ايديورم :

[ذات عاليكزك ارمني و فرانسزلر عليهنده تحريكات و تشويقاتده بولنديگنزي و قواي مليه به جاسوسلق ياپديگنزي و اول و آخر فلاكتك منشائي اولديگنزي خاچينده قوميته رئيسلري فرانسزجه ، ارمنيجه ، توركجه تلغرافلرله قوزان قوميته سنه و فرانسز قوماندانه يازيورلردى . قوزانه كلديككز زمان ارمني چته رئيسي اوسب مزادوريان و قوميسر خاچيك ذات عاليكزى ده شهيد ايتك ايستيورلري . پاپاس يغيشه تلغرافخانه به كهرك تاپاروا دن ماتك و يرديكي قرارك اسعافني طلب ايتدى . ترجمان آريسك خانه سنده كو ك دره ليان ، يغيشه لئون تجمع ايديورلردى . بر قاچ دفعه لر تلغرافجي نيزامق ايله اورايه كيتدم . كنديمي ارناود و عيسى بولاتين چته سي منسوبيتندن اولديغى و تورك اولديغى آكلاتدم ، بو سبيله اعتماد قازانمش ايدم آريسك خانه سنده ارمني قوميته سي طرفندن تحليف اولندم .

خاچيك و كو كدره ليان ديدير كه على صائبك مطلقا بر اسلام طرفندن اولدورلسي لازمدر . بونك اوزرينه نظر لر شخصمه توجه ايتدى .

جواباً ديدم كه ؛ بنم عيسى بولاتين چته سندن اولديغمه قناعتكز وار ايسه بنم هيچ بر شيدن قور قديغى تقدير ايتلميسكز . انسان اولدورمك قولايذر . فقط بوتون تشكيلات آكلاشلمش اولور . بكا بر مدت مساعده ايديكز على صائب بكك بويله بر فكري وارسه

اسلاملردن اینی کوروشدکلرندن آکلاییم اویله بر اهاتی حس
ایدیلیرسه ایچی ایله ویا دیگر بر صورتله زهرلنمی ممکندر. شمديک
بو ایش وجداناً تأخر ایتلیدر دیدم . خاچیک روولورینی کوبستردی
یونسرك فاش ایدلماسنی سویلدی.]

ذاتاً هر زمان فوق العاده احتیاطکار بولونیوردم. قولای، قولای
ئولمه مکی کوزه آلمشدم . بو اخبارات بنم ایچون وسیله ایقاز اولدی .
کردانغنی ویردی کمز کونک آقشامی تاپاروا بنی نزدینه چاغیرتدی .
کیتدم . کندیسینی خلاف مأمول ملتفت بولدم . بوالفتانک وبوتبسمک
آرقه سننده زوجه مک کردانغنک پارلیتسی واضحاً کوریلوردی .
تاپاروا ، سبب موقوفیتمی ، حقمده یاپیلتمده اولان تحقیقاتی ایضاح
ایتدی : فکهدن ملازم سوپی ایله برلکده حاجینه کیدرکن مغاره
ناحیه سننده تورکلرک بزه کوستردیکی استقبالی ونم اوراده ایرادایتدی کم
نطقی خاچین ارمنیلری خبر آلمش ، همان فدائی سورولری مغاره یه
کیدرک اهالی یه کیم بیلیر نه کبی بر ظلم و تضییق یامش اوله جقلرکه
هیئت اختیاریه لردن ، بنم کندیلرینه ، سلاح تدارک ایتلیرینی
وسلا حالانه رق امره مهیا اوللیرینی یوقینده قوای ملیه نك کله جکنی
وهپ بردن قیام ایتلیرینی سویلدی کمه دائر مضبطه لر یاپدیرلمش ،
مضبطه لرک مندرجاتی تلغرافله اظنه یه بیلدیرمشلر و بوندن دولایی
قوزانه کلیرکلر تحت توقیفه آلمقلغمه دائر بره موندن امر کلش ایش...
مع هذا سوپی بنم لهمه ده بولنمش... مراق ایتما مکلم لازم کلپورمش ،
کندیسی ده بنم لهمه ده بره مونه یازمش ایش . بلکه دوغرو اوله بیلیر .
فقط بو آدملردن او قدر نفرت ایتمش ایدم که ؛ اوزون اوزادی یه

آکلاتدی ، بِنم خیر خواهم اولدیغندن بحث ایتدی . و آرتق سربست بولوندیغمی تبلیغ ایتدی .

شوقدر که ، بِنم قوزاندن کیتدی کمی آرزو ایتماکله برابر ارمیلرک بِنم حتمده کی دیدی قودیلرینه نهایت ویرمک اوزره انکلیزلرک تخلیه ایدوب فرانسزلره تسلیم ایتدکلری مرعش ، عینتاب ویا اورفهدن هانکیسنه ایسترسه م نقلمه دلالت ایده جکنی سویلدی .

تشکرا ایتدم ، دوشونوب کندیسنه بر ، ایچی کونه قدر جواب ویره جکنی سویلدم . تاپاروا ، مادامنه کلن کردانلقدن جرأت آلمش اوله جق که بختی بِنم قیصر اغه انتقال ایتدیردی .

— سزک قیصر اق ظن ایدرم خالص عرب جنسی ؟

— اوت ! دیدم .

بر عرب قیصر اغه مالک اولمغی پک آرزو ایتدی کینی و هر عرب جنسیدر دینلین حیوانه اعتماد ایدیله میه جکنی واکر صامق نیتنده ایسه م بوقیصر اغه ویره جکی پاره یه آجیمه یه جغنی سویلدی .

بر ضابط ایچون ات وسلاحک نه قدر قیمتلی اولدیغنی آنجق ینه بر ضابط تقدیر ایدوبیلیر کن تاپاروا ، بوفرانسز یوزباشیسی بِنم قیصر اغه کوز دیکمشدی . وضعیم غایت نازک ایدی . قیصر اغمک :

— صاقین بی ویرمه دیه کیشنه دیکنی تپندی کینی ایشیدیور کبی اولدم . زواللی قیصر اغمی ده فدا ایتدم . بو ، بکا زوجه مک کردانلغندن ده ااغیز و آچی کلدی .

— مقابلنده هیچ بر پاره آلامق شرطیه و بِنم هدیه م اوله رق قبول ایدرسه کز ویریرم دیدم . قبول ایتمک ایسته مدی .

ونهایت قبول ایتدی. و او کیجه، سو کیلی قیصر اغمی کوز لرندن
اوپهرك تاپاروانك آخورینه کوندردم . [۱]
فی الحقیقه ارتق بنم ایچون قوزانده طور مق موافق دکلدی .
هان ایرتسی کون دودلی قائممقامی عاطف بکه بر مکتوب یازدم .
تاپاروانك تکلیفندن بحث ایتدم . مصطفی کمال پاشادن خط حرکتمه
دائر تعلیمات ایستادم . در حال جواب آلدیم . مرعش ، عینتاب ،
اورفهدن هانکیسنه کیدرسهم تشکیلات ایچون پک فائدهلی اوله جغنی
واوچ لوادن بریسنك اتخابنك بنم رایمه حواله ایدلدیکی بیلدیریایوردی .
اسکیدن طانیدیغم جهته اورفهیی ترجیح ایتدم .
بر پیرلانطه کردانلق و خالص بر عرب آتی کبی ایکی قیمتلی
شاهدك تأمیناتی اوزرینه استانبول عموم ژاندارمه قوماندانلغك امریه
اورفه ژاندارمه طابوری قوماندانلغنه تعیین ایدلدم . فقط شمدی
قوزاندن اورفهیه کیتمک مهم بر مسئله ایدی . ارمنیلرک هر حالده
بر سوء قصدینه معروض قاله جغنی قوتلی اوله رق تخمین ایدیوردیم .
قوزان تورکلرینك وبرر ، ایکیشر طاعه چیقاراق فرانسز - ارمنی
مظالمه قارشی عینی عینه مقابلهیه باشلایان چته لرک مادی ومعنوی
مظاهرتنه مالک ایدیم . اورفهیه کیده جکم شایع اولمشدی .
فقط یوم حرکتی و تعقیب ایده جکم استقامتی کتم ایدیوردیم .

[۱] قیصر اغمه وداعم موقت اعمش ، ایلریده کورولهجکی وجهله یینه
صاحب اصلیسنه رجوع ایتدی .

قوزانده مفارقت

حر کتمدن اول قوزانده کی ارقداش لرم له و داعم پک مؤثر و هیجانلی اولدی . سانکه بن قورتولویورم اونلر قالیورلر مش کبی اولویوردی . بالخاصه شادی بک پک چوق آغلیور ، و کوز یاشلرندن بکا انجق بر قارداش قلبنک یاباییه جکی درین و نهایتسز بر اثر صمیمیت و محبت کوسترییوردی . متصرف احسان بک ، قوزان اشرافی و ارقداش لرم انفکاکمدن دولایی بک زیاده اظهار تأثر ایتدی لر . و بن اونلرک هپسندن دهافضله متأردم . « برابرچالیشمق یا قورتولمق یا ئولمک » ملتی ، وطنی ، مفکوره وی امللره عائد اشتراک مساعی و ارقداشلق انسانی او قدر یکدیگرینه ربط ایدیورکه ؛ بو قوتی دنیاده باشقه هیچ بر تأثیر وجوده کتیرمز . یقینده هر حالده طوغان و طوفان بکلرک که جکارینی و قوزانک هر حالده اسارتدن قورتیله جغنی بوایمانمی تکرار ، تکرار سویله مکله متسلی اولویوردم .

اوکله وقتی آکسزین قارصلی نوری چاوشک [۱] معاونت و دلالتی سایه سنده قوزاندن چیقدم .

قوزاندن اوزاقلاشیرکن دونوب ، دونوب آرقه مه باقییوردم .
بیلمم نه دنسه سانکه معنوی بر ال بنی طوته رق :

— کیتمه ! دییور کیدی . قوزانده چوق اضطراب چکدم

نوری چاوش قوزانده بر چوق تورکارک حیاتی قورتارمش و قیمتلی مساعیسی سبق ایتشدز .

چوق الم چكدم و همان هيچ بر آي كون كورمدم دييه بيليرم . بويه اولغله برابر قوزاني او قدر سودم كه اونك تخلص مجادله سنه اشتراك ايدمه مك بنم ايچون بر عقده مغويه در . فقط قوزانده چكديكم اضطرابك آتشي اولماسه يدي ، بلكه اورفده بو قدر آتشي و حرارتلي چاليشه مزدم قوزان بنم ايچون برفدا كارلق مكتبي اولدي . صوكرادن نه يادمه نه خدمت ايدمه اونى هپ قوزانده اسارتك قانلي يومروغى آلتنده تعليم ايتدم .

نورى چاوش ، بنى اويله صاپا يوللردن قارصه كوتوردى كه يولده پوصويه دكل بر تك از منى به بيله راست كله دم .

جيحانده قائم مقام ابراهيم بلكه كوروشدم . كنديسنك قواي مليه ايله تاسيس ارتباطي بك فائدهلى اوله جقدى . اساساً فراقئين ده طوفان بلكه كوروشديكم كيجه بو مسئله ده موضوع بحث اونشدى . ابراهيم بكه آچيقجه وضعيتي آكلاتدم در حال موافقت ايتدى . حرركات مليه به تماماً طرفدار اولديغى و اشتراك حاضر و مهيا بولنديغى بيلديردى .

كيفيتي جزمي بك واسطه سيله دودلى به بيلديردم . ابراهيم بك ، بالاخره جيحانده بك بويوك مساعى ابراز ايتدى . آلمان قطعاتنك چكيليركن آق دكز ساحلنده ترك ايتمش اولدقلىرى ايكي ابوبوس طوپنى بولورق بونلرى مجادلات متعاقبه ده استعمال صورتيله بك اهميتلى و مؤثر خدمتلى ايفا ايلدى .

اظنه ده والى جلال بكى ده زيارت ايتدم . قوزان تشكيلاتنه و او حوالى قواي مليه تشكيلاتنه مأموراً دودلى به كمش اولان طوغان

و طوفان بکړک تشبثاته دائر لازم کلن معلوماتی ویردم . و آظنه دن
حرکتله ۲۹ کانون اول ۳۵ تاریخنده اورفیه مواصلت ایلدم .

برنجی قسمک صوکی

قِسْم ۲

اورفده

ايلاک تدقیقات

کوزل اورفده ، فرانسز اشغال عسکریسی آلتنده بولونئیوردی .
شهر آغیر برکابوس آلتنده اضطرابله قیورانهرق اوئیوردی کیدی .
کیمسه نك یوزی کولئیوردی ، نظرلرده درین ومشترک بر املک دوکوک
برمائی وار ، اولجه شهرک تمیز و براق سمانسی برر فیسقیه حالنده
دالغالاندیران اورفده آغزی غزللر آرتق دویولمایور ، حتی برس بیله
ایشیدلییوردی .

بویوک تورک شاعری ناینک نازلی دیاری صانکه ایچین ، ایچین
آغلییوردی . هوا یاغمورلی وچوق صوئوق ایدی .

اک کوزل و اک بویوک اولرک اوزرلرنده فرانسز بایراقلری شدتلی
وعصبی بر روزکارله قوپاجاق کبی ساللانییوردی .

قلمده اوپله جوشقون برعصیان حسی و براختلال غیضی وارکه
صانکه بو کوزل دیارک صاحبی یوقمش کبی اونی انکلیزلر آلییوردی ،

فرانسزله ویریور، دون انکلیز بایراغنک ساللاندینی دیر کده بو کون
فرانسز بایراغی شاخلاننیور

اورفه نك عصر لر کورمش هیبتلی قلعه سی اسفله بوینی بوکش ؛
بر برینی تعقیب ایدن بومسئولتله قارشی کویا مانجینق دیر کلرندن
قوللرینی قالدیرمش دشمنله املمرینک ، دعوالرینک باطل اولدیغنی
حدتله اخطار ایدر کی ایدی :

بوراده حضرت ابراهیمی آتسه آتدیلر یانمادی . [۱] آتس اوئی
یاقادی ! سزك کتیر دیککز بومبالر، طوپلر، تفنگلرده بوخلقی یاقاماز !
یا ناجاق سز سیکز ! آجیورم سزدن اول کلنلرده کیده مدی . بوراده
قالدی . [۲] وازچیک ! بو طوپراقلر مقدسدر، بوراسی تسخیر ایدیله مز .

[۱] اورفده چوق اسکی وهیبتلی برقلعه خرابه سی واردر .
قلعه نك اوستنده وقتیه ییقلمش بر بنانك انقاضندن اولان ایکی منتظم
ومتناظر ستون حالا اسکی وضعیتی محافظه ایتکده در .
اورفده بطندن بطنه انتقال ایدن روایات محلیه یه نظراً کویا بو ستونلر
مانجینق ستونلری ایش و حضرت ابراهیمی نمرود بورادن بوستونلرک آلتنده
یا قیلمش اولان آتسه آتمش فقط او آنده آتس صویه انقلاب ایش و
« خلیل الرحمن » حوضی بو صورتله میدانه کلش ایش . کرک خلیل الرحمن
و کرکه یقینده بولونان « عین ذلیخا » حوضلرنده کی بالقلری اورفه لیلر ،
بومقدس روایته مبنی من القدییم ییدکلری جهتله حوضلر بالقلرله طولودر .

[۲] اهل صلیب سفرلری اثناسنده « ژوسلن » اسمنده کی فرانسز شوالیه سی
اورفه یی ضبط و استیلا و آلتی آی قدر اداره حکومت ایش ایسه ده اورفه یی
تخلیص ایچون موصلدن کلن « عماد الدین زنگی » ژوسلین واردوسنی اورفده
بر آی محاصره ایش و بالنتیجه بوتون او فرانسز قوتی احما و اورفه یی تخلیص
ایتمشدر .

بن ايشته قارشیکزده تاريخك جانلی برشاهدی و تمثالی ایم . بر زمان
رومالیلرده بورایه کلدی . فرانسز شوالیه سی ژوسلنك اهل صلیب
اردوسی ده بو کوزل شهری آلق ایستیدی . فقط هیچ بری جانی
قورتاردهدی . هپسی بوراده طوپراق اولدیله . و روزگار ، توز و طوپراق
اولان او ، اردولری کلدکلری یرله دوغروصاوردی نابود ایتدی .
ایسترسه کز بو حقیقی «عین ذلیخا» و «خلیل الرحمن» حوضلرنده کی
اصیل و تاریخی بالقلره صوریکز ! اونلرده سزه بوسرگذشت سیاهی
سویله . هنوز فرانسه یه دونمك احتمالی و امکانی وارکن کیدیکز !
کیدیکز ! تورکلرک و کوردلرک مشترک قلملرنده استقلال و حریت
آتشی یانمغه باشلیور . برتک جان اولان بو معظم اتحاد و تصالبک
وجوده کتیره جکی شراره دن قاجیکز !) دیور .

فرانسز بایراقلری بو علوی خطابه یی ایشتمه مک ایچون یوزلرینی
چویریور .

چارشیده سورو ، سورو فرانسز عسکرلرینک اوکنه دوشمش
بر ارمنی رهبر اونلری دکاندن دکانه کوتوریور :

— ایشته کوریور میسکز بوتون بونلر بر ارمنی ماللریدر .
تورکلر غضب ایتدیله و شو کوردیککز چارشافل قادین یوقمی ؟
او بر خرستیان قیزیدر . تورکلر قاجیردیله و طانماسین دییه یوزینه
قالین پچه اورتدوریورلر بر ، ایکی سنه اول بو شهر کاملاً بر ارمنی
شهری ایدی . بو تورکلر طاغلردن کلدی ... دیور ، نفرلرک ، بو
تحریکات قارشیسنده دیشلرینک غیجیردایغی حس اولونیور .
خرستیانلق و انسانیت نامنه :

اوف عصر لردنبری هپ بونامه آياقلانان تعصب واستيلااردولر يله
چارپيشيورز .

بو منظره کافی ایدی . شمدي :

— اورفه ي قورتارمق اچون نه ياملی ؟ دييوردم .
اورفه نك حقيقي فكلرلرني ، صميمي تحسساتي آ كلامق لازمدي .
بونك اچون اورفده توديع اسرار ايده بيله جك كيمسه لری
واسكيدن طانيدق لريمي كورمه كه قرار ويردم .

اول او مرده وضعتي يوكسكدن كوره بيلن بر قاچ ذات ايله
كوروشمك ايجاب ايدييوردي . او ائنده اورفده بولنان ماليه
مفتشي فائق بك [ديوان محاسبات رئيسي ثابيسي] و جزا رئيسي
اسماعيل حقي بك [ماليه وكالتي امور حقوقيه مدير معاوني] صلح
حاكي فوزي بك [عينتاب استيناف مدعي عمومي سي] كورشدم .
هيچ بر قيد و احترازه حاجت كورمه دن فكريمي سويلدم بوراده
ملي بر تشكيلات يانمغه و بر قيام حاضر لامغه مأمور اولديغني ايضاح
ايدرك صورت حر كتم حقنده بني تنوير ايتلرني رجا ايتدم .

هر اوچي ده جدا افتخاره شايان اوله جق بر صميميت و حميتله
مراجعتي حسن تلقى ايتديلر . وضعتي بوتون تفرعاتيله تدقيق
ايتدك .

سلفم ، بيكباشي علي رضا بكك بر تشكيلات يانمق ايتديكيني
فقط فرانسولره اخبار ايديله رك حدود خارجه چيغمغه مجبور قالدیغني
اورفده واسع و شمولی بر تشكيلات اجراسي مشكل اولديغني
آ كلادم .

تجربه ایدلش بر شیء تکرار تجربه به قالقیشمق وقت غائب
ایتمک دیمکدی بناءً علیه مقصده دها سریع و کسیدر مه یورومک
دها موافق ایدی . ذاتاً هر کس وضعیتی کورویوردی .

بالخاصه اورفه خلقی کبی اللهک و طبیعتک بویوک تجلیاتنه مظهر
اولمش حسلی ، فکری . حمیتلی فداکار انسانلره اعتماد ایدلزمی ؟
کندی کندیه قراریمی ویرمش کبی ایدم . اورفده ده بولنان سیوه رکلی
علی افندی بی ده [اورفه مبعوثی] زیارت ایتدم . مقصد واملمی
اوکاده سویلدم . کندیسسی استانبوله کیدیوردی . [استانبوله کی
مجلس مبعوثان اعضاسندن ایدی] بی متصرف علی رضا بک ایله
محرمانه کوروشدوردی . علی رضا بک قیمتلی ، حمیتلی بر ذات
ایدی .

ایلمک ملاقاتمزده ائتلاف ایتدک بکا هر درلو معاونتده بولنه جغنی
وعد ایتدی . وینه علی افدینک کندیسندن استفاده ایدیله بیله جکی
حقنده کی تأمیناتی اوزرینه باوللی عشرتی رئیس سعید بکله ده تأسیس
مخبره ایتدم . دیکر عشائر رؤسایله ده مخبره به باشلادم بوتدقیقاتمدن
حاصل اولان نتیجه : معیتده بولنان ژاندارمه ایله آکسزین برقیام
احداث ایتک و عشائری ده برلکنده سوروکله مک ایدی . فقط ؛ بونک
ایچونده هر شیئی اولدن ریاضی بر قطعیتله حساب ایتک لازم کلیودی .
تشبثاتی نتیجه سی مشکوک تصادفلره بر اقامازدم . موفقیت احتمالی
یوزده طمسان طقوز بر قطعیتله تثبیت ایتدکجه ایشه باشلامق وخیم
نتایج تولید ایده بیلیردی .

ملتمک لزومسز آقاجق بر دامله قانی بزم ایچون جهانندن دها

قیمتلیدر. فقط؛ بویوک مقصد و مفکوره مزك موفقیتی ایچون آقسی لازم کلن و کسب ضرورت ایدن بر چوق قانده تماماً حلالدر. بوکا بناء، ایشه باشلامازدن اول بر هیئت مشاوره وجوده کتیرمک مجبوری ایدی. بو خصوصده هیج دوچار مشکلات اولمادم.

اورفده کی طانیدقلمک آراسندن بو هیئت مشاوره پی تشکیل ایده بیلیردم. ایلک دفعه فکریمی بیکباشیلقدن متقاعد احسان بکه آچدم. کیلیکیاده یاپیلان مظالمی آکلادم. بو تمیز عسکر روحی بوتون صفوت و صمیمتله بکا قوللرینی اوزاتدی. بر بریمزی متقابلاً تحلیف ایتدک. عینی مراسمله اورفه اخذ عسکر شعبه سی رئیس بیباشی الیاس، ملکیه قائممقاملردن شوکت، بیطر مقشی عادل ژاندارمه ملازمی خلوصی بکلر دائره صمیمتمز و محرمیتمزده داخل اولدیلر. تشکیلاتک توسیغنی موافق کورمدیکمز ایچون اورفه اهالیسندن یالکز بلدیله رئیس حاجی مصطفی، باروتچی حاجی امام و بدر آغاده خلیل آغانی تحلیف ایدرک هیئتمزه الدق.

عشائر رؤسائه یازدیغم مکتوبلره جواب کلمکه باشلیوردی.

غزه عشیرتی رئیس حاجم بک عشیرتک امره مهیا اولدیغنی بیلدیریموردی. وضعیتی ۴ کانون ثانی ۳۳۶ تاریخلی مفصل بر شفره ایله مصطفی کمال پاشایه بیلدیردم. اورفه تلغرافخانه سی فرانسزلرک قونترولی آلتنده بولندیغندن شفره لی تلغرافنامه چکیله مدیکندن هیئت تمثیلیه ایله اولان مخبره مزه سیوه رک ژاندارمه قوماندانی بیباشی عزیز بک توسط ایدیوردی. مع هذا اورفه تلغراف مدیری عارف بکده منتظماً دینله بیله جک بر حالده هیئت تمثیلیه نک باشلیجه اوامر و تبدیلات واجرا آتندن معلومات آله رق بزى خبردار ایدیوردی.

هیئت مشاوره نك تشكلی و عشا ئر رؤسا سنك مظاهرتنك تأمینی
اوزرینه اجرا آته باشلامق زمانی ككشدی .

اورفدهده ۵۶۰ موجودلی بر فرانسز مختلط مفرزه سی واردی .
اورفدهده ، قیامك وقوعی عقینده عنزه عشیرتی شمندوفر خطنی
درحال قطع ایده جك اورفه ، سروج ، عرب پیکار استاسیونلری
آراسنده کی تلغراف خطلرینی بوزاجاق و فرانسز مفرزه سی اورفدهده
مواصله سی منقطع برحاله قاله جقدی .

بو ترتیباتك اتخا ذینی متعاقب قیام کونی ۱۵ کانون کانون ثانی
۳۳۶ اوله رق قرارلاش دیردق . کیفیتی مصطفی کمال پاشایه بیلدیردم :

مصطفی کمال پاشا حضرتلرینه

شفره

۴ کانون ثانی ۳۶ تاریخلی شفره لی تلغرافنامه یه ذیلدر :

بیکباشیلقدن متقاعد احسان ، شعبه ریئسی الیاس ، ملکیه قائم مقاملرندن
شوکت ، بیطر مفتشی عادل و ملازم خلوصی بکلر و اشراف مملکتدن مناسبلری
بعد التحلیف کانون ثانی نك اون بشنجی پنچشنبه کونی ملی قیام اجرا سنك تحت
قراره آلدیغنی عرض ایدرم .

۷ کانون ثانی ۳۳۶

علی صائب

قیامی ، اورفدهده بدایه ژاندارمه احداث ایده جك و اورفدهده
بولنان آلتیوز روس تفنکیله بر بچق میلیون روس جیخانه سی ۱۵
کانون ثانی ۳۶ صباحی تخلیه ایدیله جك اولان محبوسینه و الی سلاح
طوتان کنجلره ویریه جك و بو قیامی بالذات بن اداره ایده جکدم .

کورد عشاری رؤسانه شویانامه یی یازدم. و صورت حر کتیرینی
مبین آبروجهده برر تعلیماتنامه کوندردم :

بیانامه

فرانسزلر طرفندن اشغال ایدلمش اولان اظنه ولایتده یاپیلان ظلم
و فجایعدن سز لرك بی خبر اولدیغکزی کورییورم. اظنه یه فرانسز آیغی
باصدیغی کوندن اعتباراً دین ، ناموس ، شرف و حیثیه تجاوز
باشلادی [کیلیکیاده بره مونک وجوده کتیرمش اولدینی فرانسز
ارمنی تشکیلاتی و بوتشکیلاتک یامقده اولدینی مظالمی برتفصیل حکایه
ایتد کدنصو کرا] بورادهده عینی مظالم باشلامق اوزره بولونیور .
فرانسز قوماندانی موظف ژاندارمه لرك ترخیصله کوکلی افراد قید
ایتدیره جکنی سویلدی . بوندن مقصدهده حاضر لادقلری اوچوز
ارمنی یی ژاندارمه قید ایتدیرم کدر . اظنه وقوزانده قولاغی کسین
و کوزلری اویولان مسلمانلری کوزلرمله کورددم . بو فلا کتزه
منطقه دن باغرم ، جکرم یانیق اوله رق بورایه کلدیکم و بورادهده
عینی فجایعک باشلامق اوزره بولندیغنه واقف اولدیغم ایچون سزی
ایقاز ایتکی وجدانمه مرتب بروظیفه عد ایدیورم .

فرانسز قوماندانی ، بوراده تعقیب ایده جکلری سیاستی بلا پروا
آچیقجه سویلیور . « کورد افراد عشارینی پاره ایله الده ایدرک
رؤسای اللردن آلوب برر وسیله و بهانه ایله کندیلرینی جزائر و یا
نونسه نقل ایده جکز . بوصورتله کورد وارمنی افرادندن فرانسز
ضابطلرینک قومانداسنده قطعات عسکریه وجوده کتیروب و اونلرک

حسبات دینه‌سندن ، پاره ایله بزه مربوط علما واسطه‌سیله استفاده ایدوب یواش یواش دیار بکر ، سیواس ، خرپوط ، ارضروم ، وان ، بتلیس ولایتلرینی اشغال ایده‌جکمز . مقصدیمز کوجبه‌لکه نهایت ویره‌رک عالم انسانیته خدمتدر . بونک ایچون ایشه کوردلری تورکلردن آیرمق صورتیله باشلايه‌جغز « دیور .

أی رؤسای عشائر! بیلیرسکمز که بوندن قرق‌سنه اولده روسلر ولایات شرقیه‌یی ارمنستان یامق ایستیورلردی . اکر بابالریمزک عزم و ایمانی اولماسه‌یدی بوکون محو اولمشدق . دنیاده اسلامیتی محافظه ایدن حر و مستقل انجق تورکلر و کوردلردر . و بوکون اسلامیت و وطن تهله‌کده‌در . سزکه ، بوتون بر خرسیتیانلق عالمنه قارشی قدسی مدافعه ایدن صلاح‌الدین ایوبی حضرتلرینک احفادیسکمز : اسلامیت و وطن سزدن امداد بکللیور . دشمن استیلاسنه اوغرایان مملکتلردن قانلی دو مانلر چیقیور ، ایکی کوندنبری مرعشده قانلی مصادمه‌لر اولویور . عینتاب قیامه حاضر لائمش بولونیور عنزه‌لرده بورایه کله‌جکدر . حاجم بک نرده ایسه کندیسنه خبر کوندریکمز . و ارا‌کزده بر اختلاف وارسه وقت آخره تعلق ایدوب ال‌اله ویره‌رک کتله واحده حالنده فرانسزلرک و اورفه‌نک قارشیسنده کورونمکزی رجا ایدرم . اورفه سزی بکللیور . کوندردیکم محرم تعلیماته حرفیاً رعایت ایدلمسی موجب سلامتمز اوله‌جقدر . اک نامدار و اک خاندان بر عشیرت رئیس اولدیغکزی دنیایه قارشی اثبات ایده‌جک زمان ، بوزماندر ...

محرم تعلیماتنامه :

- ۱ — کانون ثانینک اون بشنجی کونی ساعت سکزده اورفه تل ابیض ، عرب پیکاری فرانسز قوه اشغالیه سی قوماندانلرینه مربوط اولتیا تومک بر صورتی مختوم اوله رق تودیع ایدیله جک و صورت تودیعنه دائر کندیلرندن امضا آله جقدر .
- ۲ — یوم مذکورده وقوع بوله جق قیام عمومیده مملکت داخلنده هیچ بر نقطه ده ذره قدر آسایششکنانه احواله میدان ویرلیه جکدر .
- ۳ — وطنداشلیمیز اولان ارمنیلرک شخصلرینه و ماللرینه ذره قدر تعرض ایدلیه جک و حیاتلری تحت تأمینه آله جقدر . خرستیان وطنداشلیمیزی خوف و هیجانندن وقایه ایچون بیاننامه نک بر صورتی رؤسای روحانییه ویرلیه جکدر .
- ۴ — قصبه لر داخلنه سلاحلی و سلاحسز هیچ بر فرد کیرمه جکدر .
- ۵ — فرانسز لره ویریلن یکر می درت ساعت مهلت ظرفند ولونداقلری محللری تخلیه ایتیه جک اولور لر ایسه هر قطعه کندیسنه سرتب اولان مواقعی پی در پی تضییق ایده جکدر .
- ۶ — کانون ثانینک اون بشنجی پنچشنبه کونی بالعموم دکانلر حتی فرونلر بیله آچیلیمه جقدر .
- ۷ — فرانسز قوه اشغالیه سی افرادینه کرک مسلمان و کرکسه خرستیان هیچ بر کیمسه طرفندن مأکولات صاتیلمایه جقدر .
- ۸ — قرادن قصبه لره صاتیلمق اوزره هیچ برشی کتیرلیه جکدر .

۹ — فرانسز قوای اشغالیه قوماندانلری اولتیا تومی ردایت دکلری
صورتده :

۱ — عنزه عشیرتی رئیس حاکم بک — قرارگاهی سلطان تپه —
قوتنک بر قسیمیله تل ایضده بولنان فرانسز قوای اشغالیه سنی اورادن
طرد و شمندوفر خطنک فرات ایله سیقتک آراسنی تخریب و تلغراف
خطلی قطع ایده جکدر .

ب — سروج عشائری، حاکم بک عشائری ایله برلشهرک سروج
وعرب پیکارنده کی فرانسز قوتلرینی طرد و سروجک محال سائر
ایله مخابره سنی قطع ایده جکدر .

ج — دوکرلی، باوللی و مرکز لوايه مربوط عشائر سائر
وقصبه ده کی قوای ملیه و ژاندارمه اورفده کی فرانسز قوتلرینی طرد
و اورفه ایله محال سائر آراسنده کی تلغراف خطلرینی قطع مأموردر .
۱۰ — قوای اشغالیه طرفندن واقع اوله جق کوچوک بر تجاوز
یویوک بر شدتله دفع ای دیله جک و بو خصوصده ویریلن یکریمی درت
ساعتک مهلت کائن لم یکن عد ای دیله جکدر .

۱۱ — قریه لک هیچ برینه هیچ بر سبب و بهانه ایله تجاوز
ویاغما کارلقده بولونیلمايه جق و بو کبی معامله دن بحق اجتناب
بولونه جقدر .

۷ کانون ثانی ۳۳۶

تعیامنامه یه مربوط عشائر رؤسای طرفندن فرانسز قوماندانلری
ویریه جک اولان اولتیا تومک صورتی :

.... فرانسز اشغال قوماندانغه

کړک ویلسون پرنسپلرینه وکرکسه موندروس متارکه نامه سی
احکامه مغایر اوله رق بلا سبب وبلا ایجاب مملکتیزی اشغالگری،
ملت کمال شدتله رد و پروتستو ایدر وقیصه برمدت ظرفده بولندیغکز
محلی تخلیه ایتمدیگکز صورتده جبراً و حرباً چیقارلمکزه توسل
ایدیله جکندن بوضورتله آقاجق قانلرک مسؤلیتی تمامیله سزه عأددرد.

.....

بوتون ترتیبات و تدارکاتی اکمال ایتمش ایدم . بیاننامه لری
سواریلرله اطرافه طاغیتدم . ۹ کانون ثانی ۳۶ تاریخنده مصطفی کمال
پاشادن شو تلغرافنامه کلدی .

اورف صدافعه عقرونه هیئته

کلیس قصبه سنده فرانسز اشغال قطعہ سی قوماندانک اہالی
اسلامیہ یه خطاباً نشر ایلدیکی بوجه آتی بیاننامه « سیواسده متشکل
آناطولی قادینلری مدافعه وطن جمعیتی » طرفندن ائتلاف ممثلری
زردنده پروتستو ایدلمشدر . بوعصرده وجدان بشرک قبول ایتمه جکی
بوتدایرظالمانہ بی بالجمله هیئت مرکزیه لرک پروتستو ایتمی توصیه اولنور.

۸ کانون ثانی ۳۶

هیئت تمثیلیه نامنه

مصطفی کمال

کلیس فرانسز قوماندانک نشر ایتدیکی بیانامه صورتی

- ۱ — نه ایچون طاشیدیغی تحقیقه بیله لزوم کورونمکسزین اوزرنده روولور بولنان بر آدم بلاسؤال وجواب قورشونه دیزیه جکدر.
- ۲ — بر قارغه شلق وقوعنده تلف اوله جق ویاخودیارا لانا جق بر فرانسز نفرینه مقابل یرلیدن ایکی آدم قورشونه دیزیه جک و بونلر قرعه ایله انتخاب اولنه جقدر .
- ۳ — بر خانه دن سلاح آتلیرسه او خانه یاقیله جقدر .
- ۴ — « حکومت عثمانیه » مأمورلرینک بویله بر حال وقوعنده درحال حق اداره و حاکمیتلری اسقاط ایدیه جکدر .
- ۵ — کوچوک بر حادثه وقوعنده سواققلر میترا لوز ، بومبا وغازلی مرملرله آتش آلتنه آله جقدر .

بو ائنده عینتاب، مرعش، کایس، اطنه وقوزانده کیزلی و آشکار مقاومت و استخلاص حرکاتنک باشلادیغنه دائر خبرلر آلیوردق .
تورک ملتی یارالی بر ارسلان کبی قیملدیور ، استیلایه ، تسلطه تجاوزده قارشلی یومروغنی قالدیریور ؟
تورک انا وطنی حدودلری ، نهرلرله ، طاغلرله ، صنعی مانعه لرله دکل تورک قیبلری و تورک سینه لرندن متشکل غیر قابل فتح و تسخیر سپرلرله محاطدر . بو سپرلر دشمن طرفندن حیله کارانه آشیلمشدی .
ملی سرحد ، ملی حدود احساس موجودیت ایدیور ، تورک شهرلری برر ، برر تورکلکنی و وارلغنی باغیرمغه باشلیوردی .

او سردهده مرعش وعینتابده ملی حرکتی اداره ایدن قلنج علی
بکدن شو تلغرافی آلم :

علی صائب بك افندی

دول دول طاغلرنده سیاحت ایدن قوزان اوغلی طوفان بك طرفندن
ذات عالیترینه تقدیم ایدیلن قلنج علی بن ایم . اورفه احوالنه وتشکیلاتک
نه درجه یه قدر ایلریله مش وهیئتک کیملردن مرکب اولدیغنه ودشمن
قوتلرینه دائر ویره جککنز معلوماته صبرسنزلقه انتظارده یز. مخبر اتمزک
عینتاب هیئت تمثیلیه سی واسطه سیله تمادیمی رجاسیله عرض تعظیبات
ایلرم افندم .

۱۱ کانون ثانی ۳۳۶

امرالله زاده

قلنج علی

اورفه تشکیلاتنه و ۱۵ کانون ثانی ۳۶ تاریخنده قرارلاشدیریلان
اورفه ملی قیامنه دائر کرک قلنج علی بکه و کرکسه عینتاب و جوار
هیئتله معلومات ویردم . اورفه قیامنک موفقیتله نتیجه پذیر اولسی
ایچون بوحرکاته مللی وعنزه عشیرتلرینک هر حالده اشتراک ایتدیرلمسی
آرزو ایدیلیوردی .

بونلرک اشتراکی تحت تأمینه آلمادقجه ایشه باشلامق موافق
احتیاط دکل ایدی . یوم معین تقرب ایدیور فقط عنزه عشیرتندن
برخبر آلامایوردم . بو، بر ایکی کونی پک بویوک برهیجان و خلدجانله

کچیردم . مللی عشرتی رئیس محمود بکدن بکله دیکم جواب کلدی بو
جواب عیناً شودر :

اورفده علی صائب بک افندی قارداشمزه

۹ کانون ثانی ۳۶ تاریخلی بیاننامه کزی کمال حرمتله آلدق .
مندرجاتی سراپا مطالعه اولندقدده اوراده حصوله کتیردیککز حسیات
دینیه و وطنیه ال بویوک تشکراتمزی عرض ایدرز . آمال و مقاصدیککز
حکومتتمزک استقلال و حاکمیتی تأمینه و بو کونه قدر تعقیب ایتدیکمز
غایه و نفس الامرله موافق اولدیغی ایچون بوتون معناسیله بو باده کی
عزم و قراریکیزی تقدیس ایدرز . ذاتاً وطنک بکله دیکی امیدده
بودر . بز ، یاشامق و ادامة حیات ایتک ایچون دین و وطنمزه عائد
وظیفهده تردد ایدرسهک بوندن حصوله کله جک احوالدن دولایی
مؤخرأ تاریخ اسلامده ابدی بر لکه براقه جغمز طیبیدر .

بورالینی تأمل ایدرک ایجاب ایدنلری ارشاد و تنویر بیوردیغکزه
بیاننامه کز و کسب قطعیت ایدن قراریکز علی بر دلیلدیر . تصور اتکزه ،
قراریکز و بوباده کی عزم و جدیتکز موافق کورولمشدر . اساساً
اورفده هر کسک بکله دیکی خدمتده بوندن باشقه بر شی دکلدیر .
کیفیتی قونغرهبه یازدیغکزه ده معلومات حاصل اولدی . بو حرکتی
تجیل ایده جکلرینه امیدم بر کالدر .

معاونتکزه قوشمق و سزه جدی مظاهرتده بولمق اوزه ایجاب
ایدنلره یازدق . حاضر لانیورز . و جریان احوالی مربوط بولدیغمز

قول اردويه موضحاً اشعار ايتدك . آله جق جواب آروجه عرض اولنه جقدر .

جناب حقك عنایتی و امداد روحانیت پیغمبری ایله کندی سعیمزه استاد ایدرك وظیفه دینه و وطنه مزه قرار یکنز وجهله اشراك ایده جكمزك عرضيله و برفردك بومقصده مخالف قلاماسی خصوصی طرفزدن اشراف و رؤسای حکومته تبلیغی ایله احتراماتمرك علاه ابلاغی رجا ایدر و ذات اصیلانه لرینه تقدیم تعظیبات ایلرز افندم .

۱۳ کانون ثانی ۳۶

مللی عشرتی رئیس

محمود

كرك مکتوبك طرز تحریری و کرکسه عنزه عشرتدن هنوز بر جواب آله مامسی اورفه ملی قیامتک وقت معیننده اجراسی خصوصندم بی دوشوندری یوردی . بن هر وجهله حاضر لانتشدم . ژاندارمه افرادی غایت ای تسلیح و تجهیز ایتشدم . اورفه ده موجود آلتیوز روس تفنکیله بر بچق میایون عدد جبخانهك درحال توزیعی ایچون ترتیبات آلتشدم . کوچوک ، کوچوک مفرزه لر حالنده شهری بر آنده ترك ایدوب معین مواقعه چکیله جکدك .

۱۳ کانون ثانی آقشامی هوا آچقدی . کونش رنگدن رنگه کیره رك بلوطلر آراسنده محتمم خوابگاهنه چکیلیوردی . افقنر پنه بر ابتسام ایله کولویور ، اورفه یه مخصوص بو اصل و کبار غروب قارشوسنده فرانسز بایراقلری رنگلی برر ییلان کبی دیرکلرینه

صاریتس کندیلری ایچون حاضرلانا عاقبتدن بی خبر ساکت دورویورلردی .

کوزلرم چول طرفده ، دیشاردن کلهجک خبرله انتظار ایدیوردم . بالخاصه کندیسنه مهم بر وظیفه تودیع ایدلش اولان عنزه عشیرتندن حالا بر خبر یوق . اطرافه چیقارتدیغم اتلیلرده عودت ایتماشدی .

آقشام ؛ یواش ، یواش یاغان ایجه بریاغمور کبی هر طرفی سیاهه یوایدی . کیجه اولمشدی . سواریلر کلدیله .

عنزه عشیرتی چولده اوزاقلرده ایش ... وقت معینده یتیشه بیلمه سنه امکان یوق . فضلہ ترده حاجت کوردم . ۱۵ کانون ثانی ۳۶ تاریخنده قرارلاشدیریلان قیامی ۱۸ کانون ثانی ۳۶ بازار کوننه تأخیر ایدم . ودرحال یقین عشائره وعینتاب وجوار هیئت مرکزیه لره بیلدیردم .

عینتاب وهور لهیئت مرکزیه لره وعشائر رؤسانه

کانون ثانیکن اون بشنجی کوننده بوراجه اجرایی قرارلاشدیریلان ملی مل قیامه اشتراک ایدهجک اولان عنزه عشائریکن اوزاقلده بولونمسی حسسیله قیامک ۱۸ کانون ثانی ۳۶ بازار کوننه تعلیق اولوندیغنی عرض ایدرم .

۱۳
۱۲ کانون ثانی ۳۳۶

علی صائب

ایرتسی صباح : ۱۴ کانون ثانی ۳۶ .

اورفه فرانسز قوماندانندن بر دعوت تذکره سی آلام . بعد انزوال

ساعت درتده اورفدهه بولنان فرانسز میر آلابی [نورمان] ك شرفه
ویرله جك چای ضیافتنه دعوت ایدیوردی .

بودعوتك سببى آكلایامادم . مع مافیه متصرف علی رضا بچی ده
دعوت ایتدکلرینی بالآخره اوکرندیکمندن بونك اهمیتسز برتشریفات
ایجابی اولدیغنه حکم ایتدم . فرانسز میر آلابی [نورمان] ایرتسی کونی
دیار بکره کیره جکدی .

کندیسی اورفهدن ، دیار بکره کوتورمك اوزره ، دیاربکردن
سواری ملازمی خلیل افندی قومانداسنده اون بش کتیک برسواری
مفرزه سی کوندرلمشدی . بعدائزوال ساعت درتده متصرفله برابر
فرانسز قوماندانك اقامتگاهنه کیتدك . اوراده نورمانله برابر همان
عموم فرانسز ضابطانی حاضردی . ضیافتده ظاهری برصوئوقلق
حکمفرما ایدی . چایلریمزی ایچر ایچمز متصرفله برابر عودت ایتمک
اوزره وداع ایدرکن نورمان برآز خصوصی کوروشمک وسیله سیله
نم قالمقغمی رجا ایتدی .

متصرف کیتدی ، بن قالدیم . بویوک برصالونده بولونیوردق .
نورمان فرانسز ضابطلرندن آریله رق بنله ، متصل اوطه یه کچدی .
آیاقده ایدك . نورمان :

— عشاثر رؤسایله مخبره ومناسبتهه بولونیورمیسکز؟ دیدی .
بوسؤال نه دن ایجاب ایدیوردی . درحال اطنه ژاندارمه قوماندانی
قائم مقام هاشم بکی خاطر لادم . بوذات ، بره مون طرفندن ویریلن
برچای ضیافتی متعاقب توقیف ایدیلرک پروته کوتورولمش واوراده
حبس ایدلمشدی . فرانسزلر چای ضیافتنی بر « طوزاق » اوله رق

قوللانیورلردی . فقط ، اورفه ، آظنهیه و بو کونکی وضعیت دونکی وضعیته قابل قیاس دکلدی . بئم توقیفم هر حالده بر انفلاق ایقاع ایده جکدی . بونی فرانسزلرک ادراک ایتماسنه احتمال یوقدی . بالخاصه نورمان ایرتسی کونی احتمال اورفهیه دوغری حرکت ایتس اولان ویا حرکتیه مهیا بولنان عشائرک ایچندن کچوب دیار بکره کیده جکدی . — ایجاب ایتدکجه عشائرله مناسبتده بولونیورم دیدم .

ژاندارمه طابوری ملحق بولنان و آمال و تشبثاته واقف اولان ژاندارمه ملازمی خلوصی بک بولوندیغمز بنانک جوارنده وضعیتی ترصد ایدیوردی . نورمانک متعاقب بیانات واستیضاحتی بی حیرتله دوشوردی . همان همان عشائر رؤساسنه یازدیغ بیاننامه لر مندرجاتی عیناً تکرار ایتدی . و بئم بویله بر تشبثده بولونمقلمک و خیم نتیجه لر تولید ایده جکنی و بئم ایچون اک و ظنرورانه حرکت وضعیت جدیدی قبول ایدوب هیچ بر صورتله مشکلات چیقارماق اولدیغنی خصوصی منطقیه اوزون اوزادییه ایضاح ایتدی .

بن ، هیچ بر تشبثانده بولونمدیغمی و بویله شیلردن خبرم اولمدیغنی و شاید بر اخبارده بولونیلمش ایسه بونک تماماً یالان و اساسسز اولدیغنی سویلدم . نورمانی اقناع ایده مدیکمه قانع ایدم فقط ؛ اساساً شیمدیکی حالده بورادن ، بو سالوندن و دوشدیکم بو طوزاقدن قورتولمقدن باشقه مقصدم یوقدی .

بویله مصنع و مرتب یالانله اینانیلمامسنی سوویلهیه رک سالوندن چیقدم . بوتون فرانسز ضابطلری دیک ، دیک و معیندار بر صورتده بکا باقیورلردی .

طوغریجه متصرف علی رضا بکه کیتدم . وضعیتی ، نورمان ایله ملاقاتمیزی آکلاتدم . هر حالده فرانسزلرک نهم عشارده یازدیغم بیاننامه لردن برینی اله کچیردکلری محققدی .

آرتق نهم ایچون اورفدهده طورمق قابل دکلدی . تشبثاتمک بوسوتون عقامته اوغرامسی احتمالی واردی . ترتیبائی دیشاریدن یایمق کسب ضرورت ایتمشدی . علی رضا بکه ده بوفکریمی مصیب کوردی .

او کیجه ، بیکباشی احسان ، شوکت ، بیطر مفتشی عادل ، ژاندارمه ملازمی خلوصی بکلرله بیکباشی الیاس بکه اوندی عقد اجتماع ایتدک . عریض وعمیق وضعیتی تدقیق ومذاکره ایلدک . برکیجه اول هوانک پک کوزل اولسنه رغماً بوکیجه مدهش بریاغموور یاغیوردی .

اوکمزده چیقان بومانعهلر بزى متأثر ایتمکه برابر عزیمیزی آرتدیریسوردی . یاغموور کیتدکجه شدتانه نیور وپولیس دوریه لرینک دودوکلری بوفیرطالی کیجه ایچنده اسرارانکیز برماهیت آلیوردی . سانکه بولوندوغمز اؤک اطرافنی فرانسزلر صارمش ، بزى مقدس امللریمزدن محروم ایتمک ایستورلردی .

قرار ویردک . همان اوکیجه بیکباشی احسان ، شوکت والیاس بکلرله عادل بک وبن اورفهینی ترک ایده جکدک . ژاندارمه ملازمی خلوصی بک اورفدهده قاله جق ، بزمله ارتباطی محافظه ایده جک وبالحاصله آلتیوزروس تفنکیله بریچق ملیون فشکی تحت نظارتنده بولندیره جق ایدی . قرار درحال موقع اجرایه قونولدی . اورفهلی حسن افندی

اسمنده بر قلاووزك دلالتيله كيجه ياريسي اورفهدن چيقدق . بو قراكلقده و شدتلي ياغمور آلتنده اورفهدن چيقيش پك مؤئردى . هيچ برير كورونموردى . آرا ، صيرا اوزاقدن كوپكلر هاوليور ، و تك ، توك ضيالر :

— يولكز آچيق اولسون ! دير كبي قاپانوب قيصليوردى . حر كتمزدن هيچ كيمسه خبردار دكلدى . ياغمور متاديا ياغنيور ، آياقلايمزك آلتنده كي چامور كيتدكجه درينه شنيور ، قراكلق كيتدكجه قويولاشنيوردى . بو ، يايا يورويش چوق مشكلدى .

— شو قراكلغي بر كچسهك بر صباح اولسه ... ديوردق . فقط هيچ برير متاؤر دكلدك . قراكلقده بر بريرمزي كوره مديكمز حالده قونوشويوردق . قلم بو سياه كيجه نك چوق سورميه جكنه امين ايدى . بو تشبثمك ، ايكنجى دفعه اوله رق تاخيره اوغرامسى ايدى . فقط نه اولورسه اولسون املم ، مقصدم و غايهم ملتكم خلاصه چالشمق كبي بويوك و اوغرنده سوه ، سوه ئولنه جك مقدس بر وظيفه ايدى . يوله چيقه جق بوتون انكللري قيراجاق نفسمده اوله بر قوت و متانت حس ايديوردم كه ...

خصوصيتمدن ، بنلكمدن تجرد ايتش ايدم . هيچ برشي دوشونموردم . يالكنز :

— بر كره چارپيشهق ديوردم .

بو چارپيشش شيمدى يه قدر ياپديغمز حر بلره بكنزه ميه جك . بوراده ملي حر كتك ملي مجادله نك بر مقدمه سي اوله جقدى .

بويله خياللر و تصورلرله كندىمى كيجهنك قراكلغنه توديع ايتمش
يوروركن قارشى افقلر خفيف بياضلامغه باشلادى .

صبح اوليوردى . [۱] قره كوپرى يه واردق . [۲] بويدى
كيلومترولق مسافه يي ياغمورك و چامورك چوقلغندن بش ساعته قطع
ايد بيلمش ايدك . قره كوپريده توقف ايتمهرك كچك . بلا انقطاع
يورويشه دوام ايله آقشامى باوللى عشرتلك كويلرندن اولان [يدى
قويو] قريه سنده سعيد بكى بزه منتظر بولدق . بن وضعى و اورفهدن
انفكا كمزك اسبابنى ايضاح ايتدم . آقشام اوستى فرانسز مير آلانى
نورمان ، محافظ تورك سواريلريه برلكده عىنى كويه و بزم بولنديغمز
أوه مسافر اولديلر . بزم او كيجه اورفهي ترك ايتديكمزدن خبردار
اولمهرق ديار بكره كىتمك اوزره اوصباح اورفهدن حركت ايتمشدى .
بزم ، بالخاصه بنم او آقشام عىنى كويده وحتى عىنى أوده اولديغمزى
قطعياً بيلمورلردى . سعيد بك ، يكديكرينه شدته مخاصم اولان
مسافرلرني ماهرانه اداره ايدىيوردى .

نورمان يانمزده كى اوطهده او كونجى يورغونلغنىك تاثيريه هورول ،
هورول او يوركن ، بز ، سعيد بك و آرقداش لرله برلكده ياننده كى
اوطهده خط حركتمزى قرارلاشدير يوردق .

سياحتمزك خطوط اساسيه سنى تثبيت ايتدك .
سيوهرك و ديار بكره كيده جك ترتيباتى بالذات عشائر نزدنده

[۱] بالآخره آكلاشيلديغنه نظراً بن قره كوپرى يه مواصلت ايتديكم

صبح اوغلم تيمور دنيايه كلش .

[۲] قره كوپرى مؤخرأ قراركاهمز اولمشدى .

یا باجق ، بالخاصه قول اردو قوماندانینک فکر و مطالعه سنی آله جقدق بو طرز و حرکت دها شمولی و دها اساسی اوله جقدی .

اورفده تعین اولونان کونلرده ملی قیام اجراسنک تأخره اوغرامسنی بو نقطه نظر دن دها مصیب اولدی . بعضی معکوس وقایع اولویور که بالنتیجه هر درلو تخمین و تصورک فوقده موفقیت تأمین ایدیور . انسان ذاتاً هیچ بر زمان افعال و اعمالنک تامایله حاکی دکلدر . جریان حادثات و یاخود مقدرات انسانی مأمول ایتدیکی یوللردن دولاشدیریور .

۱۶ کانون ثانی ۳۶ صباحی نورمانک حرکتی متعاقب بزده عینی استقامته سیوره که حرکت ایتدک . اورفهدن کیتدکجه اوزاقلاشیوردق . اورفهدن چیقدیغیزی و ۱۸ کانون ثانی ۳۶ تاریخنه تأخیر ایدیلن قیامک ایکنجی بر تأخره اوغرا دیغنی عشائره تبلیغ ایدمه مش ایدم . بو وظیفه یی اورفدهه بر اقدیغ ژاندارمه ملازمی خلوصی بک ایضا و اداره ایده جکدی . ایچمدن :

— کوزل اورفه ! سنی چوق بکلمیه جکز دیبوردم .

گذرکاهده کی عشائره اوغرایه رق کیتمکده اولدیغمز جهتله یولمز اوزویوردی . سیوره که اون کیلو مترو یا قلاشمش ایدک . مقابل طرفدن ، سیوره کدن بر سواری مفرزه سنک بزه طوغرو کلکده اولدیغنی کوردک .

— عشیرت آتلیری !

— خایر ! سواری ، عسکر !

دیبه مختلف تخمینلرده بولنورکن سواریلر یا قلاشدی .

بونلر فرانسز میرالای نورمان و محافظلری ایدی . عودت ایدیورلردی . تلاق غیر قابل اجتناب بر وضعیت اکتساب ایدی . نورمان بزى کورونجه حیرتله اچنده قالدی . و حیرتی کتم ایدمدی . متقابلاً دوردق . عسکریمزك محافظهسی آلتنده بولنان بوفرانسزه بر شیء یاپاجق دکلدک . فقط بر قاج سوز سويلك ، و طیمزه تجاوز ایدن وارمنی خیانت و خباثیله بزه یامدادقیرینی براقایان بو آدمیره هیچ اولمزه بر سرزنشده بولمق لازمدی .

یاننده ینه محافظهسنه ویریلن ملازم خلیل افندی قومانداسنده کی سواری مفرزهسی ورفاقتنده ده ترجمانلغنی یایان متقاعد بیکباشی کریدلی الهامی واردی . الهامی به توجیه خطاب ایتدم :

— میر آایه سویله ییکز کاشکی بز فرانسزلی کورمیه ایدک یالکز ایشتمکله اکتفا ایدم ایدک . اولری بویله غاصب بروضعیتده مملکتمزدن جبراً و حرباً چقارمق مجبوریتنی طویدوغمز ایچون پک متأسفز فرانسزله سیاست دکل قلباً ، وجداناً و ملتیزك ارزوی حقیقیسیله اعلان مخاصمه ایتمش بولونیورز . دیدم .

الهامی سویلدکلریمی عیناً میر آایه ترجمه ایدی . میر آای آجی بر تبسم ایله جواب ویردی .

— بش سنه در حربدن حالا اوصانمادیلریمی ؟ بن شخصاً حرب علیهداری ایم . و بنم کی فرانسده پک چوق حرب علیهدارلری واردر . انشالله حرب ایتمکلکمزله لزوم قالماز . دیدی .

— کیلیکیا و تورك شهرلری تخلیه ایدلدکجه تورك و فرانسز قانتک متقابلاً آقسی ضروریدر . بو وضعیت دوام ایتدکجه اللی سنه بورالرده ینه اولادلریمز چارپیشه جقدر . دیدم .

دها فضله كندیلرینی یوللرندن یقویمنی موافق بولدم . آردلق نورمان ؛ دیار بکره کیتمک اوزره اورفهدن حرکت ایتش ایکن سیوهرك اهالیسنك کوستردیکی غلیان اوزرینه عودته مجبور قالدیغنی محافظی ضابطدن آکلادق .

۱۹ کانون ثانی ۳۶ تاریخنده سیوهركه مواصلتله جودی پاشایه مسافر اولدق . جودی پاشا بزه پك زیاده مسافر پرورلك کوستردی . كرك کندیسی و کرکسه محمود افندی [سیوهرك مبعوثی] هر صورتله بزه مظاهرت و حرکاته اشتراك ایده جکلزینی تأمین و تعهد ایتدیلر . سیاحتیزی و اتخاذا اولنان ترتیباب و مقرراتی کونسه هیئت تمثیلیه بیلدیریوردم . سیوهركده اورفه حقنده بعضی معلومات آلدق . اورفهدن چیقدیغمز ، ایرتسی کونی شایع اولمش ، بالخاصه فرانسزلر هیجانه دوشمشلر . درحال بلدییه رئیسینی چاغیرتوب اورفهیه برچوق فرانسز عسکری کله جکندن بختله صنوف مختلفه ایچون یراضارینی طلب ایتمشلر ، دوریهلر چیقارمشلر ، نمایشلر یامیشلر ...

سوقیات عسکریهیی غایت مکتوم طوتمق لازم کلدیکینی تقدیر ایتیه جک قدر اورفهلیری بی بهره ظن ایتمک فرانسزلرک حتمزده کی تلقیسنه وازعانه بارز بر دلیلدلر .

مقرر پروغرام موجبجه قول اردو قوماندانیله کوروشمک اوزره ۲۴ کانون ثانی ۳۶ کیجهسی دیار بکره مواصلت ایتدک . کچ کلدیکمز ایچون هر طرف قبالی وهواده پك بوزوق ویاغمورلی ایدی . کیجهیی برخانک طاش دوشه مهلی براوطه سنده بش آرقداش بربریمزه یاصلانارق کچیردک .

ایرتسی صباح دیار بکر ژاندارمه آلائی ملحق اولان ارقداشم
یوز باشی قدری بک [سیوه رک مبعوثی] کلوب بنی بولدی .
بکا پک چوق نوازشکارانه معامله ده بولندی و بنی اوینه کوتوردی .
اون کوندنبری حضور قلب ایله یمک یمه مش و او یوماش ایدم .
وضیعت حقنده اوزون اوزادی یه قونوشدق و درد لشدک . او ائنده
اک زیاده استغرابمی موجب اولان شی اورفه دن انفکاکمی خبر آلان
استانبولده کی عموم ژاندارمه قوماندانلی دیار بکر آلاینه ویردیکی
امرده نیم مناسب بر محله استخدایمی بیلدیر یوردی . بوکا کولمکی
یوقسه آغلامقی لازم کله جکنی تعیین ایدم . مملکتک احواله
قارشی کوستریلن بو درجه غفلت شایان حیرتدر .

دیار بکر ، استقامت سیاحت مزک منتهاسی اولدی . آرتق ضالع
مکوسمز تبدل ایتشدی . اورفه یه عودت ایده جکدک .

قول اردو ارکان حرب رئیس خالده ، بشنجی فرقه قوماندانی
کنعان ، ایکنجی فرقه قوماندانی عاکف بکلردن کوردیکم معاونت
و مظاهرتی لسان حرمت و شکران ایله یاد ایتمکی بروظیفه عد ایدم .
۲۹ کانون ثانی ۳۶ ده مار دینه کلدک . مار دینده اورفه یه دائر
بر چوق معلومات آلدق : عنزه عشائری شمند و فرخطی تخریب ایتمش
و حرکاته باشلامش ... دیکر عشائردده برر ، برر حرکته کچمشلر ...
اورفه دن عشائر رؤسائنه کوندردیکم بیاننامه لک و تعلیماتک تطبیقاتنه
باشلامش دیمک اولدیغندن سرعتله اورفه یه عودتم لازم کلیوردی .
آرقداش لریمزدن بیکباشی الیاس ، احسان و شوکت بکلرک رأس العینده
بولونان عراق شیخ المشایخی عجمی پاشانک معاونتیه عنزه لره التحاق

وسروج وعزده عشائری برلشیدیرهك جرابلس وعرب پیکار آراسنده کی
شمندوفر خطی اساسلی بر صورتده تخریب ایدهرک اورفه یه کلیری
و بنمده بیطر عادل بکه برلکده ویران شهر اوزرندن اورفه یه حرکم
تقرر ایتدی .

۱ شباط ۳۶ تاریخده ماردیندن حرکت ایتدک . کیفیتی شفره لی
برتلغرافنامه ایله هیئت تمثیلیه عرض ایتدم .

آنقرده مصطفی کمال یاشا حضرتلمینه

۱ — احسان ، شوکت و الیاس بکلر یارین صباح ماردیندن
حرکتله حران اوزرندن سروجه کیده رک شمندوفر خطی تخریب
ایتمش اولان عزده عشائری آلوب سروج عشائریله برلکده اورفه
اوزرینه یورویه جکلردر .

۲ — عادل بکی رفاقمه آلهرق بنده یارین صباح ماردیندن
حرکتله ویران شهر اوزرندن مللی ، دوکرلی ، بادلی ، بازکی عشائر
ایله برلکده اورفه یه تعرض ایده جکم .

۳ — سیوه رکن عرض اولنان پروغرامنک شباتک بشنجی
و یدنجی کونلری آراسنده حرفیاً موقع فعله ایصالنه چالیشه جقدر .

۴ — اورفه قوای ملیه سنه ویریه جک بالعموم اوامرک ویران
شهر واسطه سیله نام عاجزی یه اعطاسنی استرحام ایدر اللریکزدن
اوپرم .

قیمتدار معاونت‌لرینی کوردیکم بشنجی فرقه قوماندانی کنگان بک
دل بکه بکا برر بینک و اشیامز ایچون بر قاطر ویردی . ویران
هرده مللی عشیرتی رئیس محمود بکک نزدنده ایکی کون قالدیم .

ماکنه باشنده سیوده رکه مخا بره ایتدم :

۶ شباط ۳۶ کونی بادلی عشیرتی رئیس سعید بکک نزدنده
جتماع ایتک اوزره سوهر کدن جودی پاشا نامنه عمجه زاده لری
محمد رمضان آغا و محمد ثاقب افندی ، محمود افندی نامنده اوغلی
محمد امین افندی بر قاچ یوز آتلی ایله کله جکلر و اوراده بکا التحاق
یده جکلردی .

ویران شهردن سعید بکک کوینه قرار لاشدیر یغمز کونده کیتک
ایچون ایصنر بر یولده ایکی کونلک زحمتلی و اوزون بر یوریش
تمق مجبوریتنده ایدک :

۴ شباط ۳۶ تاریخنده بیطر عادل بکه ویران شهردن حرکت ایتدک .
تمزه رهبر اوله رق ایکی عشیرت سوارسی آلمشوق . بو یولجلیق جدا
ک مشکل اولدی . قصبه دن چیقار ، چیقماز سواری رهبر لریمز :

— سزه یمک وقوناق حاضر لاتالم ! دیبه رک تعقیب ایده جکمز
ولی کوستروب آتلینی مهموز لادیلر ویزی یالکیز بر اقدیلر .

هواینه یاغمورلی وپک صوتوقدی .

اک بربادی قاطرک خوینزلنی و یورومه مسی ایدی . هر آیدمه
وکنی آتور ، قور تولوب قاقچق ایستوردی . آتلیمزدن اینور ، پک
شکلانه یدکه آلیوردق .

زواللی عادل بک بو عنادجی قاطرله اونی ، یوروتک ایچون یاپدیغمز
عادلده اغلایاجق حاله کلیوردی .

قاطر یوکنی آلوب یورومامک اچون عناده باشلانجه، عادل بک :
— بز بو قاطرله وبزی براقوب کیدن بو سواریلرله می اورفہ یی
فتح ایدہ جکز ! دیوردی . لطیفہ ایدوب کولوشویوردق .

۶ شباط ۳۶ آقشامی سعیدبک کوینه یاقلاشدیغمز زمان، کوی
بر اردوگاه حالندہ کوردک .

اتخاذ اولنان ترتیبات موجبجه قوای ملیہ مجتمع و امرہ مہیا
بر حالده بولونیوردی . امر وقوماندایی درعہدہ ایتدم . ۷ شباط ۳۶
صباحی اورفہ یی حرکت امرینی ویردم . بو امر، بویوک بر نشئہ
و شطارتہ قارشیلانندی . بو آندہ چکدیکم بوتون زحمت و مشقتلری ،
اضطرابلری اونوتدم . هیچ بر یورغونلغم قالماشدی .

سواریلر آت اویناتیور، مزراقلر پارلایور، بویوک بر دوکون
آلابی حالندہ اورفہ یی طوغری ایلریلیوردق . بوتون چہرہ لرہ امید
کونشی طوغمش، هرکس کولیور اوینایوردی .

بو حرکت، بوقیام او قدر حسی و ملی ایدی کہ ... عشیرتلر
آرالزندہ کی کین وعداوت خصوصیه یی اونومش بر قارداش کی یان
یانہ یورویورلردی . حکومتی و پادشاهی طرفندن ترک ایدلمش و دشمنہ
تسلیم اولومش بر ملت بو حرکتہ کندی وارلغی کوسترییوردی .
دون چولده تک بر آرقداشمہ یالکز ایدم بوکون بی و اونلری
ہیبتلی بر کتہہ حالندہ بورایہ طوپلایان و ایلری دوغرو یوروتن
کیم ایدی ؟ ...

— وطنک امری ، ملتک عزم و قراری ایدی .
صرف عسکر اولمقلمغ حسیلہ بورادہ ، بوقوتک امر وقومانداسنی

در عهده ایتمک بکا درین ونهایتسز بر ذوق وجدانی ویریوردی .
 یوروییش قوونک ایلر یسنندن براق بر ستون کبی ملی بر نغمه
 بو کسه لیور :

اورفالی یام بن ئوزوم

قولا ق وەر دیکه سوزوم

جمله من سکا قربان

اول باشدا بن ئوزوم .

دیگر برسس بر آز اوتهدن دها متهز وهیجانلی دالغالانیور :

اورفالی یام باغلی یام

یوره کمدن داغلی یام

کیمه دو کهم دردیمی ؟

یار ایلله باغلی یام

بو اورفه اغزی « خویرات » لر عشا ئرک :

— لولولولولولولونقرات حرججویانه سیله آلقیشلانیوردی .

$\frac{7}{8}$ شباط ۳۳۶ کیجه سی قره کویری قریه سنده کچردک .

قره کویری یه اورفه دن چیقدیغمز او یاغمورلی وچامورلی کیجه ده

صباحه قارشی کلشدک ، اوراده سحرک ایلك آیدینلغنی کورمشدک .

اوزمان یایا ایدک و هر طرفنر چامور ایچنده ایدی .

یکرمی ایکی کون صو کره قره کویری یه عودتمزی او کیجه ایله

قیاس ایدیوردم . او ظلمت نوره او عجز قدرته ، او رجعت بو

نجاوزه انقلاب ایتمشدی ، بو مهم تحولاته رغماً دور اندیشلکم

زیاده لشمشدی . او ، دقیقه ده اولدیغنی کبی بو کرده للهک وتاریخک

حضورنده تکرار اعتراف ایدرم که ، قان دو کولسنه محل ویرمه ریک
و خلقلک ازیلسنه امکان بر اقیه رق تدبیرله ، سیاسته ، کیاسته اورفه نیک
تخلیصی یکانه املمدی . اک بویوک اندیشه م بر قاریشقلغه محل قالماسی
ایدی . اورفه اوزاقدن و یقیندن احاطه ایدلش بولونیوردی .

قره کوپری صیرتلرندن اورفه کورونیوردی . اورفه یه قارش
منتظم دینله بیله جک تعرض ترتیبائی آلم . معیتک قسماً تعلم و تربیه
عسکر یه دن محروم بولندیغنی نظر دفته آله رق جمله سنی مناسب مقدارده
جزؤ تاملره آیردم . انجق بوضورتله ضبط و ربطی و انشظام حرکاتی تأمین
ایتم . اورفه ده قارشیمزده قوتلی بر صورتده مجهز و مسلح و معلم
افراددن مرکب بر فرانسز قوتی واردی . بوقوتی استخفاف جائز دکلدی
بوقوتک اوزمان کرک کیفیت و کرکسه کیت اعتبار یله بزه فائقیتی درکار ایدی
ای ، مقتدر ، جرأتکار بر قوماندان آئنده بو فرانسز قوتی مهم ایشلر
یاپا بیلیردی . خیالاته قاپیلیمیه رق ، بوتون معکوس احتمالدری نظر دفته
آله رق حرکت ایتک ایجاب ایدیوردی .
هر کسک کوزی اورفه ده :

— نیچون یورو میورز ؟ نه دن تعرض ایتمیورز ؟ دیسه بر بر لرلیسه
صورو یورلردی . قره کوپری صیرتلرندن اورفه ده کی فرانسز قوماندانسه
شو اولتیماتومی یازدم :

اورفده فرانسز قوه اغتالیسی قوماندانلغه

عصر لردنبری حر و حاکم یاشامش بر ملت استیلا و اسارتی قبول
ایده مز . ویلسون پره نسیپلرینه و متارکه نامه احکامنه مخالف اوله رق

کیتدکجه تزايد ایدن بو غدارانه و ظالمانه استیلايه قارشى حقوق مقدسه مزك تأمین و محافظه سنه فعلاً عزم ایتش بولونیوروز .

اورفده کی مسافرتکزه دها فضله مساعدده ایده بیامکلمزده امکان یوقدر متارکه منعقدیه مخالف اشغالکزی شدته رد ایدره ، یکرمی درت ساعت ظرفنده اورفیهی ترک و تخلیه ایتدیکنز تقدیرده حرکات قطعیه به توسل ایذیله جکنی و دوکوله جک قانلرک مسؤلیتک سزه راجع اوله جغنی بیان ایدرز . خرستیان وطنداشلیریمزک هر درلو حقوقی محفوظدر . اورفیهی تخلیه به موافقت ایتدیکنز تقدیرده حدودمزك خارجه قدر سربستهجه کیره بيله جککزی تأمین ایدرز .

۷ شباط ۳۳۶

اورفه وحوالیسی قوای ملیه قوماندانی

نامره [*]

بو اولتیماتومی ، ألنه بویوک بریاض بایراق ویره رک بادللی عشرتندن « محمد » نامنده بریسیله کوندردم . او کمزده کی ساحه آچیق ایدی . حاکم بر نقطه دن دورینمله اورفیهی سیر ایدیوردم . فرانسزلرک خسته خانه ایله جوار بنالر آراسنده قوشوشدق لیرنی کوریدیوردم .

فرانسز قوماندانی بر ساعت صوکره شو جوانی ویردی . جواب بر ارمنی ترجمانه یازدیرلش و تورکجه ایدی . عیناً شودر :

[*] « نامق » بم نام مستعارم ایدی . دوه لینک فراقین کوبنده کوروشدیکه زمان بو نام مستعارى قولانقلغم تقرر ایتش ایدی .

اورفہ ہوا رندہ بولونانہ بالعموم عشاہ

تحریر اتکزی آلم . سزلرله حال حربده دکلز . اراضیکزلی
تخلیه سی امری جنرال غورونک موافقتنه متوققدر . مشارالیه طلبکزی
تبلیغ ایتم . آرا مزده موجود اولان روابط و دادیهی اخلاص
ایده جک احوالک منعی ایچون مشارالیه دن ورود ایده جک جوابه انتظار
ایتمکز موجودر . بو جوابک همه حال سریعاً ورود ایده جکنه

اورفہ فرانسه حاکم سیاسی
سائر

اورفہ شاپل ۱۹۲۰

امید وارم



اورفہ ہوا رندہ بولونانہ بالعموم عشاہ

تحریر اتکزی آلم . سزلرله حال حربده دکلز . اراضیکزلی
تخلیه سی امری جنرال غورونک موافقتنه متوققدر . مشارالیه طلبکزی
تبلیغ ایتم . آرا مزده موجود اولان روابط و دادیهی اخلاص
ایده جک احوالک منعی ایچون مشارالیه دن ورود ایده جک جوابه انتظار
ایتمکز موجودر . بو جوابک همه حال سریعاً ورود ایده جکنه
امید وارم . سا ۷ شباط ۱۹۲۰
اورفہ فرانسه حاکم سیاسی

سائر

بومعلل و هیچ بر معنا افاده ایتیان و بر مذا کره قیوسی بیله آحمقندن
اوزاق بولونان بوجوابه ایکی ساعت صو کره شدید بر مقابله ده بولندم.
وعینی زمانده اور فده الی سلاح طوته بیله جک بیک قدر ارمنی واردی.
کوک بونلرک فرانسزلرله اشترا کنی منع و کر کسه هیجانی تسکین ایچون
متصرف واسطه سیله ارمنی مرخصه سنه آتیده کی مکتوبی کوندردم :

اورف منصرفلی واسطه سید اورف ارمنی مرخصه لفظ

اورفه لواسی داخلنده بولنان عناصر مختلفه کماکان قارداشجه
یا شامغه و خرستیان و طنداشلریمزک حقوقی حقوق مقدسه من کبی
محافظه یه عزم ایتدک . و فرانسز قطعاتنک یکر می درت ساعت ظرفنده
اورفه لواسنی ترک ایتلری ایچون فرانسز قوه اشغالیه سی قوماندانه
بر اولتیا نوم کوندردک . یکر می درت ساعت ختامنده اورفه نی تخلیه
ایتمدکلری تقدیرده هر جبهه دن اورفه یه هجوم ایده جکزر . بو هجوملر
صرف فرانسزلره قارشلی یاپیله جق و خرستیان و طنداشلریمزک جان
و مالنه قطعاً ایلدشمیه جکدر . بناءً علیه اثنای وقعه ده خرستیان
و طنداشلریمزدن هیچ برینک قورقمامسی و شبهه یه دوشمه سی اخص
امالمر اولدیغنک ایجاب ایدنلره تفهیم و تبلیغی رجا ایدرز .

اورفه وحوالیسی قوای ملیه قوماندانی

۷ شباط ۳۳۶

ناموس

اورفه نک ایچندن و فرانسزلرک ترتیبات و حرکاتندن منتظماً

معلومات آلیوردم. اهلینک شوق و سرورینه پایان یوقش ، فرانسزلرده
موضعی ترتیبات آلیورلرמש .

بن ، فرانسز قومانداننک قصبهیه قاپانوب قالمیه جغنی و هر حالده
دیشاری چیقاراق سربستی حرکتینی محافظه ایده جکنی ظن و تخمین
ایدیوردم. موضعی مدافعه ترتیباتی آلملری فرانسزلرک قوؤ معنویه سنک
دوشوک اولدیغنه دلالت ایدیوردی .

فرانسز متصرف عسکریمی ساژو کوندردی کمز اولتیماتومه جواب
ویرر، ویرمز درحال متصرفی و اشرافی طوبیلاتمش بزى و عشائری
گیری چویرتمک خصوصنده توسطلرینی رجا ایتمش . [۱]

[۱] ۴۱۲ نجی فرانسز آلابی ضابطانندن اولوب بالاخره حربده
مقتول اولان بر ذاتک اوزرنده بولونهرق بکا ویریلن غایت کوزل و مکمل
یازلمش بر محظره دفتردن - که پک مهم و نائق احتوا ایدن بو دفتربک اورفه
حرکاتنه متعلق اقسامنی اوچنجی قسمده کندی نوظرمله قارشیلادیرهررق
عیناً نشر ایده جکم - بو کونه عائد وقایبی بحث ایتدی کم دفتردن نقل و درج
ایدیورم . بو ضابطک اسمنی مع التأسف تحقیق و تثبیت قابل اوله مادی .
محظره دفتربنک اوستنده : « دوییلار طرفندن ییل باشی هدیه سی اوله رق
تقدیم ایدلدیکنه » دائر بر فقره وارسه ده بو دوییلارک محظره دفتربنی
هدیه ایدنمی یوقسه یازانمی اولدینی مهبدر :

[۷ شباط ۱۹۲۰ اوکلهیه دوغری چته لر اورفهنی احاطه ایدن طاغیر
اوزرنده کورونمکه باشلادی . درحال مدافعه ترتیباتی و حرب وضعیتی آلدق
اورفده فرانسز متصرف عسکریمنه ، ایلك دفعه اوله رق چته لر طرفندن بر
بر اولتیماتوم ویریلدی . بو اولتیماتومه اورفهنی یکریمی درت ساعت ظرفنده
تخلیه ایتدی کمز صورتده هر طرفدن هجوم ایده جکلرینی بیلدریورلردی .
شهرک تخلیه سی طلبنی درحال رد ایتدک . غروبه یاقین «لوا ارکان حربی» طرفندن
کوندریلن بر ساعی بزه ارزاق تأمین ایدن تل ایض استاسیوننه هجوم



مقتول دوشن فرانسز ضابطك اوزرنده بولنان مخطر ده دقريتك
ايلك صحيفه سنك فطوغرافيسيدر

Carnet de route depuis mon
débarquement en Cilicie (Turquie)

Le 25 Juin 1919. Débarquement à Mersine
(Cilicie). Produisons une bonne
impression sur les habitants que
nous regardent comme des rois et
construisent des arcs de triomphe
sur le passage du drapeau et des
troupes.

Le 28 Juin : Embarkement en chemin de fer
à destination d'Adana.

Le 29 Juin : Arrive à Adana, on nous salue
encore mieux qu'à Mersine.
Les habitants nous distribuent des
boissons rafraîchissantes qui d'ailleurs
nous font beaucoup de bien, car
la chaleur est accablante, ensuite l'on
nous donne des cigarettes et
l'impression : Comme à Mersine nous
viflons sous le drapeau en
file, nous passons encore sous des
arcs de triomphe et en signe de
bienvenue l'on fait des feux sur
notre passage je suis même sûr
de voir de très petits pois - Une
petite remarque en passant (l'on ne
peut pas beaucoup de folles femmes
sans doute que la langue renommée
du soldat français nous avoiz déjà
devancer, malgré cela tous se passent
très bien et sans aucun incidents.

412 REGIMENT D'INFANTERIE
30 COMPAGNIE

Souvenir de mon

Doullach de la 3^e Cie

du 412^e R.I. France mes

lettres du premier janvier

1920

à Bursa (Mésopotamie)

Soudure d'Asie.



442 REGIMENT D'INFANTERIE
30 COMPAGNIE



مع هذا قره کوپری به کلیشم اورفدهه اویله بر سوینج وشادمانی حاصل ایتمش که هر درلو تهلیکه ومانعته رغماً ارکک ، قادین ، چولوق ، چوجوق قره کوپری به کلیور هر درلوفدا کارلغه مهیا و آماده اولدقلرینی سویلیورلردی اورفه اهاایسنک کوستردکلری بو تظاهرات جدا افتخاره سزا ایدی . قره کوپری ، بویوک بر بایرام یری حالتی آلدی . کلنلردن بر قسمی عودت ایتیمور ، بزه التحاق ایدیوردی . غیر قابل تصویر برنشئه و سرور حکمفرما ایدی . شرقیلر ، غزللر سویلیورلردی . بوتون بو غزللرک و شرقیلرک مدلولی اولان « یار » هر کسک قلبنده اورفه و اورفهنک خلاصی ایدی .

ایدلیکنی بیلدیریوردی . ارمنیلر تکرار حیاتلرینک محافظه سی ایچون بزه مراجعتده بولوندیلر . کیمدن ونه دن قورقوبورلردی ؟ دنیاده ارمنیلر قدر قورقاق بر ملت یوقدر . بو وضعیتده دوشمکلیک زده اولنرک خطالری یوزندندی . اورفدهه کی فرانسز عسکرلری نظرنده هیچ بر قیمتلی قالمادی وضعیتنرک غایت تهلیکه لی اولسنه رغماً قوه معنویه سی اولسکی کبیدر . کوندوزک بقیه سنی و کجه نی بلا حاده کچیردک [بوفرانسز ضابطی بو خطرهدی یازمغه ۲۵ حزیران ۱۹۱۹ تاریخندن اعتباراً باشلامش خطرهنک باشنده :

[واپوردن آسیاده تورکیه نک کیلیکیا قطعهنه چقیدیفمدن اعتباراً سیاحت خطرهدر] دییه مشروحات وار . خطرهد علمیزده شدید بعض تعبیاتی احتوا ایتمکه برابر واقفانه وادیبانه یازلمشدر . فرانسه یه فرانسز اردوسنه ، عائله سنه دوستلرینه عائد قسملری جدا پک شایان دقتدر . بعض ملاحظاتی وار که انسان اوقودنجه عادتاً حیرت ایدیور . مأموراً آتینه کیدوب عودتی حکایه ایدرکن ۱۱ کانون اول ۱۹۱۹ نجی کونه خاطرهنه شویله باشلاپور :

[بزه بر مزار اولاجق اولان اورفده یه کیتمک اوزره ترهنه بندنک] فی الحقیقه اورفه بو ضابطه مزار اولدی . ایلریده بو خطرهنک قسم اعظنی درج ایده حکم ایچون بوراده فضله تفصیلات اعطاسنی لزومسز کوریورم .

کیجه صباحلره قدر کیمسه اویومادی .

۸ شباط ۳۶ صباحی متصرف علی رضا بك اورفه مفتیسی حسن افندی ، مفتی سابق شیخ مسلم افندی بلدیہ رئیسی حاجی مصطفی افندی و دیگر اشرافدن مرکب بر هیئت قره کوپری یه کلدیله . بو هیئت فرانسز مصرف عسکریسی بزى کیری چویرتمک و طاغتمق اوزره کوندرتمش . حالبوکه کرک متصرف علی بك و کرکسه نصایح وارشاداتیله قوای ملیه یه خدماتی سبق ایدن محترم مفتی حسن افندی بالخاصه بلدیہ رئیسی حاجی مصطفی افندی و رفقاسی کاملاً آمال و حرکاتمک مروجی ایدیله . کلن بو هیئت ایله عشائره قوماندا ایدن رؤسا هپ برلکده برشورای حرب و اختلال حالنده طوپلاندق .

آرامزده هیچ بر فکر اختلافی یوقدی .

او صروده یالکز مفتی سابق شیخ مسلم افندی بکا بعض سؤالر صورتی :

— قوماندان نامق کیمدر ؟

— بن ایم !

— قوتکز کافیمیدر ؟

— قوتمز لرومندن فضلهدر ؟

— طوپلریکز وارمیدر ؟

— یولدهدر یقینده کله جکدر !

— افرادیکزک اعاشه سی ایچون پاره کز و ذخیره کز موجودمیدر ؟

— مواد اعاشه و پاره مز فضلہ سیله موجوددر !

بوجوابلرم اوزرینه شیخ مسلم افندی :

— اندیشه‌م زائل اولدی . دیدی :

حالبوکه بالطبع حقیقت بوسویلدیکم کبی دکلدی .

باوللی عشیرتی رئیس سئید بکله سیوه‌رک عشائرینه قوماندا ایدن محمد امین و محمد رمضان و محمد ثاقب افندیلرک کندی آدملرینک اعاشه‌سی ایچون کتیرمش اولدقلری ذخیره ایله آنجق او آقشامی عمومی اعاشه تأمین ایدیه بیه‌جکدی پاره‌مزرده یوقدی .

فی‌الحقیقه بویه اختلالر و قیاملرده هر شی مستحضر و منتظم اولماز وهر ایش یولنده کیتمز فقط بوکا بر چاره بولمق لازمدی . هر حالده اعاشه‌مزرک اشغال منطقه‌سندن تأمیندن باشقه یاییه‌جق عملی بر چاره یوقدی .

صوکر ایشک یاغما کارلغه دو کولمسی احتمالی واردی . بوده بزم بالنفس تفسیح و انهزامز دیمکدی .

وضعیتیزی حقیقه احاطه ایتدیکی آ کلاشیلان و بالا‌خره کوستردیکی فداکارلقلریله بحق تمایز ایدن بلدییه رئیس حاجی مصطفی افندی محرم اوله‌رق اعاشه‌لرک اورفهدن تأمین ایدیه‌جکنی و بو خصوصده مراق ایتماککمیزی سوبلدی .

بم ایچون بوندن بویوک بر مژده اوله‌مازدی . آرتق قراریمیزی ویردک . ذاتاً فرانسزلرده بر تجاوز امارده‌سی کورولمیوردی . تجاوز ایتسه‌لرده اورفه آرتق بزم دیمکدی . اورفهنک قلبنی کوکسمده چاربان قلب کبی حس ایدیوردم . هیئت ممنوناً و معززاً عودت ایتدی . ارمنی مرخصه‌سی یازدیغم مکتوبه شو جوابی ویردی ؛ عیناً :

اورفه منصرفلفغی واسطه سید قوای ملیه قوماندانفغی جانب عالیبنه

شرفورود ۷ شباط ۳۶ تاریخی قرار فطعی بی متضمن بیاننامه
عالیرینه ممنونیتله نائل اولدق . جماعت عاجزانه مزك امل و آرزوسی
اولان مال عالیسندن درجه نهاییده مسرور و متشکر قالدق . جان ،
مال ، عرض و ناموس عاجزانه مزك طرف دولترلندن محافظه بیوریله جغنه
قطعیاً امین و مطمئنز . بو وسیله ایله یکدل و یکزبان اوله رق عرض
تشکر ایدر و دعا خوانکز اولدیغمزك افاده سیله کسب شرف ایلرز .
اولبابده وهر حالده فرمان

۸ شباط ۳۶ اورفه ارمنی جماعتی مرخصه وکیلی

پاپاس

آرتین

$\frac{1}{4}$ شباط ۳۶ آقشام اولیور . اورفهینه سیاه بورغاننه بورونییوردی
بو کیجه اورفه ایچون تاریخی بر کیجه ایدی . عشا ئر رؤسانی
طوپلادم کیجه یاریسندن بر ساعت اول مختلف استقامتلردن اورفهینه
کیریه چکدی : فرانسزلر طرفندن تجاوز اولنما دجه و مقاومت
کوسترلمدکجه طرفزدن تجاوز اولنماسی تنسیب ایدلمشدی .

حرکت حاضرلغی بویوک بر سرعت و سکون ایله ا کمال ایدلدی .
کیجه نك قرا کلغی ایچنده آتیلر اورفهینه طوغرو چلیک بر
نهر کبی آقغه باشلادی . منظرده درین و رؤیایی بر سکون و مهابت
واردی . صانکه هر یر آیاقلانمش یورویور کیدی .

حران و بك قبولرندن ايكي قولدن اورفهيه كيرلدي .
اورفه خارجاً يقيق بر سور اچنده در . قره قويون دره سي
شهری ايكيه آيبرر . شمدي فرانسزلرك قرارگاهيله آرامزده بودره
واردی .

بنده بادلی عشيرتيله برابر بك قپوسندن اورفهيه كيردم .
فرانسزلر هيچ بر حرکت كوسترميورلردی .
اورفهدن چيقديغ او ، ياغمورلی وچامورلی كيجه ايله كيرديكم بو كيجه
آراسنده كي حياتم صانكه بر رؤيا ایدی .

كچديكمز سوقاقلرده ساكن بر جوشش قاينايوردی . ژاندارمه لر ،
پوليسلر بلديه چاوشلری هر صنف خلق بويوك بر حرارت و محبتله
بو ملي قوتلری قارشيلامق و يرلشديرمك اچون اوغراشييور ، قسم
قسم اولر ، خانلر و جامعلر احضار ايديليوردی .

صباحه قدر سوقاقلرك و اولرك ايجاب ايدن مدافعه ترتيباتيله
اشتغال ايتدم . شهرك ياريسي تحت اشغاليمزه كچمشدی .

فرانسزلر خسته خانه و جوارنده ارميلرده كندی محله لرينه تحصن
ايتشلردی . اورفه يي بلا حاده اشغاليمزي هيئت تمثيليه يه ملحق قضالره
و مدافعه حقوق هيئت لرينه تلغرافله بيلديردم . كيجه يي اويقوسز
كچيرمشدك .

صبح اولدی . ۹ شباط ۳۳۶ .

بلديه دائره سنه بوتون مأمورين و اشراف مملكت طوپلاندى .
ملي اختلالك بالفعل باشلامش اولديغنی اورفه و جوارى اداره عموميه سنى
اختلالك نهايته قدر درعهده ايتديكمى و عدليه نك بو وضعيت دوام

ایتدیکی مدتجه ایفای وظیفه ایتمسسه لزوم اولدیغنی مع هذا مأمورلرک اسکسی کبی وظیفه لرینه مربوطیتلرینک باقی اولدیغنی تبلیغ ایتدم وبلدییه هیئتنده مدافعه حقوق هیئتی نامیله ایفای وظیفه ایتلرینی رجا ایلدم و آیرجه بلدییه هیئتندن بر قومیسون تشکیلیه قوای ملیه افرادینک اعاشه لرینی تأمین ایتلرینی و بوکا مقتضی مبلغده صاحب ثروت اولانلردن مناسب و معین مقدارده آلمسنی و درحال بر اعانه دقترینک تنظیمی بیلدیردم . ایکی بیگ آلتون لیرالق بر دقتر تنظیم اولندی . هیچ بر جبر وشدته لزوم کورولمیه رک . اورفهنک حمتلی اهالیسی دقتر محتویاتی بلدییه هیئتندن تفریق اولنان قومیسونه بر ساعت ایچنده ممنویته تسویه ایتدی . بش ذات امور ادارهیه و بش ذاتده امور حسابیه و اعاشیه مأموردی . ارتق ملی اختلال ادارهسی بالفعل اداره اموریه باشلامش دیمکدی .

هر طرفدن اورفیه تبریک تلغرافلری یاغیوردی : عیناً

اورفده قوای ملیه قوماندانی نامونه بکه

اورفه قصبه سنک بلا وقوعات اشغال و اداره حکومتیه وضع ید ایدیلهرک دشمنک خسته خانهیه چکیلدیکنی مبشر تلغرافنامه لرینه اطلاع حاصل اولدی . عالم اسلامک بالخاصه بش سنه دنبری کچیردیکی او دار فلاکتی اجنبی اشغالنک تعقیب ایدیشی قلبکاه امتده الیم ودرین جریحه لر آچمش ایکن محضا جناب حقک لطف مخصوص صمدانیسی اثری اوله رق افکار ملتده ظهوره کلن غلیان ملینک بر بارقه ظفری اولان اشبو موفقت قهرمانانه لری او جریحه لره بر دوای عاجل کبی

تلقی ایدلمش و عموم افراد ملتہ تازہ امید لر بخش ایلمش اولدیغندن
بالمله سکنه مملکتک ترجمان افکاری اوله رق جمعیتمز ، موقیت
وطنپورانه لرینی عظیم مسرتلره آلیشلار و تمادیسینی جناب باریدن
انتظار ایله ملتک سلامتہ دعالر ایلر محترم قارداش .

بیره جک مدافعہ حقوق هیئت نامته

تیمور [۱]

اورفده قوای ملیه قوماندانی نامور بک

مملکتتمزک سنه لردنبری اوغرادینی فلاکتک عزم ملی قارشیسندہ
نہایتہ ایرمسی حب وطنله چاریان بوتون قلبلرک انشراحنی موجب
اولمش و عظیم موقیتله نتیجه لهن شو تشبثات وطنپورانه لری بادی
شکران بولنمش اولمغله عن صمیم القلب عرض تبریکات ایله تمادی
موقیتکزی تمی ایدرم اقدام .

بیره جک قائممقامی

منیر [*]

بو ائشاده بلااستنا اورفہ اهاالیسنک کوستردیکی بویوک ویوکسک
حسن ملی و حسن حمیت قابل افاده و تصویر دکلدز . خارجدن کلنره
قارشی فقیر، زنکین بوتون خلق وارینی، یوغنی فدا ایچون بربرلرینه

[۱] تیمور بک برنجی بویوک ملت مجلسندہ اورفہ مبعوثی اولان افندیدره
بو ذات مجادلہ ملیه ده پک چوق چایدیدی . فقط مظفر صلحہ زری کورمک
میسر اولمادن وفات ایتدی . جناب حق ، غریق رحمت ایلسون :

[*] ارضروم مبعوثی منیر بکدز .

رقابت ایڈیور قادیں چولوق چوجوق هر کس ، نه صورتہ اعزاز
 واکرامده بولونه جغنی شایر مش ، ایسکی ، صر مه ایشله ملی ، آطلاسلی
 کلین یاتاقلرینی قوای ملیه افرادینک آلتنه سه ریور صباح آقسام
 قاوورمه لی پلاولر پیشیریورلردی . بالخاصه اورفه کنج احتیاط ضابطلری
 کنج روحلرنده کی مفکوره نك وطن و استقلال عشقنک و آتشنک
 نهایتسز شوقیه بر طرفدن مدافعه ترتیبائی آلمغه قوشویور ، دیگر
 طرفدن چناق قلعه حربنده بولمش قهرمان اورفهلردن بر چناق
 قلعه بلوکی تشکیل ایڈیورلردی .

بومنظره او قدر علوی ایدی که ، اورفهلیرک قابلیت حیاتیه سنی
 آکلامق ایچون بو کونلری کورمک کافی ایدی . بوتون بوچالیشقان
 وغیرتلی فداکار انسانلرک اسملریله کاملاً بو اثریمی ترین ایتمک واونلره
 حضور ملتده تشکر ایتمک ایستردم . او هیجانلی زمانلرده برچوقلرینک
 اسملرینی قید وضبط ایده مدم . او ، محویتپور قهرمانلره بیان اعتذار
 ایده رم .

۹ شباط ۳۳۶ صباحی اورفده مدافعه حقوق ، اداره و اعاشه
 هیئتلرنجه انتخاب اولونان ذوات بونلردی :

- ۱ — رئیس : حاجی کامل زاده حاجی مصطفی افندی
- ۲ — باروتچی حاجی امام افندی
- ۳ — حاجی رشید کامل زاده حاجی مصطفی افندی
- ۴ — حاجی بکر بک زاده شیخ مسلم بک
- ۵ — کوللی زاده عثمان افندی
- ۶ — حاجی ابرهیم افندی

- ۷ — بدرآغاززاده خلیل آغا
۸ — بیکباشی زاده خلیل افندی
۹ — منلازاده محمود افندی
۱۰ — حاجی اسعد افندی
۱۱ — حاجی سعید آغا زاده علی آغا
۱۲ — شیخو رمضان آغا
۱۳ — محمود آغا زاده مصطفی آغا
۱۴ — عربی زاده رشید افندی
۱۵ — شهاب زاده حاجی مصطفی حقی افندی
۱۶ — امام نبو افندی
۱۷ — علی شلی آغا
۱۸ — مستنطق اورفهلی نورالدین بک
عشائر قوماندانلری ده ذوات آتیه ایدیلر :
سیوه رك عشائر قوماندانلری
۱ — محمد امین افندی
۲ — محمد رمضان آغا
۳ — محمد ثاقب افندی
۴ — بادلی عشیرتی رئیس سعید بک
۵ — دو کرلی « « بکر »
۶ — شیخانلی « « حاجی عمر افندی
۷ — بازیکی « « بکر عاروس آغا
۸ — ایزولی « « بوزان بک

۹ شباط ۳۳۶ صباحی ساعت طقوزده بن بالذات حبسخانهك
تخلیه سی واهالینك تسلیحی ایله مشغول اولدم . حبسخانهك تخلیه سی
اشناسنده حبسلر استعجال و هیجان کوستردکلرندن و حبسخانهدن
چیقار، چیقماز سوقاقلرده اوتیه، بری یه قوشوشدقلرندن حبسخانهك
بناسنك اوستنده بولونان و حبسلرک تخلیه سندن خبردار اوله میهرق
فرار ایتدکلرینی ظن ایدن ژاندارمه نوتجی نفرینك اخبار مقصدیه بر
ال سلاح آتسی اوزرینه تحصنکاه و سپرلرنده برحر کته منتظر بولونان
فرانسزلر طرفندن شهر اوزرینه شدید بر آتش آچیلدی .
بو ایلک مصادمه مز اولدی .

فرانسز ضابطی مخطر دسنده بووقعه یی تماماً مخالف حقیقت اوله رق
قید ایتش :

[۹ شباط ۱۹۲۰ ساعت طقوزده قدر سکونت حکمفرما ایدی .
ساعت طقوزی بر دقیقه کچهرک شهرک مرکزندن و مناره لردن اوزریمه
سریع بر تنك آتشی آچیلدی . آتش ایدنلر شهرک سکنه اصلیه سی
اولان تورکلر و ژاندارمه لردی .

آقشامه قدر بلافاصله آتش تعاطی اولندی . کیجه آتش بر آرز
کسب سکونت ایتدی . اون ایکنجی آلایدن بر نفر مقتول و اوچ
نفر مجروح اولدی . مجروحلرک بری سیاهی و ایکسی تیرابور ایدیلر .
یاردلری خفیفدر [بو کوندن اعتباراً وقایع یومیه یی بو طرزده تلخیص
ودرج ایده جکم :

۱ — اورفهدده کی فرانسز قوتیه و قوعبولا جاق مصادمات

- ب — حادثات ، مخبرات واستخبارات ساثره
ج — فرانسز ضابطنك مخطرہ سندہ كى او كونه عائد خاطرہ سى .

ايکنجى قسمك صوکی

قِسْمِ ۳

ایک آنہ :

۹ شباط ۳۳۶

آ — مجبوسلری فرار ایدیور ظنیہ اخبار ایچون هوایہ برال سلاح آتان جبسخانہک اوستندہکی ژاندارمه نفری فرانسزلرک فعلاً اعلان مخاصمه ایتمسنه سبیت ویردی . ذاتاً ہر ایکی طرفک وضعیتی غایت کر کینلشمشدی . فرانسزلر بر تعرضه اوغرادقلری ذہابیلہ شہر اوزرینہ شدتہ آتس آچدیلر . ہیچ بر معین هدف اولمدیغی حالده بر چوق تفتک بومباسی ده آتدیلر .

شہرہ کیجہ کیرلدیکی وارمنی محلہسیلہ فرانسز قرارگاہ ومؤسساتنه قارشى یالکز مدافعہ تربیاتی النملقہ اکتفا اولندیغی جہتلہ فرانسزلرک بو شدتلی و هدفسز و عمومی آتسنه قارشى متفرق بر طرزده مدافعہ اولندی . غیر مؤثر بر طرزده آتس تعاطیسی آقشامہ قدر دوام ایتدی .

ب — اورفہده امریقا میسیونرلرینک تأسیس ایتمس اولدقاری امریقا ایتمخانہسی مدیرہسی میس هولس قوای ملیہ حرکاتنک اوکنہ کچیلمسى ایچون متصرفہ بر تذکرہ یازدی .

میس هولمس مسلك و وظیفه اعتباریاه متعصب برقادیندی. وضعیتی احاطه دن عاجز ایدی. بزى غیر مدنی و عاصی تلقی ایدیور و حتمزده يك متجاوزانه بر لسان قوللانیوردی . او کیجه ، ما کنه باشنده هیئت تمثیله ایله کوروشدم . وضعیتی ایضاح و فرانسزلرك بالخاصه مرعش و قایعنه دائر معلومات ایستدم .

۱۰ شباط ۲۳۶

آ — بلا مقاومت اورفیه کیریشمز و فرانسزلره يك زیاده تقرب ایتمش بولمقلغمز بالنتیجه سپر محارباتی وجوده کتیردی . فرانسزلرك سلاح و جیخانه لرینک تقوقی و فضله ایغی آراضینک وضعیتی طرفزدن بر هجوم اجراسنه مساعد اولماقله برابر دهها مساعد محللرك اله کچیرلمسی لزوم و مجبوریتیه صباحلین ، شدید بر آتشی متعاقب بعض نقطه لرده خطی بر آز ایلریتدم . فرانسزلر فائق بر آتشه مقابله ایتدیلر... بو صرده سیودرك عشائرنک بر قسمنه قوماندا ایدن محمد ثاقب افندی آغیر صورتده یارالاندى . بو فداکار و جسور کنجک یارالانسی سیودرك عشائری و خلقی اوزرنده فنا بر تاثیر اجرا ایتدی . بویله قیمتی بر آرقداشدن محرومیت نیم ایچونده مهم بر ضیاع ایدی . آتس دوام ایتمکله برابر بالخاصه تحکیماته عطف اهمیت ایدیوردم .

قصبه داخلنده ، ارمی محله سنه قارشى آلان مدافعه ترتیباته قصبه اهالیسندن متشکل مفرزه لری مأمور ایتمشدم .

ژاندارمه‌نك بر قسميله عشاره قصبه خارجنده سپرلر قازديرمق صورتيله فرانسز مواضعنه قارشى احاطه ترتيبى آلديردم . سلا حليمز مختلف چاپلرده ايدى قيمت حربيه لرى مطلوب درجه ده اولماديني كېي جېخانه مزده كافي مقدارده دكلدى . غايت اداره لى و احتياطلى حرکت ايتمك ايجاب ايدىوردى .

ب — عىنى زمانده داخلى اداره تشكيلاتى تنظيم و ملحققات مدافعه حقوق هيئتليله منتظماً مخاربه تأسيسى مقتضى اولديغندن بونكله ده مشغول اولدم .

بوتون شعبات اداره يه تماماً مدافعه حقوقه وضع يد اولوندى . اورفه وحواليسى مىلى بر اداره يه انتقال ايتمشدى . متصرف كىمىتى فرانسز قومانداننه بيلديرى .

فرانسز ضابطنك بوكونه دائر مخطرهنده ، وضعيتى عىناً بو طرزده تصوير ايدىيور :

ج — [۱۰ شباط ۱۹۲۰ : صباح غايت ايركن شدتلى بر آتش آچيلدى . دهافائق بر طرزده مقابله ايتدك . قبل الزوال ساعت طقوزده متصرفك مکتوبى حامل بر هيئت كلدى . متصرف مکتوبنده آرتق شهره ، ژاندارمه و اهالى يه حاكم اولديغى بيلديريوردى . بوكون بدبخت ۴۱۲ نجى پياده آلایى افرادندن اوچ نفر يارالاندى . برى آغیرجه در . آقشامه قدر آتش فاصله لى صورتده دوام ايتدى . توركلر باشليجه يوللر يىمىزى آكلامش اولدق لردن طولى كېي ياغان مرميلر طرفدن سلاملا تمسزین خارجه ده كزملك امكانى منسلب اولدى]

۱۱ شباط ۳۳۶

فرانسز لر موضعارینه دها زیاده مربوط بر وضعیت آیورلر...
بر قلمیه قاپانان ویا بر موضعه باعلانان قوای عسکرینه نك انجای
تحقق تسامیت و اسارتدر .

النده فائق بر قوت وار ایکن فرانسز قومانداننك بر حرکتده
بولنامسی بنی متحیر ایدیور؛ بو، شبهه سز فکر احاطه دن و قابلیت
تشبیه دن محرومیته دلالت ایدر.

خارجله و اردولرننك اقسام سائره سیله مخبره و مواصله لری
کیسلمش بولوندیغی حالده فرانسز قومانداننك اورفه جوارنده کی برقاچ
اود قاپانارق اورفه یی تخلیه ایتمك ایسته مامسی سینی آکلایامیورم. احتمال
برقوه امدادیه بکلورلر .. فقط عینتاب، مرعش، کلیکیا و بوتون
او حوالی بی ملی اختلال آتشی صارمش و خلق، چولوق، چوجوق،
قادین، ارکک هر طرفدن سلاحه صارلش ایکن وضعیتی تقدیر
ایده میهرک دار بر عسکری ملاحظه ایله اورفه یی تخلیه ایتمك ایسته.
مه مک ده کی منطق غیر قابل ایضاحدر. اورفه ده بولنان فرانسز قوتی
عسکری و سیاسی فرانسز متصرفنك وظیفه سنی و قوتنرولنی مؤثر
برطرزده پایه بیلمسی ایچون عسکری اولمقدن زیاده سیاسی بر اشغال
قوتی ماهیتنده ایکن و فرانسز متصرف سیاسی و عسکریننك فرانسز
عسکرلری کی برقاچ اود قاپانق صورتیله بووظیفه سی ختام بولدیغی
جهته اساساً آرتق اورفه ده فرانسز عسکریننك حکمت وجودی
قالمامشدی ... وعینی زمانده کیتدکجه بزم قوتنر آرتیور. عشائر

واسع مقیاسده حرکتہ کلیوردی . بو محصور فرانسز قوتنک عاقبتی
خجیع اولہ بیلیردی . صرف بوانسانی ملاحظہ ایله فرانسز قوماندانہ
بردها عرض تسلیمیت ایتمی تکلیفنده بولدم . ینہ جواب رد آلام .
کوندردیکم ہیئتک عودتتی متعاقب طرفین آره سنده ینہ آتش آچیلدی
وآقشامہ قدر دوام ایتدی .

ب — سر و جدہ طوپلانان قوای ملیہ عرب پیکار استاسیوننده کی
فرانسزلره و بیرہ جک قوای ملیہ سی دە بیرہ کلیدہ بولنان فرانسزلره
تسلیم اولملری تکلیفنده بولندی .

ہراییکی موقعده بولنان فرانسز قوماندانلری تسلیم تکلیفی رد
ایتمش اولدقلرندن بیرہ جک و سر و جدہ حرب باشلادی .
عرب پیکار موقع قومانداننٹ تسلیم تکلیفنه قارشی یازدیفی جواب
عیناً [تورجہ در] .

سروج قوہ ملیہ جمعیتہ

۱۱ شباط سنہ ۳۶ تاریخلی نیمیقہ کز وصول بولدی . طرفندن
دخی قان دوکمک ایستتم وھیچ برکیمسہ یہ تسلیم اولامام .

۱۱ شباط سنہ ۳۶ عرب پیکاری موقع قوماندانی

سورا

بیرہ جکدن شو تلغرافی آلام :

اررف و ہوالبسی قوای ملیہ قوماندانی نامہ بلکہ

بوکون آلاتورقہ ساعت طقوزده قوای ملیہ طرفندن قوشادیلان

پیره جک قصبه سنک خارجنده یرله شهن فرانسزلر اوزرینه آتش
آچلمشدر . مصارمه دوام ایدیور . قیام ملینک موفقیتله تتوجنی
لطف باریدن بکلیورز . حاکم تپه لر کاملاً بزده قوه مغنویه یرنده در .
۱۱ شباط سنه ۳۶

پیره جک مدافعه حقوق هیئت مراکزیه سی

رئسی

تیمور

د — فرانسز ضابطنک مخطرهنده بوکونه عائد « خلاصه وقایع »
[کوندوز وکیجه اهمیتی موجب بر وقعه اولمادی . یالکز
بعدانزوال ساعت اوچده یکی بر هیئت دهاکلدی . کلن هیئتک
کتیردیکی خبرلر حقنده رسمی بر معلومات یوق . ارمیلرک سویلدیکنه
نظراً تورکارک ۱۵۰ مقتول و ۷۰ یارالیری وارمش شمدی یه قدر
بزم بر مقتولمز و اون بر یارالیمز وارد اولدی . هیئتک عودتی متعاقب
تورکلر طرفندن سریع بر آتش آچیلدی و دوام ایتدی] .

۱۲ شباط ۳۶

آ — هوانک پک زیاده صوئوق اولسی حسینیه ضعیف و سیرهک
بر ازعاج و اشغال آتشیله اکتفا اولندی .

ب — فرانسز مواضعی جوارنده بولنان و آمریقایلر طرفندن
تأسیس ایدلمش اولان ایتاخانه بناسی موضعلریمز حاکم بر وضعیتده
بولندیغندن ایتاخانه ، محافظه مقصدیه فرانسزلر طرفندن اشغال
ایدلمش ایدی . دونکی مصادماتده ایتاخانهده بولنان فرانسز افرادی

طرفدن ده مصادمه يه اشتراك ايدلديكي كورولديكندن ايتاخانهك
مديره سي اولان ميس هولسه بر مکتوب يازدم . ايتاخانهك محافظه سي
ارزو ايديليورسه منتظم بر ژاندارمه مفرزه سي كوندره جكمي هر حالده
بر ياكلشغه محل قالماق اوزره فرانسز عسكر لر ينك ايتاخانه دن
چيقارلمسي حرمتكارانه يازلمش بر مکتوبله رجا ايتدم .
مادامك حالت روحيه سني ونه كبي حسلر و فكر لر له مشوع
اولديغي كوسترمك ايجون آلدیغم جوابی عیناً درج ایدیورم :
اصلي انگليزجه اولان مکتوبك عیناً ترجمه سیدر :

آمریقان ايتاخانه سي

اورفه

۹۲۰/۳۶/۱۲/۱۲

قوماندرانه نامه:

بوكون كوندرديككز مکتوبله بنی شرفیاب ایتدیكز . دون متصرفه
يازدیغم مکتوبی بردها او قویاجق اولورسه كز بو ، سزك مکتوبكزه
كوزل بر جواب تشكیل ایدر .

ایجه دوشونه جك اولورسه كز كوره جكسیكز كه رئیس جمهور
ویلسونك اون درت ماده سندن آنجق بر قسمنی مجلس عالی قبول ایدرهك
صلح شرائطی بو اساس اوزرینه وضع و تأسیس ایلشدر . حتی قبول
ایدیلن مواد بیه بو یوك تعدیلات و تبدلاته اوغرادقن صوكر ا قبول
ایدلشدر . توركیه حقنده تطبیق اولونه جق معامله و شرائط هنوز
بیله مامكده در . بو شرائطی بیلمدكجه حرکت اولونمسی كار عقل دكلدر .
بو شرائطك اعلانه قدر صبر و انتظارده بولمكز دها موافق ایدی .

افکار عمومیہ آنجق عاقلانہ بر صورتہ ادارہ ایدیلیرسہ حائز قیمتدر .
بویله حقایق آکلایان وسکنہ سنک بویوک بر قسمنک او قومق ویا زمسی
اولیان بر شہرک مقدراتی کندی اوزرینہ آلان بر آدم دہشتلی بر مسئولیت
آلنہ کیرمش اولور .

اہالی اغفال ایدلدیکنی آکلادینی و حقیقت تظاہر ایتدیکی زمان
حاکمز چوق مہلک اولہ جقدر . حتی سز بیله آلدانیورسیکز ،
کورولویور کہ فرانسز قوتی حقدہ یا کلش معلومات آلمشیسیکز .
بو قوت کوچوک دکلدر .

پارسدہ بولونان مجلس عالی بیله جنرال آللنی دن آلدینی دیر کتیف
دائرہ سندہ ایش کور مکدہ در . بویله بویوک بردات مہم تقاطعی طومق
ایچون بر آووج قوت کوندر منز . ہم بویاز دقلریمی حقیقت اولہ رق
قبول ایدیکنز .

سز تعلیم و تربیہ عسکریہ دن محروم واوتہ یہ ، بری یہ بلا تاثیر آتش
ایدن معیتکزلہ اک مکمل ادوات حربیہ ایله مجہز و آلمانیایی کندی
حدود لرندہ مغلوب ایتمش بر قوتی اضرار ایدہ مزسیکز ، معیتکزہ
واہالی یہ کندی لرینک قازانا جقلرینی دوشوندورمک خطادر ویا یقدر .

آمریقا مؤسسہ لرینہ کلنجہ :

بن بورادہ طقوز یوز عاجز یتیمہ اسکان ایدہ جکم . فرانسه
آمریقانک متفقیدر باشقہ بر شی دکلدر . او ، آمریقالیلری کندی
اہالیسی کبی محافظہ ایدہ جکدر . سزک آمریقا ایتامخانہ سنہ آتش
ایتدیکی کزی کورونجہ بزنی محافظہ ایتک ایچون بورایہ گلدیلر .

بدایه سز نه بویه بر هجوم یاپه جغکزی اخطار ونه ده بی محافظه
ایده جککزی کلوب سویلدیکنز .

آمریقا حکومتی سزی ، آمریقایلرک بر خدمه سنی قتل ایتدیکنز
وبومؤسه اوزرینه آتس ایتدیکنزدن دولانی استجواب ایده جکدر .

ماری قارولین هولس

میس هولس ، عادتا بر دیپلومات کبی بیان مطالعه ایدیور .
وطن ، ملت ، عائله ، اوجاق حسلری یالکنز کندنده موجود عالی
حسیاتدن عبارت صانان و قارشیننده کنی هیچ بر بشری حسله
کندی طور اغنی مدافعه ایده جک رشد وقابلیتده کوره میان بو متعصبه
قادینه آمریقالی دیه بیلیمک ایچون چوق دوشونمک لازمدی .
آمریقایلرک استقلال مجادلاتی بو اوغورده دوکدکلی قانلری ،
عصرلرک قانلی چارپشمالرینی بوتون بونلرک غایه سی حق حیات و حق
استقلال اولدیغنی تقدیر ایده میان وزی اذعانسز بر سورو تلتی ایدن
بو قادین شهبه سزکه معذوردی .

او ، دینی واسکی فکرلرک بر اسیره سی و بو اسارت فکریه نك بر
خدمتکاری ایدی . و او ، آنجق بوفکرلرله یاشایور ، کچنیور ، بیور ،
ایچیوردی .

انسانیته خدمت ایتدیکنی ادعا ایدن بر مؤسه نك مدیره سی
ایچون دشمن ودوست تفریق ایتمامک و بو وضعیتده تماماً بیطرف
قالق لازم کلیرکن مادام ، صراحة فرانسزلرله برابر قارشیمزده جهه
آلیوردی . کاملاً تبعه مزدن اولان مؤسه نك بوتون مرتباتیله

فرانسز لرك متفق اولديغى سويليوردي ، وطنلرني دشمن تجاوزندن
ورتارمق ايجون آياقلانان خلقي، ياكلش يوله كيدن و اغفال اولنان
بر خلق ديهه تصوير ايتمه چالشمسي و بني آللهنيك اردولريله
آمريقا حكومتيله تهديد قالمسي كولونج اولديغى قدر حزيندي .
عصر لردنبري دين نامنه دوكونل قانلر ، وبالخاصه مملكتمزده
ميسونر تحريكاتيله وجوده كلن خييع صحنه لردن دولاي محكمه
نسانيت حضورنده استجواب ايدلمسي لازم كلنلر كنديلري ايدى .
او كون هيئت تمثيله ايله ماكنه باشنده وقوع بولان مخابره
نتيجه سي؛ مرعشه كي فرانسز لرك قواي مليه قارشيسنده مغلوباً
شهرى ترك ايلدكلى تبشير اولوندى .

د — فرانسز ضابطك مخطر سندن :

[۱۲ شباط ۱۹۲۰ عاصيلر [تعبير شايان دقتدر] كوش طوغاركن
سپر ليمزه سريع بر آتش آچديلر.. دونكي تهديدلرينه نظراً بوكون
هجوم ايتلري احتمالي واردى اوكانظراً ترتيبات آلدى . بر نفر
و اوچده اينكمز اورولدى .

هوايك صوئوق . اكر يتله عاصيلرك آتشي ياپمه آداملره توجه
ايديليوردي . باشقه مهم بر وقعه اولمادى]

۱۳ شباط ۳۳۶

آ — فرانسز موضعلرى ينه خفيف بر اشغال آتشي آلته
آلدى .

ب — مرعشك طرفمزدن استردادى خبرى اوزرينه فرانسزلره

بر کره دها تسلیم تکلیفنده بولنغی موافق کوردم ، کونلر چکدجه
وضعیت بزم لهمزه دونویوردی . فرانسزلرک اورفه جوارنده تحصن
ایدهرک مدافعهده بولملرنده هیچ بر مقصد یوقدی . بو ، فائدهسز
بر حرکتدی . اوزاقلرده کی عشاژده یواش ، یواش کلییوردی قان
دو کولسنه قلم راضی اولیوردی . فرانسه قوماندانی مذاکره
یناشمایه جق اولورسه بویوک تسهیلات کوستره جکدم ، بالخاصه کند
بر عسکر اولوق صفتیه عسکرلرک عزت نفسنه حرمت ایده جکم شبهه سزدی
بودفه طوغروجه فرانسز اشغال قوماندانی هوجره شومکتوبی
یازدم :

اورفده فرانسز مفرزه سی قوماندانی هوجره بناندرینه

امرم آلتنده بولنان قوای ملیه ایله اورفه یه کلهلی درت کون
اولویور . طرفکزدن اورفهنک تخلیه سی حقهده دفعاتله و مکرر
واقع اولان تکلیف ورجایه قارشى آلدیغیم جوابلرده قان دو کولکسز
مملکتی ترک ایتمک آرزوسنده اولمدیغکز اکلایشیلور . قطعی حرکت
کیریشمدیکمزک سببی انجق قان دو کولسنی ایسته مدیکمزدن ایلری
کلیکده در . صرف و مدنی و انسانی بر حسه مستنددر .

بولزومسز عناد واصرارده دوام ایده جک اولورسه کز حرکت
حریه یی تشدیده مجبور قاله جغیم بومکتوبکم سزه وصولندن اعتبار
نهایت اوچ ساعته قدر آتیده کی شرائطی قبول ایدوب ایتیه جککمز
دائر جوابکزه انتظار ایدیورم :

[سلاح و جیخانه کزی تسلیم ایتک شرطیه سزی ایستدیککنز
نقطه و محله قدر سالماً ایصال ایتکی تعهد ایلرم]
جوابکنز منفی اولدیغی صورتده حرکات قطعیه حربیه به ابتدار
ایده حکمی بیان ایدرم .

هامش: مرعشده کی فرانسز قوتی اوراده کی قوای ملیه قارشیندم
مقاومت ایده میهرک مغلوباً شهری ترک ایتکه مجبور اولمشدر . بیره جکده کی
فرانسز لرده قوای ملیه طرفندن محاصره ایدلشدر . سنک مقاومتکنزک
بیهوده اولدیغی و تسلیم اولقدن باشقه چاره کز قالمدیغی تکبر ایدرم
افندم . ۱۳ شباط ۳۳۶

قوای ملیه قوماندانی

نامونه

فرانسز قوماندانی ینه جواب رد ویردی . کوندردیکی فرانسزجه
مکتوبک عیناً ترجمه سیدر :

اورفده قوای ملیه قوماندانغه

اورفده فرانسز حرب قوماندانغی طرفندن

نومرو : ۹۲

بو کونکی تاریخله محرر تحریر اتکنزی آلدیغمی عرض ایله کسب

شرف ایلرم .

اورفده کی فرانسز قوهٔ محافظه سی دول متفقه ایله حکومت عثمانیه

بیننده منعقد متار که نامه موجینجه ایفای وظیفه ایله مک اوزره بورایه
کلشدر . بو قوهٔ عسکریه آنجق فرانسه حکومتک امریه بورادن

عزیمت ایده بیایر. متارکینی عقد ایدن نه بن اجم ، ونه ده سز سکنز .
مسئولیتدن کندیکنزی قورویکنز .
هوره

فرانسز قوماندانندن آلدیغم ، وهیچ شهه سز ناموسلی برعسکره
یاقیشه جق اولان بو جوابی تقدیر ایتمکه برابر وضعیتی حالا فرانسز
قوماندانلرینک ادراک ایتمامکده اولدقلرینی آکلایوردم . بویله
اس الحرکه سندن اوزاقلاشمش مواصله و مخابره سی منقطع اولمش بر
قوه عسکریه نك یالکنز عسکری ملاحظه لرله اداره اولنه مایه جنی درکار
ایدی . و اساساً فرانسز قوتنک اورفه یی محافظه سی فعلاً ساقط
اولمش شهر جواردنه برقاچ اوه چکیلوب تحفظ ایتمش ایکن قوماندانک
حالا اورفه یی محافظه یه مأمور اولسندن بحث ایتسی معناسزدی . بو
جوابک ورودی اثناسنده اورفه فرانسز متصرف عسکریمی ساژو
اشغال ایتمکه بولندیغی بنالری تخلیه ایدرک فرانسز مفرزه لرینک
بولندقلری محله التجا ایتدی . و ترک ایتدیکی خانه دن کشف بر
آله و ستونی یوکسلدی .

آمریقا ایتامخانه سی مدیره سی میس هولسدن دون آلدیغم مکتوبنه
شو جوابی یازدم :

امریقا ایتامخانه سی مدیره سی محترم میس هولسه

۱ — تحت امرمه اورفه یه کلن قوای ملیه نك امل و متصدی
و استبداف ایتدیکی غایه حقنده متصرفه ذات عالیری آراسنده جریان
ایدن مخابره دن تمامیه معلوما تدارم .

۲ — كرك متعدد دفعه لر متصرفه و كركسه بكا يازديغنز شباط سنه ۳۶ تاريخلى مکتوبكزده فرانسزلرك اورفهي تخليه همه جکلريني وفرانسز قوتلرينك ظن و تخمينكز کبي آز اوليوب مروجهله مدافعه يه مقتدر اولدقلريني بيلدير مکده سکز .

۳ — حالبوکه فرانسز قوه عسکريه سنک مقداری قطعياً و تماماً ملومنز اولديغني کبي در . قواي مليه نك درمه چاتمه وسلاح استعمالندن بهره بولندقلرينه دائر ورد زبان ايدينديککز فکرده ياکلشدر . براديمزك درت سنه در مختلف جهه لرده چارپيشمش وهردرلو مهارت تربيه اکتساب ايتمش بالخاصه شجاعت و جسارتلريه کنديلريني نيابه طاتمش اولدقلريني ايضاحه لزوم کورميورم .

۴ — مقصديمز قان دو کوله سنه محل براقيه رق اورفهنك تخليه سني مين اولديغندن حرکات قطعياً حربيه يه باشلاميه رق مصلحانه برطرزده مقصدي استحصال ايجون چاليشمقده يز . بو باده يالکز سلاح جبخانه لريني تسليم ايتمک صورتيله فرانسز قوتلريني آرزو ايتدکلري له قدر سالماً ايصال ايتمکي تمهد ايدرک فرانسز قوماندانلغنه واقع لان تسليم تکليفلر به جواب رد المقده يم . وبوصورتله آرتق حقوق حاکميت مليه مزك تأميني ايجون حرکات مؤثره يه مجبوريت حاصل له جفني عرض ايدر م .

۵ — ارمني ملت مجلسي رؤسايه بو کون يازديغيم تذکره مخصوصه دهه تبليغ و اخطار ايتديکم وجهله شيمدي يه قدر وطنداشليمز لمق اعتباريله محافظه حياتلري طرفندن تأمين ايدلمشکن مع التأسف نك خلافه اوله رق دون باصمه خانه جوارنده ساعتجي ميخونک

خانه‌سندن استعمال سلاحه جرأت ایتلمری وصایای خالصانه مزله
حسن تلقی ایدلمدیکنی واضحاً آکلا تمقده در . هر نه قدر دونسی تجاوز
قارشی مقابله ایدلمه مش ایسه ده بعدما ارمنی محله‌سندن تک بر قورشود
آتیلدینی صورتده شدتله مقابله ایدیه جکنی وایجابنده میترالیوز وطور
دخی قوللانیله جغنی اخطاره لزوم کورویورم .

۶ — عالم انسانیت ومدنیتده یوکسک بر موقعی اولدینی آنا
شهوده سیله معلوم اولان آمریقا جمهوریت فخریه سنک اورفده اداره که
آلنده بولونان ایتامخانه سنک محافظه‌سی ایچون جلب ایتدیکنیز فرانسه
مفرزه سنه مقابل بر ژاندارمه مفرزه سنک طرفزدن امر محافظه
درعهده وتأمین ایتستی دهها موافق کورمکدهیم .

یا بو خصوصک قبولی ویاخود قصبه داخلنده تدارک ایدیه جا
امین بر محله بوتون ایتامیکزله نقل بیورلمسینی رجا ایدهرم .
هر ایکی تکلیفمه موافقت بیورلمدینی تقدیرده مؤسسسه‌نک مناس
بر محله هلال احمر بایراغی چکیلمسینی کمال احترامله بیان ایدهرم افنده
۱۳ شباط ۳۳۶ قوای ملیه قوماند

ناموه

ارمنیلرده بومکتوبی یازدم :

ارمنی ملتی مجلسه :

پک اعلا بیلیورسیکنز که اورفیه کلن قوای ملیه ، فرانسیزاشه
آلنده بولونان اورفه مرکزیه ملحقاتی فرانسیزلردن تخلیصی ایچ
کلشدر . ارمنی وطنداشلیرمزک حیات وحقوقی محافظه ایده جکمه

آمین و فرانسزله تشریک مساعی اولنماسنی بو وطنه و تورکله مربوط
المکزی مکرراً توصیه ورجا ایتدم . و فرانسزله ده پهوده قان
و کولسنه محل براقادن شهری تخلیهیه موافقت ایتدکلری صورتده
کندیلمی آرزو ایتدکلری محله قدر سالماً ایصال ایده جگمی تعهد
ایدرك بیلدیردم .

فرانسزله کوستردیکمز بو آثار انسانیت و مدنی تقدر ایده مدیلر .
و شهری تخلیه ایده میه جکلری بیلدیردیلمر . وسائط جبریہ استعمالنه
مجبوریت حاصل اولدیغنی و ایجابنده فرانسز مواضعک بومباردمان
ایدیله جگمی بیانه لزوم کورددم . شبهه یوق که بو حرکتدن تولد
ایده جگ مسئولیت فرانسزله عائد و راجعدر . مرعشده وقوعبولان
حرکات ملیه نتیجهسی فرانسزله مغلوب اوله رق شهری تخلیهیه مجبور
اولدکلری و اوراده کی ارمیلر فرانسزله تشریک مساعی ایتدکلری
حالده بالآخره قوای ملیهیه التجا و دخالت ایتلری اوزرینه حقلرنده
آثار انسانیت ابراز اولمشدر . بونی بیاندن مقصدم ، بو گونه قدر
واقع اولان تأمینات و نصایحه طرفکزدن عطف اهمیت ایدلامسی
دخی ارمی محله سنده بصره خانه جوارنده ساعتچی میخونک خانه سندن
سلاح استعمال ایدلمش اولسیدر . بو حرکت بردها تکرر ایتدیلمی
حالده فرانسزله قارشی استعمالنه مجبور اولدیغمز حرکات شدیدیمی
ارمیلره قارشی ده اجرا ایده جگمی بیان و اخطار ایدردم . بوتدکره مک
وصولی متعاقب کلیسانک مناسب برمحله برتورک سنجانچی چکامسنی
خاصه و قطعياً توصیه ایدردم . خلافتده حرکتدن تولد ایده جگ
مسئولیت کاملاً ملتکزه و ماتنک بویوکلرینه عائد اوله جغنی صورت

قطعیه ده بیله رك شفاهآده تأمینات ویرمك اوزره ملت مجلسی اعضاسندن
برقاچ ذاتك شیمدی نزدیمه كوندرلمسینی بیان ایلرم افندم .

قوای ملیه قوماندانی ۱۳۷ شباط ۳۴۰

ناموه

هر ایکی مکتوبی كوندردیکمی متعاقب ارمیلردن شو جوابی آلام . عیناً :

قوای ملیه قوماندانی ناموه و متصرف بکطره :

مکتوبلریكز کمال ممنونیتله قبول ایدلدی . عریض و عمیق تدقیق
و تفکرله جواب یازمق ایسترز دیگر طرفدن آمریقایلیر کندی مکتوبلرینی
یازمق ایچون وقت طلب ایتمکده درلر . و تورکجه یه ترجمه ایدلمك ایچون
بر آز وقته محتاجز . ایمدی ، ذات عالیلرینی اوزون مدت بکاتمامك
اوزره اقسامه طوغر [آلا تورقه] ساعت اونبر ، اونبر یچق راده لرند
هر ایکی مکتوبك جوابی تقدیم ایده جکمزى عرض ایله عفو یكزی
تمی ایلرز افندم .

ارمنی ملت مجلسی نامه

دوقنور

تخمیاره

مرعشده قوای ملیه قوماندانی بولنان قلیج علی بکک بیاننامه سنی
عینتاب هیئت مرکزیه سی تلغرافله تبلیغ ایتدی :

اورف قوای ملیه قوماندانی ناموه بک

مرعش قوای ملیه قوماندانی قهرمان قلیج علی بکدن آلمان تحریرات

بروجه زیر عرض و تبشیر اولنور . ۱۳۷ شباط ۳۶

عینتاب هیئت مرکزیه سی

صورت

وضعیت غایت آیدر . دشمنان مقهوراً شهری ترك ایله فرار
ایتمشدر . فرار ایدن دشمن تعقیب ایدلمکده در . شهر داخلنده بعض
نقاطده تحصن ایدن دشمن قوتلری تسلیم آلمغه باشلامشده . مرعش ،
عینتاب یولنه فوق العاده اهتمام ایدلمسی ویولاردن برتک دخی اولسه
فرانسز و ارمنی کچیرتیلمامسی اسبابنک استکمالنی رجا ایدرم .

فلنج علی

بیره جک مدافعهُ حقوق هیئتندنده شو راپوری آلم .

قوای مله قوماندانی نامونه بکه

وضعیت عمومیه مزنی ناطق راپور بروجه زیر عرض اولنور :
۱ — آچه قویون استاسیونندن طرابلسه قدر اولان شمندوفر
خطی هیئت مرکزیله مربوط نزیب شعبه سی افرادینک همتیله
تخریب ایدلمش ودمیرلر اوزاق یرلره کومولمشدر . عینی زمانده ساجور
کوپریسی ترهنگ مرورینه غیر مساعد و تعمیری اوزون زمانه متوقف
بر طرزده آتیلمشدر . باراق ورشی عشائری ساجوردن اعتباراً
نقطه اقامه سی صورتیه تعمیرینه میدان ویرلماکده در . بناء علیه
فرانسزلرک ترهنگه قوت سوقنه شیمدیلک امکائی یوقدر .

۲ — طرابلس تعرضی یاریندن اعتباراً قطعی برشکلده باشلايه جقدر
دون یوز و بوکونده یوزکه جمعاً ایکی یوز کشتی نزیب دن حرکت
ایتدیلر . منطقه سی داخلنده بولنان باراق عشیرتی بو حرکتیه اشتراک

ایده جکدر . عینی زمانده عینتابه تابع نزیب جوارنده بولنان کویله
فوج ، فوج بو قوته التحاق ایتمکده در .

۳ — بیره جکده ایکی کوندن بری مصادمه دوام ایتمکده در .
یاریندن اعتباراً احاطه خطی دارلاشدیریله جق بوتون دشمنک یالکیز
بر محله تحصنی تحت تأمین آینه جکدر .

۴ — جیخانه خصوصده بویوک مشکلاته معروض قالیوروز .
کلیتی مقدارده جیخانه کرک بوراده و کرکسه نزیبده ادخار ایدلش
ایسهده خرج ایدلک اوزره در . اسلحه مز میانده عثمانلی و روس
تفنکریده موجود اولسنه نظراً آلمان جیخانه سیله مبادله ایدلک
اوزره بزه عثمانلی و روس جیخانه سی یتشدیریله جک اولورسه بوتون
آرقداشلریمیزی سزه ابدیاً مدیون شکران براقه جقسکز .
یتشدیرلماسی حرکاتک تعطیلی اندیشه سنی تولید ایتمکده در .
عینی زمانده آنی بر تعرضه دشمنک متحصن اولدینی موقعی ضبط
ایتمک ممکن ایسهده فضله تلفات و برمکدن صوکدرجه اجتناب ایدلمکده در .
بر جبل طونی بوراده کی ایشی بر ساعتده حل ایدر . برطوپک تأمین
جلبی ایچون مرکزیمز بر چوق تشبثاته کیریشمشدر . از جمله حلبدن
جلبی امکانی تحری اولدینی کبی رمضان طویلرندن استفاده جهتیده
دوشونیلیمکده ایسهده بونک بیله اله کچیرلمسی امکانسزدر . سزجه
بو جهتک تأمین ممکن ایسه لطف ایدیکیز .

۵ — دشمنک نهردن کچمک صورتیله اورایه قوت سوقی ممکن
دکلدر . چونکه بزم منطقه مز داخلنده انجق ایکی محله واسطه
سروریه واردرکه کاملاً عشار الزده در .

۶ — اورفده مدافعه حقوق جمعيتك تشكلكدن وقتيله خبر
آله مديغ ايچون هيئتمز عينتبله ارتباط حاصل ايلش ا كثرى مخبر اتى
عينتبله تا مينا ايتديكى ايچون سالف العرض خصوصات اورفده يازلامشدر.
اكر اوراده جمعيت تأسس ايلش بولونيورسه تا مينا ارتباطه توسط
بيورمكزى آروجه رجا ايدرز . زيرا بوصورتله بايله جق بوتون
حركات دهامشر ، دهافاندهلى اوله جنى قناعتنده يز .

۷ — دون قصبه ده و مصادمات ائناسنده عظيم تظاهرات مليه
كوسترلش و قواى مليه خاق فوج ، فوج التحاق ايلش و پك چوق
اعانه درج ايدلمشدر . بوصورتله دشمنله چارپيشان قارداشليمزك
اعاشه سنى كاملاً قصبه خلقى تا مينا ايلمشدر . بيكس وعائشه خاتون
نامنده برقادين معدنى اللى آتون و يرمك صورتيله ابراز حمت ايلمشدر .
قصبه داخل و خارجنده بولنان بوتون خلقك كوسترديكى فداكارلق
و حمتله بويوك ملتيمزك ابدىاً پايدار اوله جغنه قناعت حاصل اولمشدر .

۸ — بوراده كى ارمنى ملتى هيئتى دخى حكومه و هيئتمزه
بياننامه ويرهرك قصبه نك امنيت و انضباطندن و كنديلرينه قارشى
كوستريلان حسن معامله دن دولايى عرض تشكر ايلش و تقداده
معاوننده بولمشدر .

۹ — بوتون بومساعى و تظاهراتك سريعا ثمره دار اولسى
ايچون طوبه اولان احتياجزى تكرراره لزوم كورورز .

۱۰ — شاين عرض باشقه برشى يوقدر . بوتون ارقداشله
حار و صميمى سلاملر . بيره جك مدافعه حقوق هيئتى نامه

۶ — فرانسز ضابطنك مخطرہ سندن :

[۱۳ شباط ۱۹۲۰ کوندوز فاصلہ لی تفنك آتشی دوام ایتدی .
فرانسز حاکم سیاسی اقامتکاهی ترك ایلہ زدمزه چکلد کدنصو کرا
عاصیلر مذکور اقامتکاهی یاقدیلر (۱)]

۱۴ شباط ۳۳۶

آ — فرانسز قومانداننك تسلیم تکلیفنه قارشى جواب رد ویرسنه
بناءً قوه معنویه لرینه اجرای تاثیر ایتک و ارمیلرکده فرانسزلرله
تشریک مساعی ایتسنه مانع اولمق اوزره بویوک برکورولتو چیتارمقدن
باشقه بر قیمت حربیه سی اولیان یتمش مر میسبله اله کچیردی کمز
اسکی بر طوی فرانسز مواضعی جوارینه قارشى استعمال ایتدیردم .
طویک سسی عشاری فوق العاده تشجیع ایتدی . اساساً فرانسزلر
اوزرنده مهم تاثیرات یامادی .

ب — دون آمریکا ایتاخانه سی مدیره سنه و ارمیلره یازدیغ
مکتوبلرک یوصاح جوابلرینی آلم :

اصلی انکلیزجه اولان مکتوبک ترجمه سیدر .

قوماندانر نامقه

آمریقا خسته خانه سی

اورفه

۱۴ شباط ۱۹۲۰

بوکون مکتوبکزه جواب اوله رق بیلدیریرم که آمریقالیلرک بنالری
اوزرینه صلیب احمر بایراغی چکدم . مکتوبکزه ارمیلردن بحث

(۱) مذکور بنانک طرفزدن یاقیلما دیغنی علاوه یه لزوم کورورم .

ایدیورسکیز . دیمک که ارمنی محله سنه هجوم ایده جکسکیز . کرک
متصرفه و کرکسه سزه یازدیغ مکتوبلرده شیمدی یه قدر هیچ ارمنیلردن
بحث ایتدمی ؟ اونلرک بیطرف قالبه قالدیه جغنی دوشونمک بنم وظیفه م
دکلدر . بنم ویا هر هانکی بر آمریقالمینک وظیفه سی شو ویا بوهانه
ایله ارمنیلری اولدورمک خصوصنده کی فکر یکیزی پروتستو ایتمکدره .
اگر نویورق ، بوستون و واشینگتونده بولنسه ایدیگز اوراده خرسیتان
ویهودیلرک اعاظمنک اشتراک ایتدکلری بویوک اجتماعلرده بیکلرجه
یوز بیکلرجه ارمنینک قتل و تبعید ایدلسندن دولای تورکیایی اداره
ایدن اشخاصک نه قدرشید بر صورتده تبییح ایدلکیکی ایشیده جکدیکیزه
طبیعی بوسوزلرک تکرار سزه قارشی سویلنمسنی ایسته مزسکیز .

بن آمریفاده پک آز اولان او زمردن ایم که آمریقایی تورکیایه
قارشی اعلان حرب ایتمکدن منع اتمکه چالیشدق . بن دائما تورکیانک
بردوستی ایم و بعضلرینک اینانیدیغی کبی تورکیاده اینی آدم بولنمیدیغی
فکرینی رد ایدرم .

آمریقانک بر چوق طرفلرنده بر چوق اجتماعلرنده نطقلر ایراد
ایدهرک تورکیاده کی سودکلریمی و نیچیب دوستلریمی دائما مدح و ثنا
ایتدم . آراتق سلاحلریکزک ، بو قدر چوق دفعه لر هر شیئی غائب
ایتمش اولان اهالی یه قارشی چوریلسنه مساعده ایتاملیسکیز بوتون
قوتمله بو خصوصی پروتستو ایتدم . بویله بر پلان اجرا ایتامکیزی
بویوک آمریقا نامنه طلب ایدرم بوشی . یاپمه ییکیز .

مکتوب جدیدتن او قدر عاری که، وضعیتک فجاعتی اولماسه کوزل بر مزاج نمونه سی اوله بیلیردی. ارمنیلری اولدورمک ایستیان و بونک ایچون بهانه آرایان کیم؟ ونه ایچون؟ فرض ایدم که بر قسم تورکلر، حال حربده دشمنه تشریک مساعی ایدیور، جاسوسلق ایدرک دشمنی مملکتده صوقیور، سلاحیله عصیان و قیام بایراغنی آچیور، وطنداشلیرنی اولدورویور... بونلره قارشی نه پاییلیر؟... الله کویستر. مسون موفق اولدقلری صورتده بوتون وطنداشلیرنی برتک قالمایجه یه قدر اولدورمک و محو ایتک ایستیان بو یولده بیاننامه لر یازان کیمسه لره قارشی بویون آکوب دورماق و:

— بیوریکیز، کسیکیز، پارچالاییکیز، اسیر ایدیکنز نه یاپارسه کنز یاپیکیز! دیمکی لازم کله جک بو دنائت و خیاتی تورک، ارمنی کیم یاپارسه یاپسون، وطنه و حیاته قصد ایدیلن طرفک مدافعه ده بولنمامسنه و مقابل تدبیرلر آمامسنه و مقابل حرکاته کچمامسنه ناصل امکان تصور اولنور؟

بونی برآز ازغان و عقل صاحبی کیمسه ناصل دوشونه بیلیر؟ ارمنیلری قتل ایدنار تورکلر دکل اونلری کندی سیاسی، دینی و اقتصادی منفعتلری ایچون اغفال ایدن، تحریک ایدن و اللرینه آتش و بومبا ویره رک اختلاله، حربه و اولومه سور وکله ینلردر. بو عربده ده تورکلر مغلوب اولیور کندیلیرنی مدافعه ایدیورلرسه قباحتی ایدیورلر. بونی دنیاده آکلایان کیمسه قالمادیغی حالده و میس هولسک کوزلرینک اوکنده ارمنیلر کاملاً سلاحلانش و فرانسزلرله برلکده اورفه یه آتش یاغدیورکن و اگر اللرنده قوت

اولسہ قوای مایہ دنیلن بومدکتک خالص واوز اولادلرینہ اولوملردن
ٹولوم بکندیہ جکلری محقق ایکن بوصورتہ مکتوب یازمسی نہ حزین
برغلط تفکر در، عجا بر آمریکا ویا بر فرانسز مملکتی استیلا ایچون
بز عسکر سوق ایتسہک و اورادہ کی بر قسم خلق دہ بزملہ برابر
سلاحلانہرق و طنداشلرینہ قارشہ جہہ آلسہیدی، میس هولس
ویا خود قوماندان ساژو اونلری حقلیمی کورہ جکدی؟ بر آمریقالینک
بر فرانسزک وطنی، وطن، ملتی، ملت، شرفی شرف دہ بز مکی
دکلی؟ بر آمریکا ویا فرانسز قانونی قانون دہ بز مکی دکلی؟ ہانکی
آمریکا ویا فرانسز قانونی بر جاسوسی بر خائی عفو ایدر. اونک
حقتدہ تعقیبات یاماز.

شہہ سزدر کہ دنیادہ ہر ملت عینی سویۂ ترقیدہ دکلدر. و ہر ملتک
کندینہ مخصوص عاداتی، یاشایشی آیری بر تاریخی واردر. فقط،
کافہ سنک دہ براواجی، بریوردی، براعتقادی، منشأ وضعیتہ نظراً
بر مجرای حیاتی موجوددر. ماری قارولین هولس، غرہ غوریان،
اورطودوقس ارمنیلری پروتستان یایمق ایچون تا آمریقادن قالتقوب
بورایہ کلش دین نامنہ قلب و وجدان او جیلغی یایور. کندی مذہبی
دہا کوزل کوسترمک ایچون ہیچ شہہ سز دیگر دینلری و مذہبلری
باتیریور... و کندیسی کبی میسیونرلرک آچدقلری یوللردن درلو درلو
تحریکات سلاح و بومبا مملکتہ آقیور... بوتون بو وسائط جنائیہ بی
حاضر لادقن و:

— مارش! قومانداسی ویرد کدن صو کرا

— نیچون بر برلریکزی اولدیریورسکنز! دیمکدہ معنا وارمی؟

بوزواللی قادین ! حقیقتہ برآز نفوذ ایدہ بیلسه کورہ جکدی کہ
 بوتون بو جنایتک فاعلمری کندیلریدر . آمریقاده متینغلرده ایراد
 ایدلمش نطقلردن بحث ایتمکه، او قدر اوزاغہ کیتمکه نہ حاجت . بوکون
 ارمیلرہ :

— سز تورکلرلہ برابر بو وطنک اولادلریسیکیز !.. اونلرک
 مقدراتنہ مشترکسکیز ! دیمک کافیدر .

فقط بونی سویلہ نیجہ اوجی بیلیم نرہ لرده اولان اللرنده کی آلتوندن
 اعانہ اولوغی درحال قورور و آرامزده وطنداشلق مناسباتی تأسس
 ایدر و آرتق ماری قارولین هولسہده ایش قالماز .

ارمیلرده ارمنی جماعتی نامنہ یازدقلری اوزون بر مکتوبده :

« بیطرفلقلرینی تمامیلہ محافظہ ایدہ جکلرینی و کندی طرفلردن
 قوای ملیہ یہ اصلا آتش ایدلمدیکنی و بوندن بویلہده فرانسزلرلہ
 آرامزده وقوعبولاجاق حربہ لہ وعایدہ اصلا مداخلہ ایتیمہ جکلرینی
 و ہرنہ قدر بنملہ کوروشمک اوزرہ برقاچ کشی کوندرمک آرزوسندہ
 ایسہ لرده عائہ لری طرفندن براقیلمادقلرینی » بیان ایتمکہ ایدیلر .
 بوکون بلدیہده وقوعبولان اجتماع نتیجہ سی بروجهزیر پروتستو
 تنظیم و کشیدہ ایدلدی :

استانبولرہ مقام صدارتہ ، انکظرنہ ، آمریقا رایتالیا

محل سبایہ بیلکترینہ

اورفہ سنجانغی اکثریت قاہرہ سی و آثار مدنیہ و عمرانہ سیلہ بر

تورك يوردى ايكن احتراض املارينك ايجاد ايتديكى وسائل ايله موقهٔ
اشغال ايدلمش ايدى .

حقوق حكمرانى يه رعايت ايدن ايلك انكليز قوهٔ اشغاليه سنى
استخلاف ايدن و برقره غول دكيشديرمك ماهيتنده بولونديغى اعلان
ايديلن فرانسز اشغالى تدريجاً استيلائي بر شكل آلمغه باشلادى .
اشغال قوماندانلى عالم مدنيتك قبول ايتديكى انسانى دستورلره رغماً
فكر استيلالىنى تأمين ايچون لوانك هر طرفنده پروپاگاندا ياپيورلر .
وسكز يوزسنه اولده اورفه فرانسزلرك اولديغى نشر ايدىيورلردى .
دوائر حكومهٔ قونترول مأمورى قويمق ، قانونك توقيف ايتديكى
جانيلرى تخليه ايتك قانون خلافنده ايستكلىرىنى توقيف ايله مك
صورتيله حقوق حاكميته مداخله ايتدكلرى كى روحزله مربوط
بولونديغمز بايراغمى صوك كونلرده دوائر رسميه دن اينديره رك
مقدس وطنمى فرانسز مستملكه سى حاله قويمشلردر .

فرانسهنك شو نابجا معامله سى ، توريه ينى بو جدالك ابدى
مغولبلردن برى عد ايلدكلرىنى آكديرييوردى . بوكا آرتق تحملى
قالمايان ملت سلاح بدست اوله رق اشغال قوماندانلردن انسانى ومدنى
بر لسان ايله طوپراقلىمىزك تخليه سنى طلب ايتمش ايسه ده قوهٔ اشغاليه دن
آتش ايله مقابله كورمشدر . بودقيقه ده شهر من آتش آلتنده در . كندى
ايشيله مشغول عمله يه و چوجوقلره آتش ايتمكدن چكىنمامكده در .
بو كونكى عصر مدنيتك تاريخنه خونين صفحه لرك كچمامسى
مطلوب ايسه بو حقسىز قلره قارشى صوك فردينك قانى دوكمكه عزم
ايدن ملت ، مملكتتمزده هر هانكى بر اشغالك رفاعيله فرانسز نجايغه

بر نهایت ویرلسنک دول ائتلافیه مجلس عالیسنه عرض بویورولمسنی
رجا ایلرز . ۱۴ شباط ۳۶

مفتی سابق	حاجی کامل زاده	اشرفدن	شیخ زاده
شیخ افندی	حاجی مصطفی	حاجی اسعد	احمد
	مفتی بلده	بلدیه رئیس	
	حسن	حاجی مصطفی	

۶ — فرانسز ضابطنك مخطرہ سندن :

[۱۴ شباط ۱۹۲۰ سلا حلیمیز و اشیا منزله برابر تسلیم اولمقلغمز
حقنده تهدید آمیز تکلیفه تکرار جواب برد و یردیکمزدن بو کون طوب
آشنه معروض قالدق .

فقط غایت غریبدرکه دوشهن مر میرل پاطلامیوردی .

آقسام بش بچقده عاصیلر هجوم اماره لری کوستردیلر سده موفق
اوله مدیلر . بو کیجه هجوم ایده جکلرینی ظن ای دییوروز . کوردلرک
لو ، لو باغیردفلری ایشیدیلرور . برنفر خفیف صورتده یازالاندی .

۱۵ شباط ۳۳۶

آ — بر فرانسز قوتنك اورفیه طوغرو حرکت ایتدیکنی
— اصلسز اولمغله — فعلاً تکذیب ایتک اوزره کوچوک بر کشف
تعرضی یانلیمسنی موافق کوردم . بر قاچ طوب مر میسنی انداخت
ایتدیردم . مقصدم ، فرانسز لری بر آزه هیجانه دوشوره رک تکرار بر
تسلیم تکلیفنده بولمقدی . فاصله لی صورتده آقسامه قدر فرانسز
مواضعنی آتش آتنه آلدیردم . بو کونده فرانسز لر شهره قارشی

میترا یوز آتشی آچدیلمر . بن مصادماتی شهر خارجه نقل اتمکه اوغراشدقجه فرانسزلر بالعکس شهره آتس ایدیورلردی . بوضورتله شهر سکنه سندن تلفات وقوعه کلیوردی .

ب — فرانسزلرله آرامزده انکل اوله رق آمریکا خسته خانه و ایتاخانه سندن ماعدا بزده دو قتور فیشه رک اداره سنده بر بلچقا خسته خانه سی واردی که بوفیشه ر وضعیت تبدل ایتدکجه ملیتی ، تابعیتی نکیشدیریوردی .

خسته خانه نک بولدیغی موقع فرانسز تحصنکاهنه و موضعلرینه بقین اولدیغدن مشکل بروصیت حاصل اولویوردی .

دو قتور فیشه ره ، خسته خانه نک فرانسز موضعلری جوارنده بولمسنن دولایی باشقه بر محله ، بالخاصه احضار ایتدیره جکم دیون عمومی بناسنه نقلی لزومنی یازدم .

۶ — فرانسز ضابطنک مخطرهنسندن :

[۱۵ شباط ۱۹۲۰ عاصیلر ، صباحین بر بر آرقه سنه درت طوپ آتارق بزى او یاندردیلمر . مر میلر موضعلریمزده اصابت ایتدی . عینی مانده جببه لریمزک مختلف نقطه لرندن تعرض ایتدیلمسه ده شدتله وسکورتدک .

ایلری قره غول نوبتجیلریمز اوزاقلردن بر قوتک اورفه یه طوغرو کلکده اولدیغنی کوردکلرینی اخبار ایتدیلمر . بوسواریلرک فرانسز می وقسه تورکمی اولدقلى آکله شیهه مدیسه ده هر حالده بکله دیکمز قوه مدادیه اولسی محتلمدی . بالخاصه بو سواریلره قارشى تورکلرده بر سواری چیقاردیلر . وکیجه شهرک اون بش کیلومتر و قدر اوزاغندن

ایکی قرمزی تنویر فشنگی آتیلدی . بزده اوچ قرمزی و بر بیاض
فشنگه جواب ویردک . باشقه بر اشارت کوره مدکسه ده کیجه
اهالینک شهری تخلیه ایتدکلری آ کلاشیلوردی . بکله دیکمز قوه
امدادیه نک وصولدن اول قاجیشیورلر .

۱۶ شباط ۳۳۶

آ — فاصله لی تفنک آتشی تعاطی ایدلدی .
ت — فرانسزلرک اورفده تحت محاصره یه آلدیغی دوین عشار
اورفیه کلکه باشلادی . بوتهاجم و ازدحام هم اورفده کی اعاشه مز
ایچون مشکل و همده فرانسزلرک عاقبتی نقطه نظرندن وخیم
ایدی . بالخاصه کوجه عرب عشرتلیرنک ضبط و ربطلری بی
دوشوندوریموردی .

تکرار فرانسز قوماندانه شو مکتوبی یازدم :

فرانسز قوتلری قوماندانغه

قاج کوندر حرکات قطعییه باشلاماقلغمزک اسبابی محضاً تاریخی
دوستمز اولان فرانسزلرک اورفده کی قوتلرینک احما ایدلامسی
ملاحظه سندن متولددر . اورفیه تخلیه ایتماک خصوصنده اصراریکز
آقین ، آقین عشارک بورایه کلسنی و عاقبتک وخیم بر شکل آلمسی
انتاج ایدیور . بیهوده قان دوکمه ییکز ، آرزو ایتدیککز نقطه یه حتی
حله قدر سزی سالمأ سوق ایتکی تعهد ایده رزه آلدیغ مکتوبلریکزده


۱۶ شباط - ۱۹۲۰ ده اورفدهه کی فرانسز قوتلری قوماندانک کوندردی
فرانسزجه مکتوبک فطوغرافیسیدر .

Cuifa le 16 février 1920

Le chef de bataillon Hauger
Commandant d'armes à Monsieur
Namik Commandant des forces nationales
Cuifa

Comme je vous l'ai déjà écrit le
14 février, je vous prie de Cuifa que
suz l'ordre du commandement français

E. Hauger



بو خصوصه کی مسؤلیتک بکا راجع اولدیغندن بحث ایدیورسیکنز .
حالبوکه بن ، حقوق مشروعۀ ملیه سنی استحصال ایچون قیام ایتمس
و بو اوغورده هر درلو فدا کارلنی وئولومی کوزینه آئس و هیچ بر
مسؤلیتدن قورقمايان بر ملتک ، بر خلقک سزه قارشى حسیاتی ساده جه
ابلاغ ایدیورم . حاصل اولان قیام و غلیانک عمومیلشمه سنه و هر طرفه
سرایت ایتمس نه میدان ویرمه دن تکلیفاتم ترک قبولنی رجا ایده رم افدم .
۱۶ شباط ۳۶ قوای ملیه قوماندانی

ناموه

در حال جوانی آلم . [فرانسزجه مکتوبک ترجمه سیدر .]

اورفده

حرب قوماندانلنی طرفندن

۱۶ شباط ۱۹۲۰

اورفده قوای ملیه قوماندانی ناموه بک

نومرو

۶۳

سزه ۱۴ شباط ۱۹۲۰ ده عرض ایتدیکم کبی اورفده نی آنجاق
فرانسز قوماندانلرینک ویره جکی امر اوزرینه تخلیه ایده بیلیرم . باشقه
صورتله تخلیه ایده مم .

هوره

دوقتور فیشهر بکا و متصرفه بر مکتوب کوندرمشدی . خسته
خانه نک نقله موافقت ایدیوردی . کندیسنه بوجوانی یازدم .

مخبرم در قنور فبسر فنا بلربنه :

مکتوبکزی آلم . متصرف بکه یازدیغکز مکتوبی ده کوردم .
بولندیغکز موقع دشمن مواضی آراسنده بولندیغندن هیئتکزه دیون
عمومیه بناسنه نقلکزی رجا ایتمش ایدم . بکا او کون جواب ویرمدیکز
جوابکزی ایرتسی کونی آلم . سزه آرزو بووردیغکز قدر مهلت
ویره بیایردم . شیمدی ینه سزه رجا ایدیورم . خسته خانه کزی
اورادن نقل ایدیکز و قاچ ساعت مدت ایسترسه کز اونی ده ویرمه
حاضرم . خسته خانه یه و سزه حرمتمز واردر .

متصرف بکی ارتق سزکله مخابره ایتمکدن منع ایدم . شاید بر
آرزو کز وار ایسه بکا یازیکز ، مع الاحترام ایفا ایدرم .

قوای ملیه قوماندانی

۱۶ شباط ۳۶

ناموه

جوابی : [اصلی اولان فرانسزجه دن ترجمه ایدلمشدر]

اورفه قوای ملیه قوماندانفنه

اورفه

۱۶ شباط ۱۹۲۰

بوکونکی مکتوبکزی آلم . خسته خانه بی بوتون خسته لریمز ،
یا تاقلریمز ، آلامز و ارزاقزله آنجق ایکی کون ظرفنده تخلیه ایده بیله -
جکمز جواباً عرض ایدرم . یالکز بز خسته خانه ده بولندیغمز

مدتجه جنوره مقرراتنك نظر دفته آنهرق خسته خانه مزه انداخت
ایدله مسانی سزدن رجا ایدرم .

خسته خانه سرطیپی

فیر

متعاقباده شو مکتوبی کوندردی : [اصلی اولان فرانسزجه دن
ترجه ایدلمشدر]

اورفه قوای ملیه قومانه الفه

اورفه

۱۶ شب ۱۹۲۰

بوصاح سزه خسته خانه نك لاقل ایچی کون ظرفنده تخلیه ایدیه .
بیله جکنی یازمشدم . بوکا ، سزک دیون عمومیه بناسنی اشغال ایتمک
خصوصنده کی تکلیفکزی قبول ایده میه جکمی ده علاوه یه مجبورم ؛
برفرانسز تعرضی احتمالنه مبنی تهلمکه سز بریر آرامقندن وازچکم .
بن خسته لریمزی شهرک مرکزینه یاخود ارمنی محله سنه یرلشدرمکی
ایسترم . خسته لریمزک نقلی و لزوملی ایشلریمتر ایچون بزه شهردن
انسان و حیوان کوندرلمسی لازمدر . فقط فرانسزلر اسلاملری
یانلرینه آماق ایستملری احتمالنه بناء بونلرک خرستیانلردن اولمسی
لازمدر . بو شرطلری قبول ایدوب ایتمدیککزی و تخلیه ایچون نه قدر
مهلت ویره جککزک لطفاً بزه بیلدرلمسنی رجا ایدرم .

خسته خانه سرطیپی

فیر

۶ — فرانسز ضابطنك مخطرہ سندن :

[۱۶ شباط ۱۹۲۰ بو کون نسبةً سکونتہ کچدی . عاصیلر آرتق طوپ آتشی ایتمورلر ، بو حال جیخانہ لرینك نقصان اولدیغنه واحتیاطلی حرکت ایتمکه مجبور بولندقلرینه دلالت ایدیور . الك زیادہ تورك ژاندارمه لرینك آتشدن متأثر اولویوروز . کله جك قوہ امدادیہینی بوکون بیہودہ یرہ بکله دک . کوزلریمز هپ اوزاقلرده]

۱۷ شباط ۳۳۶

آ — بوصباح کولافلی تپہ سی اوزرنده کی فرانسز موضعلرینه بر هجوم یاپدیردم . هجوم موفقیتہ نتیجہ لندی . فرانسز لر درت مقتول براقدیلر . دردی مجروح اولق اوزره اون آلی نفر اسیر ایتدک . برنفریمز شهید وایکی نفرده بومبادن مجروح اولدی .

فرانسز سپرلرنده براوتوماتیک تفنك اوچ پیاده تفنکی اوچیوز بومبا ودرت صندوق جیخانہ اغتنام اولندی .

مجروح فرانسز نفرلی برای تداوی قوای ملیہ خستہ خانہ سنہ یاتیرلدی .

ب — فرانسز قومانداننك دون ویرمش اولدیغی جواب رده بو کوچوک تعرضہ مقابله ایتدم .

۶ — فرانسز ضابطنك مخطرہ سندن :

[۱۷ شباط ۹۲۰ قوہ امدادیہ دن بو کون ده بر خبر یوق . افرادك معنویاتی بوزولویور . بوصباح ایکییوزقدر تورك ژاندارمه سی ایلری موضعلریمزه موفقیتسز بر هجوم یاپدیلر . موضع اوتوز نفر

طرفدن مدافعه ایدیوردی . ساعتلرجه مدافعه دن سو کره تورکلر
موضعی اشغال ایتدیله و اوراده قالدیلر . ایلریله مدیلر . مدافعلردن
اون نفر رجعت ایده بیلدی . دیکرلری اسیرمیدرلر ، مقتولیدرلر ،
آکلاشیله مدی تورکلرکده مهم ضایعات ویردگری محققدر . بوراده ده
آلمان اصول تعییه سنه تصادف ایدیوروز . تورکلر بربری آرقه سنده
متعدد هجوم قوللریله صیق صیره اوله رق تعرض ایدیورلر . کوندوزک
مباقیسی و کیجه راحت کچدی . شایان دقتدرکه بوکونده طوب
آتیلمادی]

۱۸ شباط ۳۳۶

آ — بوکون سکونت تامه ایله کچدی .

ب — دوقتور فیشه رک مکتوبنه جواب ویردم :

دوقتور فیشهر هنبایلرینه

مکتوبکزی آلام . ارمنی محله سنه نقلکزی موافق کورمیورم .
زیرا ارمنی محله سنک تلفطور موقعنده بر فرانسز مفرزه سی بولوندیغی
ایچون قوای ملیه ایله تلفطور آراسنده وقوعبولاجق محاربه نتیجه سنده
او محله نکه ده منطقه حرب اولسی محتملدر . اسلام اهالینک سزه حرمتی
اولسنه مینی آرزوایدرسه کز اسلام ویاخود سریانی محله سنده بر موقعه
نقلکزی مناسب کورمیورم . بورالره نقله موافقت بویورولدیغی
تقدیرده یالکز برکون ظرفنده نقل ایدلمک و طرفینجه آتشی ایدلماک
اوزره فرانسزلره معلومات ویرمکزی یارین علی الصباح نقل ایدلمک

اوزره آقشامه قدر معلومات اعطاسنی رجا ایدرم . ارمنی و سریانی
وطنداشلریمزدن آرزو ایدنلر سزکله برلکده سربست اوله رق کلوب
معلوماتمز تحتنده خانهلرینه کیده بیلیرلر .

۱۸ شباط ۳۶

قوای ملیه قوماندانی

ناموس

جواب [اصلی اولان فرانسز جه دن ترجمه ایدلمشدر]

قوای ملیه قوماندانغه

۱۸ شباط ۱۹۲۰

اورفه

بوکون کوندر دیککیز مکتوب مناسبتیه سزه بیان تشکر ایدرم .
خسته لریمزک قسم اعظمی مسلمان و سوریانیلرک محله سنه نقله اقناعه
موفق اوله مدیغمی تبلیغه مجبورم . بوراده قالمغی قرارش دیردم . کرک
بنم و کرکسه خسته خانه مز حقنده مسلمان اهلینک حسیات صمیمانه لرینه
عرض تشکر ایلرم . بین الملل جنوره مقاوله نامه سی احکامنه رعایت
دوام و صورت مخصوصه ده خسته خانه مزک اوزرینه چکدیکم سنجاغه
حرمت ایدلمسنی رجا ایدرم .

خسته خانه سرطیبی

دوقتور

آ. فیشر

۶ — فرانسز ضابطنک مخطرہ سندن :

[۱۸ شباط ۱۹۲۰ بوکون سکونتله کچدی . غائب اولان اون

بش نفر حقنده بوکون ده بر معلومات آله مدی . شو قدر که تورکلر

شهر داخلنده الی اسیر و بر میتر الیوز آلدققرینی اعلان ایتمش اولدققرندن
بونفرلرک اسیر ایدلمش اولمسی محتملدر . حرب باشلادیغی کوندن
اعتباراً بو کونکی قدر آغیر و آجی بر کونمز اولمادی .

۱۹ شباط ۳۳۶

آ — موضعلرک تحکیمی و ترتیبات اتخاذای صورتیه بو کون
سکونتله کچدی .

ب — فرانسزله قوه امدادیه کوندرلمسی احتمالنه قارشى کذرکاه
اولمسی ملحوظ یوللرده ترتیبات الديردم .

۶ — فرانسز ضابطنک مخره سندن :

[۱۹ شباط ۱۹۲۰ یکی بر وقعه اولمدی . غائب اولان افراد
حقنده بو کونده بر معلومات صحیحه آله مدی حرب باشلادیغی کوندن
اعتباراً متمادیاً قاریاغیور ، صوئوق چوق مؤثر . ۴۸ ساعتده بر آنجق
نوبت دیکشدریله بیلور ، کیجه ، کوندوز دائماً حربیه مهیا بروضعیتده
دورویورز . یارالیردن ماعدا افرادک بر چوققرینکده آیاققری طوکدی .
یارالیریمز و خسته لیریمز چابوق کسب افاقت ایدیور . هیچ اولمزه
بو خصوصده طالع بزى ترك ایتمدی]

۲۰ شباط ۳۳۶

آ — بو کونده سکونتله کچدی .

ب — قوای ملیه نك مقداری تزاید ایتمکده اولدیغندن ارزاق

تدارکی کسب اهمیت ایدیور، فقط اورفهنک و اورفهلیرک فداکارلنی هر مشکلاته غلبه ایدیور، هر کسده نهایتسز بر عزم وار... نه مبار کدر او مملکت که کندی حریت و استقلالنی کندی غیرتی و کندی فداکارلغیه استحصال و تأمینه چالیشیر...

۶ — فرانسز ضابطنک مخطرہ سندن :

[۲۰ شباط ۱۹۲۰ هیچ تبدلات اولیان بر کون . قار اللی ساتیم قدریو کسادی و هر طرف طوکدی . ایلری قره غولرہ و موضعلرہ مشکلاته یمک کوندریله بیلور . حالا کله جک قوہ امدادیه بی بکلیوروز . غالباً بو بر خیال اوله جق ...]

۲۱ شباط ۳۳۶

آ — ایلری قره غولر آرہ سنده خفیف مصادمات وقوعبولدی .
ب — آنقرہ دن مصطفی کمال پاشادن بو تلغرافی آلم :

اورفده قوای ملیہ قوماندانی نامونہ بک

۱ — قوای ملیہ مزک مجادله صحنه لرنده بولنان آمریقایلر مملکت مزک معزز مسافر لری ملت مزک قیمتدار مجبلریدر . کندیلرینک اک بحرانی زمانلرده حضور و راحتلرینک تأمین و حیاتلرینک مصونیتی تحت تکفل مزده اولدیغندن بو بابده ایجاب ایدن تدابیرک اتخاذهنی اهمیتله توصیه ایدرم .

۲ — آمریقایلر نه زمان هر هانگی بر استقامتده سیاحت ایتمکی

ایسترلسه حیاتلرینک مصونیتی ایچون طلب ایده جکلری محافظه و معاونت در حال اسعاف اولونمیدر .

۳ — حال ضنده بولنان آمریقایلرک دوچار خوف و تلاش اولدقلری آکلاشایدیغندن کندیلرینی تسکین ایدیگز . و قوای ملیه نك تحت حمایه سنده بولوندوریکز .

۴ — اورفده جنرال آللنی ایله قوای ملیه بی تهید ایدن ایتمخانه مدیره سی آمریقالی میس هولسه دخی محبت ملیه مزك ابلاغی ایله اجرای نصایح ایدلسی موافق اولور .

۵ — عینتابک جنوبنده فرانسز و ارمیلر طرفندن قتل ایدلدیکی اولجه بیلدیرلمش اولان پری و جونسون نامنده کی ایکی آمریقالینک صورت قتلری حقنده کی تعقیبات جاریه نك تعمیق و وثائق معتبره نك جمعیله طرفزه ارسالی رجا ایدرم .

۲۱ شباط ۳۳۶

هیئت تشلیه نامه

مصطفی کمال

۶ — فرانسز ضابطنک مخطرهدندن :

[۲۱ شباط ۱۹۲۰ بر آرزقاریشیق برکون . تفنک آتشی فاصله لرله خفیظه دی ، شدتلندی . برضابط و اوچ نفریمز یارالاندی . ضایعاتمز حس ایدلمکه باشلایور . زواللی عسکر کیجه ، کوندوز نوبت بکه مکده و هیچ استراحت ایتمامکده در . صوئوق پک زیاده . یاقابیه جک به بولورسه ق سوکوب ، قوپاروب یاقیوروز .]

۲۲ شباط ۳۳۶

آ — ۲۱ کیجه سی بوجاق وایزولی عشرتندن افراز اولنان بر قوتده
ارمنی محله سی ایله فرانسز مواضعی آراسنده و مرکزى بروضعیتده بولنان
بدیع الزمان قره غولنی اشغال ایده رک ارمنیلرله فرانسزلر آراسنده کی
مواصله یی قطع ایلدی . یالکز بر مجروحمز واردر .
ب — اورفه مدافعه حقوق هیئته بوتلغرافنامه کلدی :

اورفه مدافعه حقوق هیئته

آنقره دن

۲۲ شباط ۳۶

آوروپاچه شرائط صلحیه نك لهمزده تعدیل اولتمقده حق حیات
و استقلالمز تصدیق ایدمك اوزره بولندیغنه دائر هر طرفدن تبریک
و تشکر تلغرافلری آنمقده اولمسی و ملتتمزك عزم و ثباتی قوای ملیه نك
مقاومت و فداکارلنی آمال ملیه یه مطابق بر صلحه نائلیمزى امید
ایتدیرمکده در . تشکیلات ملیه ، ملتتمزك سینۀ اتحاد و وفاقنده پایدار
اولدقجه موجودیت ملیه مزك بوتون جهان مدنیتجه مظهر تصدیق
و حریت اوله جغنه شبهه یوقدر . بناءً علیه ؛ هیئت تمثیلیه خلاصمزك
تحققى و ملتتمزك حق حیات و استقلالنك بالفعل و تماماً تأمین ایدیله جکی
کونه قدر مملکتک مقدراتنك مدافعه سی اوغرنده تأیید و توثیق اولنان
و حدنك دها قوی بر ایمان محبتله اثبات و اظهار ایلمسنی تعمیماً تبلیغ
ایله بیان تشکر ایلر .

مصطفی کمال

آراء، صیرا آنقره دن مصطفی کمال پاشادن کلن امرلر، تلغرافلر، بوللر مزی آیدینلاتیور، عمومی وحدت و تساند وجوده کتیریوردی . حادثاتک بعضاً مشکلاتی قارشیسنده قالدیغمز برچتین ایشک حلی ایچون اوغراشدیغمز اثناده کلن بر کوچوک امر ویا بر تلغراف فوق الطبیعه بر تاثیر ایله بزه مشکلاتی اقتحام ایتدبریور و روحلریمزه یکی بر فیض و غیرت ویریوردی .

۶ — فرانسه ضابطنک مخره سندن

[۲۲ شباط ۱۹۲۰ کوندوز راحت کچدی ایسه ده کیجه ایلری قره قولوزه هجوم ایدلدی . فقط حائز اهمیت بروقه اولمدی . تورکلر ۱۷ شباط ۹۲۰ ده بزدن آلدقلمی بر میترالیوزی استعمال ایتمکه باشلادیلر .]

۲۳ شباط ۳۳۶

آ — بوکون سکونته کچدی .

پ — صوئوئنگ و قارک شدتندن ملحقات ایله تلغراف مخابره سی منقطع اولمشدی . بوکون مخابره تأسیس ایدلدی . ملحقانده فعالیت دوام ایدیوردی .

بیره جک هیئت مرکزیه سندن آلدیغم مکتوبه جواب یازدم . و اورفهنک وضعیتنه دائر معلومات ویردم و بزمه تأسیس مناسب ایتلمی رجا ایتدم .

۶ — فرانسه ضابطنک مخره سندن :

[کیجه وکوندوز تام برسکونته کچدی افقده حالا امداد قولی

کورونمور. ایلری قره قوللرده کی چفته نوبتجیلر غایت اوزاقدن وچول طرفدن طوپ سسلری ایشیتدکلرینی خبر ویردیله. ذاتلاً برقاچ کوندر طوپ سنه مشابه اوزاقدن کورولتولر ایشیدلمکده در.

تورکلرک برقاچ دفعه قوللاندقلری تک برطوپکده برقاچ کوندر صوصمی شایان دقتدر. ارزاقزده توکنمکه باشلیور. اوتوزاو کوزدن سکنز دانه سی قالدی. سزه مز یوق. شرابک چوقدنبری رنگنی اونوتدق. افرادده توتون وار ایسه ده سیغاره کاغدی بولوق غیرقابل. دائماً کله جک قوه امدادیه نی بکلیوروز. بزده (سوراننا [*]) یه بکزه دک].

۲۴ شباط ۳۳۶

آ — ینه سکونت دوام ایتدی.

ب — فرانسز قوماندانه بردها تسلیم اولسی تکلیفنده بولندم.

اورفده فرانسز قوماندانغه

قاچ کوندنبری بهوده قان دوکمکده اولدیغکزی بلکه سزده

[*] سوراننا فرانسزلرجه بر اصطلاح مخصوصدر.

باربیللی نامنده بری زوجه سنی ئولدورمکه قرار ویرمش قادینده کلوب کندیسینی قورتارمسی ایچون برادرینه خبر کوندرمش و برادرینک امدادینه کلوب کلدیکنی آ کلامق ایچون یوکسکجه بریره همشیره سنی چیقارمش، هیجانله قادین متمادیاً :

— کلیورمی؟ دییه صوریورمش.

— سوراننا [هیچ برکلن کورمیورم] دیسی بو اصلاحک تسمیه سنه

سبب اولشددر.

۲۴ شباط - ۱۹۲۰ ده اورفده کی فرانسز قوتلری قوماندانک کوندردیگی
فرانسز جه مکتوبک فطوغرافیسیدر.

Le chef de bataillon Hauger
Commandant d'armes a Monsieur
Namik, commandant les forces na-
tionalistes
Cusfa.

Je ne puis que vous inviter a vous
reporter a mes lettres des 14 et 16 fevrier
1920. J'occupe Cusfa en execution des
ordres du commandement francais:
C'est a lui qu'il faut vous adresser
pour nous faire donner l'ordre
d'evacuer la ville. Je ne puis le
faire sans l'ordre de mes chefs.

E. Hauger

تقدیر ایتدیکنز. قوای ملیه ، تورکیانک تاریخی دوستی اولان فرانسه حکومت مفخمه سنک مسافره مملکت مزده بولنان ضابطان وافرادیکنک دها فضله تلفاته معروض قالمسنی آرزو ایتمیور .

دون کیجه عنزه عشائی طوپ و تفنگریله بورایه کلدیله . سنک عنزه لر طرفدن هجومه معروض قالمکزی قطعاً موافق کورمیورم . عنزه لرك حرکاته مباشرتدن مقدم سنزه ینه تسلیم اولمکز تکلیفی یایمق ایسترم .

تسلیم اولورسه کز حق کزده هر درلو آثار احترام اجرا ایدیله جکنه و آرزو ایتدیکنز محله قدر سالماً ایصال اولنه جفکزه سوز و یرییورم . مرعشه کی فرانسز قوتلری مرعش قصبه سنی تخریب و جوار کویلری احراق ایتدکاری حالده ینه قوای ملیه قارشیسنده مقاومت ایده میهرک شهری ترکه مجبور قالدیلر . آرتق بو تکلیفمک صوک و انسانی بر تکلیف اولدیغنی مع الاحترام بیان ایدرم .

قوای ملیه قوماندانی

نامو

ینه در حال جواب ویردی : [اصلی اولان فرانسز جه دن ترجمه ایدلمشدر]

قوای ملیه قوماندانی نامو بک

اورفه حرب قوماندانلی

۲۴ شباط ۱۹۲۰

نومرو

۹۴

سنزه ۱۴ شباط ۱۹۲۰ و ۱۶ شباط ۱۹۲۰ تاریخی مکتوبلریمی تخطر ایتدیرمکدن باشقه برشی یاپامام . بن اورفه یی فرانسز قوماندانک

امریه اشغاله دوام ایدیورم . بناءً علیه شهرک تخلیه سی ایچون
اونلره مراجعتله بزه امر ویرلمسی لازمدر .

قوماندانک امری اولمادجه هیچ بر شی یاپامام .

هفته

۶ — فرانسز ضابطنک مخطرہ سندن :

[۲۴ شباط ۱۹۲۰ کوندوز و کیجه غایت سکونتله کچدی .
اوکلہ دن صوکرہ بر هیئت دها کلدی . و بزه شو مآلده بر اولتیا نوم
کتیردی] فرانسز ضابطی بو کون کوندر دیکم مکتوبی هان عیناً
درج ایتمکده در [بوصول تکلیفی دخی رد ایتدک . بونکله برابر
کوندوزک بقیه سی و کیجه سی اصلا بر وقعه اولمادن کچدی .]

۲۵ شباط ۳۳۶

آ — بو کون آقشامه قدر فاصله لی آتش تعاطی ایدلدی .
ب — باب عالی دن (استانبول حکومتی داخلیه ناظرندن) متصرفه
بو تلغرافنامه کلدی . [انکلتزه خارجیه نظارتندن بوراده کی مثل
سیاسیسنه کلوب باب عالی یه تبلیغ اولنان تلغرافنامه ده بیان اولندیغی
وجهله مقرر معزز خلافت و سلطنت اولان استانبولک بزده قالمسنه
قونفرانسجه قرار ویرلمش اولدیغی تبشیر ایددرم . له الحمد حقوقرک
محفوظیت تامه سنه دلالت ایدن شو قرار مشکورک قویاً امیدوار اولدیغمز
وجهله توالی امثالنی اشکال ایده جک هر درلو حرکات مؤسفه یه یعنی
کرک دول مؤتلفه قوتلرینه و کرکسه عناصر غیر مسلمه یه قارشی

هر زمان وبالخاصه شوپك نازك كونه شده شكایت محققی موجب احواله قطعاً میدان ویرنامسی ایچون هر صورتیه صرف مساعی و مقدرت اولنسی همت و وطنپرورانه لرندن منتظر در . [

بزیا لکز دشمنه دکل عینی زمانده مملکت مزده کی مسکین و کهنه ذهینته ده مجادله مجبوریتنه بولونیوردق . آرامزده ، بویه عطالت ، مسکنت و باشقه لرینه تودیع مقدرات ایتک صورتیه بر دولتک ، بر ماتک یاشایه بیله جکنه ، نائل استقلال اوله بیله جکنه قانع اولانلرک بولنسی نه قدر الیمدی .

فی الحقیقه اوروپاده لهمزه بر جریان باش کوسترمشسه ، اوبلاقید و شرط دشمنه عرض تسلیمیت ایتکدن دکل بلدک اسارته ، استیلایه حاکمیتمزک تقیدینه قارشی مملکت مزده بر ، بر وقوعبولان عصیانلرک و اختلاللرک مقاوملرک کوستردیکی بر (ارحیات) نتیجه سی ایدی . فقط بونی ، استانبولده کی کهنه و جبین اداره تقدیردن عاجزدی . دائماً یابانچی قانی قاریشه ، قاریشه هویت ملیه سنی غائب ایتمش و سرای وماتی ، وطنی سرایدن ، سرایک محفوظیتندن عبارت تلقی ایدن ریاکار و مغشوش بر زمره ایله آره مزده کی آچیقاق دشمنه آرامزده کی مسافه دن هر حالده قیصه دکلدی .

مقدراتی منسوب اولدینی ماتک مقدراتندن ایران زمره دن او جامعیتدن چقمش دیمکدی حقوقی محفوظ قالسون قالماسون آرتق خلافتک و سلطنتک ، ماتک مقدراتیه بر علاقه سی قالماشدی . بوزهنیت و نقطه نظر فرقی غایت آچیق و بارز بر طرزده کوسترمش اونق ایچون عینی حادثیه دایر سیواس هیئت مرکزیه سندن اورفه مدافعه حقوق هیئته کلن تلغرافنامه بی عیناً درج ایدیورم .

اورفہ لہیت مرکزہ سنہ

۱ — ایتالیا آژانسی ترا کیا وغربی آناطولی حقنہ کی وہ نیزہ لوسک مدعیاتنک کلیاً رد ایدلیدیکنی بیلدیریور .

۲ — صدر اعظم پاشا شمعی مجلس ملی یہ کلہرک لوندرہ قوفرانسنجہ از میردہ داخل اولدینی خالدہ اشغال ایدیلن تورکلرلہ مسکون مناطقک تخلیہ سی تقرر ایدلیدیکنی تبلیغ ایتشدرد .

توالی ایدہ کلکدہ اولان بوکوزل خبرلر قارشیندہ عزم وارادہ ملینک ہردرلو خلدن وقایہ سنہ چالیشمق مقدس بورجز اولمق اقتضا ایدر . اللہک وارلغہ و مظاہرتہ اعتقاد وحق مدافعہ یہ عزم ایدن برملت ہر وقت یاشار و حقنی طانیدیر . ملتک وحدت و تساندی علیہداری اولانر بوتبشیراتی آملقہ ماتک خلاص وسعادتق علیہندہ بولندقلرندن دولابی عذاب وجدانی ضویہرق ندامت ایدہ جکلردر . ملی عزم وارادہ ہنوز ثمرہ مساعینسی اقتطافہ باشلادی . ایشتہ مدافعہ ملیہ تشکیلاتنک غایہ لری و بونک فوقندہ کی سعادت وطن ، استقلال وسلامت ملیہ در .

وظیفہ مزک قدسیتی غایہ لرینک استحصالیہ تحقق ایدہ جکلدر . ایلک غایہ مزک تظاہری حظوظیہ عرض تبشیرات ایدر . صارصیلماز برعزم ایلہ وظیفہ ملیہ مزہ کریمت ویرلمسنی استرحام ایلرز .

میواس لہیت مرکزہ سی

۱۸ شباط ۳۳۶

د — فرانسز ضابطنک مخطرہ سندن :

[۲۵ شباط ۱۹۲۰ ایچہ سکونتلی برکون . بز عنزہ لیلرک بر

هجومی بکفر کن بو سکون حیرتمزی موجب اولویور . هر کونکی
کبی آتش تعاطی ایدلدی کیجه، عاصیلر ایلری قره غول موضعلریمزدن
برینی ضبط ایتمکه تشبث ایتدیلر سه ده طالعمزدن او یانیق بولندق .
تورک دنیلن بوفنا قوش برقاچ توگک براقه رق قاچغه مجبور اولدی .
بو شدتلی مقاومتمزدن آ کلیور لردی که : ظن ایتدکلری کبی دکلز]

۲۶ شباط ۳۲۶

آ — مهم بر حادته اولدی .

ب — کوستردیکمز نزاکت و تسهلاته رغماً آمریکا ایتامخانه سی
مدیره سی ایله اسویچر ملی دو قنور فیشه ر علیهمزه مشکلات ایقاع
ایتمکدن و تجاوزات لسانیه ده بولنمکدن فارغ اولمیور لردی . کندیلرینه
کوستریلان نزاکت بر اثر جبات عد اولنویوردی فی الحقیقه بر قسم
اوروپالیر شمدی یه قدر علیهمزده یازمش یازیلر ، یاپیلان پروپاغاندا لر
یوزندن بزى و علی العموم شرقیلری و حتی بعضاً هر ملت کندیسندن
باشقه ملتی سزای حرمت کور میور .

حقدن زیاده دمیره و قوته استناد ایتک نه غفلتدر . امشالیله
نابتدر که دمیر و قوت حق و عدالتله یورورسه موفق اولور .
یوقسه کور بر عناد و متعصب بر عظمتله سوق و اداره ایدیلر سه
محقق نتیجه سی موفقیت سز لکدر .

میس هولس ، ینه متصرفه بر مکتوب یازمش . بزدن بر چوق
شکایتلر در میان ایدیتوردی . کندیسنه شو مکتوبی یازدم :

آمریقا مؤسسہ فہرستہ سی رئیسہ میس ہولسہ

۱ — متصرف بکہ اولان صوڪ مکتوبکزی کوردم . متأثر اولدم آمریقا دولتی تبعہ سی بزم یعنی حال غلیانده بولنان ملتتمزک پک سودیکمز دوستلریمزد . سزی بوخصوصده بر عزیز دوست و مسافر طانیرم . علی الخصوص بسله یوب بویوتدیککز یاورولر بزم و طنداشمز و اولادلریمزد . بولنرہ اولان خدمتکز بزی ده کندیلری قدر ممنون ایدیور . یالکمز شو صرہده فرانسلرک وضعیتی بزی اولنر حقنہده معاملہ شدیدہ یہ مجبور ایتدی .

۲ — آرزو کزداخلندہ وپک ای بر صورتده سزی وحمایہ کزدہ بولنان یتیملری امین بر محل اولق اوزرہ سریانی محلہ سنہ دعوت ایدیورم . بورایہ کلیر و بورانک حالی یقیندن کورورسہ کز ظن ایدرم کہ سزده حرکتیزی ووطنداشلریمزد قارشی معاملہ مزی تصویب ایدرسکمز . سزده عائد ارزاق و مالزمہ شاید شو صرہده نقد موجودیکمز یوقسہ بالآخرہ اثمائی مؤسسہ جه تسویہ ایدمک اوزرہ مبیاعہ و تدارک اولنہ جقدر .

۳ — تکلیف عاجزانہ موافقتکز اوزرینہ درحال تسہیلات و معاونت لازمہ ایفا ایدیہ جقدر .

۴ — بوتون موجودیمہ سزہ وحمایہ کزدہ بولنانلرہ حرمت ایدہ جکمی اونوتمامکزی رجا ایدرم .

۲۶ شباط ۳۳۶

قوای ملیہ قوماندانی

نامہ

میسس، شوجوی یازدی: [انکلیزجه دن عیناً ترجمه ایدلمشدر]

قوای ملیه قوماندانمغه

آمریقا ایستخانه سی

۲۶ شباط ۱۹۲۰

مکتوبکزی آلدیم . جواباً بیان ایدرم که آمریقا بنالرن دن باشقه هیچ بر یرده اقامت ایتمک ایسته مم . بو بنالر آمریقالی قومیتیه عائد اولوب اونلری ترک ایتمکی رد ایدرم . اکر یازدیغکز وجهله بو تیملر بزرک ایچون سوکیلی وطنداشلر ایسه بونلرک تأمین استراحتی ایچون نه قدر مهم تشکیلات و ترتیباته احتیاج اولدیغنی تقدیر ایتمکز لازم کلیر . بناءً علیه بو تشکیلات بو بنالرده موجود ایکن سریانی محله سنه نقل ایتمک امکانسزدر . و سریانی محله سنده اون او بیله یوقدرکه بزنی استیعاب ایده بیلسون . بن سریانی محله سنی بیلیرم . واشینگتونده کی آمریقا حکومتی نامه اورفدهده کی بوتون آمریقایلرک حیاتی و اموال و املاکنک تمامها محافظه سنی تکرار شدیداً طلب ایدرم . اکر بونی رد ایده جک اولورسه کز نتیجه سنک نه قدر وخیم اوله جغنی دوشونمکزی ده اخطار ایلرم .

ماری فارولین هومز

هامش :

تکلیفکزی اوزرینه و صلیب احمر بایراغنه رعایت ایده جککز حقنده کی تعهدیکزه بناءً بزم بنالر اوزرینه بایراق چکدم . بو بایراق اصل بزم شمدی خسته اوله رق یا تمقده اولدیغ اوطه اوزرنده در و بر قاچ کون اول تام بو اوطه یه اوچ ال آتس ایتدیکز .

میس ، فرانسز موضعری یاننده و ایکی آتش آراسنده و دائماً مصادماته فعلاً اشتراك ایدن برفرانسز مفرزه سنك حمایه سنده بولمقده اصرار ایدیور و بنایه برقاچ مرمی اصابت ایلمش اولدیغندن دولاییده شکایت ایلور. حالبوکه شهر ایچنه مسلح برچوق آدم طولمش اولدیغندن و شهه سز بونلرك آراسنده چاپو جیاق ایده بیله جك و قواعد مدنیه و انسانیه بی تقدیر و احاطه ایله یه میه جك کیمسه لرك بولنمی مستبعد اولدیغندن وضعیتمك نه درجه نازك اولدیغی تقدیر ایدمك لازم کلیر کن میس ، یاننده کی ارنیلرك تأثیرات و تسویلاتنه قاپیه رق متمادیاً عناد کوستریوردی .

الك منتظم حربلرده بیله اصول و اشکاله مع التأسف الك مدنی دولتلر دخی رعایت ایده مامکده ایکن براختلالدن باشقه برشی اولمیان بو وضعیت قارشیسنده میسك بزدن الك طبیعی زمانلرده بیله طلب ایدلمیه جك بر معامله ایسته میس شایان دقتدر .

فیظ ، میسك بوتون بومناسبتسز وضعیتلرینه و طلبلرینه قارشی سکینتمی و صوتوق قانلیغمی دائماً محافظه ایتدم . عجبا بو وضعیت قارشیسنده بر آوروپالی و یاخود بر آمریقالی ضابط اولسه یدی ناصل حرکت ایدردی . بونی وجدان عمومینك تقدیرینه حواله ایدیورم . عنزه عشیرتی رئیس حاکم بک ، آلتیوز موجودلی عشیرتک مسلح آتیلریله اورفیه کلدی . بوقوت جرابلس ایله سیفتک و عرب پیکاری آراسنده کی شمندوفر خطنی تخریب ایتمشدی . جرابلس ایله آچقه قویونلی آراسنده کی ساژور کوپریسی تماماً تخریب ایدلمشدی .

ح — فرانسز ضابطنك مخطرہ سندن :

[۲۶ شباط ۱۹۲۰ حالا غزده ليلرك هجوملرينى و طوپلرينىك سىنى بكيورزه. موضعلر يمزده دوشهن مرميلر V. B. مارقه لى تفنك بومبارى ايدى كه بونى ايلك هجوملرى ائاسنده بزدن ضبط ايتشلردى . شهبه سز غزده ليلرك طوپى ديدكلرى بو اوله جق .

بوكون عاصيلر بى عرض تسليمته مجبور ايتك ايچون باشقه بر واسطه قوللانديلر . بوتون قرارگاهمرك ايچديكى و قرارگاهمى جوارندن كچن صوبى [كوچوك دره يى] كسديلر . مجراسنى باشقه طرفه چويرديلر . فقط ينه بى تسليم ائقى مقصدينه موفق اوله مديلر . زيرا يانمزده بولنان اسويچره لى دوكتورك [شايان دقتدر ، بواسويچره لى دوكتور دينيلن دوكتور فيشه ردر] اشعارى اوزرينه اسكى بر قويو بولدى . اوستى دكرمن طاشيله قبلى ايدى . اولونك ايچنده بولنان بوحيات بخش قويويى بك چوق آراشدير دقدنصوكرانهايت بولدى . او بزم جانمى قورتاره جق ايدى . قويوده اون مترو درينلكننده صو واردى . بو بزه ، نرومندن فضله ايدى . توركار بو صورتله بر موفقيتسزلكه داها اوغراديلر .

توركلرك شمدى يه قدر تسليم اولمقغمز ايچون توسل ايتدكلرى واسطه لر شونلردر :

- ۱ — فاصله لى تفنك آتشى .
- ۲ — طوپ آتشى .
- ۳ — هر طرفدن هجوم تهديدى .
- ۴ — فرانسى موضعلرينى و مبانينى ياقق تهديدى .
- ۵ — ارزاق كتيره جك يوللرى كسمكه قحط .

۶ — یکی عشارك كلسی .

۷ — صوسزلقله بزى بوكالمق .

بزى دفع ایتمك ایچون [عیناً ترجمه ایدلمشدر .] دها کیم بیلیر نه لر
یا باجقئر .

بزم الك بویوك بد بختلغمز خارجله اختلاطمزك كسیلمه سیدر .
وبكله دیکمز خیالی امداد قوتنك کلامسیدر . اتمك وات تعینی
قیصالتیلا قیصالتیلا شیمدی افراد خفیف تعین آلیور . زواللی نفر لرك
چكدكلى زحمته نسبتله غیر کافیدر . قوه مغویه دوشکون اولوب
شکایتلر ایشیدلمکده در . کوزل هوالر عودت ایتدی . آیاقلری
طونا کلرك عددی آزالدی] .

۲۷ شباط ۳۳۶

آ — بوکون سکونتلی کچدی .

ب — كرك فرانسز اسیرلرندن آنان معلومات و کرکسه تحقیقات
ومشاهداته نظراً ارمنیلرك فرانسز لره هر صورتله مظاهرت ومعاونت
ایتدکلى آ کلاشیدلیغندن ارمنی محلهسی تجرید ایدلمکه برابر محلهیه
خارجدن بیهك ادخالی ده منع اولندی . ارمنیلر تکلیفم وجهله کلیسایه
تورك بایراغی اصمادقلری کبی ائتلافده یناشمادیلر . « بز مسلح بیطر-
فلغمزی محافظه ایده جکز دیدیلر . کاشکی یالکز مسلح بیطرفلی
محافظه ایتسه لردی ! فرصت دوشدکجه کوچوک قطعه لرو منفرد اشخاص
اوزرینه آتش ایتمکدن فارغ اولمورلردی .

۶ — فرانسز ضابطنك مخره سندن :

[۲۷ شباط ۱۹۲۰ کوندوزی و کیجهسی سکونتلی کچیردک حائر
اهمیت بروقعہ یوقدر . بزم خیالی قوہ امدادیہدن حالاخبر الامادق] .

۲۸ شباط ۲۲۶

آ — دشمنہ بر آرز تقرب ایتش اولق ایچون دشمن تحصنکاهنہ
ایکیوز مترو مسافہدہ بولنان « قره لوک » بناسنک ضبطی مقصدیہ
موضعی بر هجوم یاپیلدی . قره لوکدہ کی فرانسز قوتی بو آنی هجوم
قارشیسندہ مدافعہ و مقاومت امکانی کورہ مدیکندن بیاض بایراق
چکوب تسلیم اولہ جغی ائنادہ قوتمز اوزرینہ آمریقا ایٹامخانہ سندنہ
محافظ بولنان فرانسز افرادی طرفندن شدید بر آتش آچیلدی . اوچ
شہید و اوچ مجروح و یردک زوالده ، بردشمن طیارہسی شہراوزرنده
بر جولان یاپارق کیتدی .

ب — بیرہ جک مدافعہ حقوق ہیئت مرکزیه سندن آلدیغم
راپورده : دشمن طیارہ سنک بیرہ جکدہ کیتمش اولدیغی مدور
و مستطیل الشکل بیاض بزیز آتدیغی و دشمن قوہ معنویہ سنہ تأثیر ایتمک
و دشمن تحصنکاهلرنده تخریبات یاپایلمک اوزرہ صو بورولرینی ،
کسیلمش اوت کوتوکلری ایچنہ صوقورق ابتدائی بر شکلده بر قاج
طوپ یا پمغه و بونلری عسکری مطبخ آرابه لرینک تکرارکاری اوزرینہ
قوبہرق حرکتہ قابیلتلی بر حالہ کتیر مکہ اوغراشدقلری بیلدی ریلوردی .

۶ — فرانسز ضابطنک مخطرہ سندن :

[۲۸ شباط ۱۹۲۰ کیجه ساکن کچدی . فقط صباحلین کونش

طوغمه دن اول تورکلر بزی یاتاقلریمزدن فیلارجه سنه قلدیران طوپ
سسلیله اویانیدر دیلر . بزم ایلری قره غول موضعلریمزدن برینه هجوم
ایتدیلر . موضع آلتی فرانسز و آلتی جزایرلی طرفندن مدافعه
ایدلی . اکثریت تورکلرده اولمقله برابر کری یه چکلمکه مجبور
اولدیلر . یارالیر مستنا اولمق اوزره میدان حربده قرق قدر مقتول
قلدی . بزم ضایعاتمز بر مقتول ودرت یارالیدن عبارت ایدی . هجوم
درت ساعت دوام ایتمش ایدی . طالعمزدن کوچوک موضع انی
مدافعه اولندی . یوقسه قیملدائمه بیه وقت قالمادن فاقه دوشه جک
ایدک . . حربک شدتی آزالدیغی اثناده باشمزک اوستنده بر موطور
کورولتوسی ایشیدلمکه باشلای .

بونک بزه خبر کتیره ن بر فرانسز طیاره سی اولدیغی اوکره نیر
اوکرنمز حس ایتدی کمز مسرتی آرتق تصور ایدیکز ! طیاره سماده
بزی آریور و دائره لر چیزیموردی . اشارتله ویردک طیاره جیلر بو
اشارتلی کوره رک بزه دوغرو توجه ایتدیلر . وبر قاچ کاغد آتهرق
طیاره کلدیکی استقامته دوغری کتیدی . تورکلر طیاره نك وصولنده
قاچشمغه باشلامش ایکن یاواش ، یاواش یرلرینه کلدیلر . و طیاره نی
دو زکن سریع تفنک آتشیله تشییع ایتدیلر . بونکله برابر بر ثمره
حاصل ایدلیدی . طیاره نك ورودی بزده نهایتسز بر سرور حاصل
ایتمش ایدی . هر کس حتی قوماندانلر بیه سازان بالغی کبی صیچرایور
ومسرت صدالریله اظهار شادمانی ایدیوردی .

بونیده علاوه ایتمکه لزوم کورورم که بر آز اول قوه مغنویه من
نه قدر دوشکون ایسه شمدی او نسبتده یوکسلدی .

آرتق بزى قورتامق تشبشنده بولوندىقلرندن امين ايدك. فى الواقع
بزدن اون كون ثبات ايتمكلكمزى ايسته مشلردى . بوكون محاصره
ايدلديكمزك يكرمى برنجى كونيدر . هر حالده قوه امداديه پك
اوزاقلرده اولمامق لازم كليوردى . اونى بلكه مكدن باشقه ياپاجق
بر ايشيمز يوقدى .

كيجه طياره نك توركلرله بزم آرامزه آتديغى كورديكمز
كاغدلرى تحرى ايجون افراد چيقاردق]

۲۹ شباط ۲۳۶

آ — بوكون سكونته كچدى .

ب — دون قره لوك موقعنه واقع اولان تعرض ائناسنده قره لوكده
فرانسز افرادينك بياض بايراق آچسى اوزرينه آتش ايمه رك كنديليرنى
تسليم آلمغه كيدن افراديمزه آمريكا ايتاخانه سنده كى افرادك آتش
ايتمش اولسندن دولايى فرانسز قومانداننه ، اسويچردلى دوكتور
فيشهره وميس هولسه شو مکتوبلرى يازدم و برر هيئت وداعتيه
كوندردم .

فرانسز قواى اشغاليه قوماندانى موسيو هوجر هينا بربنه

۱ — دون قره لوك موقعنه واقع اولان هجوم اوزرينه اوراده
بولنان فرانسز افرادى بياض مندیل آچق صورتيله تسليم اوله جقلىرى
ائشاده صليب احمر بايراغى كشيده ايتمش اولان آمريكا بناسنده كى
فرانسز عسكركلرى كنديليرينه آتش ايتديكمز حالده افراديمز اوزرينه

آتش آچق صورتیه اوچ نفریمزك شهید و اوچ نفریمزك مجروح اولسنه سبیت ویرمشدر .

۲ — بوتون ملل متمدنهك رعایته مجبور اولدیغی و فرانسز دولتی ده مدنی بردولت بولندیغی حالده صلیب احمر بایراغی حائز بر بنادن بوصورتله افرادیمز اوزرینه فرانسزلر طرفدن آتش ایدلسندن دولایی سزی پروتستو ایلر و بوندن بویله حرب مناطقی داخلنده چکیلن و چکیله جك اولان صلیب احمر بایراقلرینه قارشى بالجبوره رعایت ایدمه جگمزی اخطار ایلرز . ۲۹ شباط ۳۶

قوای ملیه قوماندانی

ناموه

در قوتور فبشر صنا بلرینه

دون قره لوك موقعه قوای ملیه مز طرفدن وقوعه بولان هجوم ائناسنده اوزرینه صلیب احمر بایراغی چکیلمش اولان آمریقا بناسنده کی فرانسز عسکرلری طرفدن آتش ایدیله رك اوچ نفریمزك مجروح و اوچ نفریمزك ده شهید اولسنه سبیت ویرمشدر .

بو حال بوتون دول متمدنه ده قبول ایدلمش اساسات عهدیه به مغایر درر . بوندن بویله فرانسزله عائد منطقه حرب داخلنده بولان و اوزرینه صلیب احمر بایراغی چکیلمش و چکیله جك اولان محالره امنیت و اعتماد ایدمه جگمزی و بناء علیه منطقه مذکور دن شهر داخلنده امین بر محله نقل ایتدی ککز تقدیرده تحصیل ایدمه جك ضرر

و مسئولیتك منحصرأ طرفكزه راجع اوله جغنی اكدأ بیان ایده رم
افندم . ۲۹ شباط ۳۶ قوای ملیه قوماندانی

ناموه

آمریقا ایتاخانه سی مبره سی مین لهوس جنا بربینه

۱ — آمریقا ایتاخانه سی مؤسسه خیره دن اولدیغدن اورایه
برکونا تجاوزده بولنیه جغمزی و مؤسسه نك مناسب برحله هلال احمر
بیراغنك کشیده ایدلسنی اولجه یازمشدق . ایتاخانه یه مناسب
کوردیککز وجهه صلیب احمر بیراغی کشیده ایتکز اوزرینه مذکور
بیراغه حرمة برکونا تجاوزده بولنماق صورتیه قواعد مدنییه حرفیأ
و تماماً رعایت ایتدك .

۲ — دون قره لوك موقعه واقع اولان تجاوز ائناسنده موقع
مذکورده بولنان فرانسز افرادی تسلیم اولق اوزره بیاض مندیل
آچدق لری صروده مؤسسه کزه یرلشدیریلن فرانسز عسکر لری
طرفدن افرادیمز اوزرینه آتش آچیلمش اوچ نفریمزك شهید و اوچ
نفریمزك مجروح اولسنه سبیت و یرلشدر .

۳ — آمریقا مؤسسه خیره سنك و صلیب احمر علامت مخصوصه سنك
مصونیتی بو صورته اخلال و سوء استعمال ایدن فرانسز لره حرکت
واقعه لری پروتستو ایدلشدر . بعدما صلیب احمر بیراغی کشیده ایتمش
اولان مواقع حقنده تداییر احتیاطیه یه مجبور اولدیغمزی بیان و بو کبی
وقوعاتك حدوئه کلامسی تداییرینك طرفکزدن اتخا ذینی طلب ایلرم .

قوای ملیه قوماندانی

۲۹ شباط ۳۶

ناموه

میس هولس مستثنا اولمق اوزره صره سیله شو جوابلری آلم :
فرانسز قوماندانه یا بنم مکتوبم یا گلش ترجمه ایدلمش یا خود قوماندان
بالا التزام یا گلش آکلامق ایسته مش اوله جق که وقعہ بی تحریف ایدیور :
[فرانسزجه اصلندن عیناً ترجمه ایدلمشدر]

قوای ملیہ قوماندانلغہ

اورفہ حرب قوماندانلغی طرفندن

نومرو

۲۹ شباط ۱۹۲۰

۹۷

افدم

بیاض بایراق کشیده ایدن بر قوته قارشی بر فرانسز قوتنک
انداخت ایتدیگی حقنده کی اشعاریکز اوزرینه تحقیقات یاپدیره جغم .
بونی بیلمیورم و بوکونه قدر فرانسزلر بویله بر شی یاپمامشدر . بونی ،
سزک خلاف حقیقت اوله رق یازدیغکزی ظن ایدیورم بدایتدنبری
اوزرینه انداخت ایتدیگکز آمریقا ایتاخانه سنک بویله بر شی یاپدیغنه
اینانامم بنم ایتاخانه یه فرانسز قوتی یرلشدیرمکلکم آمریقایلیرک
فرانسزلرک متفق اولسی واونلری حمایه مجبوریتده بولنمقاعمدن منبعشدر .

لهو. صر

اورفہ قوای ملیہ قوماندانلغہ

اورفہ

۲۹ شباط ۱۹۲۰

بوکونکی مکتوبکیزک جوابیدر :

محاربه نیک ابتدا سندنبری خسته خانه مزه فرانسز قوماندانک

کیرمدیکنی و خسته خانه مزدن انداخت ایدلمدیکنی اشعار ایدیورم .
حالبوکه دائماسزک طرفکزدن خسته خانه مزه انداخت ایدلمش و خسته .
خانه قالبور کبی اولمشدر .

تهدیدکزله خسته خانه پی ووظیفه می اصلا ترک ایتیه جکم . صلیب
احمر بایراغی اوزرنده آچدیغکز جریحه لردن دولای سزی مسؤل
ایتدیره جکم . خسته خانه سرطیبی .

فبتر

دون کلن طیاره نك آتدیغی کاغدلر فرانسزلر ایله آرامزده منطقه
حربه دوشمش اولدیغندن ضعیف بر احتمال ایله بلکه بو کاغدلر
فرانسزلرک اورفه پی تخلیه ایتلرینی ناطق بر امری محتوی بولنور
ملاحظه سیله کاغدلرک تحریری ایچون قیصه بر مدت متارکه تکابف
ایتشدم .

فرانسز قوماندانی، عیناً یازدیغم جوابی ویردی . فرانسز قومانداننك
کرك بوکون آدیغم جوابنده و کرکسه بومکتوبده کی طرز افاده سی
شایان دقتدر . طیاره نك هر حالده کندیلرینه امداد دکلسده بر قوه
معنویه کتیردیکی آشکار ایدی :

اگر فرانسزلر قوت آله جق اولورلرسه بو خاق واورفه محو اولدی
دیمکدی . قواعد مدنییه رعایتک پارلاق نمونه لرینی کوستره جکلری
محققدی .

اورفه قوای ملیه قوماندانلغه

اورفه حرب قوماندانلغی طرفندن

۲۹ شباط ۱۹۲۰

بلا نومرو

افدم

دونکی طیاره نك کتیردیکی بیاننامه لری آراتدیرمغه امکان ویره جك بر تعطیل مخاصات خصوصنده کی تکلیفکزی قبول ایدم بر نسخه سی بنده اولان بو بیاننامه لر منحصرأ فرانسز اردوسنه عائددر .

لهوجر

۶ — فرانسز ضابطنك مخطره سندن :

[۲۹ شباط ۱۹۲۰ بو صباح تورکلر طرفندن آتش ایدلامسی حیرت و تعجبمزی موجب اولدی . دونکی بولندقلری یرلره باقیبور بر بر شی کورده میورز . دون کلن طیاره نك طوپلرینی کورمش اولسندن قورقش اوله جقلرکه قاچیردیله . کوندوزی آقشامه قدر راحت کچیردک .

اوکله دن صوکرایی بر هیئت کلوب عاصیلرک قوماندانی طرفندن بر شکایتنامه تبلیغ ایتدی . کویا دونکی هجوم اثناسنده فرانسزلر اولجه بیاض بایراق آچوب صوکرای کندیلرینه دوغرو کلن تورکلره قارشى آتش اچمشلر . بونک تمامیه یالان اولدیغنی تصدیق ایدرم . شبهه سز دون آقشامکی موفقیتسزلکلرینی و آغیر ضایعاتلرتی ستر ایتک ایستورلر هیئت مرخصه :

— فرانسز عسکری وحشی دکلدز . جوانی آلوب کیتدی .
بو جواب ظن ایدرم کندیلرینه کافیدر . آقشام قوماندان هوژی
فرقه بلوکلرینک کافهسنه طیاره نك کتیردیکی بیاننامه نك محتویاتی تبلیع
ایتدی .

اورفده بولنامه بلوکلریمزه :

آطنه

۲۸ شباط ۱۹۲۰

جسور اولیکز ! فنا کونلر آز مدته ختام بوله جق سزه آذرب
زمان سوکرا امداد و ارزاق کله چکدر .
جنرال

درفیو

بو خبر مختصر و قیصه ایدیسده دأما خیالی امداد قوتی بکلیان
پوالوره جسارت و یرمکه کافی کلدی .

۱۰ مارت ۳۳۶

۱ — وضعیتده برتبدل اولمادی .

ب — آنقردهده ، هیئت تمثیلیه نك شو امرینی آلام :

اورف قوای ملیه قوماندانی ناموه بکه :

غایت مهم و بر دقیقه تأخیری غیر جائزدر

اورفدهده کی ایتمخانه مدیره سی آمریقالی میس هولمسک پک زیاده
قورقوایچنده بولندینی و حلاج انلره معروض قالدیغی هر حالده مومی الیهانک
قورقوسنک تسکینی و بوتون خصوصاتده معاونت و محبت ارانه سیله کرک

کندیسنک و کرکسه بوتون آمریقالیلرک جانلریله ماللرینک صوگ درجه
محافظه آلتنده بولدی رلمسی هیئت تمثیلیه دن عینتاب هیئت مرکزیه سنه
بیلدی رلمش و طرف عالی رینه تبلیغ ایچون هیئت ادارمزه امر اولمش
اولغله هیئت مرکزیه نك اشعاری و جهله معامله ایفاسنه مساعده
بیورلمسی و اورفه حرکاتی حقنده معلومات اعطاسی موجودر اقدام .

بیره جک

مدافعه حقوق رلمسی

نیمور

بونک اوزرینه میس هولسه شو مکتوبی یازدم :

آمریقا ایناخانه سی مدبره محترم سی میس هولس جنابلرینه

۱- متصرف بکه یازمش اولدیغکنز مکتوبی کورددم. وطنداشلمیزی
اعاشه یه گلش سنک کبی محترم بر آمریقالی والده مزه الیزدن کلن هر
فداکارلغی ایفایه حاضرز قوای ملیه مزک مجادله صحنه نرنده بولنان
آمریقالیلر مملکت مزک محترم مسافرلری و ملت مزک قیمتدار مجلریدر .
حیاتکمزک و حضور راحتکمزک مصونیتی اخص آمالزدر. نزدیکزده کی
آمریقالیلردن هر نه زمان وهرهانی بر استقامته سیاحت ایتمکی آرزو
ایدنلر بولنور ایسه طلب ایده جککمز امر محافظه بی و معاوتی در حال
ایفا ایده جکمز .

۲- فرانسزلرک اوزرینه صلیب احمر بایراغی چکیلش آمریقا
بناسندن قره لوکه هجوم ایدن افرادیمز اوزرینه آتش اچدقلرینی
واوچ نفرک شهید و اوچ نفرکده مجروح اولدیغی سزه تأمین ایدرم .

on his errands of mercy among
the people upon whom you have
brought this great trouble..

And now, this morning, you shot
one of my orphans, here in the
orphanage.

I suppose you will tell me
they were shot by the French
up in the Citadel, for that is
where the shot came from, as
you did about the two Americans
killed near Antioch by bandits.

Do not think I am quite a
fool, nor that the American
government will not know
what to do with you.

Yours
Mary Caroline Holmes

میس هولسک ۲ مارت ۱۹۲۰ تاریخندہ کو دردی
مکتوبک فطوغرافیسیدر

The American Exchange

Urfa March 2, 1920

15 Seyip Bey.

Now I know that you write words you never intend to keep.

You sent me a letter yesterday full of soft, meaningless words. You said you men kiss my hands, while you give orders not to have firing cease on American buildings flying the Red Cross flag, but to have it kept up, with the intent to kill.

You shot another of our employees yesterday as he was standing near my bakery, just missing my beloved fellow American Miss Law, as she was going about

۳- مع هذا سزه هر خصوصده معاونت و خدمتی کندم ایچون شرف عد ایدهرم .

سزی ییل باشنده زیارته کیش ودها اوزمان سزه قازشی بویوک برحس حرمت حاصل ایتشدم . او حرتم حالا باقیدر .
سزه و منسوینکزه کلیتلی اجتماع ایدن قوای ملیه افرادینک اعاشه سنه مجبوریته حسبیله فضله مقدارده ارزاق اعطا ایدیله میه جگنی ذات عالیله ده تقدیر ایدر سیکز .

۴- عینتاب ایله کلیس آراسنده بزه عطف ایتدیرمک مقصدیله بالالترام قتل اولنان پری و جونسون نامنده کی ایکی آمریقالینک صورت قتلی تنور ایتشدر . هر حالده آمریقا بنالردن آتش آچیلما مسی و بر سوء تفهمه میدان ویرلما سنک تأمیننی رجا ایدر بنمله برلکده قوای ملیه رؤسا و افرادی محترم والده لری میس هولمس جنابلرینک اللردن او پرلر . ۱۱ مارت ۳۶ قوای ملیه قوماندانی

ناموه

هویتی اظهار ایتک صورتیله بو قدر نازکانه یازدیغم مکتوبه عیناً شو حقارت آمیز جوابی ویردی :

صائب بکه

آمریقا ایستاخانه سی

اورفه

۲ مارت ۱۹۲۰

شمدی آکلایورم که سن یازدیغک شیلری یاقمق نیتنده دکلسک!

دون بکا طاتلی و معناسز سوزلرله طولو بر مکتوب یازدک. سن و ملی قوتلرک منسوبینی بنم اللریمی او پویورسیکز. دیگر طرفدن ده صلیب احمر یا راغی بولنان آمریقالیلرک بنالزینه آتش ایدلمسنی و حتی بعضیلرینک اولدورولمسنی امر ایدیورسیکز. بزم فرونک جوارنده خدمه مزدن برینی اولدوردیکز بو ائنده سوکیلی آرقداشم آمریقالی میس لوی دخی همان، همان ئولویوردی. زیرا او، بو ائنده بو حال پر ملاله دوشورمش اولدیغکز بچاره اهالی یه اعانه توزیع ایتمکده ایدی. ایتاخانه مدده کی یتیملردن برینی ده یارالادیکز. بونلر قلعه ده بولنان فرانسز عسکرلری طرفدن اورولمشلردر دییه ادعا ایده جککزی مأمول ایدیورم. چونکه بو مرملر قلعه دن کلدی. ناصل عینتابه یقین استقیا طرفدن قتل ایدیلن ایکی آمریقالی ایچونده عینی شیئی سویلیدیکز، ظن ایتیکز که بن کاملاً احقم و یا خود آمریقا حکومتی سزه نه یاپه جغنی بیلمز. قالیرم.

ماری فارولین لهرطسی

کرك هیتت تمثیله دن آلدیغ امر و کرکسه قلمک و وجدانمک تلقینانیله یازدیغ بو حرمتکار مکتوبی بر « اثر ضعف و جبات » عد ایدن میس، فوق العاده و نامسبوق بر حررکنده بولنمایوردی. بو، آوروپالیر و آمریقالیرجه بزه و شرقه دائر کوکلنمش بر فکر ایدی که بو ذهنیت باقی قالدقجه مملکتتمزه تصاحب و مملکتتمزده بزم ایچون حضور و سعادت متصور دکلدر. دائماً بر طاتلینک اوزرینه ئوشوشهن سینکلر کی بو یابانچیلردن اونلرک سیوری دیشلرندن و یرتجی چنکلرندن قور توله مایه جغز . .

کندی مملکتده یابانچیلره امتیازلر ویرهن و اونلری کندی تبعه لرینک فوقه چیقاران اسکی زمانلرک غافلانه قانون و قاعده لرینک ملی انتباهمز قارشیسنده زواله اوغرایه جنی محققدر .

میس بنی بر معتاد امریقا حکومتیله تهدید ایدیور ، امریقا حکومتنه نه حاجت بنی اسکی و کهنه مسکین و استانبولده صوک نفسلرینی یاشایان خائن حکومتده آله کچیریرسه پارچالایه جق دکللی ؟ حال حاضرده کی نسلمز قدر دنیاده هیچ برملتک افرادی بودرجه عمومی و خصوصی تهلکه لره معروض قالمشدر . مختلف سبیلره بوتون دنیانک خصوصته معروض بولنیورز . یرلی و اجنبی بوتون خرسیتیانلر دین نامنه استیلاجی دولتلر منفعت سیاسیه نامنه کندی هم جنسمزدن بر قسمی ده جهل و تعصب نامنه قائمزی ایچمک ایستیور . بو ، قوجه دنیا اوزرنده زواللی تورکلر ، تورک منورلری معنأ و ماده او قدر یالکز او قدر کیمسه سزکه ایشته بو انفراد و بو یالکز لوقده انسانه مدار تشویق و غیرت اولویور .

میس کنیدیسنی بالالترام آتیشک ایچینه آتیور ، کنیدیسنی قورومق ، محافظه ایتمک ایستدکجه مستکره و مستهجن باغریور . . — بن اولورسه صوکر ا کورورسیکز ها !

اختلال یاپان بر ملت عجیبا ملکلردن مرکب اولسه یدی بزم کوستردیکمز اعتدال وقار و سکینتی کوستره بیلمی ایدی ؟ شواعتدال دم و شو حس انسانیتده سوء تفسیر ایدیلیرسه دوشو نیلی آدم نقدر متأثر اولویور .

هیئت تمثیلیه نك میس هولسك محافظه سی وهیجانك تسکینی ایچون

یازدینی امرنامه‌یه شمده‌یه قدر میس هولس‌ایله جریان‌ایدن مخبراتک
بر صورتی لف ایدرک شو جوابنامه‌یه یازدم :

لهیت تمهیلیه :

اورفده بولنان آمریکا ایتمخانه‌سی مدیره‌سی میس هولسک
تحت‌اداره‌سنده بولنان ایتم‌ایله برابر آمریکا بنالرینک تأمین محافظه‌سی
ایچون بدایت مخاصمه‌دن اعتباراً کوستردیکمز آرزو واهتامک بوتون
تفصیلات و تفرعاتی حاوی جریان‌ایدن اوراق مخبره‌نک بر صورتلرینی
لفاً تقدیم ایدیورم .

بولدن بویله‌ده محافظه حیات و ماللرینه دها زیاده صرف غیرت
اولنه جنی شبه‌سزدر . شو قدر وارکه ؛ اورفده اجتماع ایدن قوای
ملیه افرادی میانده کوچبه عشائر و عربان‌ده برچوق کیمسه‌لر
بولندیغدن اونلرک کندیلکلرندن ، منفرد وانضباطسز حرکترلندن
دولایی حادث اوله بیله‌جک وقایع مؤسفه‌یه امکان بر اقیلمامق اوزره
میس هولسک بلا ایجاب کوستردیکی وبزی پک مشکل بر وضعیه
صوقان عناد و اصرارندن صرف نظر ایتدیلمسی ایچون ایجاب ایدن
تشبثات خارجیه‌نک اجراسنه مساعده ببورلمسینی عرض واسترحام
ایدرم اقدم . ۲ مارت ۳۶

قوای ملیه قوماندانی

نامو

سریانیلرک فرانسزلرله مشترکاً علم‌مزه حرکت ایتمکده اولدقلرندن

دولای اورفه سریانی جماعتی ریاسته تبلیغ ایدلک اوزره ماردین
سریانی بطریق کندن قول اردو قوماندانی واسطه سیله شو تعمیم کلدی
سریانیله تبلیغ ایتدم .

اورفه سریانی جماعتی ریاسته

تبعه عثمانیه دن بولندیغمز حالد فرانسز حکومتیه بالاتحاد محاربه یه
کیریشدیککز مع التأسف استخبار قلمشدر . بوایش کرک بطریق
اقدیمزک و کرکسه عموم جماعتمزک رضاسنه مغایر ایدو کندن وطن
عزیزیمزک محافظه سی اوغرنده فدا کارلغکزی توصیه ایدرز .

ماردین سریانی بطریق تامنه

امضا اورقنه مامدر

۶ — فرانسز ضابطنک مخطرہ سندن :

[۱ مارت ۱۹۲۰ کیجه یاریسی بر هجوم باشلانغیجی عداولنه جق
طرزده تورکلرک باغریشدق قلی ایشیدلدی . فقط کندیلری کورو ممدیلر .
میرالیوزلریمزک ولوله سی اونلری سکوته مجبور ایتدی . کیجه نک
بقیه سی سکونتله کچدی . کوندوز بر قاچ ال حاده سز آتش تعاطی
اولندی طوپ آتشدن ینه اثر یوق . سینی آ کلایامیورز . کوزلریمز
سهاده و افقده طیاره و قوه امدادیه بکلپورز]

۲ مارت ۳۳۶

آ — فرانسز لرک اورفده محصور بولنان فرانسز قونی قورتارمق

اوزره میرالای نورمان قومانداسنده طوپ و ماکنهلی تفسکه مجهز اورفیه بر قوه امدادیه سوق ایتدکاری و بو قوتک آچه قویونلی یه مواصلت ایتدیکنی خبر آلام .

اورفیه هیئت مرکزیه

تلغراف

غایت مهم و مستعجلدر و بردقیقه تأخیری
جائز دکلدرد

طوپ و میتالیوزلرله مجهز و تخمیناً اوچ بیک موجودلی بر فرانسز قوتنک آچه قویونلی یه کلدیکی و استاسیون و جوارینی تحکیم ایتدیکی و کوپری و رایلری تعمیر ایتدکه بولوندیغی و یارین جرابلس اوزرینه حرکت ایده چکی و اوراده بولنان کویلیلرک فرار ایتدکاری و عینتابده بولنان حسین افندی بر ضابط و اوچ آرقداشیله بو کون بورادن حرکت ایدرک روم قلعه دن کله جک و اورادن طویلانه جق قوتله اورالرده اجرای حرکت ایده جکلری عرض اولنور .

۲ مارت ۳۶ عینتاب مدافعه حقوق هیئت مرکزیه سی نامه

راغب

وضعیت کسب جدیت ایلوردی . بو فرانسز قوتنک اورفیه کله بیلرسی ایچون کذرکاهنده بولنان بیره جک و سروجده کی قوای ملیه بی مغلوب ایتسی لازمدی . و اورالرده فرانسز قوتلری واردی اوکا نظراً ترتیبات اتخاذای ایجاب ایدیوردی .

بر فرانسز قوتنك تقریبی خبر آله جق اولان اورفده کی فرانسز قوماندانك هر حالده بر خروج حرکتی یاباجنی محققدی . شمدی یه قدر بو قوماندان بر قابلیت تشبیه کوستره مدی ایسه ده بو حرکتی اجرا ایتماسی قابل دکلدی . یکی خبر لر ورودینه انتظاراً خط محاصره بی تقویه ایتم .

ب — عموماً ترتیبات اتخاذیله وقت کچیرلدی .

۶ — فرانسز ضابطنك مخطرہ سندن :

[۲ مارت ۱۹۲۰ کیجه سکونتلی کچدی کوندوز موضع لریمزك اوزرینه اولدقچه سریع بر تفنك آتشی آچیلدی . باشقه حائز اهمیت بر وقعه اولمادی ینه طیاره دن و امداد قوتندن بر خبر یوق . زمان غایت اوزون و مزعج] .

۳ مارت ۳۳۶

آ — سکونت .

ب — فرانسز قوتنه دائر متبادیاً معلومات کلیوردی .

اورفہ قوای ملیہ فرمانرالفنہ

تلغراف

بیرہ جک

دشمندن عظیم بر قوتك دون جرابلسه کلدیکی محققدر . عشائر

كاملاً بورايى ترك ايتدى. قوتمز يوق كيدر. امداد يمزه يتيشيلمزسه

فلاكت محققدر غايت سريع برچاره اتخاڟى .
بیره جك

مدافعة حقوق جمعيتى نامه

۳ مارت ۳۳۶

بمور

بو مهم تلغرافى آيلر آماز ماكنه باشنه كيتدم . وضعيت حقنده

بیره جك قائممقامى منير خسرو بلكه كوروشدك .

مخابره ضبطلرندن :

[افندم بو مسئله يي شيمدى عيتابدن تحقيق ايدر ذات عاليكزه

بيلديريرم . جرابلسدن آله جغمز معلوماتى ده كوني كونه عرض

ايدرز . خطك تماميله تخريبي ايچون ايجاب ايدن اوامرى لازم كلنلره

قطعتله ويرر وهمان تشبثاته دوام ايدلسنى تحت تأمينه آلمغه چاليشيرز .

يالكز جرابلس كوپروسنك تخريبي امكانسوزدر . جرابلسى محاصره

ايدن قوتى احتياط ضابطانندن مركب بر هيئت اداره ايديسور .

وبو هيته قوماندا ايتك اوزره عيتابدن آيروجه بر ضابط اعزام

ايدلمشدر . بو ضابط بوكون ، يازين جرابلسه التحاق ايدجكدز .

آرزو بيوريليرسه ژاندارمه قوماندانى كنعان افندى يي كوندريم .

صول ساحلك تخريبي وظيفه سى حاجم بلكه برابر كلن رفقاسى ياپايير .

جرابلسدن ساجوره قدر تخريباتى بز يپارز .

عشا ترك كاملاً چكيلمسى حسييله قصبه خلقندن متشكل قواى

مليه آنجق بوراده كى دشمنله اوغراشه ييله جك بر تشكيلاتنه مالكدر .

هر حاله قيرلمش اولان قوه معنويه نك تقويه سي ايچون سريماً
و محافظه تحتنده برطويك كوندرلمسي لازمدر .

نزيبدين برتلغراف آلندي . بونده آچه قيونلي يه برمقدار فرانسز
قوتنك كلديكي بونك مرعشدين فرارايدن برقسم قوتله كليس وقاطمه
جوارندن تدارك ايدلمش برقسم ارمني وفرانسزلردن مركب اولايغي
سيلديريليور . بوقوتك بشيوز كيشي بي متجاوز اولديغي ده استخباراته
عظفاً علاوه ايدلمكدهدر . جرابلس پك بيوك براهميت كسب ايديور
جرابلس حرركاتي اداره ايدمك رفقاكزدن بر ذاتي اورادن افراز
يده چككز بر قوتله همه حال جرابلسه كوندريكز . جرابلس ايجه
خاصره ايديليرسه بوراسي شايان انديشه اوله ماز .

كچن كون كلن طياره نك آتمش اولديغي بز پارچه لر ينك دلالت
بتديكي معنا روم قلعه ده اسير ايدلمش اولان جزائري برفرانسز ضابطي
لر فندن تصريح اولندي . برم دور بز (قوت كليور) و اوچ بياض
رچه ده (ثبات ايديكز) ديمك ايمش .

شيمدي خارجدن بر آدم كلدي . دشمنك صنوف مختلفه دن مركب
در تيور قدر بر قوتنك بيره چك قصبه سنه ، بر بچق ساعت مسافه يه
لديكي و او استقامته كيدن سروچ عشيرتنك بر قسميله مصادمه يه

باشلادینی و تدریجاً قصبه‌یه دوغرو ایلرله دیکی خبرینی کتیردی .
بوراده موجود ، یوز اللی قدر موجودی بولنان قوتیزی درحال
ایلری‌یه سوق ایتدک . هنوز مصادمه باشلاماش ایسه‌ده پک قریبدر .
الله معینمز اولسون نتیجه‌یی بیلدیریرز .
آنان بومعلومات تام بر فکر ویره مییورسه‌ده دشمنک بیره‌جک
دوغرو ایلروله دیکی محققدی .

یایله‌جق حرکت :

۱ — اورفده‌کی دشمنه عمومی بر تعرض یاپارق اورفده‌کی قوتی
آله کچوروب سلاخلندن تجرید ایدهرک داخله دوغرو سوق ایلک .
بارین صباح فرانسز موضعلرینه قیامی بر تعرضک اجراسو
قرارلاشدیرمقله برابر عنزه عشائرینی درحال یوله چیقاردق و کیفی
بیره‌جک قائممقامی منیر خسرو بکه یازدم .

بیره‌جک قائممقامی منیر بکه

رفقامزدن بیکباشی احسان ، حران قائممقامی شوکت بیطرعاد
بکلر عنزه عشائریله برلکده فراتک صول ساحلنه کچمک اوزره شیمد
حرکت ایتدیرلدی . مواصلتلینه قدر قضا کز ژاندارمه قوماندا
کنعان افدینک جرابلسه کیده‌رک حرکاتی اداره ایتسی موافق اولو

نامو

۳۶ مارت ۳۶

بوکون تصادفک پک بویوک بر لطفنه مظهر اولدم . ملازم کچک
بک قومانداسنده ایکی طویدن عبارت بر جیل طاقمی اورفیه کلدی
موجود و آرا صیره استعمال ایتمکده اولدیغمز تک طوپک جیخانه .

نالمامشدى . فى الحقيقه بو طوپلر كده جبخانه سى پك آز وكفايتسز
ولغله برابر ينه بويوك بر قوتدى . بو قوتك دشمنه ياباجنى تأثير اتدن
زياده عشارك قوه معنويه سنه تأثيرى دهامهم ايدى .

برفرانسز قوتنك ايلروله مكده اولديغى خبرى ضعيف ايمانليرك
متردد چهره لرنده كشي ف بلوطار حاصل ايتدى . فيص قوصلر ،
قولاقدن قولاغه قونوشمه لر باشلادى .

۶ — فرانسز ضابطنك مخره سندن :

[۳ مارت ۱۹۲۰ كيجه خيلى سكونتلى كچدى . بوكون هوا
فوق العاده كوزل . فرانسز طياره لر ينك كلمنى بكليوردق . فقط
نتظار من بوشه چيقدى . بوتون كون كوزل ومائى سهامزى هيچ
برشى تشويش ايتدى . توركلر ساكن .. يالكز اشغال ايتديكمز
بنالره ، تك توك آتش ايدييورلردى . شو دقيقه يه قدر شايان قيد
برشى يوقدر .]

۴ مارت ۳۳۶

آ — فرانسز لره محصور قالدقلىرى كوندن اعتباراً ايلك اوله رق
جدى وعمومى بر هجوم اجرا ايتدك . قيصه بر طوپ آتشنى متعاقب
هر طرفدن بردن هجومه قالتيلىدى . فرانسز لر جداً جسورانه وقهرمانانه
مدافعه ده بولنديلر . بر قاچ دفعه فرانسز موضعا لر ينه وحق فرانسز
بنالرينه كيرلديكى حالده مقابل تعرضيله پوسكور تولدك . وبالنتيجه
موفق اوله مدق .

حرب پك قانلی و شدتلی اولدی . میدان حربده یتیمش شهید
براقدق . عشاگردن یارالانانلری آرقداشلری خسته خانه یه یاتیرتمادیغی
ایچون مجروحلرک مقدار حقیقیسی تعین ایتمک قابل اوله مدی .
فرانسز موضعلرینی اله کچیرمه که موفق اوله مادقسه ده فرانسز
قوتی پك زیاده صارصدیغمز محققدی . بو قدر شدتلی و متوالی هجومی
برقطعه منتظمه ایله یامیش اولسه ییق فرانسزلرک مقاومت ایتسنه امکان
یوقدی .

ب — تخمین اولوندیغی وجهله دشمن قوتی بیره جکه تعرض
وییره جکی اشغال ایدرک محصور بولنان فرانسزلری قورتاردی .
بیره جک کرک عشاگردن و کرک دشمن طرفندن یاغما ایدلدی . بو وضعیت
قارشوسنده اورفده کی فرانسزلره قارشو هجومه دوام ایدلمسینی موافق
کورمیه رک ینه بر قسم قوت افزایه دشمنه قارشو سوق ایتدم .

۶ — فرانسز ضایعتمک مخطرهنسندن :

[۴ مارت ۱۹۲۰ صباحک ساعت آلتیسنده تورکلر بو دفعه
ایکی طوب ایله موضعلریمز آتش آچدیلهر و پیاده لرده هجومه قالدیلر
درت دفعه بر بر آرقه سنه یاپیلان هجوملرک صوکنجیسنده تورکلر
ترک ایتمه که مجبور اولدیغمز موضعلریمز کیرمه که موفق اولدیلسه
پووالور جسارته کله رک اونلری کیردکلری باغچه دن چیقاردیلر .

بو دهشتلی کونده ضایعتمز مهمدر . محاصره ایدلدیگمز کوندن
بری ایلك دفعه درکه تورکلر بو قدر شدتلی هجوم ایدیورلر .
بزم ضایعتمز ۴ مقتول و اوتوز مجروحدر . هر حالده تورکلرک

ضایعاتی بالخاصه مقتوللری پک فضلہ در. بن اصلا تورکلرک بو هجوملرینه قارشی آقشامه قدر دایانا جنمزی امید ایتموردم .

شونی ده علاوه لیزوم کورورم که تورکلر طبقی آلمانلر کبی حرکت ایدیورلر . بر قسم افراد بزدن آلدقلری اسیرلرک قابوطلری کیمشلردی . فقط بو حیلہ اونلره پک بهالی یه مال اولدی . بونکله برابر قوه مغنویه مز غایت دوشوکدر . تورکلر یارین ده عینی شدتله هجومه دوام ایده جک اولورلرسه مقاومت ایده میه جکز . کیجه بی دهشتلی بز قورقو ایچنده کچیردک]

۵ مارت ۳۳۶

آ — افراد موضعلرینه چکیلدی . هر احتمالہ قارشی دشمنک بر مقابل تعرض ویا خروج حرکتی یامامسی ایچون بو کون اشغال آتشیله اکتفا اولندی .

ب — بیرہ جکی اشغال ایدن دشمنک اوراده کی فرانسز قوتی آهرق سروچه دوغری یورودیکی آکلاشیلدی . بو خبرک اورفده شیوعی هیجانی موجب اولدی . هیجانی وجوده کتیره نلر علی الا کثر عشاردی . سروج مدافعہ حقوق هیئت تلغراف باشنده امداد طلب ایتکده وطوپ ایسته مکده ایدی . او صرده اون اوچنجی قول اردو قوماندانلغک بروجہ زیر تلغرافی آلم :

نومرو
۶۴۰

صورت.

دیار بکر
۳ مارت ۳۶

ویریلان تعلیماته و آمال ملیه یه مخالف اوله رق ملی رئیس محمود بک برادرلری عبدالرحمن و اسماعیل بک کر حرانده کی فرانسه مفرزه قوماندانلریله مخابره و مکالمه ده بولندقلری و کسبی عشرتندن صالح عبدالله ایله برلکده حرانده ایکی بیک اغنام غصب ایتدکلری آ کلاشیلش و بونک اوزرینه ایکینسک ده عشائر ایچندن طرد ایدلدیکی و حکومتک مراقبه سنه تابع طوتیلمالری لزومی محمود بک طرفندن اشعار ایدلمشدر. محمود بک اشعاری معیندار کورولش و طرد لرندن زیاده نصایح و ارشادات ایله یوله کتیرلمه سی لازم اولدیغی شفاهاً تبلیغ ایدلمشدر، عبدالرحمن و صالح العبداه و سائر ایله کوریشیله رک یوله کتیرلمسی و ایجاب ایدرسه تأدیب اولنسی لزومی محرمانه اوله رق سیوه رک مفرزه قوماندانلغی واسطه سیله اورفه قوای ملیه قوماندانلغنه تبلیغ اولمیدر. هر حالده ملی عشائرندن عبدالرحمن و اسماعیل بکره تابع اولانلره قارشی دائماً احتیاطلی و تدبیرلی حرکت اولنسی .
اون اوچنچی قول اردو قوماندانی

صورت

اورف قوای ملیه قوماندانلغنه

قول اردودن آلنان امرنامه صورتی بالایله چیقارلمشدر. مطالعه سی

۵ مارت ۳۳۶

وبعد احراق صورتیله محاسی

سیوه رک مفرزه سی قوماندانی بیکباشی

اسماعیل

بو وضعیت نبی پک متأثر ایتدی . الك زیادہ امنیت ایتدیکم وقوای
ملیه نك برر عضوی عد ایلدیکم بو ایکی عشیرت رئیس لرینك دشمنه
ارتباط حاصل ایتسی حقیقه سزای تأسفدی . او اثناده اورفده
بولنان عشائر بونلردن عبارتدی :

۱ — سیودرك اها لیسندن اولان وملی نامنی طاشیان عشیرتک موجودی
۱۵۰ نفر اولوب رئیس لری سیودرك بلدیهر رئیس محمد امین افندی ایدی .
۲ — بوجاق عشیرتی ، ۱۵۰ نفر اولوب رئیس لری رمضان آغا
آغا زاده محمد آغا ایدی .

۳ — بادلی عشیرتی : موجودلری ۲۵۰ نفر اولوب رئیس لری سعید
پک ایدی .

۴ — دو کرلی عشیرتی : موجودلری یوز نفر ، رئیس لری بکر
پک ایدی .

۵ — اینده لی عشیرتی : موجودلری یوز نفر ، رئیس لری
ذوالفقار آغا ایله بوزان آغا ایدی .

۶ — غزه عشیرتی : آلتیوز موجودله اشتراك ایتشدی ، رئیس لری
حاجم پک ایدی .

۸ — شیخانلی عشیرتی : موجودلری یوز نفر اولوب رئیس لری
حاجی عمر افندی ایدی .

وضعیتک بر ، ایکی کون ظرفنده ومهم بر طرزده کسب وخامت
ایتمسی اوزرینه اورفده کی فرانسزلرك قارشیسنده خیف برر ستر
قطعه سی براقه رق بالخاصه مداراستنادم اولان ژاندارمه ایله اورفهلیری
وعشائرک الك ایشه یارایانلری طویلی بر حالده هر درلو حرکاته قابلیتداز
بر وضعینه کتیردم .

۶ — فرانسز ضابطنك مخطرہ سندن :

[توركلر بو صباح مأمولك خلافی اوله رق تعرض ایتمه دیلر .
نهایت بگله دیکمز طیاره کلدی . اوزریمزده اوچ دور یاپارق هیچ
یرخبر کتیر میهرک عودت ایتدی . بوتون امیدلرمنز بوشه چیقدی .
بوصورتنه طیاره نك کلسی زواللی پوالولرک یتاغه دوشمش اولان قوه
معنویه سنی یوکسکتمدی . طیاره نك عودتی متعاقب توركلر بر قاچ
طوپ انداخت ایتدیلر . و آقشامه طوغرو دونکی موضعه تکرار
بر هجوم یامغه قالدیلر سده مستور موضعدن اوزرلرینه شدید بر میتالیوز
آتشی آچدیق . بوموفقیتسنزلك اولنری یعی بر هجوم آرزو سندن واز
کچردی . توركلرک بزه آتدق لری طوپ مر میسی یوز اللی عدد تخمین
اولنه بیلیر . بو کونکی ضایعاتمز ایکی خفیف یاره لیدن عبارتدر .]

۶ مارت ۳۳۶

آ — سکونت تامه

ب — بیره جکی اشغال ایدن دشمن قوتنه کوکان عشیرتی رئیس
مصراوینسک التحاقی و بیره جکده یاپیلان قتل ویغما حسبیله سروج
اهالیسنک دخی هیجانه دوشهرک قسماً هجرت ایتدکلری آ کلاشیلدی .
دشمنک وضعیتنه و تعقیب ایتدیکی استقامته دائر صریح بر معلومات
آلنه مدی . یالکنز بر قسم دشمن قوتنک عرب پیکاره مواصلت
ایتدیکی استخبار اولوندی .

۷ فرانسز ضابطنك مخطرہ سندن :

[۶ مارٹ ۱۹۲۰ کیجھ و کوندوزیمز راحت کچدی . یالکنز
بر قاج طوپ مرہیسی انداخت ایتدیلر]

۷ مارٹ ۳۲۶

آ — سکونت تامہ : طوپچی قوماندانندن شو راپوری آلم :
[حال حاضرده طوپلر انداخت ایدہ مز . تعمیری ایچون ایکی
کوندنبری اوغراشییورم . کوندریلان تفنکجیلرک ہیچ بریسندن استفادہ
ایدہ مدم . یالکنز بر لہمچی ، مالزمہ سیلہ برابر عاجلاً کوندرلسون
و ایکی طوپدن برینی فعالیتہ کتیرمک اوزرہ قالہ جق طوپک بعض
مالزمہ سنی آلہرق تعمیریلہ اوغراشییورم یاپیلدقدنصو کرا تلفونہ
بیلدی رہ جکم معروضدر .

طوپچی قوماندانی
لازم .

کمال

وضعیت کیتدکجھ فنا لاشیور ، بیک مشکلاتہ کتیرتدیکمز بو ایکی
شاید طوپی دہ بر ایشہ یارامادی . دیکری جیخانہ سز قالدیغی جہتلہ
سوہرکہ کوندردم . جیخانہ نک دنیاہ نہ قدر مهم بر قیمتی اولدیغی
شیمدی آکلایورم ، جیخانہ تدارکی خصوصندہ دوچار اولدیغی مشکلات
غیر قابل تصوردر .

ب — بو کوندہ دشمنہ دائر صریح بر معلومات آلہ مدم .
سروجدن کلن خبرلر اورادہ کی وضعیتی پک امیدسز و وخیم
کوستریوردی .

یوزباشی عزت بك قوماسنده یوز موجودلی برمفرزه یی سروج
کوندردم .

۶ — فرانسز ضابطنك مخطرہ سندن :

[۷ مارت ۱۹۲۰ . بوکون طرفیندن هیچ بر آتش ایدلمدی
اوچ کوندنبری راحتمز یوقدی . بر آاز راحت ایتدك . وسپرلری
تعمیر ایلدك . قوه امدادیه دن ینه بر خبر یوق . مایوسیت حکمفره
اولمغه باشلیور . چونکه ارزاق توکنمکده در . بارکیرلری کسوب
یمکه مجبور اولویورز . اکمکده کیتدکجه اکسیلیور . بو حال بویا
دوام ایدرسه یا اچلیقدن ویاخودده قوه امدادیه نك کلامسی یوزندن
تسلیم اولمغه مجبور اوله جغز .]

۸ مارت ۳۳۶

آ — سکونت تامه :

ب — دشمن قوتی حقنده کی معلومات بر آاز توضیح ایتدك
باشلادی .

دشمنك اوچ لوقوموتیفله جراولنان اللی وواغون دروننده بولناز
قوتی عرب پیکاره واصل اولدیغی و اورادن تل ابیض استقامت
حرکت ایتدیگی و حرکتندن مقدمده عرب پیکار قریه سیله شاهین
بك زاده لره عائد مکتبله قریه سنی یاقدقلری عطا نك قریه سی قادیز
وارکک اهالیسنی وواغونلره طولدورارق برلکده کوتوردکلری
آ کلاشیلدی .

ارمنی چته لرینک واسع مقیاسده مظالمه باشلادیغی ده بیلدیریلوردی .
حالده دشمنک تل ابیض طریقله اورفه یه کله جکی محقق ایدی .
بو، یول دشمن ایچون حرکته غایت مساعددی .
دشمنی اورفه خارجنده تل ابیض ایله اورفه آراسنده فارشلامغه
تراز ویردم .

بیره جک هیئت مرکزیه سی روم قلعه یه (خلفتی) یه چکلدیله .
قائم مقام منیر بک کرک بیره جکک مدافعه سنده و کرکسه او
حوالده کوستردیکی فداکارلق شایان تقدیر ایدی .

۶ — فرانسز ضابطنک مخطرہ سندن :

[۸ مارت ۱۹۲۰ کیجه و کوندوز سکونتله کچدی . طرفیندن
فنک آتشی بیله ایدلمدی .]

۹ مارت ۳۳۶

آ — سکونت تامه :

ب — اورفه وضعیتنی اداره ایتمک اوزره بیکباشی الیاس بی
وکیل ایدرک علی الصباح آلتیوز موجودله و برطوپ و برمتیرالیوز
بر اوتوماتیک تفنگله تل ابیضه حرکت ایتدم .

دشمنی اورفده بکله مک اورفده کی فرانسز قوماندانی کبی بالنتیجه
ورفده تحت محاصره یه آلتیق دیمکدی .

وعینی زمانده معنویاتی بوزولان عشاره قارشی ده بر موجودیت
بر قدرت کوسترلمش اوله جقدی .

۹ شباط ۳۶ کیجه سنی سلطان تپه ده کچیردم .

۶ — فرانسز ضابطنك مخطرہ سندن :

[۹ مارت ۹۲۰ کیجه و کوندوزمز غایت راحت کچدی تورکلرک بوسکوتی بالخاصه بر، ایکی عدد اولسون طوپ آتامسی شایان حیرت . فقط جمعه کوتی اندیشه ایله بکلیورز . جمعه کونی بومباردمان ایده جکلرینی تخمین ایدیورز . چونکه هر دفعه سنده تورکلرک هجوملری وطوپ آشلری جمعه کونی باشلامشدی . چونکه جمعه ، تورکلرک بازاریدر .]

۱۰ مارت ۲۳۶

آ — سکونت تامه :

ب — سلطان تپه دن ایلری سوق ایتدیکم کشف مفرزه لری ؛ تل ابیضه کلن میرالای نورمان قوتنك تل ابیضدن عین عروس قریه سنه [تل ابیضه بش کیلومتر و مسافه ده در] یابدینی کشف تعرضده احسان بك قومانداننده کی عنزه عشائرنك آتشنه معروض قالدیغندن دها ایلری کیمکه جسارت ایده میهرک جدی بر تضیقه معروض قالدیغی حالده ۱۰ مارت ۳۶ صباحی سرعتله جرابلس استقامتنه رجعت ایتدیکنی بیلدیردیلر . بو خبرله اعتماد ایتدم و ایتمه مکده ده حقلی ایدم . چونکه میرالای نورمانك الندہ منتظم بر قوه و متعدد میترالیوز و اوتوماتیک تفنك وطوپ بولوندیغی حالده جدی بر مقاومتہ معروض قالمسزین رجعت ایتسی — بو قدر ایلریله مش ایکن — موافق عقل و منطق دکلدی .

ساحطان تپه دن تل ایضه دوغرو حرکت ایتدم . یولده تصادف ایتدیکم عشاثر و کشف قوللرندن آلدیغ راپورلرده دشمنک تل ایضدن چکلدیکی آکلاشیلدی بو وضعیتک صورت قطعیه ده تحقق ایتسی اوزرینه هر احتمالله قارشی بو رجعتک نورمانک خرائیازدن اورفه یه تعرض فکرینه مستند اوله بیله جکی ملاحظه سیله سریعاً خرائیازه قارشی ترتیبات آلق اوزره اورفه یه عودت ایتدم .

سروچ قوای ملیه قوماندانی و رازی عشیرتی رئیس بوزان بکدن آلدیغ بر مکتوبده : یا قالدقلری بر جاسوسک اوزرنده عرب پیکار فرانسز موقع قوماندانی طرفندن بوز تپه قریه لی و دینائی عشیرتی رئیس سابق محکمه مستنطقلرندن محمد افندی یه خطاباً و جواباً یازلمش بر مکتوب ظهور ایتدیکی بیلدیرلمکده ایدی . و فرانسز قوماندانک مکتوبی ده لفاً کوندرلمشدی . مکتوب تورجه اولوب التنده مهر رسمی و موقع قوماندانی سووانک فرانسزجه امضاسی واردی .

سلیمانه اغا زاده محمد فائزه افندی حضرتلرینه

مکتوبکیزی آلام . تشکر ایدرم . سزی قولونل حضرتلرینه بیلدیرجکم هر حالده معاونتکیزی دریغ بویورمامکیزی رجا ایدرم . عرب پیکار موقع قوماندانی

سورا

فرانسز لک میر آلالی نورمانک قوماندانده بر قوت سوق ایتلمی و بوقوتک مقداری حتمده بر چوق شایعه لر چیقارنسی اوزرینه

بعض سجه سزله اظهار ضمير ايتدكلرى كېي مقصد اصلى و حقيقى ي
ادرا كدن عاجز و قلبنده حقيقه دين و وطن محبى اوليانلىرى
فرانسزله قارشى تمايل ايتديرمشدى.

فقط سليمان آغا زاده محمد فائق افندى يى ابي بر آدم اوله رق
طانيوردم . فرانسزله معاونتده بولنه جفنه قطعياً احتمال ويرمدم .
ارامزه تفرقه صوقق مقصديه فرانسزلك بالالترام بومكتوبى يازدقلىرینه
قناعت ايتدم . عىنى زمانده ايلريده كوريله جكى وجهله اله كچيرديكم
بومكتوب وسيله سيله اورفدهده كى فرانسز قوماندانيله « محمد فائق »
امضاسى آلتنده مكرراً مخبره ايتدم قرانسزلك بزم آرامزه تفرقه
صوقق مقصديه يابدقلىرى بوترتيباتى تماميله كندى عليه لرنده استعمال
ايتدم .

۶ — فرانسز ضابطنك مخطرہ سندن :

[۱۰ مارت ۱۹۲۰ بوكونده شايان اهميت بر وقعه اولمادى .
حالا قوه امداديه دن خبريوق . شمدى ده توركلردن زياده بزى راحتسز
ايدن بر دشمن دها پيدا اولدى .

اوده : بيت . صويى اداره لى قوللانمغه مجبور اولديغمزدن
چاماشيرلى خاشلامق قابل اوليور . قوه معنويه هر كون دوشمكده در .]

۱۱ مارت ۳۳۶

آ — سكونت تامه :

ب — شنايدر جبل طوبنك برى قابل استعمال بر حالده تعمير

ایدلدی ایسه ده بو دفعه ده مایعی بیتدی و صوماستراسی بوزولدی .
بوراده بونک تعمیریه ده قابل دکل، یاسوه رنک و یاخود ماردینه کوندرمک
ایجاب ایدیور . فقط طوپک کیتیمی - ولوکه فائده سی کورولسه
بیله - سوء تأیردن خالی قالیه جق .

۶ — فرانسز ضابطنک مخره سندن :

[۱۱ مارت ۱۹۲۰ احوالده بر تبدل یوق . بز دایما ، انتقام
آله جق اولان (شایان دقتدر) امداد اردوسنه انتظار ایدیورز .
فقط امیدلریمز کیتدکجه ضعیفلا یور . طیاره نک زیارتندن محرومز .
آرتق ات وقاطر آتی ییمکه باشلادق . آرا صیرا آله کچن بر طاوشان
نقیس بر غذا یرینه کچور .]

۱۲ مارت ۳۳۶

آ — سکونت تامه

ب — روم قلعه یه چکلمش اولان بیره جک مدافعه حقوق هیئی
و بیره جک قائمقامی منیربک اوراده بیره جک و جرابلسه طوغرو
بر حرکت یامق ایچون تدارکاتده بولونیورلر . خلق ایلری یه سوق
ایده بیلیمک ایچون برطوپ و بر قاچ میترالیوز کافی . فقط بونک تأمین
وتدارکی امکانشز .

میرآلای نورمان قوتندن یی بر خبر آله مادی .

۷ — فرانسز ضابطنک مخره سندن :

[۱۲ مارت ۱۹۲۰ بوکون کوچوک بر امید شعله سی اوزاق

برافقده پارلامغه باشلادی . ارمیلردن خبر آلدیغمزه نظر آ تورکلرک
دیار بکردن اوبوس کتیرتمک خصوصنده کی تشبثلری بوشه چیقمش .
بوخبر دوغرو اوله بیلور . چونکه بوکون جمعه اولدیغی حالده تورکلر
برقاچ قورشون آتمقله اکتفا ایتدیلر . ایلری قره غول نوبتجیلری
اوزاقدن فرانسز سواریلری کوردکلرینی خبر ویردکلرندن کیجه
هویاه برقاچ فشک آتدق .

فشکلریمز جوا بسزقالدی . تورکلرک فشکلری مستهزیانه یوکسلیدی .
آچلق حس ایدلمکه باشلیور . [

۱۳ مارت ۳۳۶

آ — سکونت تامه .

ب — نورمان قوتنک جرابلسده تجمع ایتدیکی خبر آندی .
نورمان جرابلسی اس الحرکه اتخاذا ایتمش دیمکدی . دشمنک بو
مبهم و متردد وضعیتی اندیشه دن خالی دکلدی . او قدر متناقض خبرلر
آلیورزکه بونلرک آراسندن حقیقی بولوب چیقارمق قابل دکل .
بوکون آنان خبرلر آراسنده کزیاذه عقله قریب اولانی بوایدی :

اورف قوای ملیه قوماندانلغه

روم قلعه دن

تلغراف

خرانیازدن عودت ایدن دشمنک ایکی کون اول آچه قویونلی
استقامتنه کچدیکی خبر آلنه رق تزییدن برقوت سوق ایدلمشدی . بوکون

واقع اولان استمداد اوزرینه روم قلعه دن ده او جهته بر قوت تحریک
ایدلشد. ۱۳ مارت ۳۳۶

روم قلعه هیئت اداره سی نامه بیره جک مدافعه حقوق جمعیتی نامه

ارطغرل تیمور

۵ — فرانسز ضابطنک مخطره سندن :

[۱۳ مارت ۳۳۶ کیجه بی راحتسز کچردک. تورکار کیجه لری
هجومه باشلايه جق کبی کورونیور . زیرا کوندوز هجوم و بومباردمانی
ترک ایتدیلر . هیچ بر خبر یوق .]

۱۴ مارت ۳۳۶

آ — سکونت تامه :

ب — نورمان قوتنک مقدار حقیقیسی و بولندیغی محلی کشف
ایتمک اوزره ایکی قوتلی کشف مفرزه سی چیقارلدیغی کبی خطک
اساسلی صورتده تکرار تخریبی ایچونده جرابلس استقامتنه مواد
تخریبیه بی حامل دیکر بر مفرزه دها چیقارلشد.

۶ — فرانسز ضابطنک مخطره سندن :

[۱۴ مارت ۱۹۲۰ بو کیجه ینه محتمل بر تورک هجومه قارش
سلاح باشی ایدلدی. بعضاً کیجه ده ایکی اوچ دفعه سلاح باشی ایدیلیور؛
بوتون بو حرکتلر بعضاً نتیجه سز قالیور . بختمزک سبیلی سمانی
یکی بر بلوط دها قارارتمغه باشلیور . ذاتاً اون بش کوندنبری اعاشه

جهتندن تنسيقاته اوغرامش ايدك. شمدي ده جبخانه جهتندن تنسيقاته اوغرييورز. خرطوچلريمز آزالديغي كبي فونيالريمزده فنا برحالده در اونده ايكي سي انجق پاظلييور. ارتق بونلره كووه نيله مز. بوندن ماعدا بر مقدار تفنك بومبا V. B. مز وارسه ده مبذول دكل. صوك برسلاحمز دها واركه اوده روزه ليدر. لكن بوني اك صوكرا قوللانه جغز، بوني استعمال مجبوري تي حاصل اوليه جغني مأمول ايدييورم .]

۱۵ مارت ۳۳۶

آ — سكونت تامه :

ب — مير آلاي نورمان قوتنك آچه قيونليده بولونديغي وقسمآ تخريب ايديان ساجوركوپريسني تعمير ايله اوغراشديغي صورت قطيه ده تحق ايتدي. نورمان قوتنك ايلروله مسي اوزرينه حاصل اولان هيجان زائل اولمغه باشلادي .

آقشام قلنج علي بكدن نومعلوماتي مؤيد شو تلغرافي آلم :

اورفه قواي مليه قومانداني ناموه بكد

عينتاب

مهم وغيات مستعجلدر :

۱ — پوسكورتمش اولديغكمز دشمن قوتي آچه قويونلي به كله رك قسمآ تخريب ايديلن ساجوركوپريسني تعمير ايله اشتغال ايمككه برابر

اطرافدن کلن عینتاب و نزیب قوای ملیه مفرزه لریله مصادمه ایتمکده اولدقلری خبر آلمشدر .

۲ — اشبو قوتک عینتاب اوزرینه کلمسی احتمالنه بناءً وضعیتکز مساعدا یسه هر حالده طوپ و میترا یوزلریک زله برابر دوچار مظالم اولان محله کی مصادمه یه یتشمک اوزره جرابلس طریقله آچه قیونلی جوارنده بر محله کلکیزی و بو خصوصده عینتابده قوای ملیه قوماندانی طوغرول بکه تماس ایتمکزی اهمیتله رجا ایده رم .

۳ — وضعیت حاضرده نظراً لازم کلن تدابیرک اتخا ذی ایچون سزجه ممکن ایسه عینتابده برلشوب کوروشمک اوزره بر کون تعیین بیورمه کزی و اشعارینی استرحام ایلم .

۱۵ مارت ۳۳۶

قلنج علی

اوزمانه قدر شخصاً طانیقله مباھی اولمدیغم و وطنپرورانه حرکاتی اوزاقدن تقدیر ایله تعقیب ایتمدیکم عزیز آرقداشم قلنج علی بکه بنده کوروشمک آرزو ایدی بیور ایدی ایسه مده اورفهدن ایرملقلغمه امکان یوقدی . قلنج علی بک تدابیر و فداکارلیله عینتاب و حوالیسندده فوق العاده موفقیتلر کوسترمکده ایدی .

عینتاب لهیئت مرکزیسی واسطه سیده قلنج علی بکه

حال حاضرده اورفهدن انفکاکم موافق اوله میه جفندن دولایی ذات عالی لریله کوروشه میه جکمه پک متأسفم . ایکی میترا یوزله مقدار کافی قوت جرابلس استقامتنه سوق ایتم . وضعیتک مساعده سی

خصوصندہ ارزو بیوریہ جق جہتہ یتیشیلہ جکنی عرض و تقدیم
احترامات ایلرم . نامو

۶ — فرانسز ضابطنک مخطرہ سندن :

[۱۵ مارت ۱۹۲۰ کیجہ برقچ دفعہ سلاح باشی ایدلدیسہدہ تعرض
واقع اولمادی . ارمینلریکی بر خبر کتیردیلر . حیاتمزلہ علاقہ دار
برخبر . قوہ امدادیہ بیرہ جکی تورکلردن ضبط ایش و شیمدی یولده
ایش . بزى قورتارمغه کلیورمش . بیرہ جک ایله تل ابیض آره سنده
۱۲۰ وتل ابیضدن اورفہ یهده ۶۰ کہ اکر بو ارمنی خبری دوغری
ایہ خلاصمزدن ۱۸۰ کیلومترو اوزاقده یز . وسکز کون دها
مقاومتیز ایجاب ایدیو .

بزدن یالکیز اون کون ثبات طلب ایشلردی . بو کون ، اوتوز
درت کون اولدی . فرانسز اردوسنک ایشلری دائما بویله در .
حس ایتدی کمز اضطراب واندیشہ یه باقیہ رق وقت کچیرمک و دفع
غم ایتمک ایچون ارامزده بوموضوعه دائر لطیفه لر ایدیوروز .
بن ۱۹۲۰ یی اؤیمده کچیره جکمی مأمول ایدرکن ینہ برفلاکتک
اوجی چیقدی .

قِسْم ۳

۱۶ مارت ۳۳۶

آ — سکونت تامه :
ب — بوکون استانبول اشغال عسکری آلتنه آلمش ، هیئت
تمشیه دن ایلك آلدیغیز تلغرافنامه بو ایدی :

صورت

بو صباح ، ۱۶ مارت ۳۳۶ انکلیزلر درسعادتده شهزاده باشی
قره غولنی باصه رق آلتی نفریمزی شهید و اون بش نفریمزی جرح
ایلدکلی و بر طرفدن حربیه نظارتی و طوپخانه نی و بالعموم
تلغرافخانه لری اشغال ایله پایتختله آناطولینک رابطه سنی کسدکلی
ورینختیمه بحریه افرادی اخراجنه دوام ایتمکده بولندقلری خبر
آلمشدر . بر طورپیدو ایله ازمیته کلن بر انکلیز ضابطی ، محلی
متصرفلغنه درسعادتده اتخاذ ایدیلن تدابیر عسکریه یه قارشى سکونتک
محافظه سندن شخصاً مسؤل اولدیغنی تبلیغ ایتمشدر . هیئتجه انکشاف
ایده جک احواله کوره اتخاذ تدابیر ایلمک اوزره وضعیت تعقیب
اولمقده در .

استحصال ایدیه جک معلومات و وضعیتك استلزام ایده جکی تدابیر
حقنده نقطه نظری می عرض ایده جکنز .

اشبو معلوماتك بالجمله مدافعه حقوق هیئتلرینه سرعت تبلیغی
موجودر .

هیئتلر طرفندن منفرد بر تشبث و حرکتده بولونیلمه یه رق
طالعمری و ملتك مشترك عزم و غیرتنك اداره سنی درعهده ایدن
هیئت تمثیلیه نك مقرراتنه عمومك نظر دقتنی جلب ایتمی بر وظیفه
وطنیه عد ایدرز .

اورف هیئت مرکزیه سی

هیئت تمثیلیه دن شمعی آلمان ۱۶-۳-۳۶ تاریخلی تلغراف بالایه
درج اولوندی . ۱۶ مارت ۳۶

عینتاب هیئت مرکزیه سی

متعاقباً شو تلغرافنامه کلدی :

آنطولوبیره بالعموم قوماندانقلرله عموم مستقل لوالره

ارضروم

۱۴۱۲

۴۱

آنقرده هیئت تمثیلیه چکیلن تلغرافنامه بوجه زیردر :

اون بشنچی قول اردو قوماندانی

۱۶ مارت ۳۳۶

لاظم قره بکر

صورت

در سعادتده دشمنلرک تطبیقه باشلادیغی احکار پلانی ذاتاً پی در پی بکله مکده اولدیغمز جهتله بر فوق العادهک تلقی ایدنماشدر . ملتک واردونک باش باشه ویره رک وطنک خلاص و نجاتی ایچون درین بر عزم و رابطه ایله چالیشه جغندن ونهایت جناب حقک عون صمدانیسیله موفق اوله جغندن و بو خصوصده هیئت محترمه لرینک علی الدوام بزلی تنویر و فلاح و خلاصه متعلق تداییر حسنه نی اتخاذا بیوره جغندن امینره .

۱۶ مارت ۳۶ ارضروم والیسی اون بشنجی قول اردو قوماندانی

لاظم قره بکر

رشید

دشمن آرتق یوزنده کی ماسکه یی آتمش ، قلبکاهمزده تعرض ایتمش بولونیوردی . آظنه و از میرک اشغالندن سوکرا استانبولک اشغالی دشمنلرک تعقیب ایتمک ایستدکلری جانیانه مقصدی وانحاً کوستریوردی و عینی زمانده بوتشبتلر و بوحرکتلر طوتدیغمز یولک دوغرولغنه اک کوزل معیار ایدی . ملت ، یاشایه بیلیرسه آنجق کندی عزمی ، قدرتی و قابلیتی وفدا کارلغیله یاشایه جقدی . دشمنلر پاتختی اشغال ایتمک و آنا وطنله پاتختی آیرمقله ملتک تماماً حق اولان حاکمیت و اداره قدرتی و صلاحیتی بالذات درعهده ایتسنی تأمین ایدیورلردی . آرتق ترده ، تانی به لزوم یوقدی . مجادله عمومیلشمشدی . بو حیات ، خلاص و استقلال مجادله سی بزم ایچون چوق چتین اوله جقدی .

فقط بو مجادله برقابلیت امتحانی دیمکدی . موفق اولورسه ق

بحقِ یاشامق قدرتی بوتون جهانہ قارشی ارانہ واثبات ایدہ جکدک..
تاریخ ، یازلیق اوزره اوکمزہ یکی صحیفه لر آچیوردی .
بومهیچ ووطنپوروانه تلغرافلرک حصوله کتیردیکی غلیان اثناسنده
استانبولده کی داخلیه نظارتدن اورفه متصرفلغنه شو تلغرافنامه کلدی.

اورفه متصرفلغنه

باب عالی

تلغراف

۱۴ مارت ۳۳۶

نومرو

۱۵

شو مهم و نازک زمانده اهالی محلیه ایله فرانسز عسکری آراسنده
مصادمه نك توالیسی منافع وطنیه مزه مغایر اولدیغی جهتله هراییکی
طرفه منع تجاوزات و مخاصمات ایچون مخبرات و مذاکرات مخصوصه
جریان ایتمکده اولدیغندن نتیجه مخابره و مذاکره قدر زنهار بزم
طرفزدن حرکات تعرضیه میدان ویرلامسی اهمیتله توصیه اولنور .
داخلیه ناظری

ابوبکر هازم

بوتلغرافنامه نك حاصل ایتدیکی الیم تأثیراتی ایضاحه حاجت
کورمیورم . آنقره دن و استانبولدن کلن بوتلغرافلرک مقایسه سنی
افکار عمومیه یه ترک ایدیورم .

۶ — فرانسز ضابطنك مخطرہ سندن :

[۱۶ مارت ۱۹۲۰ هیچ برحادثه اولدی . هوا چوق کوزل، لیلکدر و قیرلانغیچلر اولجه حاضرلانیمش اولان کندی یووالرینه عودت ایدیورلر . بز بوئاناده باشقه ات بوله مدیغمز ایچون بارکیر آتی پیورز . بغدادی اوننی توکهنیسور، پرنجی دوکوب اون یرینه قوللامق لازم کله جک ...

ارزاق بیتمه دن امداد قوتی یتیشه بیلسه یدی . هر حالده یولده اولسی محتمل اولان امداد قوتی بکله مک لازم کلیور]

۱۷ مارت ۳۳۶

آ — صباح ایرکن پک قیصه دوام ایدن آتس تعاطیسیله اکتفا اولندی .

ب — نورمان قوتلرینک اورفه یه دوغرو حرکتیه جساتر ایده مدیکی و تبدیل وجهه ایدرک انجق بواندقلری یرلری محافظه یه چالیشدقلری آ کلاشیدیفندن اورفه فرانسز قوماندانه تکرار بر تکلیفده دها بولندم .

اورفه فرانسز قوماندانی هو بصره بنا بلمینه

افندم

تقریباً اوتوزبش کوندنبری قوای ملیه ایله وقوعبولان مصادمانده شرف و حیثیت عسکریه کزی محافظه و مدافعه ایتدیکنز . فقط پک پهوده اوله رق دوکیلن و دوکیلمکده اولان معصوم قانلرینه نهایت ویرمک مقتضای مدنیتدر . آرتق بوخصوصده تعند واصرارک معاسز

اوله جنی ظننده ایم . عینی زمانده مصادمه به نهایت ویره رک اورفه یی
ترک ایتمکی التزام ایده جک اولورسه کز ارزو ایتدیکنکز محله قدر
تکمیل اسلحه و تجهیزات تکزله سزی سالملاً ایصال ایده جکمی تأمین
و وعد ایدیورم .

بالخاصه شو جهتی ده بیان ایده ایم که قوای ملیه هر درلو فداکارلغه
و استحقار حیاته عهد ایتمشدر . هیچ بر مناسبتی اولدیغی حالده
اورفده بولنان قوای اشغالیه یی بورادن چیقارمق عزم قطعینسده دره
عناد و اصرار یکنز بهوده دره . سزه قطعاً قوای امدادیه کله مزو کلمک
احتمالی ده یوقدر . کچلرده بر قوتله بورایه کلمک تشبثنده بولنان نورمان
عززه و عشائر سائر نک مهاجماتی قارشینسده رجعته مجبور قالدی .

وشمندوفر خطی بویوک مقیاسده تخریب ایدلمشدر . مملکت
دخی مخصور بر وضعیتده دره . قصبه اهالیسندن تورکلرک و ارمیلرک
مضایقه و آچلغنه و برطاقم معصوملرک قانلرینک دو کولماسنه یکانه عامل
سزک اورفه یی ترک ایتمک ککزددره . بزلر سزکله حال حربده دکلز .
ینه تکرار ایدیورم . حقسزیره وقوعبولان اشغالک رفعی ایچون
مشروع اوله رق سلاحه صاریلق مجبوریتنده قالدق . بو خصوصه
اطرافلیجه ملاحظه ده بولنه رق مدنی برعسکرک قوماندانه یاقیشه جق
طرزده جواب ویره جککزی امید ایدر و ممکنسه جوابکزک تورکجه
یازلمسنی رجا ایلم . بهوده قان دو کولمه مک ایچون تخلیه امرینک
اعطاسی قوماندانلقدن التماس ایدلمشدر . ایسترسه کز شفره لی اولماق
شرطیله قوماندانکزه یازاجغکنز تلغرافی بن کوندریرم .

جوابی : [فرانسز جه دن عیناً ترجمه ایدلمشدر]

اورفده قوای ملیه قوماندانی ناموه بکه

افقدم :

مقدما سزه عرض ایلدیکم وجهله اورفیهی تخلیه ایتمک امری بویوک رؤسایه وقوماندانلره عأددر . سیاست عمومیه دن معلوماتدار اولمادیغمز ایچون بو باده بر قرار اتخادی بزه عأد دکلدر . فرانسز عسکرینک اورفیهی تخلیه ایلمسی خصوصنده کی قوماندانلریمزه مراجعتله ایجاب ایدن امری استحصاله توسل ایدرسه کنز دهها موافق اولور . فرانسزجه مخابره ایتمککم نزدنده تورکجه بیلن کیمسه نک بولنما مسندندر .

هوهبر

۱۷ مارت ۱۹۲۰

فرانسز قوماندانک بوجوابی اوزرینه فرانسه نک سوریه فوق العاده قومیسر لکنه شو تلغرافنامه کشیده اولندی .

فرانس سوریه فوق العاده قومیسر لکنه

قرق کوندنبری اورفده بولنان فرانسز قوه اشغالیه سیله قارشى قارشى به بولتمقده یز . مملکتی هر درلو اجانب اشغال و استیلا سندن قورتارمق فکریله سلاحه صارلدیغمز حالده بوراده قارشیمزده بولنان قوتک اسکی بر دوست ملتیه منسوب اولمسی و فرانسز حرشک ، مدینتک مملکت مزده حصوله کتیردیگی ثمره عرفان حسیلله کندی لرینه قارشى شدت کوسترمیوروز . دوستانه واقع اولان تخلیه تکلیف لریمزه

قارشی قوماندان طرفکزدن بر امر اولمادجه بوحوالی نی ترک ایدہ۔
میہ جنکی بیلدیر مکده و سزه مراجعتله امر استحصالی لزومنی بیان
ایلمکده در .

آرزومز ، اشغالك رفعندن عبارت اولمسنه نظراً ملتله فکر
استقلالی القا و تمییه چالیشان مدنی فرانسه نك مدنی بر قوماندانی
صفتیله طلبمرك اسعافیه بر کون اول مملکتتمرك تخلیه سی امرینی
قوماندانه اعطا ایتمکزی و بزیده معلوماتدار ایلمکزی بهوده قان
دو کولماسی ایچون رجا ایدرز . ۱۷ مارت ۳۶

بوچاق عشیرتی رئیس مللی رئیس و کیلی عنزه عشیرتی رئیس
محمد رمضان محمد امین حاجم

بازیکی عشیرتی رئیس بادلالی عشیرتی رئیس دوکرلی عشیرتی رئیس
بکر عاروس سعید بکر

شیخانلی عشیرتی رئیس ایزولی عشیرتی رئیس
حاجی عمر ذوالفقار

ح — فرانسز ضابطنك مخطرہ سندن :

[بوصباح ایرکن تورک خطرلرندن متفرق صورتده آتش اچیلمش
ایهده دوام ایتدی . شدید برمیرالیوز آتشیه مقابله ایتدک . زوالدن
صوکر اساعت درتده یکیدن برهیت کلدی . قوای ملیه قوماندانی
طرفندن برمکتوب کتیردی . مکتوبک مآلاً محتویاتی : اوتوزبش
کوندنبری برچوق بیکناهلرک قاننک دو کولمسنه سبب اولویورسکزه .

اورفهي ترك ايتمك خصوصنده كي تكليفى تكرر ايدىيورم شان
عسكرى بي محافظه ايتمك ايچون هجوملر مزه معنده مه مقاومت ايتديكيز .
ناموسم اوزرينه يمين ايدرم كه سز كيده جك اولورسه كز سزى سالماسلا ح
واشيا كزله ايسته ديككيز محله قدر كوندره جكم بز سزكله محارب
دكلز . اورفده سزك يوزيكزدن قحط حكفر مادر . شهرك ايچنده
توركلره ارمنيلا آچلقدن اولويورلر . بناءً عليه فرانسه نك انسانيتنه
مراجعت ايدىيورم »

قواى مليه قوماندانى نامقك بومكتوبنك دها اول كلن مکتوبلرندن
دها آز بر غرور ايله يازلمش اولديغى جالب دقتدر . بزه اورفهدن
كيتمك ايچون رجا ايدىيورلر ديمكدر . فرانسز موقعلرني ياقق
وبومباردمان ايتمك تهديدلرندن بحث ايدليور . بوكا مقابل فرانسز
قوماندانى ده شو جوانى ويردى :

« اولجده سزه يازديغ وجهله قوماندانلر يمزك امرى اولقسز ين
اورفهي ترك ايدمه يز . اورفهي تخليه ايتمكلكمزى ايسته يورسه كز
بويوكلر يمزه مراجعت ايديكيز . »

بو جواب بلكه بر نتيجه حاصل ايدر . اكر توركلر و ارمنيلا
آچلقدن صيقلييورلر سه ظنمجه بزده عيني حالده يز . چونكه اون بش
كوندر كه قاطر و بار كير آتى ييورز . اكمكمز حرب اثناسنده آلمانلر ك
ييديكى اكمك قدر سياهدر . هر طرفدن شكيت باش كوسترييور .
قوه امداديه دن حالا بر خبر يوق . انتظار ! انتظار !]

۱۸ مارت ۳۳۶

۱ — سکونته کچدی .

ب — فرانسز قوماندانی هوجی نك مدافعه مطلقه یی اختیار ایتدیکی
آ کلاشیلوردی . و صوڪ مکتوبی ده بومدافعه و مقاومتك «مسئولیت»
قورقوسندن ایلری کلدیکی صراحتاً کوستریوردی . نورمان ،
اورفهدن غیرى عرب پیکار ، بیره جك وضعیتى فرانسز لرلهنه تصحیحه
موفق اولدیغی کبی خطك بوزوق اولسنه رغماً استاسیونلری ده خفیف
سواری قطعاتیه اشغال ایتشدی .

اورفهدن مرکز ثقلی کندی طرفه دوغری چکمشدی .
بو وضعیتده حرکت کله جك اولان اورفهده کی فرانسز قوتی مهم
ایشلر کوره بیلردی . فقط بوقوت هر درلو ملاحظه دن آزاده
اورفهده قائلق املنی کوستریوردی . و هیچ شبهه یوق که نورمانك
قوای امدادیه سنی بکیورلردی . حربك اوزامسی و بالخاصه نورمان
قوتك ظهوری عشائر آراسنده بویوك قارشیتقلقلری موجب
اولویوردی بعضیلری فرانسز لره تمایل کوسترر کبی اولویورلردی .
اورفهده کی فرانسز قوتی همان سربست دینیله بیه جك برحاله غایت
خفیف بوقوت قارشیدسنده ایدی .

۶ — فرانسز ضابطنك مخره سندن :

[۱۸ مارت ۱۹۲۰ کیجه سکونتلی کچدی . صباح ایرکن ،
تورک خطلرندن کچوب بزم یانمزه کله که موفق اوله بیلن ایکی ارمنی کوزل
خبرلر کتیردیله .

اگر بوآدملرک ویردکلری خبرطوغروایسه ، قوه امدادیه بزدن یوزکیلو مترو قدر اوزاقده بولونیورمش . و ایلری حرکتی ائساننده ۲۴ کانون ثانی ۹۲۰ دنبری تخریب ایدیلن دمیریولنی تعمیر ایدیورمش . و هیچ برمانعته معروض قالمیورمش . و تورکلرک فرانسزلردن آلدقاری اسکی موقعلرک کافه سنده ایکیشرطوپ ایله قوتلی محافظ براقده ایمش . بویه مهم برقوتک هر حالده بزى قورتاره جنی شبهه سزدر . اگر بوخبرلر صحیح ایسه سکز کونه قدر قورتولویورز دیمکدر . بو حسابه نظر آ قرق کوندن فضله محاصره ده قالمش اوله جغز .

اگر بو امداد قوتی کلزسه ایشمز فنا ، صیجاقلر باشلیور . شبهه سز صیتمه باشلا یاجق و عسکر صیرالزنده تکرار آچیققلر حاصل اوله جق . نهایتسز بر آرزو و هیجانله قوای امدادیه بی بکلیورز . هر کسک قلبنده و فکرنده بو .]

۱۹ مارت ۲۲۶

آ — فرانسز موضعلرینه قارشى تعرض نمایشلری یاپدیرلدى .
ب — حاجی عزت و الیاس بکلردن آلدیغم راپورده جرابلس و دیگر استاسیونلرده سواری قوتلری براقه رق شمندوفرله کیرییه چکیلن دشمن قوتنک آچه قیونلیده قوای ملیه و عشائرله مصادمه یه طوتوشدیغی و یکیدن درت کوپری ایله درت کیلو مترولق یولک تخریب ایدلیدیکی بیلدیریلوردی .

عینتابده وضعیتک کسب اهمیت ایتدیکی آنان خبرلردن آ کلاشیلقمده ایدی .

میس هولس دن شو مکتوبی آلام :

قوای ملیه قوماندانی صائب بک

آمریقا ایٹاخوانه سی

اورفه

۱۹ مارت ۱۹۲۰

ایٹاخوانه امچون بو کوندن اعتباراً یومیه ایکی یوز یکر می بش
اوقه آکمک ویرمی مساعده بو یوردیغکزی دو قتور بشلیان افندی
بکا تبلیغ ایتدی .

تحت اداره مده بولنان ایتم امچون هیچ اولمازسه بو مقدارده
یه جک بر شیئی آلمغه مساعده اولندیغندن دولای صوگ درجه ممنون
اولدم . حامل مکتوب بنم مبیاعه مأمورمدر . آکمکی آلهرق کاتیم
ژانه کتیره جک او دخی سزک مأمورک حضورنده طارتهرق تسلیم
آله جق بن و سز بو صورتله آکمک مقدارى حقنده طوغرو بر
حساب الده ایده بیلیرز .

صلح تقرر ایتدیکی زمان بو ویره جککیز آکمک فیأتی تماماً
تأدیه ایده جکم . رجا ایدرم آمریقایلیر ایچون پوسته ده برشی وارسه بکا
کوندرلسون . زیرا ظن ایدرم پوسته ده بعض مکتوبلر اولمالیدر . بو
لطفکزه تشکرلر ایدرم . حرمت

ماری فارولین هولس

have an accurate account
of the amount. When you
directed the price of the bread,
I will pay in full.

I would also request that the
mail for the Americans be
sent to me today, as I am
sure time must be done
in the Post Office.

Thanking you for your
courtesy, I am,

Sincerely yours
Mary Caroline Holmes

۱۹ مارت - ۱۹۲۰ ده میس قارولین هولسک کوندردیکی
مکتوبک فطوغرافیسیدر .

The American Orphanage

Arpa, March 19, 1920

To: Secy of Bq: _____

Dr. Bekhlian has reported to me: that you have promised to send to The American Orphanage, 225 lbs of bread daily, beginning with today.

I am grateful for being allowed to supply to this extent the needs of the little children under my care. The bearer of this note is my buyer, who will take the bread to my secretary, John, who will weigh it in the presence of your representative that both you and I

[۱۹ مارت ۱۹۲۰ صباحه قارشى توركلر ايلرى قره غولر يمزدن
برينه هجوم ايتديلر سده پوسكور تولديلر . باشقه شايان اهميت وقعه
اولمادى . تقنك آتشي تعاطى ايدلدى]

۲۰ مارت ۱۹۲۰

آ — اشغال آتشيلا اکتفا اولندى .
ب — آمريقا ايتامخانه سندن فى الحقيقه اعاشه مشكلاتى ظهور ايتديكىنى
خبر آلهرق ميس هولسه برمکتوب يازدم و اتمک کوندردم و شايد
مخبره اتمک ايتيورسه توسط ايدجکى بيلديردم . برقاج آدمنى
کوندردى . بودفعه يازديغى مکتوب ديگر لرينه قابل قياس اولميه جق
درخده معتدلدى .

[انکايترجه اصلندن عيناً ترجمه ايدلمشدر]

قراى مليه قوماندانى صائب بک

آمريقا ايتامخانه سى

اورفه

۲۰ مارت ۱۹۲۰

لطفاً بکا کوندرمش اولديغى کز اتمک و مبايعه مأموريمه کوستردى کز
توجهدن دولاي تشکراتمک قبولنى رجا ايدرم . کنديسنى تکرار
برليسته ايله کوندرى يورم . بالذات چارشويه کيدرك کنديسنک مبايعه ده
بولمسنه مساعده ايدجک اولورسه کز چوق متدار قاله جغ . زيرا

او، بنم ایستد کلریمی بیلیر. شاید کندیسنه بر، ایکی محافظده ترفیق ایده جک اولورسه کزنی دها زیاده منتدار ایتمش اولورسکز تلغرافلریمزی کوندره جککزه دائر و عدیگزدن دولایی چوق ممنون اولدم. یقینه بعض تلغرافلر کوندره جکم. صومیزک تکرار کلمسنی تأمین ایتمکز عجا ممکن دکلی؟ بز، بیک کشی بز غایت دار بر موقعهه یاشیورز. چاشیر و حمام ایچون پک آز صومیز وار. اگر بوصو کلمه جک اولورسه یقینلرده بر [ایدیمی] ظهوره کله جکدرکه منعی غیر قابل اوله جقدر. لطفاً بوصویک کلمسنی تأمین ایتمکزی رجایدرم. بنامزک اوزرنده صلیب احمر بایراغک یاننده یکی بر بایراغک دها توج ایستدیکنی بلکه بوکون کورمش اولمیسکز. احتمال سز بیلیمورسکز ایتمخاننک بر قسمی آمریقان قونسولوسخانه سیدر. بوسبیله آمریقا بایراغی چکدم. بوکا دها زیاده رعایت ایدیله جکنی دوشوندم. زیرا هرکون خانه مزک بر طرفنه بر مرمی کلینور. آمریقا بایراغنه ایدیلن هرهانکی بر آتش طوغریدن طوغری یه آمریقا حکومتنه قارشی ایدلش دیمکدر. دون اوچ مرمی بز بنالره کیردی. بونلردن بری آلتی یاشنی تجاوز ایتمیان کوچوک چوجقلردن عبارت بر مکتب اوپه سنه اصابت ایتدی. بو معامله لرک سزک امر و رضا کزک خلافتنه یاپیلمقده اولدیغنه امینم. بیاناتمک طرف عالیلرندن نظر دقنه آله جغندن امین اوله رق حرمتله ختم کلام ایدرم.

ماری قارولین هولس

میس هولس جنابلری حقیقته خدای نابت برحالهه قونسولوسسز بر آمریقا قونسولوسخانه سی ایجاد ایتدی. بوراسی شرق دکلی؟ بر اجنبی

بوراده نه ایسترسه یاپایلیر. نه ایسه، میس هولسک بر بنایه [بوراسی
آمریقا قونسولوسخانه سیدر] دیسه رک بایراق چکمهکه اکتفا ایلمی
شایان تشکر در. یا بوسوتون اورفه آمریقا شهریدر دیسه ایدی،
فرانسزلر دیمورلر میدی؟

بو کورولتولر بو حرب نه ایچون ایدی؟ بو کورولتولر، بو حرب
یکی بر دولتک هیچ شبهه یوق که اساسنی قوراجاق شعورلی وجانلی
برحرکتک محصولدر. آرتق بومملکت یالکز صاحبک اوله جق.

استانبولک اشغالی اوزرینه ملت مجلسنک آنقردهه اجتماع ایتسی
قرارلاشدیرلمش اولدیغدن هر طرفده یاپلغه باشلایان انتخاب نتیجه سی
آچیله جق ملت مجلسنک یکی بر دور تاریخی آچه جغه شبهه یوقدی.
قوتی ماضیدن دکل استقبالدن آله جق نه ایدم دکل، نه اوله جغه دیسه جک
بر حکومت و بر دولت دها طوغریسی بالذات ملت بوتون بو ذهنیتی
کومه جکدر.

۶ — فرانسز ضابطنک مخطر رسندن :

[۲۰ مارت ۱۹۲۰ تورکلر بو کون پک چوق آتس ایتدیلسه ده
هجومه قالمادیلر. بو کون جمعه اولدیغی ایچون اساساً، بر معتاد
ساکت کچمسنه احتمال یوقدی. ارمیلرک کتیردیکی یکی بر خبره نظراً
کوچوک بر امداد قوتنک اورفه نك آلتش کیلومتر و یقینه قدر کلدیکی
و عنزه عشرتی طرفدن کیری یه پوسکورولتیلدیکی و بویوک امداد
قوتنک ده اورفه دن یوز کیلومتر و اوزاقده بولندیغی آکلاشیلدی.

بوخبر دوغرو اوله بیلور . متمادیاً بارکیر آتی ییورز . باغچه ده کی
قیودن صو چکیلمسنی ده تعطیله مجبور اولدق .
چونکه ایچی مترو صو قالدی ، اوزاقلردن صو کتیر تیامسندن
باشقه چاره یوق و بالطبع بو صورتله انغاریه زیاده لشدی .]

۲۱ مارت ۳۳۶

آ — حقیف اشغال آتشیله اکتفا اولندی .

ب — بصراوینک بر قسم عشیرتیه جرابلسده فرانسزلره برابر
بولندیغی وعشائر سائره بی ده فرانسزلره امالیه چالیشمقده اولدیغی
خبر آندی . مرقوم بیره جکده فرانسزلره یاردیم ایدرک بالخاصه
مأمورلرک عائدلرینه تجاوزده بولندیغی ومظالم ایقاع ایلدیکی محللردن
بیلدیرلمکده ایدی .

میس هولس دن یینه بر مکتوب آلم [انکلینز جه دن عیناً ترجمه
ایدلمشدر]

قوای ملیه قوماندانی صائب بکده

امریقا ایتامخانه سی

اورفه

۲۱ مارت ۱۹۲۰

امریقا ایتامخانه سی ایچون مبیاعته بولمق اوزره مبیاعه مأموریمی
تکرار کوندریورم بیك کشینک تعیشی ایچون طبیعی بویوک مقداره
احتیاط ارزاق بولنسی لازمدر . اکر فضله مقداره ارزاق مبیاعه

ایتدی کمی ظن ایدیورسه کز نظر دقتکزه عرض ایدرم که اولجه ایتامخانه
 ایچون یومیه ایکی بچق کیله بغدادی صرف اولونیوردی . حالبوکه سزک
 بکا لطفاً ویردیکنز اکمک بر بچق کیله بیه طوتمیان بغدایک اتمکندن
 عبارتدر . اولجه یومیه اوچ دفعه اکمک توزیع ایدلدیکی حالدده شمدی
 یومیه بردفعه و اوده آز مقدارده توزیع اولنه بیلور . بوسبیله تکرار
 رجا ایدرم . مبایعه مأموریمک لیستهده مندرج شیلری تماماً مبایعه
 ایتمسسه مساعدده ایدیکنز . دوقتور بشلیاندن امریقایلردن برینک
 یارالانوب یارالانمدیغنی صورمشسکز و سؤالکنز نی چوق اندیشهیه
 دوشوردی . نه بن ونه ده میس لوس یارالانمش دکلز . عجبا ،
 چادیرلرده اقامت ایدن بش امریقایلیدن بری یارالانمش و یاخود
 اولمش اولماسون . اکر بو خصوصده بر معلوماتکنز وارسه و بکا
 یازارسه کز چوق ممنون اوله جغم . زیرا ، بن اونلردن معلومات
 آله مایورم . اکر بویله بر شی وقوعبولمش ایسه طبیعی سویله مکه لزوم
 کورم که بو حادثه کرک سزی و کرکسه بادللی عشرتی رئیس سعید
 بکی دوشوندورمسی لازم کلن بر ماهیتده در . چادیرلرده کی امریقایلرله
 واسطه کزله مخابره ایتمک و کندیلرینه ما کولات کوندرمک ممکنمیدر؟
 حرمتله ختم کلام ایلم .

ماری قارولین هرطی

۶ — فرانسز ضابطنک مخطرهنسندن :

[۲۱ مارت ۱۹۲۰ . کیجه ساکن کچدی . کوندوز طرفیندن
 تفنک آتشی اولدی . آقشام غروبه یقین اللی قدر تورک سواریسنک
 تل ایضدن کلکده اولدیغنی کورولدی بونلر ، بزى قورتارمنه کلن

قوای امدادیه اوزرینه سوق ایدلمش بولنان قطعاتدن عودت ایدنلر اوله جق . بزى محاصره ایدن قوتى تقويه ایچون کلدکلری محقق .
صوسزلغک تأثیرلری کورولمکه باشلايور ، هیچ کیمسه بیقانه میور
افرادیمزک جلدلرینک رنکی اعتباریله هپسی سنه غالی اوله جق . اعاشه
مشکلاتی تزیاید ایتمکده در . حالا قوه امدادیه دن خبر یوق .
سوراننا ؛ سوراننا ... یالکز تورکلر کلوب کیدیور . بورنمزک
اوکنده و صقالمزک آلتنده ارزاق طاشیورلر . بز مانع اولامایورز .
قوه امدادیه بزه دوغری کله جکنه غالباً کیری یه دوغری کیدیور .

۲۲ مارت ۳۳۶

آ — سکونت .
ب — دونکی مکتوبنه جواباً یازدیغ تذکره اوزرینه میس هولس
بونى یازدى :

[انکلیرجه اصلندن عیناً ترجمه ایدلمشدر]

قوای ملیه قوماندانی صائب بکه

دونکی مکتوبکزدن دولایى چوق تشکرلر ایدرم آمریقایلرک
صحتی حقنده ویردیگکز معلوماتدن دولایى قلم چوق مستریح اولدی .
آمریقا ایتامخانه سنه ویریلن ا ککک مقداری حقنده ینه نظر دقتکزی
جلب ایده جکم . دون ، غدانک نقصانلغندن دولایى ایتامخانه مزده
برقاچ چوجوق باییلدی . آمریقانک اک بویوک آدملرندن متشکل اولان
قومیت مزکه بویتیملره باقق ایچون بنی بورایه کوندرمشدر . بونلرک

اعاشه سنك بويه ياريم يامالاق ياپيلديغى ايشيده جك اولورلرسه قطعياً ممنون و راضى اولميه جقلردر . توركيه حقنده شخصاً خيرخواهانه معامله يه طرفدار اولان رئيس جمهور و ياسون اكر ايتامخانه ده كى چوجقلرك آچلقدن بايله جق درجه يه كلديكنى ايشيده جك اولورسه هيچ شبهه سزكه بونك نتيجه و تاثيرى اى اولماز . بونى سزده تقدير ايدرسكز . ايسته بوسبیدن دولايى رجا ايدرم صرف ايتامخانه مچون بكا ايستديكم مقدارده ارزاق مبايعه ايتمكلكمه مساعده ايديكز . بالخاصه بغدادى آلوب كندم اتمك ياپديرمغه مساعده ايدجك اولورسه كز چوق ممنون اوله جغم . زيرا هم دكرمن و همده فرونم واردر . برآز دها چوق مقدارده اتمق ايستم ناصل كه اولجه هر آى يوز كيه قدر بغدادى مبايعه ايدردم . عجباً بومسئله يى ايستديكم كى ترتيب ايدمه زميسكز اكر بورجامى قبول ايدجك اولورسه كز بكا غايت بويوك بر ايلك يامش اوله جقسكز . برسندبرى بو ايتامخانه مچون بويوك مقدارده پاره صرف ايتمكده يم . طبيعى چارشو مچونده بو غايت اى اوله جق . زيرا هر كس پارا قازانه جق . صومسئله سى حالا اولمدى . ممكن ايسه رجا ايدرم ايتامخانه نك صوبى كلسون . مبايعه مأمورم كندوسنه ويرمش اولديغم ليسته يى سزه گوستره جكدر . كنديسنه و بكا كوسترمكده اولديغكز بو بويوك لطفك دوامنى تكرر رجا ايدرم . حرمت

مارى قاروليين هولس

۶ — فرانمز ضابطنك مخطرهنسندن :

[۲۲ مارت ۱۹۲۴ شايان اشعار هيچ بروقه يوقدر]

۲۳ مارت ۳۳۶

آ — سکونت :

ب — ساجور کوپریسندہ قوای ملیہ ایلہ دشمن آراسندہ کی
مصادمہ دوام ایتمکدہ و بر تبدل اولدیغی سروجدن الیاس بک
بیلدیریوردی .

۶ — فرانسز ضابطنک مخطرہ سندن :

[۲۳ مارت ۱۹۲۰ شایان قید بر حادثہ اولدی .]

۲۴ مارت ۳۳۶

آ — سکونت :

ب — عرب پیکار موقع قوماندانندن بوز تپہ قریہ لی و دینائی
عشیرتی رئیس سابق محکمہ مستنظرلندن محمد افندی یہ خطاباً یازیلوب
الہ کچیریلن مکتوب حقندہ معلومات آلان مومی الیہ ، اشبو مکتوبک
مرتب و مصنع اولدیغی و علیہ دارلری طرفندن ترتیب ایدلمش بولندیغی
و بو مکتوبی وسیلہ اتخاذا ایدہ رک کندیسنک دشمنلری طرفندن تهدید
ایدلدیکنی بکا بر مکتوبہ بیلدیریوردی . مکتوبک آرقہ سنہ ایزوللی
عشیرتی ذوالفقار آغا عیناً شو مشروحاتی یازمشدی .

اورفہ قوای ملیہ قوماندانمفی جانب عالیہ

سلیمان آغا زاده محمد آغانک تحریراتنه کوزجلہ نظر ایدیکز .
و بوضرہ کندوسنہ جوانی تقدیم ایدیکز . شیمدیک فنالق صرہ سی

دكلدر. انشالله موفقیت اولدقن صو كرا دشمنز میدانده در. اولكی
تحریراتی دخی ذات عالیکنزه محفوظدر. رجا ایده رم خاطر یکنزه
برشی کلسون، ذات عالیکنزه تعریف ایتك جائز دكلدر. بوصرده
كوزلك لازمدر. انشالله نتیجه سی خیردر افدم.

۲۳ امارت ۳۳۶ ایزوللی عشرتی

ذوالفقار

عرب پیکار موقع قوماندانك محمد فائق افندی یه یازدینی و اله
کچیریلن مکتوبی لفایدرك محمد فائق افدینك امضاسیله اورفه فرانسز
قومانداننه بومکتوبی یازدم. بومکتوبی فرانسز قومانداننه کوتوره جك
آدمی شیخان عشرتی رئیس حاجی عمر افندی بولدی. بو برعرب
ایدی؛ مکتوبی آلهرق فرانسز موضعلرینه کیردی.

اورفه فرانسز قوماندانلی جانب عالبنه

سعادتلو افدم حضرتلری

سروجده جریان ایدن وقایعدن دائماعرب پیکار موقع قومانداننه
معلومات ویرمکده ایدم. آلدیغ جوانی عیناً تقدیم ایدیورم. فرانسز لره
اولان محبتمدن دولایی سروجده کی عشائرك قسم اعظمی بکا دشمن
اولدی. شاهین بك زاده لرك قورقوسندن درتیوز قدر قوت سروجده
اجتماع ایتش ایسه ده فائده سزدر. هر کون کویمه هجوم ایدرك مالی
یاغما ایتدکلری کبی بشیوز لیرا راده سنده پاره می ده قوای ملیه نامه
جبراً الیمدن آلدیلر. شاهین بك زاده لره تهدید ایله قوت طوبلسیورلر.

كدكان رئيسى بصراوى بك بنمہ برلكده هم فكر اوله رق هر وقت
سزه خدمته مهيا و حاضرز . ارزو ايتديككز زمان بز دخى سزك
ايچون بشييك مساح چيقاره بيلورز . يالكلز سز بزه جيخانه تايمين
ايديكز باشقه هيچ برشيئه قاريشمايكلز . شمديك جرابلس و عرب
پيكارده كى فرانسز قوماندانلريه مخابره كزى تايمين ايتمكى ده تعهد
ايديورم . هر نه يه احتياجكلز اولورسه ايفاسنه حاضرم . اكر عرب
پيكار استاسيوننه كوندر يه جك مکتوب و يا خود ارزاقه احتياجكلز
وار ايسه حامل عريضه ايه بيلديريكلز . كچن كون فرانسزلر كلهرك
شاهين بك زاده لرك كوينى يا قدقلى ايچون جمله سى فرار ايتمشلردى
شمدى ينه طوپلانبيورلر .

۲۳ مارت ۳۳۶

دينائى عشرتى رئيسى

سليمان آغا زاده

محمد فائزه

۶ — فرانسز ضابطك مخره سندن :

[۲۴ مارت ۳۳۶ ارمنيلىك ويرديكى معلوماته نظراً اورفدهده كى
قوتك مهم برقىسى بزى قورتارمغه كلن قوه امداد يه قارشى كيتمشلر .
بزه سلاح آتائلر اولره صاقلانمش بكرمى اوتوز كيشيدن عبارت
ايمش . فى الحقيقه برتضييق كورميورسه قده ارمنيلىك سوزينه اينان يه ماز]

۲۵ مارت ۳۳۶

آ — سكونت

ب — دون فرانسز قومانداننه يازديغم مكتوبى جاسوسمزله ،

۲۴ مارت کیجه سی قره لوك استقامتندن کوندردم . جاسوس فرانسز
خطرندن ایجری یه آلدی و هنوز عودت ایتمدی . اکر فرانسز
قوماندانی بوخده یه آلدانه جق اولورسه فرانسز لر حقدنه ائطوغرو
واک اساسلی معلوماتی آله جغمزه شبهه یوقدی .

۶ — فرانسز ضابطنک مخطره سندن :

[۲۵ مارت ۱۹۲۰ کیجه مدعش صورتده بر فیرضه اولدی
واوچ ساعتدن زیاده دوام ایتمدی . و متعاقباً صباحه قدر
صاغاناقلی بریاغمور یاغدی . لزومسز بعض تدبیر آلمسی یوزندن کیجه یی
راحتسز کچیردک . تنویر فشنکلی قلمداد یغندن مهتابسز و قراکلق
کیجه لرده ایلری موضعلریمز بویوک مشکلاته معروض قالیوردی .
تورکلره قارشى دائماً [لوستیق] آلیق طور مق مجبورتی پک ایتمدر .
بر چوق اوغراشیلهرق یکی بر تنویر فشنکی ایجاد ایلدی . بو ایجاد
تمامیه مثبت نتیجه ویردی . و تورکلرک کیجه باصقینلرینه قارشى ده
بر چاره بولندی .

بوش بر مایمون قوطیسی ایچنه [essence] ایله ایصلانمش
پاچاوارلر قونیه رق و قوطولرک دینه [V.B] طربولونی بیوکلیکنده
بر تحته پارچه سی یرلشدیریلهرک بویله جه [V.B] کبی مشعله لر بر
قارتوج ایله بوز مروز قدر ایلرویه آلمتده و سومنامسی ایچونده
مایمون قوطوسنت اوست طرفنه بر آز باروت ایله حاقاق فتیلی
یرلشدیرلمکده ایدی]

۲۶. مارت ۳۳۶

آ — سکونت تامه .

ب — فرانسز قوماندانلغنه کوندر دیکم جاسوس کلدی . $\frac{۲۴}{۳۵}$
کیجه سی فرانسز خطرینه یا قلاشهرق عربجه باغیرمش ، سلاحسز
اولدیغنی والنده مکتوب بولدیغنی کورنجه کندیسی المشلر . قوماندانه
کو تور مشلر ، یک چوق اعزاز واکرامده بولنمشلر و بوصباحده کتیردیگی
مکتوبک جوابی اولهرق محمد فائق افندییه ویرلمک اوزره کندیسنه
بر مکتوب وپاره ویردرک کیزلیجه صالیویر مشلر . مکتوبی طوغریجه
بکا کتیردی . مکتوب محمد فائق افندییه خطاباً تورکجه اولهرق
یازمش و ساژو طرفندن امضا ایدلمشدی . و مکتوبه برده شفره
ملفوفدی که عیناً درج ایدیورم .

سلیمانه آغا زاده عزتلو محمد فائق افندییه جنابلرینه

عزتلو افندم حضرتلری

واصل دست احترام اولان مکتوبکنزه بیان تشکرله برابر محتویاتیه
حق عالیکنزده مقتضی اولان بیاناتی قولونل حضرتلرینه عرض ایده جکم .
معتمد کنز اولوب کوندرمش اولدیغکنز ساعییه تودیع ایلدیکم مکتوبک
عرب پیکاره ایصالی خصوصنده بذل همت بیورملری تمسلییه احترامامی
قبول بیوریکنز افندم .

۲۵ مارت ۱۹۲۰

بوز باشی

ساژو

یوزباشی ساژونک سلیمان آغا زاده محمد فائق افندیه کوندردیکی
مکتوبک فطوغرافیسیدر

سلبانه افاناره خرتو محمدنامه افقا صباغرنه

ذکره فم افاناره

وصول دست افترنم افلامه مکتوبه بیانه شکرلر زیر مختوبانید معه حالیکدره تقاضا افلامه
بیاناتی قولوسن افانارنه معه افبره مکم . معونه افلوب کدره سر اولر افکنده ساعی به فزیح
ایله بکم مکتوبه عب بیانه صباغ صحنه افاناره افاناره فتمبیم افاناره

بیزباشی
ساژونک

فدای سوزن افتم ۱۰۵۰ ساله افاناره

Chef de bataillon Hanga Et
 d'armes à Commandant Des troupes
 francaises ----- Abd Pinar

00000 — 57134 — 64689 — 35150 —
 70497 — 69653 — 48917 — 22998 —
 42249 — 39294 — 64350 — 81749 —
 18298 — 85529 — 86498 — 61381 —
 48201 — 30898 — 47019 — 10391 —
 22252 — 64350 — 73605 — 09166 —
 55733 — 47019 — 73605 — 61005 —
 89858 — 78554 — 34470 — 34877 —
 00758 — 18780 — 97416 — 16085 —
 64588 — 92591 — 72576 — 73723 —
 73605 — 08603 — 58887 — 47019 —
 78440 — 45635 — 02731 — 78368 —
 71330 — 46294 — 18780 — 41688 —
 91911 — 82123 — 23439 — 12773 —
 31002 — 29548 — 21699 —

[فرانسز-ددر]

اورفده بولنانه طابور قوماندانی هو بصر طرفندنه

فرانسز قطعانی قوماندانلرینه

[عرب پیکار فرانسز قوماندانلغنه]

نومرو

۱۱۴

۰۰۰۰۰	— ۵۷۱۳۴	— ۶۴۶۸۹	— ۳۵۱۵۰	— ۷۰۴۹۷
۶۹۶۵۳	— ۴۸۹۱۷	— ۲۲۹۹۸	— ۴۲۲۴۹	— ۳۹۲۹۴
۶۴۳۵۰	— ۸۱۷۴۹	— ۱۸۲۹۸	— ۸۵۵۲۹	
۸۶۴۹۸	— ۶۱۳۸۱	— ۴۸۲۰۱	— ۳۰۸۹۸	
۴۷۱۰۹	— ۱۰۳۹۱	— ۲۲۲۵۲	— ۶۴۳۵۰	
۷۳۶۰۵	— ۰۹۱۶۶	— ۵۵۷۳۳	— ۴۷۰۱۹	
۷۳۶۰۵	— ۶۱۰۰۵	— ۸۹۸۵۸	— ۷۸۵۵۴	
۳۴۴۷۰	— ۳۴۸۷۷	— ۰۰۷۵۸	— ۱۸۷۸۰	
۹۷۴۱۶	— ۱۶۰۸۵	— ۶۴۵۸۸	— ۹۲۵۹۱	
۷۲۵۷۶	— ۷۳۷۲۳	— ۷۳۶۰۵	— ۰۸۶۰۳	
۵۸۸۸۷	— ۴۷۰۱۹	— ۷۸۴۴۰	— ۴۵۶۳۵	
۰۲۷۳۱	— ۷۸۳۶۸	— ۷۱۳۳۰	— ۴۶۲۹۴	
۱۸۷۸۰	— ۴۱۶۸۸	— ۹۱۹۱۱	— ۸۲۱۲۳	
۲۳۴۳۹	— ۱۲۷۷۳	— ۳۱۰۰۲	— ۲۹۵۴۸	
۲۱۶۹۹	—			

شبهه سز بوشيفره ني حل ايتك قابل اولمدي . فقط كوندرديكم
 جاسوس فرانسز لرك اعاشه جهتندن مشكلاتده اولدقلىرى و اتانلرىنى
 ييمكده بولندقلىرىنى سويلدى . بوضورتاه فرانسز قوماندانك محمدفائق
 افندى به جواب و ير مسى محمدفائق افندى نامنه بر بخابره قپوسى آچمش ديمكدى .

۶ — فرانسز ضابطنك مخره سندن :

[۲۶ مارت ۱۹۲۰ کجه و کوندوز راحت کچدی . صباحدن آقشامه وحی کیجه لرده جالشقم مجبوریتنده بولنان افراده ویریلن ارزاق هیچ بر صورتله حد کفایده دکدر . حیواناتک اعاشه سی ایچون افرادک اوت یاتاقلرنده کی اوتی ده آدق . هر حالده قحط حکمفرما اولمادن بر تدبیر اتخا ایتک لازم . قوه امدادیه دن امیدیمز متقطع اولویور . بوراده بوتون بر عمره کفایت ایده جک درجه ده مادی ومعنوی اضطراب چکیوروز]

۲۷ مارت ۳۳۶

آ — سکونت

ب — مروج قوای ملیه قوماندانی الیاس بکدن شو مکتوبی آلم . عیناً :

اورفه قوای ملیه قوماندانلغه

اورفه فرانسز قوماندانی طرفدن یازیلوب عرب بیکارده کی فرانسز قوماندانلغه کوندیریلن برقطعه شفره لی مکتوب اورفه ارمنی جماعتندن ابراهام نام آدم اوزرنده بولنوب آلمشدر . لفاً تقدیم ایدلی . مرقوم استجواب اولندقده : یکر می لیرا اجرته بو مکتوبک ایصالنه اورفه ده کلاجان آغوبک دامادی مغیردیج و کللی زاده عثمانک شریکی دکر منجی عبدوفراش [۱] طرفدن کوندردلیکی و شاید مکتوب اله ایدیلیرده



جاسوسك اوزريده ظهر ايدن شفره نك فطوغرافيسيدر

Commandant armes Orufa a
Commandant troupes françaises

00000 - 88535 - 09166 - 30870 - 07984 -
86498 - 89858 - 15113 - 78554 - 34470 -
61005 - 70004 - 81948 - 81121 - 25893 -
18780 - 94698 - 50061 - 12773 - 92591 -
80639 - 73605 - 89858 - 82628 - 24841 -
34470 - 86498 - 07315 - 73605 - 83119 -
38147 - 36806 - 94120 - 28411 - 81948 -
04012 - 53193 - 36806 - 94120 - 53707 -
24443 - 86498 - 88662 - 39588 - 15113 -
03664 - 40377 - 44603 - 96466 - 02510 -
80639 - 18780 - 87257 - 55772 - 82123 -
94015 - 12773 - 31002 - 29548 - 21699 -

کنديسی قور تولوب عرب پیکارینه کیده بیلیرسه، انلره شفاهاشوسوزلری سویله یه جگمش :

« ارزاق و جبخانه یتیمک اوزره دیز . شو یقینلرده قوت کلیه جگ اولورسه تسلیم اولمغه مجبوریت حاصل اولدیقدیر » .

مرقوم تحت توقیفه آلمشدر . عشائر رؤسای کنديسی اولدورمک ایستیورلر . سزدن برامرکنجه یه قدر قالمبی ایجاب ایده جگنی سویلدم . بو آدمک سروجده دکرمنجی باقر ایله مشک ابراهیم نامنده ایکی آرقداشی دخی واردر . کرک کنديسی و کرکسه رفیقه سی حقنده نه یولده معامله ایدیله جگنک امر و اشعار یله برابر بوراده یالکنز قالدیغمدن بکا معاونت ایتک اوزره عادل بکک اعزامی رجا اولنور اقدم .

۲۷ مارت ۳۶

الباس

جاسوسک اوزرنده ظهور ایدن شفره نك ترجمه سیدر :

اورفده کی فرانس قومانداندره فرانس قطعی قومانداندرینه

نومرو

۱۱۲

۰۰۰۰۰	—	۸۸۵۳۵	—	۰۹۱۶۶	—	۳۵۸۷۵	—	۰۷۹۸۴
۸۶۴۹۸	—	۸۹۸۵۸	—	۱۵۱۱۳	—	۷۸۵۵۴	—	۳۴۴۷۵
۶۱۰۰۵	—	۷۰۰۰۴	—	۸۱۹۴۸	—	۸۱۱۲۱	—	۲۵۸۹۳
۱۸۷۸۵	—	۹۴۶۹۸	—	۵۰۰۶۱	—	۱۲۷۷۳	—	۹۲۵۹۱
۸۰۶۳۹	—	۷۳۶۰۵	—	۸۹۸۵۸	—	۸۲۶۲۸	—	۲۴۸۴۱

۳۴۴۷۰	—	۸۶۴۹۸	—	۰۷۳۱۵	—	۷۳۶۰۵	—	۸۳۱۱۹
۳۸۱۴۷	—	۳۶۸۰۶	—	۹۴۱۲۰	—	۲۸۴۱۱	—	۸۱۹۴۸
۰۴۰۱۲	—	۵۳۱۹۳	—	۳۶۸۰۶	—	۹۴۱۲۰	—	۵۳۷۰۷
۲۴۴۴۳	—	۸۶۴۹۸	—	۸۸۶۶۲	—	۳۹۵۸۸	—	۱۵۱۱۳
۰۳۶۴۴	—	۴۰۳۷۷	—	۴۴۶۰۳	—	۹۶۴۶۶	—	۰۲۵۱۰
۸۰۶۳۹	—	۱۸۷۸۰	—	۸۷۲۵۷	—	۵۵۷۷۲	—	۸۲۱۲۳
۹۴۰۱۵	—	۱۲۷۷۳	—	۳۱۰۰۲	—	۲۹۵۴۸	—	۲۱۶۹۹

بوشفردنك نومروسنه نظراً اولجه جاسوسمزمك كتيرمش وبوصورتله
اله كچيرلش اولان شفردن دها اول يازلديغى اكلاشيليوردي .
مندرجاتنك الى الابد مكتوم قالماش اولسى ايچون هرايكي شفردى
عيناً يازدم .

۶ — فرانسز ضابطنك مخرطره سندن :

[۲۷ مارت ۱۹۲۰ يازاجاق برحادته يوق .]

۲۸ مارت ۳۳۶

آ — سكونت تامه .

ب — اورفدهده كي فرانسزلرك اعاشه خصوصنده مشكلات
چكمكده اولدقلىرى محقق ايسهده بونك درجه سنى اكلامق اوزره
ينه محمد فائق افدينك امضاسيله فرانسز قوماندانه برمكتوب يازدم .
وينه شيخانلى عشيرتى رئيسى حاجى عمر افدينك بولديغى [جمعه]
نامنده كي آدمله مكتوبى فرانسز قوماندانه كوندردم . و كنديسنه

آیروجه تعایات ویردم . $\frac{۲۷}{۲۸}$ مازت ۳۶ کیجهسی جمعەنک فرانسز
سپرلرندن ایچری کیرمسنی تأمین ایتدم . کیتدی .
حلب آمریکا قونسولوسی متصرفه یازدیغی بر مکتوبده ، اورفه -
ده کی آمریقایلرک حیاتلری حقنده اندیشه ایتمکده اولدیغندن معلومات
ویرلمسنی وکندیلرینک صورت مخصوصده حمایه لیرینی رجا ایتمکده ایدی .
بونو میس هولسه تبلیغ ایتدی کمزره نادم اولدق . چونکه
کندیسنندن متصرف اولیه بر جواب آلدی که عیناً درجی مناسب
کورمیورم .

میس هولسک بعضاً بلا ایجاب یازدیغی بوقیل مکتوبلر یا بربحران
عصبیسی زمانه تصادف ایتمکده یاخودده ایشک ایچنه برارمنی آتریقهسی
قاریشه رق بوشکلی آمقده ایدی . میس هولس مکتوبنده ، متصرفدن
« رسماً ایضاحه مجبورسکز » دینه حرکات ملیه نک اسباب و سوائقی
ضوریور . وبالتاليجه برچوق تهدیدلردن صوکر : « آ کلیورم بو
ایشک نتیجه سنده سز وعلی صائب قاچاجقسیکز . وکندیلیرینی فلاکته
دوچار ایتدی کمز املاک و اراضی صاحبی اشراف بوراده قاله جق
و اونلر مدهش مسؤلویه معروض قاله جقلردر . اگر اونلر کندی
منفعتلیرینی محافظه ایتک ایستیورلرسه بو ایشلره مانع اولمیدرلر .
میس هولس وضعیتی احاطه ایده مامکده معذور ایدی . چونکه
میس هولس دکل اوزون مدت دنیایی اداره ایتدکلیرینی و جهانه یکی
بر شکل ویره جکلیرینی ادعا ایدن غربک اک بویوک دیپلوماتلری
و صنادیدی بیله بو حرکتمزک سوائقی و نتایجینی آ کلایاماشدر .
میس هولسک بومکتوبنی جوابدن مستغنی بولدق .

۶ — فرانسز ضابطك مخطرہ سندن :
[۲۱ مارت ۱۹۲۰ هیچ بر حادثہ اولمادی] .

۲۹ مارت ۳۳۶

آ — سکونت تامہ .

ب — استانبولك انكلیزر و متفقہی طرفدن اشغالی ، منور و قیمتی بر قسم ذواتك توقیف ای دیلہرك مالطہیہ تبعیدلری اوزرینہ استانبولده حال انعقادده بولنان مجلس مبعوثان کندیلکندن تعطیل فعالیت ایتمش اولدیغندن استانبولده طاغیلان بو مجلسك آنقردهده اجتماعی قرارلشدیرلمش اولسنہ مبنی استانبولہ کیتامش اولان مبعوثلرك و یکیدن انتخاب اولنه جقلرك آنقردهیه کوندرلملری حقنده اون اوچنچی قول اردو قوماندانلغندن مفصل بر تلغرافنامہ آندی . اشبو تلغرافنامہده وضعیت سیاسیہ تشریح اولتمقده و ملت عزمنده واتحادنده ثبات ایتمدیکی صورتده بالنتیجہ موفق اولنه جنفی بسط و تمهید ایلمکده ایدی .

۶ — فرانسز ضابطك مخطرہ سندن :

[۲۹ مارت ۱۹۲۰ بوکون سکونتہ کچدی . و بر حادثہ اولمادی] .

۳۰ مارت ۳۳۶

آ — $\frac{۲۹}{۳۰}$ کیجه سی دشمن ایلری قرده غوللرینہ بادلیی عشریتدن مرتب بر قوتله باصقین یاپدیردم . دشمن متیقظ بولندیغندن قرده غوللار کندیلمی شدتلی بر صورتده مدافعه ایتمیلر . اوچ آغیر درت خفیف مجروحز اولدی .

ب — عشار افرادینک ضبط وربطه عدم قابلیتته بناء کوکلو -
لردن متشکل منتظم برطابور تشکیلی لزومی حاصل اوله رق یکی طابوره
ژاندارمه خارج اولمق اوزره ایکیوز الی نفر قید اولندی .

۶ — فرانسز ضابطنک مخطرہ سندن :

[۳۰ مارت ۱۹۲۰ تورکار نصف الیلده هجوم تشبثنده بولندیلر -
سده مقاومتمز اوزرینه هجومدن صرف نظر ایتدیلر . کیجه نک بقیه سی
وکوندوز سکونتله کچدی] .

۳۱ مارت ۳۳۶

آ — سکونت تامه :

ب — فرانسز قوماندانه محمد فائق افندی نامنه یازدیغ مکتوبی
کوتورهن جمعه هنوز عودت ایتدی . فرانسزلر مکتوبک وجاسوسک
مرتب اولدیغنی آ کلامش اوله جقلمر .

۶ — فرانسز ضابطنک مخطرہ سندن :

[۳۱ مارت ۱۹۲۰ برحادثه اولدی] .

۱ نیسان ۳۳۶

آ — فرانسزلر کیجه موضعلریمزه قارشى شدتلی بر صورتده
تعرض ایتدیلر سده درحال کیری چکیلمکه مجبور اولدیلر . مصادمه
برساعتدن فضله دوام ایتدی .

ب — ارمیلر ، ارمی محله سنی مدافعه وضعیتنه قویوب تحکیمات

یامش اولدقلری حالدہ کاملاً مسلح ایدیلر ، اولنردہ فرانسزلرکی کلہ جک قوہ امدادیہ بی وانتقام کوننی بکلیورلردی . حقیقہ بکلہ دکلری قوہ امدادیہ نک کلسی یا خود بزم ضعف و انحلالمز بوتون تورکلرک و اسلاملرک محوی و اورفہ نک دنیا یوزندن قالمسی دیمکدی . فرانسزلرک تحت محاصره یه آلمسی ارمیلرک کوزینی قورقوش اونلری حرکتسز برحاله کتیرمش ایسه ده ینه آرا صیرا تک توك ارمی محله لری جوارندن کچن مسلح و غیر مسلح تورکلری نامردانه بر صورتده امحادن فراغت ایتیمورلردی . بوتون بوحر کتلیرینه و فرصت کوزه تمکده بواندقلرینه واقف اولدیغمز حالدہ ارمیلره قارشى اظهار مخصوصه ایتیموردق . بویولده یازدیغم بر مکتوبه ارمی جماعتی نامنه ملت و کیلی « مهران » امضاسیله بوکون آلدیغم مفصل بر مکتوبک ارمی سجه سنی و حالت روحیه سنی کوسترمش اولمق اعتباریله بعض فقره لرینی درج ایدیورم ؛ جاسوسلق ایدلمسنى و منفرد تورکلرک ئولدیلمسنى مدافعه [درجه و ثوقیتی بیلمدیکمز و بر ایکی ادبسه اسناد اولنان بوکی بر دنائته احتمال ویرلسه بیله بو، بوتون ارمی ملتک سیاست بی طرفانه سنه تأثیر ایده مز . بز و عدیمزه صادق قالدق و فرانسزلرک تضییقاتنه اهمیت ویرمیه رک اسلام و وطنداشلیرمیزی اضرار ایتکه معطوف بر چوق مطالب و تکلیفاتی ده رد ایتدک و ایده جکمز . بز بو شهرک صاحبی دکلز ونه ده اوله جغز .

عینی زمانده بورالرینی فرانسزلر حسابنه قانمزله ضبط ایده جک قدر بودالده دکلز . چارپیشمتده اولان بویکی قوتدن بریسنه هر حالدہ عرض عبودیته مجبور قاله جغمزی بیلیدیگمزه و صلح قونفرانسک [۱۵] مارت مقرراتی ده خبر آلدیغمزه رغماً هر هانکی بر طرفه میل

ایتمک بزم ایچون محض جتدر . بز حسن مناسبات طرفداری بز .
بوکا داخل و خارجه شاهدلریمز واردر . بیطرفغمزی اخلال
ایتمک شرطیله سلامتیزی تأمین ایده جک هر درلو تدایره توسل
ووسائطی احضار ایتمک بزم حقمزدر .

بودشمنلق تلقی ایدملسون . مجبور ایلمدجکه مسلك حاضریمزدن
انحراف ایتمه جکز . حسن مناسبت واورفه نك سلامتی ارزو بیوریلورسه
خدمت وخلوصمزه امنیت ایلمسون و بزی مجبور ایده جک اسباب
هر کون بر قاندها تزید ایلمسون . بز ئولمک ایسته میورر . فقط
بو بزم ایچون مطلق و مقدر ایسه شرفزله ئولمکه قرار ویرمشزدر .

مع مافیه هر ایکی طرفک حسن نیقی سایه سنده بر طریق سلامت بولنه
بیله جکنی امید ایدر عموم جماعت نامنه عرض خلوص واحترام ایلمرم .

ارمنی جماعتی نامنه

۱ نیسان ۳۳۶

ملت وکیلی

مهرانه

بو ذهنیتی طاشیان و بو ذهنیتله سوق و اداره ایدیلمن انسانلره
ناصل و طنداش دینیه بیلور . فرانسزلرک ارمنیتری علمه مزه مسلحاً
سوق و تحریک ایتمک ایسته دکگری و حتی بو خصوصده جبر ایلدکلرینی
بز دکل ارمنی ملتی و کیلی مهران علناً و رسماً سویلیور . فی الحقیقه
ارمنیلرک ایکی یوزلو برسیاست تعقیب ایتمک بیدی اومغله برابر
مهران افندی اعتراف ایتمسه ده اونلره سلاح ویرن و بزه قارشی قیام
ایتدیره ن هر حالده بز دکلز و ارمنیلر هر حالده بو مجبورتی بزدن

المیورلردی . ارمیلری کندی منفعلری ایچون اولومه سوروکلهین
استیلاجی دولتردرکه، کندی باطل و غیر مشروع امللری اوغرنده
آقیتدقلری ارمی قانندن دولایی بزی مسؤل ومعاتب طومتغه قالمق
اوزره مکرر ومضاعف برجنایت ارتکاب ایدیورلر دیمکدی .

۶ — فرانسز ضابطنک مخطرہ سندن :

[۱ نیسان ۱۹۲۰ کیجه ، ارزاق الہ ایتک مقصدیہ شہرہ قارشی
بر هجوم ترتیب ایتک ایستہ دکسہده طوزاغہ باصدق .
زیرا او آندہ تورکلرک ایلری قرہ غوللری تبدیل ایدیورمش کہ
کندیلری معتاددن فضاه بر قوتلہ بزی قارشیلادیلر . بریارہلی بر اقوب
عودت ایتدکسہده تورکلردن یکرمی نفر قدر خط حرب خارجه
چیقاردیغمزہ شہہ یوقدی . تورکلر مقابل تعرضہ بولمیدیلر . کیجه نک
بقیہ سی و کوندوز سکونتہ کچدی]

۲ نیسان ۳۳۶

آ — سکونت تامہ :

ب — عینتاب صحنہ تجادلہ سی کیتدکجه کسب اہمیت ایدیوردی . قلنج
علی بکدن شو تلغرافی آلم :

اورفہ قوای ملیہ قوماندانلغہ :

آچہ قیونلی جوارینک شو کونلردہ کسب اہمیت ایتسنہ بناء
نزیدہ کی فداکار آرقداشلریمزدن ملازم کنعان بکک ہان محل

مذکورہ تحریریکہ اورادہ موجود قوای ملیہ نك امر و قومانداسنی
درعهد ایتمسنہ مساعده بیورملرینی ونتیجه نك اشعارینی رجا ایده رم .

قلنج علی

۲ نیشان ۳۶

درحال کنگان بکی آچه قیونلی به کوندردم وقلنج علی بکه جواب

یازدم .

۶ — فرانسز ضابطنك مخره سندن :

[۲ نیشان ۱۹۲۰ کیجه وکوندوز یازلغه شایان بروقه اولمدی .

یکی برهجوم تجربه سنده بولمنغی فائده سز کوردك]

۳ نیشان ۳۳۶

آ — فرانسزلرك کیجه هجومه بر مقابله اولمق وعینی زمانده
کندیلرینه صوك دفعه اوله رق ایده جکم تسلیم تکلیفنه بر زمین حاضر لامق
اوزره فرانسز مواضعنه قارشی خفیف برطوپ آتشی اچدیردم .

ب — خفیف بومباردمانك ختامی متعاقب فرانسز قومانداننه

ینه تسلیم تکلیفنده بولندم شو جوابی ویردی :

قوای ملیه قوماندانی ناموره بکه

اورفه فرانسز حرب قوماندانلغندن

۳ نیشان ۱۹۲۰

مکتوبکنزی آلام . آشکر ایدرم . بیهوده قن دوکولمسنه بنده

طرفدار دکلم . فقط بیلیرسکنز که کندیلکمندن اورفه بی ترک ایتمکه

مقتدر دكلم . بو كبي برامر آنجق جنرال غورو طرفندن ويرييه بيلور .
بوامري سز استحصال ايده بيليرسه كز در حال اورفني ترك ايده جكمي
بيان واحترامات فائفه مك قبولي رجا ايدر م .

لهوهر

فرانسز قومانداني ، عسكري نقطه نظرده ثبات ايدييوردى .
بو خصوصده قواي امداديه نك كله جكي اميدى واحتمال ارمني لرك يالان
ياكلش تلقيناتي ده بو قرارينه اجراي تاثير ايدييوردى . اورفده
محصور و عاجز بروضعيته قالمق له اورفني ترك ايدوب كيمك آراسنده
بويوك بر فرق اولماق له برابر هر حالده صوك راده يه كله دن اول ترك
ايمك ده امر ججدى . اورفده كي فرانسز لرك شيمدى يه قدر اولان
مقاومتى كندى قدرت وفداكار لقلرينك اثرى دكل آنجق بزم
احتياط كار لغمزدن ايلرى كليوردى . فقط بونى فرانسز قوماندانه
قبول ايتدير مك قابلى ايدى ؟ ياپيله جق قطعى وسوركللى عمومى بر تعرض
بالتيجه ارمني لرك مداخله سنى وهرج ومرجى واورفنه نك يانمسنى وفرانسز
وارمني لرك ده فلاكتنى انتاح ايده جكدى . هر حالده فرانسز قومانداني بي معنا
مقاومت ايمكه ابي برشى ياميوردي . ده ايشك بد ايتنده مذا كرده كيريشمك
شبهه سز كه ده زياده موافق عقل ومنطق وسياست ايدى . انسان بعضاً
وضعيتى احاطه دن عاجز دشمنه ارائه طريق ايمك آرزوى وجدانيسنى
دويويوردى . فقط بو قابلى ايدى ؟ بالخاصه نم اليمده كي قوت ده
ضبط وربطى مكمل ومتنظم بر قوه حربه دكلمدى . على العاده براختلال
قوتى و مهم مقدارده برعشيرت قوتى ايدى .

بوقوته نه درجه یه قدر حاکم اولنه بیله جکسی آنجق بوکبی قوتلره قوماندا ایتمش اولانلر تقدیر ایده بیلور ، بونلری قواعد بین المله تماماً رعایت ایتدیرمک چوق مشکلدی. اختلاللرک اصول و قواعدی اوله ماز . اختلال بر فوران دیمکدرکه ، بو باشلادیغی آندن اعتباراً هر درلو ملاحظه و هر درلو اصول و قاعده دورور، یالکز اختلالک آتشی و اختلالک مفکوره سی فرمانفرما اولور .

اساساً بو بویه اولمزه بوکا اختلال دینله مز. قارشیمزده بولنان فرانسه و آمریکا احتلالچیلرینک اخفادی ، بزدن ضبط وربط و انتظام طلب ایده بیلیمک ایچون کندی تاریخلرینی او قومامش اولملری لازمدی . فقط ملتتمزک کنديسنه خاص اولان سکینت فطرت ممتازه سی بو اختلالی منتظم برحاله اداره ایدیوردی . و دشمنلریمز بر آرز حقبین بر آرز منصف اولسه لردی هیچ شهه سزدرکه بزى قارشیلرنده ده منتظم و ده لطفکار بوله جقلردی و بو دو کولن قانلرده دو کولیه جکدی .

۶ — فرانسز ضابطنک مخطرهنندن :

[۳ نیسان ۱۹۲۰ تورکلر بوسباح ایلری موضعلریمزده قارشى فاصله لی طوپ آتشی آچدیله . ساعت اون برده ینه تورکلردن بر هیئت کلدی . عینی مسئله . ینه اورفه یی ترک ایتمک کمزى تکلیف ایتدی . هر دفعه کی کبی بودفعه ده رد ایتدک . فقط بر امداد قوتنک کله میه جی آکلاشلدقندن و ارزاق خصوصنده کوندن کونه مشکلاته معروض قاله جغمز محقق اولدقندن صو کرا بوتکلینی رد ایتک معناسزدی . تمامیه متروک برحاله بولندیغمز آکلاشیلوردی . هر حالده بو ، بویه دوام ایدرسه بالنتیجه عرض تسلیمیت کوستره جکمز طبیعی ایدی .

باشمزه کله جکلره قارشی بز کندیزی جریانه قایدیرمش ایدک .
وشه سزینه تورکلر یارین هجوم ایده جکلردر . وضعیتمز چوق ایلدر]

۴ نیسان ۳۳۶

آ — سکونت تامه :

ب — فرانسز قوماندانه کوندریکم جاسوس جمعه دن یینه خبر
یوق .
عینتابدن شو تلغرافی آلم .

نامر بک

- ۱ — ماکنه باشنده کوروشمک اوزره ساعت ایکیدن بشه قدر
انتظار ایتدم . جهده بولندیگیزی تخمین ایدرک عودته مجبور اولدم .
- ۲ — عینتابده حرب باشلامق اوزره در . فرانسز لره مهم بر
ضربه ایندیره جگمی امید ایدیورم .
- ۳ — ملازم کنگان بک آچه قیونلی یه اعزامدن دولایی عرض
تشکر ایدرم . عینتاب و حوالیسنده پک یالکز و برچوق محرومیتلر
ایچنده چالیشمق مجبوریتنده بولندیغمندن هر آن قیمتدار معاونتیکزه
انتظار ایده جکم .
- ۴ — قوزان اوغلی طوغان بک کمال موفقیتله سیسه طوغری
ایلریله مکده در .

فلنج علی

۳ نیسان ۳۶

۶ — فرانسز ضابطنك مخضره سندن :

[۴ نيسان ۱۹۲۰ ماتملى برپاسقاليا . كيجه و كوندوز سكونتلى كچدى . توركلرك بوسكونتنه نه معنا ويزه جكمزى بيله ميپوروز . بلهكه عادتلى وجهه بويوك رهجومه حاضر لانيپورلر . خارجدن هيچ برخبر آلهمدق .]

۵ نيسان ۳۳۶

آ — سكونت تامه

ب — اورفده تاسيس ايديلن قواى مليه خسته خانهسى طبيبي حمدى قاسم بكدن آلدیغ راپورده ۸ شباط ۳۶ تاريخندن ۱ نيسان ۳۶ تاريخنه قدر خسته خانه به ۱۲۲ نفر مجروح ورود ايتديكى و بونلردن ۵۵ نك شفایاب اوله رق طابورجى ايدلديكى و ۱۲ نفر كده خسته خانه ده وفات ايدلديكى و ۲۲ نفر ك خانه لرينه نقل اولنديغى واليوم ۴۵ نفر ك تحت تداويده بولنديغى بيلديرلمكده ايدى . خسته خانه به اوغراميان بر چوق مجروح اولديغى كې شهدانك مقدار صحيحى تعين ايتك قابل دكلدى . خط حربدن زياده مجروح و تلفات فرانسزلرك شهره توجيه ايتدكلرى ميتراليوز آتشيله واقع اولويوردى .

۶ — فرانسز ضابطنك مخضره سندن :

[۵ نيسان ۹۲۰ توركلر پاسقاليا كونلر يمزي زه راحت كچرتيورلر . باشقه زمان اولسه يدى هر حالده هجوم ايدرلردى . عيني زمانده بوشده طور ميپورلر . تكميل مدافعه خطلر يمزك ايلروسنده آقشامه قدر متصل سپرلر قازيپورلر . حيوانلر يمزك اعاشهسى قالمدى كې .]

چکيله جك اوله قده بو حيوانلرله ناصل چکيله جکيز . هوالر
ايصينمغه باشلادی . دها فضا له اشيرسه صتمه باشلايه جق . و بردشمن
دها ايدا اوله جق ديمکدر .]

۶ نيسان ۳۳۶

آ — سکونت .

ب — آنقرده اجتماع ايده جك اولان بويوك ملت مجلسنه اورفه
لواسی نامه :

۱ — بلديه رئيسی حاجی مصطفى افندی

۲ — اشرافدن حاجی اسعد افندی

۳ — پيره جکلی خیالی افندی

۴ — بوزان بك

۵ — بن مبعوث انتخاب اولندق .

و مجلسك آنقرده سرعتله اجتماعی اچون اولنان اعضانك
سريعاً حرکتی هیئت تمثیله دن طلب ایدلدی .

سيور كده بولونان و كنديسندن كرك مادی و كركسه معنوی
بك چوق قيمتدار معاونتله كوردیكمی بوراده برلسان حرمت و شكرانه
ياد مجبوریتده بولنديغم ، ايكنجی فرقه قوماندانی عاكف بكدن آلدیغم
۶ نيسان ۳۶ تاريخ و ۲۰۴ نومرولو تاغرافنامه ده ، آنقره يه عزيمتم
حسیله اورفه قواي مليه قوماندانلغنه يكرمی دردنجی آلاي قوماندانی
بيكباشی نوری بكك تعین ایدلديكي و كنديسنك كوندردلديكي بيان

و مومی الیه معاونت و مظاهرتده بولنه رق احوال محلیه و قوفی تأمین
ایتمکاکم رجا ایدیلوردی .

خلفم اوله جق اولان نوری بک : [پهلوان زاده] عنواتی
طاشیه جقدی . مع مافیه ، اورفه حرکاتی ختام بولمق سزین انفکاکمی
موافق کورمدیکمدن مأذون عد ایدلمکاکمی هیئت تمثیلیه دن رجا ایتدم .
۶ — فرانسز ضابطنک مخطرهدسندن :

[۶ نیسان ۱۹۲۰] برقاچ کوندنبری دوام ایدن سکونت شایان
حیرتدر . بوکانه معنا ویره جکمزی تعیین ایده میورز . هر حالده
حتمزده خیرلی اولسامسی لازم کلیر . چونکه تورکلر اطرافزده
قازمقده اولدقلری سپرلری متادیا تقویه ایدیورلر . وسیرلرک مناسب
یرلرینه تورک بایراقلری چکدیلر . بویایراقلر بزه تماماً محاصره ده
اولدیغمزی کوستردی . ذاتاً بیلمیورده دکلدک . افرادک قوه معنویه سی
چوق دوشکون . ارتق قوه امدادیه دن امید بکله مک عبث .]

۷ نیسان ۳۳۶

آ — سکونت تامه :

ب — دو قور بشلیمان وارمنی ملتی و کیلی مهران بالذات مراجعتله
ارمنیلرک ارزاقنک توکندیکنی و مشکل وضعیتده قالدقلرینی وارمنیلره
ارزاق ویرلمسنی رجا ایتدیلر . ذاتاً میس هولسک ایتاخانه ایچون فضله
ارزاق ایستمسی و بوندن دولایی بزى تهدیده قالدقیشمسی بو آله جنی
ارزاقی ارمنیلره و فرانسزلره ویرمک املنه معطوف اولدیغنی آ کلیوردق .

ارمنیله ارزاق ویرلسنده هیچ بر محذور کور میورسه قدده تورک
اهالی ده عینی حالده ایدی . آیلردنبری هر درلو معامله تجاریه طور مش ،
خارجدن شهره یک آز برشی ادخال اولنه بیلیوردی .
فرانسزلر چکیلوب کیتمدکجه بو حالک دوام ایده جکی شهبه سزدی .
کندیلرینه بو یولده جواب ویرلدی .

بو اساسلر دائره سنده بر کره کندیلرینک فرانسزلرله کوروشملرینه
موافقت ایدلسنی رجا ایتدیلر . مساعده ایتدم .

وهیچ شهبه سز ، بونلر وضعیتی فرانسز قومانداننه دها صریح
سویله یه جکار و امداد کلسی و اهمه سنک بوش برشی اولدیغنی
آ کلاته جقلردی .

خلفم اولان نوری بک بو کون زوالدن سو کره کلدی . کندیسیله
کوروشدم .

مدبر و مقتدر بر ذات ایدی . بویله درایتلی بر قوماندانک بکا
خلف اولمق اوزره اورفه یه کوندرلسی ممنونیت و افتخاریمی موجب
اولدی . قلنج علی بک ، بنم عینتابه کککلکمی یازیوردی .

کندیسیله تشریک مساعی ایتمک بنم ایچون نهایتسز بر شرف
اولدیغنی و اورفه حرکات ملیه سنی حسن ختامه ایردیردکن سو کرا
عینتابه کله بیلیمکلکم ایچون هیئت تمثیلیه نزدنده تشبثانده بولندیغمی
بیلدیردم .

۶ — فرانسز ضابطنک مخطرهنسندن :

[کیجه و کوندوز سکونته کچدی . ارکله دن سو کرا بر تورک
ژاندارمه سی رفاقنده ایکی ارمنی زیارتزه کلدی . قوماندانلرله اوزون

مدت مذاکره بولندیلر . اورفہی ترک ایتمک خصوصندہ کی شرائطمز
قرارلاشدیرلدی . بو مراجعت تام زمانندہ واقع اولدی . چونکہ
پووالورک فکری ہر حالده اورفہی ترک ایتمک ایدی . فی الحقیقہ
بونلر تحمینمزدن فضلہ تحمل کوستردیلر . [

۲۸ نیشان ۳۳۶

آ — متارکہ عقد اولندی .

ب — دوقتور فیشہر امضاسیلہ متصرف علی رضا بکہ کلن
بر تذکرہ شراط آتیہ دائرہ سندہ فرانسز قوتنک اورفہی تخلیہ
ایده جکنی فرانسز قوماندانی نامہ تکلیف ایدیوردی :

۱ — ارمنیلرک حیانتک محافظہ سی .

۲ — آمریقایلیرینک محافظہ حیات ومالی .

۳ — اورفہدہ مقتول دوشن فرانسزلرک مقابرینہ حرمت .

۴ — جرابلسہ قدر آغیرلقلیرینک نقلی ایچون آلتش دوه و ۲۵

مکارینک اعطاسی .

۵ — ۱۷ شباط ۳۳۶ حربندہ اسیر دوشن فرانسزافرادینک

اعادہ سی .

۶ — اورفہ اشرفندن اون ذاتک جرابلسہ قدر رفاقت ایتمی .

شفاہاً کوروشہرک اشبوشراطی صورت قطعیدہ قرارلاشدیرمق

اوزرہ اساس اعتباریلہ تکلیف واقعی قبول ایتدک و طرفین بولندی

یرلرہ قالمق اوزرہ متارکہ عقد اولندی .

۶ — فرانسز ضابطنك مخطرہ سندن :

[۸ نیسان ۱۹۲۰ اورفہی ترك ایتك خصوصندہ درمیان ایتدیكمز شرائطك كافہسنی توركلر بلااعتراض قبول ایتدكلرندن متارکہ عقد اولدی .

سلاح وجبخانہ مزى و اشیا مذك كافہسنی برابر آلہ بیله جگنز .
وتوركلر بزم ضرر روزیانمزہ مقابل آلمش دوه و یكرمی قاطر و یرہ جكلر .
هرنه قدر وضعیتمز چوق فنا ایسهده توركلرله واقع اولان ائتلافمز
غالبانه اولدی .]

۹ نیسان ۲۳۳۶

آ — . . .

ب — بوکون اوكله دن صوكراساعت ایکیده طرفین رؤسائسك ملاقاتی قرارلاشدیرلمش اولدیغندن متصرف علی رضا بك و بلدیه رئیسى حاجی مصطفی افندی و بن اوچمز خسته خانہ نك قارشیسندہ کی کوپرو باشنه کیتدك .

فرانسز قوماندانی بیکباشی هوجر، حاکم سیاسی ساژو و دوقتور بشلیانده عینی موقعه کلدیله . ملاقات آچقده واقع اولویوردی .
بوتون اورفہنك و فرانسزلرك و حتی بنالرینه حددن افزون بویوك بر آمریکا باندره سی چکن میس هولمسك بیله هیچ شهبه سز اوزاقلردن نظرلری بزه ، کوپری باشنده قارشیلان بوایکی هیئته متوجه ایدی . اورفہنك سہاسنی درین برسکونت قاپلامشدی . قلعه ،

تاریخی کوزلرینی آچمش و قولاقلرینی قابارتمش ، قونوشولاجق شیئلری دیکله مک وانسال آتیه به نقل ایتمک ایچون بوینی اوزاتمش کبی ایدی . هوجر متبسم و نوازشکار و سازو ایسه ینه متحکم و استخفافکار بر وضعیتده بولونیوردی . متصرف بزی تقدیم ایتدی .

— قوماندان نامق بک ! دینجه سازو آجی آجی کوله رک :

— یاخود علی صائب ! دیدی . بزم همان برقاریشدن فضا

اوزایان صاقالمه طانمقاغم مشکل ایدی .

فرانسزلرک تکلیف ایتدیکی شرائطن یالکیز اورفهدن اون ذاتک ویرلسنی شایان قبول کوزمدک . فقط بن ، داها پراتیق برتکلیف درمیان ایتدم . کندیلرینه ترفیقی آرزو ایدیلن اشرافه مقابل ، ژاندارمه ضابط و افرادی ویره بیهلجکی سویلدم . قبول ایتدیلم .

و فرانسز اسرا سنک اعاده سنه مقابلده فرانسزلر نزدنده بولنان جمعه نك اعاده سنی طاب ایتدم . سازو ، بونا مده برکیمسه یی طانمیدغنی و نزدلرنده بویه بر آدم اولمیدغنی سویلدی .

— دینائی عشیرتی رئیس محمد فائق افندیمن سزه مکتوب کتیردن

آدمی طانمیا مقلنگکزک امکانی یوقدر دینجه سازو :

— علی صائبک مکتوبنی کتیردن دیمش اولسه دیدیکیز دها ایی

طانیه جقدم دیدی . کولو شهرک برائتلاف تام دائره سنده آیرلدق .

۶ — فرانسز ضابطنک مخطرهدن :

[۹ نیسان ۱۹۲۰ . حربک ایکنجی آیی ، بوکون اورفهده

کچیردیکمز کونلرک اعلاسیدر . تورک قوماندانیله فرانسز قوماندانی کوروشدیروونی . متعاقب قوماندان بلوکلره شوبیاننامه یی نشر ایتدی :

« فرانسز قوماندان هیتیه اورفه شهری بیننده امضالانان ائتلافنامه
موجبنجه فرانسز قطعاتی اورفه شهرینی تخلیه ایده جکدره. بوائتلافنامه
امضایه سائق اولان کیفیت تحت محاصرهده بولنان ارمیلرک آچ
قلمش اولسیدر. بویه اولمقه برابر بووضعیت، محافظهسنه مأمور
اولدیغ بر شهری ترک ایتمک صورتیه بر رجعت و مغلوبیت اولدیغی فرانسز
قوماندانی سزه بیلدیرمکه لزوم کورمز. مع مافیه قطعاتمزک محاصره نیک
برنجی کونندن اعتباراً صوکنه قدر وظیفه سنی ایکی آی مدته هر درلو
محرومته قاتلانهرق ایفا ایتمش اولسی شایان تقدیردر. بومدت ظرفنده
امداد کلامسی بو نتیجه مؤسفه بی وجوده کتیرمشدر.

شمدی یه قدر اولدیغی کبی بورادن مفارقتمزده و عرب پیکاره
مواصلتمزده قدرده شان عسکریمزده لایق تحمل وفدا کارلقدرده بولنلمسنی
افرادک هر بر لرینک جسارت و فعالیتندن بکرم.

آرتق مواضعمزده سربست کز مکه امکان حاصل اولدی.]

۱۰ نیسان ۳۳۶

آ —

ب — وسائط نقلیه اولهرق فرانسز لره ویریه جک آلمش دوه
ایله یکر می بش مکاری تدارک اولندی و فرانسز لره ترفیق ایدمک
اوزرده ژاندارمه ملازمی عمر عزت افندی [مرعشده ژاندارمه
یوزباشیسیدر] ایله اون ژاندارمه احضار ایتدم. و فرانسز اسرا سنی ده
کاملاً اعاده ایدرک « جمعه » بی قورتاردم. بواثناده فرانسز قوماندانی
متصرفه شو تذکره بی یازدی :

متصرف بك !

ارمنی ایتمانی و فی شهر خسته خانه سنی محافظه ایچون کوندرلمسی لزومی بیلدیریلن ژاندارمه لری ، بزه ترفیق و عد اولنان ژاندارمه لرله برابر کوندره بیلیرسکنز . جواریمزده کی محلاتدن اختلاطی مانع تدبیرلر- یکنزه تشکر ایده رم . عسکری شدتلی حرارتده یولده بولنمقدن محافظه بوکیجه نصف الیلدن صوکر ساعت برده اورفیه تی ترک ایده جکم . اشیا لری می نقل ایده جک و سائط نقلیه و قلاووزلرک اجرتنه عائد پاره بی میس هومسه ویردم . عرب پیکاره مواصلمدنصوکره کندیلرینی اعاده ایده بیه جکمی امید ایدرم . بومسئله دن دولایی ارتق مشکلات قالماز ظنده میم . عرب پیکاره مواصلمده اگر امکان بولورسه منطقه قوماندانی میرآلایه فراتک شرقده بولنان استاسیونلرده کی فرانسر قوتلرینک کیری آلدیرلمسی تکلیف ایده جکم . بوتخلیه قرارینی بزه ترفیق ایده جککیز ژاندارمه لرله سزه کوندره جکم مکتوبده بیلدیریرم . احتراماتک قبولنی رجا ایدرم . ۱۰ نیسان ۱۹۲۰

لهو بصر

حاضر لانان و سائط نقلیه بی و ژاندارمه ملازمی عمر عزت افندی ایله اون ژاندارمه بی فرانسزلرک زردینه کوندردک . فرانسز قومانداننک متصرفله مخابره ایتمسی قوای ملیه بی مشروع بر قوت عد ایتماسندن ایلری کلیوردی . کندیلر بیه آیلرجه حرب ایدن و بوراده موقع و وضعته حاکم اولان بر قوتی کهنه بر ذهنیت سیاسییه ایله طایماق ایسته مک فرانسز قوماندان هیئتک حالا امر واقعی و وضعیتی ادراک ایده مدیکنه دلالت ایدیوردی .

آیلرجه اورفهدده بلا حرکت قاپانوب قالمق، چوق دار وعسکرجه ملاحظه لرله بر چوق قان دو کولسنه سبب اولمق، هیچ بر مذاکره وائتلافه یاناشماق، بر کون اول بلا امر اورفه یی ترک ایدمه جکلرینی بیلدیردکلری حالده بر کون صو کرا ارمنی آغزی وتوسطیه اورفهدن چیقماق تکلیفی در میان اتمک هر حالده بوفرانسز قوتنک موقع ووضعیته کوره حرکت ایدمه بیلیمک قابلیت وقدرتدن محروم بر قوماندا هیئتک النده بولندیغنی کوستریوردی .

اورفه یی ترک ایدمه جک اولان بو قوت هر حالده مهم بر قوتدی . بو قوتک آراسنده بر چوق ده ارمیلر واردی . بو قوتک اورفهدن چیقماق دینصو کرا ینه اورفه یه دوئمنه قوماندا هیئتک قابلیتسز لکندن دولایی احتمال ویریه مزسه ده بر قوه امدادیه آلدق دینصو کرا عودتی چوق ممکندی . هر حالده بو قوتی جرابسه قدر ایصال اتمک ایجاب ایدیوردی .

بو مقصدله ؛ ژاندارمه ملازمی خلیل منیر افندی قوماندا سنده یوز کشیک بر ژاندارمه مفرزه سی احضار ایدرک فرانسز قوتی اوچ کیلو مترو کیریدن تعقیب ایتسنی موافق بولدم .

۱۱ نisan ۳۳۶ کیجه نصف الیلدن بر ساعت صو کرا فرانسز لر خزمه لی کوپری ایله خسته خانه کوپروسندن وایکی قولدن سروج استقامته حرکت ایتدیلر . هوا آچیق وچوق بیلدیزلی ایدی . خسته خانه کوپروسنده دورمش فرانسز لک چیمیشنی سیرایدیوردم . کیدیورلردی .

کیجه نك سیاه وقویو نفی قرا کلنی اچنده سیاهلره بورونمش

برقافلهء کابوس کبی مستولیلراوکلرینه باقارقوآدیملرینی سرعتلندیرهرك
کیدییورلردی . آیقلرینك چیقاردقلری صدا دوهچاکلرینك آهکنینه
قاریشهرق براوغولتی حالنده اوزایور ... اوزایوردی . کیدیورلردی ..!

کوزل اورفه ! دلبر اورفه ! مخمور کوزلرینی اوغوشدوراراق
بو کیدن غاصبرك ، متجاوزلرك ، بو کابوس سورولرینك آرقهسنده
اویقوسندن اویانیور کبی ... پنجره لرده ضیالر قایناشیور . شهرده
سسسز بر سوینج آغزلرده وقولاقلرده مسعود آهنگر حاصل
ایدیوردی . کیدیورلردی .. وارلغنی ادراك ایتمش ، متساند
بر ملتک عزم وقدرتی قارشیسنده کیجهنك اوزاق سیاهلقلرینه
کومولهن قافله لرك صوك دو کونتیلری ده کوزدن نهان اولنجه کوزل
اورفه نك اوستنده لاهوتی بر هوا اسدی ، هر طرف هر یر درین
برلزشله تتردی . آرتق اورفه قورتولمشدی ، ابدیاً قورتولمشدی ..
ساده ییلدیزلر دها زیاده پارلامش اورفه نك اوزرینه برضیاونور
یاغموری دو کویورلردی .

۶ — فرانسز ضابطنك مخطرهنندن :

[۱۰ نیسان ۹۲۰ بویوک برسرعتله حرکت حاضرلغنی کوردک .
بو کیجه ساعت برده حرکت ایده جکنز . اهالی ، آقین ، آقین بزى
سیره کلیور ، متجسس حیوانلر کبی اطرافزى آلیورلردی .
ژاندارمه لر طرفندن طاغیتلیدلر .]

۱۱ نېسان ۳۳۶

آ — . . .

ب — کونش بوسباح طوغونجه ، کوزل اورفه یی قورتولش ،
حر ومسعود کوردی . اختیار وعصر دیده قلعه ، برج و بارولریه
بر آزدها یوکسلمش کیدنلرک آرقه سندن :

— بن سزه سویله مدمی ؟ اورفه بو کوزل تورک شهری ضبط
ایدیله مز دیمه مدمی ؟

دیور کیدی . خلق ممنون وشطارتکار بر برینی تبریک ایدیور .
چو جقار قوشوشویور ، اوینیور . قادین ، ارکک ، کنج ، اختیار
سوقاقلره دوکولش فرانسزلرک حقیقه کیتدیکنی کوزلریه کورمک
ایچون فرانسز موضعلرینه قدر یاقلاشیور ، شهره آتش یاغدیران
میرالیوزلرک بولندقلری یرلری معاینه ایدیورلردی . اورفلی جمعه
بر کومه نك اوکنه دوشمش

— ایشته بی بوراده دو کدیلمر ، بورایه حبس ایتدیلمر ! دییه
همشهریلرینه اون اوچ کونلک اسارت حیاتنک بوتون تفرعاتی
آ کلاتیوردی .

اختیار بر قادین ، بورادن آتیلش بر قورشونله شهید اولان
اوغلنک قاتلرینک باریندیغی یرلرده سس سز ، سس سز کزینه رک
آغلیور ، سوینچ ، نشئه ، کوز یاشی بر برینه قاریشمش اورفه ملی
بایرامی یاشیوردی . شهر خلقی آلی آچیق و کوکسلری قاباریق

اولدییی حالده دشمنك ترك ایتدیکی شو حرب میداننده بوقورتارلمش
طوپراقلرده یالکز کندی غیرت وفدا کارلقلرینک تأمین ایتدیکی
ظفر و حریت هواسنی تنفس ایدیورلردی. آرتق بظندن بظنه هراورفهل
اورفهل اولقله افتخار ایده بیله جکدر . چونکه اسکسی کبی اورفهی
بر پادشاه دکل بالذات اورفهلر ضبط ایتشدی . هم ولی نعمت دیه
شیمدی یه قدار طاپندقلری بر پادشاه اونی دشمنه ترك ایتدیکی حالده
اونلر قورتارمشلردی . آرتق اورفهنك پادشاهی ، حاکی ، صاحبی
یالکز ویالکز ملت ایدی . فرانسزلرله برابر اسبی دورلرک خرافاتی ده
کیجه لره کومولشدی . بو صباح سپرلرده کی تورک بایراقلرنده یکی
بر فسون و سحر پارلایوردی . بو بایراقلر آرتق حاکمیت ملیه یی تمیل
ایدیورلردی .

فقط بو نشئه و شطارت چوق سورمدی . اوزاقلردن شدتلی
وبوغوق بر حالده بومبا ومیترالیوز سسلری کلمکه باشلادی .
بو ائاده ، متصرف علی رضا بك ، بلدییه رئیس حاجی مصطفی
افندی ، خلفم اولان بیکباشی نوری بك و بن ، آمریکا ایتامخانه سنده کی
ایتامی ومیس هولسی زیارته کیتمش اوراده بولونیوردق . دو قنور
بشلیانده اوراده ایدی . میس هولس بکا توجیه خطاب ایدرک :

— صائب بك بو سلاح سسلری نه در ؟ دیه معنیدار بر سؤال
صوردی . موسوس قادین ، بوسلاح سسلرینی طرفندن مرتب بر تعرض
ظن ایدیوردی . حالبوکه بن اوندن زیاده مراق ایدیور ، هیجانمی
کوسترمامکه چالیشیوردم . سلاح سسلرینک تمادسی اوزربنه حادثه یی
آ کلامق و لازم کلن ترتیباتی اتخاذا ایتک اوزره ایتامخانه دن ایرلدق .

فرانسزلر کیریمی کلیورلر !.. فقط بو ، قابلمی ایدی . بوغلیان و سروردن بو قورتیلشدن ، بو خلاص صباحندن سو کره کیدن کیمسه نك عودت ایتسنه احتمال وار میدی ؟ بومبا و میترا یوز سسلری همده چوق اوزاقلردن دکل متمادیاً ایکتیلی ولوله لر حالنده یقینلردن عکس ایدیوردی . در حال مدافعه ترتیبائی آندی . متناقص بر چوق شایعه لر آراسنده حقیقی بوله بیلیمک مشکلدی .

— فرانسزلر نورمان قوتلریله برلشمش کلیورلر مش !

— فرانسزلر کویلیری یاقیورلر مش !

— فرانسزلر عشائر ایله حربه طوتوشمش !

دها بیک درلو شایعه . فرانسزلرک غایت آچیق و عارضه سزا اولان تل ابیض استقامتنه چکیله جکلری ظن و تخمین اولتورکن سروج استقامتنده غایت عارضه لی ، دار و حرکاته مساعد اولمیان بر یولی تعقیب ایتلرینی قوماندانک بویوک خطالردن بری اولمق اوزره تلقی ایتشدم .

بو یولده دائماً کیدوب ، کلن عشائره تصادف احتمالی واردی . عینی زمانده بشیوز کشیلک بو منتظم و مجهز بر قوتک ایچنده بولنان ارمنیلرک هر حالده بو قوتدن استفاده ایدرک بر مناسبتسزلک یاپاچتملرینه شبهه یوقدی . بو یوزلرجه دفعه تجربه ایدلمش بر شیددی . بر ازمنی بر آز قوتلندیکی زمان ایلک یاپاچغی ایش تورکه تعرض ایتمکدر . مع مافیله اورفه ایله سروج آراسی قرق کیلو مترو اولسنه و کیجه ساعت برده حرکت ایدن فرانسز قوتنک ساعتده درت کیلو مترو مسافه قطع ایده بیله جکنه نظراً سکنز ساعت ظرفنده سروجه یاقلاشمش

بولنسی لازم کلیدی . حالبوکه میترالیوز و بومبا سسلری اورفه جوارندن کلیوردی . وهمده فرانسز قوماندانی ایچون عسکری ، سرعتلی و سربست حرکتن منع ایدیه جک لزومسز آغیرلقری ، دوه قافله لرینی آلمغه نه لزوم واردی . و اذ زیاده عشائرک هدف تعرضی اوله بیهه جک بو قافله ایدی . واحتمال قطعانک کیریسنده قالمش اولان آغیرلقری یاغما ایچون عشائرله مصادمه یه طوتوشولمش اوله بیلیر . بوتون بونلرا احتمال دائره سنده ممکن اوله بیهه جک شیئرلردی . عینی زمانده هر طرف بوتون آناطولی حال غلیانده ایدی . متفقلر ، استانبولی اشغال ایتمک صورتیه ، مرکز حکومتله آناطولینک مخبره و مواصله سنی قطع ایتمش و آناطولیده ده هنوز یکی بر حکومت و مرکز اداره تماماً تأسس ایتماش بولندیغندن هر شهر ، هر قصبه حتی هر کوی باشلی باشنه حرکت ایتمکده و هر طرف طوغریجه هیئت تمثیلیه ایله مخبره ایلمکده ایدی . بویله بر وضعیت ایچنده اهالینک و عشائرک بویوک ، کوچوک تصادف ایدیه جکلری دشمن قوتلرینه دوست نظریله باقیه جقلری شبهه سزدی . اورفدهه یاپیلان ائتلافک اورفه شهرینک حدود لرینی کچمه جکنی آکلامق ایچون بویوک بر ذکا و عرفانه احتیاج یوقدی . فرانسز قومانداننک و بوتون متفقلرک عاصی عدایتدیکی و فی الحقیقه حقوق مشروع سنی استحصال ایچون قیام ایتمش و باشدن باشه ملی بر اختلال ایله آیاقلانمش بر ملت و مملکت ایچنده ناصل حرکت ایدلمسی لازم کله جکنی تقدیر و تمیزدن عاجز اولان اورفدهه کی فرانسز قومانداننک اورفدهه یاپدیغی خطالرک و بلکه بونلرک دها بویوک لرینی کیدرکن یوللرده یاپاجنی محتمدی . عرب پیکارینه و بیره جکه قدر کیردن نورمان قوتلرینک یولده تصادف

اینه دکلری کیمسه لری اولدورمک کویلری یاقق صورتیه کوستردیکی غیر مدنی حرکاتک عینی و بلکه دهها زیاده سنی اورفه دن چیقان فرانسز قوتنک یاپاجنی شهه سز عد اولنه بیایردی . محل مصادمه یه برچوق کشف قوللری کوندرمکه برابر بالذات وضعیتی یاقیندن کورمک اوزره حرکتیه قرار ویردم . تام او ، ائاده ملازم خلیل مزیر افندیدن شو مالده برپاور کلدی :

[دشمن پیشداری وبالخاصه پیشدارده بولنان ارمنیلر یولده تصادف ایلدکلری عشائره وبالخاصه کذرکاهده کی کویلدیره آتش ایتملری اوزرینه شیکه بوغازنده مصادمه کسب شدت ایتدی . قوماندان فرانسز قطعاتنه حرب ترتیبائی آلدیردی . بزه قارشیده آتش ایتمکه باشلادیلر . اورفه یولنی محافظه ایدیورم . وضعیتمز تهله که لیدر . سریعاً امریکزه انتظار ایدیورم .]

دیمک اولویور که فرانسزلر اون کیلو مترولق بر مسافه ده بولونیورلردی . اورفه یی بوش براقق موافق دیکلدی . عشائرك طاقم ، طاقم کندیلکلرندن محل مصادمه یه طوغرو کیتمکه اولدقلری ده کوریللیوردی . برمدت سلاح سسی کسیددی . بنده اورفه دن حرکت ایتدم . تکرار آتش کمال شدته باشلادی . نه لر اولدیغی آ کلاشیله مامقله برابر ، فرانسز قوماندانک هر حالده بر مصادمه یه کیریشدیکی و توقف ایده رک قطعاتنی آچدیغی و بوصورتله وضعیتک کسب اهمیت ایلمش اولدیغی آ کلاشیلوردی . کیدرکن باری یولده ، اورفه یه طوغرو کلکده اولان ، فرانسزله ترفیق ایتدیکم ملازم عمر عزت افندی ایله بز آمریقالی ورفاقتنده کی ارمنی ترجمانه تصادف ایتدم . وقعینی ، حادثه نك بالذات

ایچنده بولنش اولاندردن دیکه دم . شیمدی یه قدر افکار عمومی یه قارشی
مجهول ومبهم قالان بومؤسف حادته نك صورت جریانی عیناً نقل ایتمکی
بروظیفه مخصوصه عد ایده رم :

[فرانسز قطعاتی یول قولنه کچنجه قوماندان کندیلرینه ترفیق
اولنان اون ژاندارمه دن ایکسینی فرانسز الیسه سی کیمش بر قسم ارمنی
قلاووزلرله برابر پیشداره و دردینی قسم کلینک قول باشینک یاننه
وملازم عمر عزت افندی ایله دیکر درت ژاندارمه بی ده قرارگاهه کندی
نزدینه مأمور ایدر . کیجه بو صورتله بلا حادته حرکت اولنور .
صبح اولنجه پیشداره بولنان ارمیلر تصادف ایتدکلری عشیرتله
وکویلیله آتش ایتمکه باشلار . قوماندان آتش ایدلامسینی امر ایدر سه ده
تأثیری اولماز . فرانسز لری کورونجه کویولر باصقینه کلیور ظنیه
ترتیبات آلیرلر ته لره چیقارلر و اوصره ده ، کندیلرینی تعقیماً کلکده
اولان ژاندارمه ملازمی خلیل منیر افندینک مفرزه سنی کورورلر .
قوماندان عمر عزت افندی یه :

— بونلر کیمدر ؟ دییه صورار .

عمر عزت افندی ده

— آرقه مزدن امنیتی تأمین ایچون ژاندارمه مفرزه سی بزی تعقیب

ایده جکدی اولنرا اولمیدر ، دیر سه ده قوماندان باشنی صاللا یارق بوجوابه
اینا تادیغنی اظهار ایدر .

برمدت یوروییشه دوام اولنور . فقط پیشداردن بالخاصه
ارمنیلرک ایتدیکی آتش اوزرینه اوجوارده بولنان عشائر و کویولورده
طوتدقلری ته لردن فرانسز لره قارشی تأثیرسز آتش ایتمکه باشلارلر ،

اساساً آرقه دن بر قوتك كلكده اولديغى كوردن قوماندان ايلريدن ده آتس ايدلكه باشلانيدىغى كورونجه مرتب بر تعرضه دوچار اولديغى وشميله درحال بلوكلى آچار و طبعى اوله رق جزؤ تاملر آراسنده برقاريشيق اولور . تپه لردن واوزاقلردن آتس ايدن عشا ئر فرانسزلرك فرارايتدكلرينى ظن ايدرك دها زياده صوقولورلر . جوار كويلولر كه كاملاً مساحدر ، سلاح سسلرينه پي درپي اوشوشورلر . مصادمه باشلار . وكسب شدت ايدر .

خايل منير افدى ده ، اوچ كيلومترو كريدن بو وضعى كورونجه وفرانسزلرك عشا ئره تعرض ايدىكى آ كلايجه مصادمه يه مانع اولمق مقصديله ايلرى يه طوغرو حركت ايدر ، فرانسزلره تقرب ايدنجه كنديسنه طوغرو جبهه آتس فرانسزلرك بومبا و متراليوز آتشنه معروض قدير . وغير قابل اجتناب برو ضعيتده مصادمه يه اشتراك ايدر . بو حالى كورن ملازم عمر عزت افدى قومانداسنده كى ژاندرمه لر و عمر عزت افدى آتلىنى سوره رك قاحق ايسترلر سه ده ايكي آتس آراسنده قاليرلر . عمر عزت افدينك حيوانى اورولور . فرانسزلر كنديسنى توقيف ايدرلر و اوراده بولنان بر كوپرونك آتنه كوتورولور و برى فرانسز ديكرى جزائلى ايكي نفر ك محافظه سنه توديع اولنور .

عمر عزت افدى ، آتس ايدلمه سنى و بونك بر ياكلشلق اثرى اولديغى سويلر سه ده كيمسه ديكله مز ، قوماندانه اهميتلى برشى سويله جكندن بحث ايدرك قوماندانك نردينه كوتورولمى رجا ايدر . قوماندانك يانسه كوتورولور قوماندان كوپرونك اون مترو يقينده كى بر مغاره ده رفاقتنده ساژو ، و معاونى يوزباشى لامبر و امريكا معاونت هيئتندن بر

آمریقالی و جزائری افرادك امامی اولدیغی حالده عمر عزت افندی بی قبول ایدر . عمر عزت افندی قوماندانه :

— امین اولکنز، بووقه مرتب و مصمم دکلدر . هر حالده برسوء تفهمدن نشئت ایتشدر . بو حادته دن قوماندانمك قطعاً معلوماتی بوقدر . مساعده ایدیکنز بن کیده ایم در حال آتشك کسيلمه سنی تأمین ایدرم دیر . ساژو ، حد تلنه رك بزى آلا تدیکنز . شیمدی ینه آلا تمقى ایستورسکنز !..

دیبه برچوق تفوهاتده بولنور . وسنی محتمق اعدام ایده جکم دیر ، تکلیفی قبول ایتمز و کندیسنی مغارده آلیقور ، بر ساعتدن فضله مصادمه اولور ، نه اولدیغی آ کلامادن هر طرفدن عشار محل مصادمه یه قوشار . بو صورتده بر ساعتدن فضله دوام ایدن مصادمه بی متعاقب ، هو جر بلوکلردن آلا دیغی راپورلرده عسکرک صوسزلخی و فضله جیخانه صرف ایدلمسی حسیله مصادمه نك دوامی قابل اولامیه جغنی آ کلا نیجه بودفعه کندیلکندن ملازم عمر عزت افندی یه دها آغیر بر تکلیف در میان ایدر :

آ کلیورم که بر سوء تفهیم نتیجه سی بو وضعیتده دوشدك . حیاتمزه قصد ایدلمه مك شرطیه تسلیم اوله جغز کیدیکنز قوماندانکنزه سویله بیکنز آتشی کسندیرسون ! دیر .

عمر عزت افندی ده بر آزا اول واقع اولان و حقارتده ردا اولنان تکلیفنك دها آغیر بر صورتده مقابله در میان ایدلمسندن — کندیسنی کیدرکن تولدوره جکلری ظنیله شبهه دوشر . و اوراده بولنان وفرانسزلرله برابر اورفهی ترک ایدن — آمریقالی ایله ترجمانك کندیسنه ترفیقى طلب ایدر . موافقت ایدر لر .

عینی مغاره‌ده بولنان جزائری افرادک امامنک صاریغنی سازونک باستوننه باغلامق صورتیه برتسلیم بایراغی یایارلر . عمر عزت افندی آنده بایراق بر قولنده آمریقالی دیگر قولنده ارمنی ترجمان اولدیغنی حالده شوسه‌نی تعقیماً ایلیله‌مکه باشلار . بیاض بایراغک کلکده اولدیغنی کوردن عشائر افرادی تسلیم بایراغنی ده اول آلمق شرفی احراز ایتک ایچون بربرلرینه رقابتله هر طرفدن :

بورایه کل ! بورایه ! دییه باغیرمغه باشلارلر . عمر عزت افندی زویه کیده جگنی شاشیر . فقط هر حالده آرقه لرندن ژاندارمه مفرزه سنک کلکده اولدیغنی بیلدیگی ایچون او جهته طوغرو کیدر ، اطرافده کی عشائرک آتشنه معروض قالیرلر سده نهایت ژاندارمه مفرزه سنه التحاقه موفق اولور . وفرانسزلرک تسلیم اونه جغنی و آتس ایدلماسنی سویلر ، بو تسلیم سوزینی ایشیدن و اساساً منتظم بر امر و قوماندایه تابع اولیان متفرق و مختلف عشائر افرادی بولندقلری موضعلری و مصادمه ایتدکلری فرانسزلری کاملاً ترک ایدرک یاغما مقصدیه فرانسزلرک اشیا یوکلر آرابه لرینه دوه و مکاره لرینه صالدیرلر . برهرج و مرهج حصوله کلیر . و حتی اشیا و حیوان یاغماسی مقصدیه فرانسزلری اونودهرق بربرلریله مصادمه‌یه باشلایه جقلری اثناسنده فرانسزلر طرفدن شدتلی بر آتسه وسونکو هجومه معروض قالیرلر . فرانسز قوماندانی ؛ بلاقید و شرط تسلیم تکلیفی درمیان ایتدکن و بو صورتله عشائرک هر طرفدن خط محاصره‌نی و کندیلرینی ترک ایدرک اشیا یاغمایه تهاجم کوستردکلرینی کورد کندنصرکرا درحال سبکبار اولهرق محل مصادمه‌دن اوزاقلاشمق و بو صورتله سربستی حرکتی اکتساب

ایده رک فرانسز قوتلرینک بولدیغی اکی یقین بر استاسیونه چکلمک ایجاب
ایدرکن اشیا بی یاغمایه قوشان عشائره آتش ایتمکه صوک واک بویوک
خطابی ده ارتکاب ایدر . و بو یاکلش و موسمز تجاوز نتیجه سنده
عشائردن اون کشی مقتول و اوتوز کشی مجروح دوشرسده
کندیلرینک تسلیم تکلیفیه اغفال ایدلکلرینه ذاهب اوله رق اشیا بی
براقوب بوتون قوتلریله فرانسزله صالدرلر . تکرار مصادمه باشلار .
فقط بودفعه ده فرانسزله آراسنده ضبط وربط قالماز . هر نفر سونکوسنک
اوجنه مندیله طاقارق تسلیم اولمق ایستلرسده برنجی دفعه کی
تسلیم تکلیفی اوزرینه فرانسزله نقض عهد ایده رک آتش ایتش
اولملرندن بودفعه کی تکلیفک ده بر حیلله مستند اولدیغنه قناعت کتیره
و مهمجه ضایعات ویره ن عشائره ارتق آتش کسمزلر ، بوغاز بوغازه
بر قاریشیلق حصوله کلیر . فرانسزله تام بر پانیک یاپارق قاحیشمغه
باشلارلر]

بو خبری عمر عزت افندی ایله آمریقالیدن آنجه محل مصادمه یه
کیتدم . ساعت بعدالزوال ایکی ایدی . و اولان اولمش ایدی . بوتون
ساحه مقتوللر ، قیریلش ، پارچالانش آرابه لر حیوان ئولولری و پارچا-
لانش اشیا دنکلریله طولمشدی .

قوماندانلرک زه ده اولدیغی کیمسه بیلیموردی . عمر عزت افندی
یولده تعریف ایتش اولدیغی مغاره یه کیتدم ، هوجر و ساژو و معیت
ضابطلری قتل ایدلش یرلرده یاتیورلردی . و آرالرنده شهید اولمش
عشیرت افرادی ده واردی . منظره جداً فجیع ایدی . قومانداهیتی
بالخاصه ساژو حال و موقعی اوتهدنبری ادراک ایده مامش اولملرینک

جزاسنی قانلریله اوده دیلر. ده ایلک کوندن اعتباراً بعضاً تهید آمیز بعضاً نیازکار تکلیفلیمه موافقت ایتمک حتی بر مذاکره و ائتلافه یاناشماق صورتیله کوستردکلری بی لزوم عناد و اصرارک بو عاقبت فجیعه سنه دوچار اولملری بی پک متأثر ایتدی. بو لوحه جداً عبرت آمیز ایدی.

یرلره سریش یاتان بدبخت فرانسز کنجلی بوراده نه آریورلردی.

و بورایه نه ایچون کملشردی؟ اورفه نره سی؟ پارس نره سی!

فرانسه ایله اورفه آراسنده نه بویوک ده کیزلر نه آشیلماز مسافه لر

واردی. بونلر بوراده نه ایچون ئولشلردی؟

تورک وطنی استیلا و تورک استقلال و حاکمیتی الغا مقصدیله

بو غیر قابل استحصال ایلک مغلوبلری اولارق بو زوالیلری یرلره

سره ن عشائر دکلدی.

اونلری بورایه کونده رنلردی. تورک اختلال و انقلابک و

تورک مجادله استقلالک آیقلری آلتنه بو آدملری آتمقده نه معنا

واردی؟

بو یرلرده یاتان بدبختلرک فرانسز اولدقلرینه کوکم اینامق

ایسته میوردی.

پانیک اثناسنده قرانسز افرادینک بر قسمک سلاحلرینی آتارق

اوتیه، بری به فرار ایتدکلری آکلاشیلدیغندن طاغیلان و فرار ایدن

بو افرادی طویلامق و حیاتلرینی محافظه ایتمک مقصدیله اطرافه

ژاندارمه لر کوندرلدی. و اوتوزی فرانسز متباقیسی مستملکه افرادندن

اولق اوزره یوز اسیر کتیرلدی. بونلر قوای ملیه طرفندن اورفده

الباس و اعاشه ایدلدی و بالاخره فرانسزلرد تسلیم اولندی .
 شایان آرزو اولمیان بومؤسف حادثه حقنده بعض اجنبی مطبوعاتنک
 وبالخاصه جنرال غورونک بوفرانسز قوتنک اغفال اولنوب سلاحلری
 آلدقدنصو کرا قتل عام ایدلمش اولدیغنه دائر اولان مدعیاتی تماماً
 غیر واقع وبوکا قارشى اک بویوک دلیلده اسیر ایدیلن برقسم افرادک
 محافظه ایدنسیدر . وقعده بولنان بیطرف شاهدلرکده تصدیق ایده جکی
 وجهله فرانسز قوتی بوتون سلاح و جیخانه لرینی وهردرلو تجهیزات
 حربیه لرلیه سربست براقیلمش وبوقوتده کیمت اعتبارلیه اوکونکی
 قوتمزده فائق برادهده ایکن وبوقوتده هیچ بر زمان تسلیم سلاح
 ایتماش وخطالی اولسهده صوکنه قدر مصادمه یه دوام ایلمش واکل
 ناموس ایتمشکن بوندرک قتل عام ایدلدیکندن بحث ایتمک پک عبث
 اولدیغی قدرده بوزواللی ئولولرک خاطرده سنه حرمتسزلکدر .
 بووقعه حقنده هیئت تمثیلیه یه شو تلغرافی چکدم :

مصطفی کمال باشا حضرتلرینه

۱ — ۱۱ ۴-۳۶ نصف الیلدن بر ساعت صوکره اسلحه وتجهیزاتیله
 و طرفزدن ویریلن وسائط نقلیه ایله اورفه نی تخلیه ایدرک جرابسه
 متوجهاً حرکت ایدن فرانسزلر اثنای راهده تصادف ایتدکلری
 عشائر وکویولوره تجاوز ایتلری اوزرینه جوار قرا اهالیسیله عشائر
 محل وقعیه یتیشه رک اوچ ساعت دوام ایدن مصادمه نتیجه سی اشبو
 قوتک قوماندان وضابطانیله برلکده قسم کلینسک مقتول دوشدیکنی
 ویوز نفرکده اسیر ایدیلهرک اورفه یه کتیریلوب تحت محافظه یه آلدیغی

۲ — کشاد ایدیله چک اولان بویوک ملت مجلسنه التحاق ایتک
اوزره ماه حالک اون بشنجی پنجشنبه کونی اورفه دن آنقره یه حرکت
ایده جکمی عرض ایدرم . ۱۱ نیسان ۳۳۶
اورفه مبعوثی
علی صائب

۶ — مخطره سنی درج ایتکده اولدیغم فرانسز ضابطی بومؤسف
حاده ده ممتول دوشمش اولدیغدن مخطره سی بوراده ختام بولویور .
اورفه حرکاتنه عائد یازیلرینی یازیلریمله قارشیلایدیره رق مخطره سنی
بلا تحریف نشر ایتدیکم بوضابطک خاطر سنه - بزه قارشى حقسنز
ومتجاوز برلسان استعمال ایتمش اولسنه رغماً - بیان حرمت ایتکی
بروظیفه انسانیه عد ایدرم .

اورفه نك دشمن استیلا سندن خلاصندن دولایی هر طرفدن
تبریک تلغرافلری کلیوردی . عینتاب جهه سنده عینی دشمنه دها بویوک
مشکلات ایچنده مجاده ایتکده اولان قلیج علی بکدن ده شو تلغرافی آلدیم .

اورفه قوای ملیه فرماندانی نامره بکه

عینتاب
تلغراف

اورفه نك خلاصنی و دشمنك مقهور و پریشان اولدیغنی تبشیر
ایدن تلغرافنامه کز فوق العاده سرور ابتهاجزی موجب اولدی . قوای
ملیه بک عزم و غیرتی و فدا کارلیغیه عزیز و قیمتدار و طنمزک هر

حالدہ قورتاریہ جغنه و ملتزمك تام و كامل اوله رق نائل استقلال
اوله جغنه دائر اولان ایما تمزك بر قاندها آرتدیغنی حرمتکار تبریکاتمه
تردیفاً عرض ایدرم

۱۲ نیسان ۳۳۶

فلج علی

بر دشمن طیاره سی ۱۲ نیسان ۳۳۶ سنه لرنده جرابلسده تجمع
ایتمش و اورفه یه طوغرو حرکتیه مهیا بولنان دشمن قوتی حقنده
اورفده کی فرانسز قوتنه معلومات ویرمک مقصدیه اوله جق، اورفه یه
ککش و فرانسز مواضعی اوزرنده بر قاچ جولان یاپمش ایسه ده
فرانسز لرك اوراده اولمدیغنی کورونجه تحلیه ایدمش فرانسز مواضعه
قارشی بی معنا بر مترالیوز آتشی ایدرک یه جرابلس استقامتیه کیتمشدر.
فرانسز لرك اورفده بولنمدیغنه دائر طیاره نك کوتوردیکی خبر اوزرینه
۱۳ نیسان ۳۶ صباحی میر آلائی نورمان جرابلسده کی فرانسز قوتی
آله رق نزیبه ککش فقط اوراده اورفده کی فرانسز قوتنك انجاسی
حقنده آلدیغنی معلومات اوزرینه در حال تبدیل استقامتیه عینتاب
اوزرینه یورومشدر.

مقرر اولدیغنی وجهله ۱۵ نیسان ۳۶ صباحی آنقره یه متوجهاً اورفه دن
حرکت ایتدم. قلم مستریخ ایدی. اسیر و دشمن اشغالی آلتنده
بولندیغنی ائنده کلدیکم بو شهر دن شمدی اونی قورتولمش، حر
و مسعود کوردرک آریلیوردیم. و بو عالیجناب واصل شهر بی
مبعوث انتخاب ایتمک صورتیه حقمده پک بویوک بر اثر لطف و

عاطفت کو ستر مشدی . بن کیدیورم فقط قلبم اور فہدہ قالیوردی اور فہدن
مفارقم اٹناسندہ کو ستریلان التفات و توجہک متدار لغی قلبمدہ ابدیاً غیر قابل
حک بر صورتہ محکوک قالہ جقدر . اور فہنی ، بہارک فیضاری ، یشیلککری ،
چیچککری ، کونشک رنگ و ضیادن عبارت شعشعہ سی ایچندہ اونک و وطنک
سعادت و سلامتہ چالیشہ جغمہ دائریمین ایدہ رک ترک ایتدم . و ۹ مایس ۳۳۶
تاریخندہ آنقرہیہ مواصلتہ بویوک ملت مجلسنہ التیحا ق ایلدم .

اوچنجی قسمک صوکی

خامه

۹ مایس سنه ۳۶ تاریخنده آنقره یه مواصاتم ، وطن و ملتكم یکی بردور تاریخینسك باشلادیغی کونلره مصادف اولدیغندن بو اثریمه او کونلرده کی تحسسامی علاوه ایتمکدن بر ذوق معنوی دویمقدم . آنقره یه کیررکن ، یکی بر دورک ، یکی بر تاریخك و ملی عزمك ، ملی فداکارلغك ملی استقلال آتشنك مرکز نواری اولان بو شهر حواس و مفکره می تسخیر ایدیوردی .

آنقره ؛ وطنمك کوچولمش بر نمونه سیدی . خراب ، کوچوک و طوپراق اولرینی توزلی ، بوزوق و اسکی سوقاقلریله پارچه پارچه وطنمك خراب کویلرندن قصبه لرندن ، شهر لرندن بر نمونه سرکیسی حالده ایدی . خلق مختلف شکل قیافده اسکی ، صولمش بیرتیق ویامالی البسه لریله ماتمك عیناً کندیسی ایدی . تورکیا آنقره ده تماماً اولدیغی کورولویوردی . بوراده هیچ بر ریا هیچ بر یالیز کوزه چارپمیوردی .

مع التأسف ماتمز وطنمز بو حالده ایدی .

سقفندن کوزل ، تمیز و لکه سز یکی بر بایراق یوکسه لهن بویوک ملت مجاسی و اونك پنبه کواکبه سنده طوپلانا و مملکتک اداره سنی اللرینه آلان ملت مزك و کیلیری وطنی بو حالده ؛ - آه یا لکمز بو حالده می ؟ یر ، یر دشمنلرک اشغالنه کچمش هر طرفده قانلی یانغینلر یانارکن ،

هر طرف فریاد و فغان ایدر، امداد ! دییه حایقیریرکن ، باشده خلیفه
و پادشاه دییه جهلك ، غفلتك ریا و ذلتك ریا و ذلتك او كنده سجده ایتدیکی بو
صادید ظلم دشمنلرله برلشمش وطن و ملتی بو غمق ، ازمك و تولدورمك
ایچون وحشی بر صیرتلان کبی صالدرلرکن ، - تسل ایتملردی .
نه پاره ، نه اردو ، نه سلاح نه جیخانه ، هیچ هیچ بر شی
یوقدی !!

یالکز یارده لی بروطن، آچ و کیسه سز بر ملت واردی . - بوتون
دنیا بویو وارلاق کره نك اوستنده یاشایان بوتون حکومتلر و ملتربیلهرک
و بیلمیه رك بلا استئنا اسلام و خرستیان هر ملت ، قارشیمزده جبهه آلمشدی .
حتی بعض اختیار بابالریمز ، و غافل قارداشلریمز :

دلیمی اولویورسکنز . بوتون دنیا ایله اوغراشمه نك امکانی وارمی ؟
بزی بوسبوتون محو ایده جکسکنز !! دییورلردی ...

وطنک بو خرابه سی و انقازی اوستنده ، و دشمنلرک بو استیلا
و تجاوزی قارشیسنده محو و خرابیدن بحث ایتمک نه الیم بر ذهنیتدی .
صانکه محو اولمامشی ایدک ؟ حرکتسز و متوکل طور مق بو انقازی
تعجیل ایتمکدن باشقه نه فائده تأمین ایده بیلیردی . ایلك اشتراك ایتدیکم
مجلسک جلسه سنده موقع ریاستده مصطفی کمال پاشا بولنیوردی .
سالون لوش و اسمر برهوا ایچنده بکامافوق الطیبعه بر عالمده مافوق البشر
انسانلرک بر اجتماعکاهی حسنی و یریوردی . استانبولک ییقیق و خراب
سورلری اوستنده باتان هلال و تورک حاکمیتی آنقردهده بویوک ملت
مجلسنک ینبه ولا جوردا افقرنده طلوع ایتمشدی .

پاشا یوکسک کرسیسندن کله جک نسلره خطاب ایدر کبی ،

— تورك ملتى ابدى بر قابليت حيايه مالكدردر !..

دييوردي . مملكتك هر طرفدن ، مجادله صحنه لردن كلوب
طويلانان بوانسانلر تك بر قلب تك بر وجود كبي بو علوى حقيقته
ايمان ايتمشلردى . يره ياتمش ياردهلى وطن بويوك ملت مجلسنك چليك
ديوارلرينه طوتونارق آياغه قالقييور ، آچ و مضطرب ملت اونك
كرسيسندن صوكنه قدر استقلالى ايجون مجادله يه عهد و پيمان ايتديكنى
جهانه هايقييوردي .

درتيوز كشيلىك بر عشيردن توره ديكي روايت ايديلن مقرض
عثمانلى دولتنك يرينه مليونلرجه توركك مطلق و قطعى حاكيتيله تاسس
و تشكىل ايدن «توركيا» بومقدس بنانك سققلرى آلتندن تاريخك قارشيسنه
چيقييوردي . آنقره ، تورك فكر مقاومتى ، تورك اختلالنك بوسوتون
يكي اساسلردا ئره سنده تشكىل ايدن تورك دولتنك دماغى اولمشدى .
مملكتك بوتون منورلرى هپ آنقره يه طويلانييوردي . آنقره ،
سياسى و عسكرى بر حرب قرارگاهى حالنده ايدى .

شديد ، قيصقايچ ، مسامحه سز بر مليشپورلك حسى ايله هر كسك
اعصابى كر كين بويوك ، كوچوك هر كس معنا و ماده مسلح ايدى .
دشمن اردولرى خيانت و اهانت شيبكسيله دنيا دن علاقه سى كسيلمش
اولان وطنك بو يكي مقر اداره سى يالكيز مى قوتنه ، مى منبعه ،
ملى عزمه استناد ايدنييوردي .

ارضرومده تشكىل ايدن مى قونغره سيواسده بر آزدها بويوموش
و آنقره ده نهايت بويوك ملت مجلسى حالنه انقلاب ايتمش و بوتون جهانك
نظرلرني كنديسنه چويرمشدى .

استانبولك اشغالی اوزرینه ، آنقرده بویوك ملت مجلسی اوله رق
طوبلانان ملت وکیلرینه بوشهر ؛ هیئت تمثیلیه قارشی کوستردیکی
بویوك حسن قبولك دها پارلاق بر شکنی ابدال صورتیله « مقرر دولت »
اتخاذینه اولان لیاقتی اظهار ایدیوردی . بالخاصه همان بر قاچ کون
ایچنده بر مجلس بناسی احضار ایتک صورتیله آنقره والیسی یحیی
بک [قیر شهر معوثی] کوستردیکی مستنا غیرت کندیسنه بویوك
بر حصه شرف آیرمشدی . .

آنقرده آنجق بر یق آئی قدر قالد .

ملکتک هر طرفی درجه درجه مجادله صحنه سی حالنده ایدی .
دشمنله ، خیانتله ، اهانتله ، جهل ایله بوغوشولویوردی . ۳۳۶
حزیرانک ۲۱نجی کونی مصطفی کمال پاشانک تنسیب وامرو مساعدله
جنوب منطقه سنده چالیشمق اوزره اورفه ، دیار بکر ، ماردینه
کیتدم . کیدرکن قوزانه اوغرامدم .

قوزانده فرانسر یوزباشینی تاپاردايه کوزلرندن اوپهوك ویردیکم
کوزل قیصر اغمی قارص ذوالقدریده بکا عذیر افندی اعاده ایتدی .
قوزان وسوکیلی قیصر اغمده اسارتدن قورتولشدی .

یدی ، سکز آئی جنوب منطقه سنده فعالیتده بولندم . وبویوك
ملت مجلسنک قوای ملیه نك قوای منتظمه یه قلبی حقدنه کی قراری اوزرینه
مدیاتده معیتمده بولنان مفرزه نك امر وقومانداسنی سواری بیکباشینی
شوقی بکه [مدافعه ملیه معاملات ذاتیه سواری شعبه سی مدیری] تودیع
ایتدم . واو ، ائناجه الجزیره جهه سی قوماندانی نهاد پاشادن شو
تلغرافی آلدیم :

مدیانه علی صائب بگه

الجزیره قرارگاه

حرب تلغرافیدر

نومرو

۲۳۹

۱۰۶۸

سنه لردنبری مدیات قضاسی داخلنده ارباب شقاوتی حمایه صورتیه نفوذ حکومتی و آسایش محلی بی اخلال ایدن حاجو وعونه سنک تأدیبله آسایشک تقریری امرنده مسبوق اولان همم وغیرت والالرینک مقدا اورفه سنجاغنک لوٹ اعدادن تطهیری خصوصنده سبق ایدن خدمات وطنیه وحیتکارانه لرینه بر ضمیمه شکران تشکیل ایلدیکنی مع التقدير عرض ایلرم .

۱۷ ل کانون ثانی ۳۳۷

الجزیره جبهه سی قوماندانی

شهاد

متعاقباً آنقریه عودتله بویوک ملت مجلسنده کی وظیفه مه حصر اشتغال ایلدم .

بوراده کی وظیفه مه ، جهه لرده کی وظیفه لرمدن دها چتین ، دها آغیر و دها مسئولیتی ایدی بو ، « فکر و اداره صحه مجادله سنده » حربده کی مهارت ، متانت و جسارتدن باشقه خصائله ده لزوم واردی :

متین برسجیه ، قیرلماز و یقلاماز وجدانی بر انضباط !..

او کمزده مدهش اوچوروملر و تهله که لر آراسنده ظفر و خلاصه کیدن اینجه جک بر یول و آرقه مزده مشوم ، متفسخ برماضینک ، قویو بر جهلک اتکلریمزدن طوتوب بزی کیری یه چکه ن و اوچوروملردن یووارلاماق ایسته ن صرعه لی ، شعورسز قوللری واردی . بوفیرطنه لی

ساحهده بعضاً كئيف برسيس او ، كيديله جك اينجه جك يولى
قاپيوردى . يالكز مادياتله دكل خرافات واساطير ايله اوهام ايلهده
اوغراشمق ايجاب ايدييوردى .

ديديشهرك، اوغراشارق، باغيرارق ، چارپشارق بويوك منجينك
آرقاسندن اويولى كچدك .

بو اوچ سنهده كچيلن يول ، اوچ عصرلق يولدى .
بوكون توركيما جمهوريتنك بوبياض ، تميز لكهسز ايلك بهارنده
بويازيلرى يازاركن ارقمه دوغرو باقييورم . آرقه مزده قالان او
مدهش طاغلى او قورقونچ او چوروملى ناصل آشديغمزه حيرت
ايدييورم . وبومشاهده ايله او كمزده كى اوفاق تفك تومسه كلرى ده
اصيل ملتمك قدرتلى آديملرله چكنه يهرك كچه جكنه وملتمك دنيا ده
هر ملتنن زياده لايق اولديغى رفاه ومدنىتى واوبويوك جتنده كى موقع
مخصوصى ا كتساب و احراز ايده جكنه دائر اولان ايمانم يكيدين
قوتلنيور ...

۱۱ نيسان ۱۳۴۰

آقره

تمام

لاصف

خاطراتمی برای نشر مطبعه‌یه ویرد کدنصو کره - ۱۱،۹،۶۷ نیسان
۳۳۶ نجی کونلره عائد وقایعه اسمی ذکر ایدیلن والیوم آمریقانک
پاترسون شهرنده بواندیغی آکلاشین اورفلی دووقتور بشلیان دن -
برمکتوب آلام .

دووقتور بشلیان، اورفه وقایعه دائرایتامخانه مدیره سی میس هولمسک
آمریقاده برکتوب [*] نشر ایتدیکنی اخبار وبرچوق مسائل وقایعه‌ده
تماس ایله مش اولدیغدن مکتوبک عیناً درجی مناسب کوردم .
مکتوب بشلیانک دست خطیله یازلمشدر صورتی عیناً بودر .

پاترسون

۳۰ نیسان ۱۲۹۴

ذات عالیله صرف دوستلق نامنه مخبره ایتدی کچه آرزو
ایده‌رم ، ولکن احوالک بویله‌جه تبدلی وباخصوص تورکیا ایله ارتق
بیم هیچ برمناسبتیم قالمادیغی دوشونه‌رک مکتوبلرمک محقق جوابسز
قاله‌جغنی نظراعتباره آلوب سزه بوکونه قدر یازمغه جسارت‌ایده‌مدم .
اورفه‌ده کی آمریقالی میس هولمسک بوکونلرده نشر ایلدیکی برکتوب

[*] میس هولمسک یازمش اولدیغی کتابک جلبنه تشبث ایلدم . ورودنده
ترجه ایدیلهرک مطالعاتله برلکده ایریجه برکتوب حاننده نشر اولنه‌جقدر .

شومکتوبی یازمغه مجبوریٲ حاصل ایتدی . اورفهدن انفکاکم پانسز اولدی . اورفهدن حرکتمدن بریحق آی صکره آمریقاده ایدم . بوراده شمدی ایشم چوق اییدر . اورفهدن دهازیاذه قزانیورم؛ خسته خانه لرده عملیات یازمغه مأذونم . ترکیادن کلش بر دو ققور ایچون بو بویوک بر امتیاز صایلیر . حیات بوراده دها یوکسک ، فقط معیشت دهازوردر مأکولات خصوصنده قطعاً مشکلات یوقدر . اوراده بولنان کافه مأکولات بوراده موجوددر . حتی اورفهنک مشهور پاطلیجان کبانجی بیله یاپدق .

کله لم اصل مسئله یه .

میس هولس بر کتاب نشر ایدوب اورفهده کی اوچ سنه لک حیاتی حکایه قیلقلی تصویر ایدیور . ترک ، فرانسز مسئله سندن بحث ایدر کن سزی وعدینه غیر صادق و جانلیکله اتهام ، نم اسم هیچ یوق ، متصرف علی رضا بکی مدح ایدیور . نیسان طقوزنده میس هولسک یازمش اولدیغی بر تکلیقنامه یی قوماندان هو جر قبول ایدوب ایتامی آچلقدن قورتارمق ایچون انسانیت نامه اورفهی تخلیه ایشم ، ترکلر وعدلر بنده صادق قلامش ، سز وملی قوماندانلری کندوسنک اللرینی اوپوب عفو استرحام ایشمسکنز ، کندیسنک طلب وتهدیدلری اوزرینه ایتامه اتمک ویرلمش ، ارمیلره قتل عمومی یاپمادیغکنزک سبی صرف کندیسنک سزه براخطار نامه سی ومیستر ویدینک متصرفه بو باده کی مراجعتلری اولمش ، کندی بناسی اوزرینه آمریقا بایراغی چکد کدنصو کره ارتق هیچ بر قورشون کله مش ، فرانسز اسراسی پریشان اولدقلری حالده کندیسسی الیسه ویرمش وحمم یاپدیرمش ، فرانسز اسراسنک

مبادله سی اتناسنده بونلرکده «شبهه بوغازنده» قتل ایدلامسی خصوصنده حکومتدن تأمینات ایسته مش ، سزک و متصرفک یازمش اولدیغکنز مکتوبلرک بعض اقسامنی نشر ایدیور ولکن کنديسنگ سزه یازمش اولدیغنی صاحبه صاپان تهیدنامه لری قطعياً کتابنده درج ایتیمور . اورفدهه گویا کنديسی فرانسزله چوق یاردیم ایتمش ، بن ارمیلری ترکرله تسلیم اولغه و حتی ترکر ايله برلشوب فرانسزله هجوم ایتمه حاضر و مهیا ایکن کنديسی بنی بوفنا فکردن منع ایتمش . مؤخرأ پیروته کلدیکنده جنرال غورو طرفندن نشانلر ايله تلطیف ایدلمش ... وطن ایدرم بونشان سببيله درکه فرانسزلرک اورفدهه پامش اولدیغنی بیك بر خطا و بجر کسزلرک نردن قطعياً بحث ایتیموب انجق شرفله حرب ایتدکلرینی یازیور .

اگر آرزو ایدر ایسه کز بو کتابدن سزه بردانه کوندیرم . فرانسز مسئله سنده چوق یا کلیور و صرف نفس پرستلکنی ارأنه و سیاسة شرقده [اورفدهه] بویوک روللر اوینادیغنی کوسترمکه چالیشیور .

اورفه مسئله سنده مسلکم حسبيله انسانیته یادیغم بو قدر خدمت قطعياً تقدیر ایدلدکن بشقه بعضیلری طرفندن چوق تقییح ایدلدم . بلکه بو غزته لر منظور عالیلری اولمشدر . اورفدن آمریقایه قدر هیچ بر ملتداشم بکا « یا هو الله سندن راضی اولسون اورفه خرسیتانلرینه حسن خدمتک طوقوندی » دیمدی . حتی حلبه و صولمه حیاتی قورتارمش اولدیغم بعض کیمسه لر طرفندن بر چوق مهاجمانه بيله معروض قالدیم . یالکز پیروته کوروشدیکم جرابلس قوماندانی

قولونیل قاپیترهل « اورفه ارمنیلری عقللیک یاپدی » بکا سویلیدی
کله لم فرانسزلر طرفندن اورفه نك اسباب تخلیه سنه :
برنجیسی — ما کولات فقدانی ، مقدار کافی ما کولات ادخار
ایتامشلردی ، کون آلوب کون ییورلردی ، حرب ائناسنده افرادک
یومیه تعیننی تنقیص ایتامشلرایدی . دائماً تام تعیین ویردیله . حالبوکه
بز ازمیلر هفته ده یالکز اوچ دفعه اتمک توزیع ایدیور ایدک .
بن آچلقدن نقدر ضعیفلمش ایدم . کوردیکز بوکا رغماً خدمتمه
مکافاة یالکز شخصمه ارزاق ویرلمک خصوصنده کی تکلیفی یننده
قبول ایتمدم . اول کونلرده ملتکم خلاصی ایچون جامی جداً فدايه
حاضر ایدم .

ایکنجیسی — ضابطان وافراده قوه معنویه بیتمش وجزائری
عساکرده میرلدا تمق واطاعتسزلق باشلامشدی . حتی بر کوچوک
ضابطی محبوساً کوتوردیلر . شویله که فرانسزلرک اسلام عساکری
آرسنده سزک یامش اولدیغکز پروپاغاندا اولدجه موفق اولمشدی .
اوچنجیسی — متعدد وعدلره رغماً طشردن هیچ بر امدادک
کلامسی ویاخود کله مامسی ، وحقی سیاسی قوماندان ساژو « فرانسه
بزی اونو تمشدر » دیدی بز بوتون حرب ائناسنده هر کیجه
فرانسزلر ایله « هلیوستا » واسطه سیله مخابره ایده بیلور ایدک واره
صره کیدن وکلانلر من دخی اولیور ایدی . بو خصوصی طبیعی بن
سندن کتم ایتمش ایدم . ۵ نیشان ۹۲۰ کیجه سی فرفرلی کلیساده کی
فرانسز ضابطنه برامر تبلیغ ایدیلر .

شویله جه « ما کولاتمز بیتمشدر ارمنیلر آجالتلرینی سبب کوسترهرک

اورفهدن حر کتمز خصوصنده قوای ملیه قومانداننه مراجعت و توسط ایتسونلر « . بوخبر ییلدیرم کبی تپه مزه ایندی . و بز ارمیلر همان بر مجلس یاپوب فرانسزلرک اورفهدن بوسبیله و بویله جه انفکا کی هر حالده محومزی انتاج ایده جکندن ترکاره مراجعتدن اول فرانسز باش قوماندانیله روبرو کوروشمکی تحت قراره آلدقندصوکره متصرف علی رضا بکه خطاباًینه مهران امضاسیله طاتلی بر مکتوب یازوب آجلق ، بیطرفلق و صداقتمزدن بحث ایدرک ذات عالیلیله کوروشمک فرصتی استرحام ایلدک . نهایت کلدک و بیلیرسکزر مقام متصرفیده ذات عالیلیله نصل کوروشدم و قونوشدم . سز اول وقت بنم ایچ یوزیمی آکلایامدیکنز و سزلی قاندره رق [سزده اول وقت پک چوق صقشمش اولدیغکنز ایچون قانیدیکنز یا] فرانسزلرک اورفهدن چکللمسنی رجا ایتک ایچون سزدن رخصت آله رق فرانسزلر نزدینه کیده بیلدک . [بوتون بو حرب صحنه سنده بوراسی پک دراماتیک دره . چونکه سزده ، بزده فرانسزلرده هپ صوک درجه صقشمش ایلدک . بوآننده بز ماها اوتوز بش کونلک ارزاقمز وار ایکن آجلق نامه رول اوینامه یه باشلادق .]

فرانسزلر نزدینه کیتدیکنمه قوماندان هوچر و سیاسی قوماندان سازویی پک پریشان وتلاشلی بولدم . کندیلریله ایکی ساعت مناقشه لر ایتدکدنصوکره برقراره کله مدک یعنی نه بز کندیلرینی قاندر ایلدک نه ده کندیلری بزى ؛ کندیلری اصرار وحقی بز رجا ایدیورلر ایدی که همان عودت ایدوب سزه دیهلم که فرانسز قوماندانی رجامزی قبول ایتدی . سلاح وجبخانه لریله سالماً کیده بیلمه لری خصوصنده کی

تکلیفکزی اساس طوته‌رق یارین جرکته حاضر در .

شویله که کندیلری بوصورتله کویا شرفله اورفهدن چیقه بیله جکلردی
واون کون کچمه دن بزى قورتارمق ایچون اون بیک عسکرله عودت
ایده جکلردی . دائماً ارمیلری تقییح ایدن «ساژو» او اشاده «دوقتور
بعدهما بو ارمی قلیدر» دیهرک بکا قلبنی کوستردی .

بن دائماً فکرلرینی ردایتدم و [بویله حاضر اقسز و سزه یاپدیغمز
متعدد اخطار و اخباراته رغماً دائماً بزلی قورقاق ، یالانچی عد
ایدهرک بزى ترکلر نزدنده برچوق دفعه لر رزیل ایتدیکز و برکون
متصرف علی رضا بک حضورندن بنی رسماً قوودقدن بشقه هیچ
برکون ده بر خذمتکزی کورمدک . بالعکس سزک بجر کسزلککز
یوزندن آتشلره دوشدک و بوکونده سلاح بدست ترکلره قارشو
طورمقده یز . ترکلره قارشى هیچ برانتقام وعصیان فیکری بسله مدیکمز
حالده سزک یوزیکزدن بتکرار قتل اولوب آیاق آلتنه بز کیده جکز ،
ارمیلرک آجلغنی سبب طوته‌رق اورفهدن بوصورتله چکلیمکز شمدی یه
قدر یامش اولدیغکز خطالرک اک بویوکی اولوب محقق محومزی انتاج
ایده جکلدر . چونکه تورکلرده ذاتاً موجود شو فیکری تأیید و تصدیق
ایتمش اوله جقسکز یعنی فرانسزلر ارمیلرک خاطر ی ایچون اورفیه
کلدی و ارمیلرک خاطر ی ایچون کیدیور دیمکدر ینه اک قباحلی
بز اوله جغز] دیدم .

بونک اوزرینه « قوماندان هوجر » آغلایه‌رق اعتراف ایتدی که
آرتق عسکرینه اعتماد ایده میوردی . و ایکی کونلک ارزاقی قالمش
ایدی . بن سزى ارمی محله سندن آلیرم . جزائری مسلمان عسکرلری

ارمنیلرله تبدیل ایدهرک کیجه نك بریسنده سز و بز طاغیر طریقله
تل ایضه چکیللم دیدی .

سلاحلریکزی ترک ایدوب رسماً بوراده تسلیم اولیکز هیچ
اولمازسه تورکلرک حدتی تسکین اولمش اولور دیدم . خیر اونی
یاپامیز دیدی .

« ساژو » بکا مصرأ رجا ایدیوردی که بز اوصولو طورلم « سز
بزمله برابر اولمازسه کز تورکلر بزه بر فئالق یاماز » دییوردی .
والحاصل آ کلادق که فرانسزلر بزی قوربانلق قویون کبی حاجی
مصطفی یه براقوب کندیلری شرفله صویشمق پشنده . (قصاب یاغ
دردنده ، کچی جان دردنده) فرانسزلر یالکز شرفلرینک محافظه سی
املنده بز ایسه بو دفعه اولمیه لمده ایستر فرانسز قزائمش ایستر تورک
بزلره قرق ایتمز نصل که اول وقت سزه ده تام بویله یازمشدق .

والحاصل یکریمی درت ساعت صکره بتکرار کوروشمک اوزره
آیرلاق . عودتده سزه دیدک که کرچه فرانسز قوماندانی تکلیفمزی
رد ایتدی ایسه ده لکن قبوله میال کورونوب یکریمی درت ساعت
صکره جواب قطعی ویره جکدر .

بزاو کیجه فرانسزلر کیده جک اولور ایسه نه یاپاجغمزی دوشونور
طاشنیر ایکن فرانسزلر بزدن کندیلرینه وفا اولمدیغنی و بزلری بودفعه
کندیلرینه آلت یاپه مدقلرینی آ کلایوب دو قتور فیشر واسطه سیله
ینه بزم آجلاغمزی ایلری سورهرک سزه مراجعت ایتدیلر . سز دخی
بو بزم هتممزک اثری در ظن ایدوب بنی کوپری اوزرنده یاپیلان
معاهده ده حاضر بولندیردیکز . اوور وارلردن (aurevoir) صکره

بن ارمنی محاسبه چکدم . باشی کسلمش طاووق کبی پارپازلیورایدم
زردیه کیده جگمی ، نه یاپه جغمی ، ملتمه نه سونیه یه جگمی بیلمیور ایدم
هر کس تلاشده ایدی .

بشلیان تورکلردن پاره میش فرانسرلری چیقاریور، ملتی صاعمش،
ملت خاشی در دیه مرلدانمه یه باشلادیلر . کندی حقیقی حرکاتمزی
ستر ایتمک ایچون طبیعی بویالانلری بز چیقارمش ای دک . زیرا او ائشاده
ایچمزدن بعض خضه لر قاچوب سزه کلیور ایدی .

بتون اهالی بی طوپلادم و برنطق ایراد ایده رک فرانسز لک ملعون
و بزنی سومز اولدق لرینی و شمدی یه قدر بزه هیچ بر ایولک پامادقن
بشقه برچوق فنالق یاپدق لرینی ، بو محارباته کندی لرینک سبیت و یرمش
اولدق لرینی و اورفه یه کلیرکلز اک اول ارمنی محله سنه چیقوب کوزل قیز
و قادین ارادق لرینی و بزم ییه جگمزک ارتق بتمش اولدیغنی و تورکلرک
بودفه بزه قارشی هیچ برخصومتی اولدیغنی و الحاصل برچوق سوزلر
ایله اهالی بی تسکینه چالیشدم . بونظتمده حقیقه جدی ایدم . زیرا
فرانسز لره قارشی قلبمده بر نفرت او یانمشدی و ذات عالی لرینی دخی
جدا سومکه باشلامش ایدم . سزده و متصرفده و سائر قوماندانلرده
برجدیت کوریورایدم . عین وقتده احوالک بو صورتله آپانسز تبدلی ایله
فکر و قلبمی دیکشدیروب کندی می و ملت می همان احواله اویدورمغه
چالیشدم . اولدم « تور کوفیل » و « واساک » بنی بعضیلر بویله توصیف
ایتمش لر .

لکن نافیاه : هر کس آغلا یور و دیوردی که فرانسز لر کیتد کد-
نصو کره ترکلر محقق او فکله لرینی بزدن آله جقدر . او کیجه ارمنی

مجلسی صباحله قدر قاینادی ، هر قفادن برس چیقار ، بر قسمی فرانسزلر ایله فراره حاضرلانیر ، ضبط وربط ، وظیفه اطاعت هیچ برشی قلمادی . برکت ویرسون هان بوتون یوللری طاغلری طوتدیکنز وکیسه یرندن قیرانهمدی . فرداسی کون فرانسزلر چکلدی . بو چکیلیش انسانیت نامنه ویاخودارمنیلرک آجلنی ایچون می؟ . . . خیر ، خیر کندیلری چکلکه مجبور اولمشدی . وبوبهانه ایله چکلکه شرفلری اک آز قرلمش اولیور ایدی . فرانسزلر طاغلرک اشغال ایدلدیکنی کوزلریله کوردیلر . حتی ارمنی محله سنده بولنان ملازم مارسه رو بو خصوصه تحریری بر راپور ویرمشدی . بنده کندیلرینه سویلدم . « ساژو » [بز ارمنی دکلز] جوابی ویردی . او کون صوک دفعه اوله رق کوروشمشدم . چوق تلاشلی ایدی بن حد تمدن سکوت ایتدم . لکن بر چوق معصومک بر ساژونک شرف ادعاسی عنادینه قربان کیده حکنی قویاً مأمول ایدیور ایدم .

۱۰ - نیشان - ۹۲۰ نجی جمعه کونی زوالی ساعت درت راده لرنده خسته خانه قربنده قیالر اوزرنده بن و میستر ویدین قوماندان هوجر ایله وداغلاشدیغمزده قوماندان الیمی صقوب حرکت اثناسنده ارمنیلرک کندیلرینه التحاق ایتاملرینی طاغلرک و یوللرک تورکلر طرفندن اشغالی صرف بو مقصده معطوف اولدیغنی و تورکلرله حرب ایتیموب سیاستاً ارمنیلری قورتارمقلمغنی بندن رجا ویقینده محقق کلوب بزى قورتاراجغنی سویلدی .

یا یولده سزه هجوم ایده جک اولورلر ایسه نه یاپه جقسکز؟

سؤاله جواباً :

«سلاحلریمز اللریمزدهدر» دیدی .

سز یارین حرکت ایدر ایتمز بزده بلا قید و شرط تورکلره تسلیم اوله جغز و شاید بزه برفالق اولور ایسه بونک طوغریدن طوغری به .
مسئولی سزسکز دیدیکمده قوماندان هوجر آغلادی میستر ویدین ده .
بو ملاقاتمکز شاهیدیر .

فرانسزلر قطعیا کندیلرینه برشی اولیه جغنه و محقق بزم باشیمزه برفلاکت کله جکنه امین ایدیلر و بو فکر ایله اورفه دن آیرلدیلر .
ایشته بو خصوصی دایما بن سزدن کتم ایتمشدم و سزک آره کزده .
یشادیمز زمان بو سزک افشاسندن دایما قورقار ایدم .

کله لم اورفه ارمنیلرینه هیچ برفالق یا پلامسنگ اسبابنه :

مصطفی کمال پاشا حضرتلرینک ایکی اوچ دفعه غیرمسلملره برفالق یا پلامسی خصوصنده کی قطعی امرلری ، قوای ملیه قوماندانلرنده فکر فاسد بولمندیغی (طبیعی بعض استثنالری وار ایدی) ارمنیلرک دایما بیطرف قالمالری ، تلفطور تپه سنی تورکلره ترک و فرانسزلره اویماملری و ظن ایدرم حرب عمومیده بش آلتی سنه کمال صداقتله تورکلره خدمتم بوشه کیتیموب بو ائشاده شخصمه قارشو حاصل اولان اعتماد ایدی .
ارمنیلردن زیاده تورکلر بنی سویور و سوزیمه اعتماد ایدیور ایدی ، بن بو اعتمادی تورک ضررینه استعمال ایتمدم . مقصدم صرف ملتکم خلوصی ایدی و بونی تورک موفقیتلریله امتزاج ایتدیره بیلدم .

اوله هیجانلی کونلر اولدی که ، میس هولمسک بو ایشلرده هیچ بررولی حتی خبری بیله اولمادی . شیمدی ده قالمش بر کتاب نشریله شرقده سیاسته بویوک روللر اوینامش اولدیغنی ادعا ایدیور .

یالکز کنديسنگ سزه خطاباً یازمش اولديغی مکتوبلرک نشر
واعلانی کندوسنگ اخلاقی واورفه شهرینه مضرت انتاج ایدیه بیه جکی
هر کسه سهولته قناعت حاصل ایدیه جکدر . برکت ویرسون سز
اوزمان مکتوبلرینه هیچ اهمیت ویرمدیکز . ذاتاً میس هولس ایله
اولان مخابراتدن مقصد ساخته بر دیپلوماسی ایدی . اگر ذات عالیرنجه
مناسب کورونور ایسه شو مکتوبلرک قویه لرینی بکا کوندریکز
اعلان ونشری خصوصنده بکا مساعدده ایدیکز .

کلهلم « شبکه بوغازنده فرانسزلرک احساسی مسئله سنه »

بوخصوصده شخصی فکریمی سوئلک شیمدی آرزو ایتیمورم .
لکن شونی دهرم که آچ کلن آچلقدن کیدر ، قان دوکمه میدان
ویره نك قانی دها اول دوکولور . بیکلرجه معصومی کندی شرفی
خاطرینه قوربانلق براقانک شرفی دها چابوق قریلر ، اورفه بی شراب
فیچیسيله اشغاله کلان مؤخرآ ایچمه که صوبيله بوله ماز . برکت ویرسون
انکلیزلرک براقمش اولديغی قرنتیلر ایله آلمش کون کچنديلر . بزآچ
دکل ایدک . کندولری آچ ایدی .

حربک ابتدا سندن برو دائماً آچلغمزی یلری سورمکده کی مقصد من
بزه قارشی هجوم فکرینی یا تماماً ابطال ویا خود تأجیل ایتدیرمک ایدی
زیرا جبخامز پک قیصه ایدی وفرانسزلر بزه هیچ برشی ویرمدیلر .
أوله دن شو حقیقتلری سزه بیلدیردیکمدن دولایی متسلی اوله جغ
هیچ اولمازسه تورک تاریخی حقیقی یازسون . کورویورسکز که قطعاً
چکنمه دن وقعیه اولديغی کبی یازیورم . او زمان اورفه ده موجود
اجنبیلرک کافه سی بو وقعیه واقف ایدیلر . فرانسزلر نزدنده بولنان

ایکی راہب و ہلیوستاجی سہرژان بولغا ۴۱۲ نجی آلایدہ اولوب
الیوم صاغدر . سہرژان بولغا شبکہ وقعہ سندنہ اسیر دوشدی . اسیر
ایکن بوسری افشا ایدہ جکندن چوق قورقار ایدم . کیتدم کندوسنہ
رجا ایتدم شرفی اوزرینہ سوز ویردی و قطعاً افشا ایتدی .

اورفہدہ کی ایکوز ارمنی ایتامنک سالملاً حلبہ سوقنہ مساعده
بیوردیغکنزدن طولایی ذات عالیترینہ مدیون شکرانم فوطوغرافکنزی
بویوک بر یادکار اولہرق نزدمدہ طاشیورم بیروتدہ فرانسزلرہ کوستردم
ایستدیلرسدہ ویرمدم بر یادکار اولہرق محافظہ ایدہ جکم یالکنز شو
مکتوبمہ جواب ویرمہ جک اولور ایسہ کنز متأثر اولورم اشبو وسیلہ
ایلہ تأیید احترامات ایلرم افندم .

دوقتور

آغوب بلیانہ

خطا و صواب جدولی

صورت تصحیحی	واقع سهویات	سطری	خطائی
حر و مستقبل	حر و مستقل		۱
ایشید یور	ایشید یورم	۴	۷
بوجهانی	برجهانی	۵	۸
توره رز	توزه رز	۵	۱۰
بواجتماع مرتب اولدینی حالدہ	بواجتماع مرتب اولدینی حالدہ	۵	۱۲
تایاردا	تاپاروا	۱۴	۱۶
تایاردا	تاپاروا	۱	۱۷
فوق المحاکم	فوق الحاکم	۱۶	۲۰
لوزادہ	کوزادہ	۵	۲۱
طاغلرہ یوللردہ	طاغلرہ یولارہ	۱	۲۳
		۱	۲۷
		۳	
		۵	
تایاردا	تاپاروا	۸	
		۱۱	
		۱۲	
طرفندن [کلمہ سی علاوہ ایدیلہ جکدر]	صوک کلمہ نک صوکنہ	صوک سطر	۲۸
تایاردا	تاپاروا	۱۲	۳۰
»	تاپاروا	حاشیہ دہ	۳۳
یدنچی اردو	برنجی اردو	۴	۳۴
حاجی آغا [کلمہ سی علاوہ ایدیلہ جکدر]	حقی آغا	۱	۳۵
پارا قازانقدی	یکانہ املندن	۱۵	۳۶
	صکرہ		

صورت تصحیحی	واقعہ سہویات	پ	ج
طوغان بکک حاجیندہ کی اولہ جق	طوفان بکک [*] حاجیندہ کی	حاشیہ	۳۷
تقریب	تقریب	۱۱	۳۸
تایاردا	تاپاروا	صوک سطر	۴۲
تایاردا	تاپاروا	۶	} ۴۳
تایاردا	تاپاروا	۱۶	
وجدانہ و انسانیتہ	وجدانہ ، انسانیتہ	۲۱	۴۵
اولویورلردی	اولویوردی	۲	۴۶
تایاردا	تاپاروا	۱۴	۴۶
»	»	۲۱	۴۶
»	»	۱۶	۴۷
»	»	۱۰	۴۸
بنیامین	نزامق	۱۲	۴۸
تایاردا	طپاروا	۷	} ۵۰
تایاردا	تاپاروا	۱۶	
تایاردا	تاپاروا	۲	} ۵۲
مستولیرہ	مستولیرہ	۴	
اوت	بر [کلمہ سی فضاہ در]	۱۵	۵۸
بادلی	اوف	۱	۵۹
برلکدہ	باوالی	۱۳	۶۰
اغا زادہ	برلکندہ	۱۶	۶۰
طوغان	اغادہ	۱۳	۶۱
	طوفان	۳	۶۹

[*] طوفان بک بالآخرہ بک چوق فدا کارلقلر یامش و طوغان بکک

مجروحیتی اوزرینہ او حوالی قوای ملیہ سنک ... الخ طرزندہ یازیلہ جقدر .

صورت تصحیحی	واقع سہویات	سطری	شمارہ
کوئی کونہ	کونہ	۹	۸۰
کیدہ بیلہ جککزی	کیرہ بیلہ جککزی	۹	۸۷
معنویہ من	معنویہ سی	۱۴	۹۱
کونہ عائد	کوئی	۲۲	۹۱
ادوار	اودار	۱۷	۹۶
اورفہ مبعوثی اولان خیالی افندیدر	اورفہ مبعوثی اولان افندیدر	حاشیہ نک برنجی سطر	۹۷
باشلایان سطرک اولنہ (فقط)	(او ہیجانلی زمانلرده) ایله	۱۲	۹۸
اوزرمزہ	اوزرمہ	۱۳	۱۰۰
سیاهی	سیاهی	۱۸	۱۰۰
تیرابور	تیرابور	۱۸	۱۰۰
بیرہ جککہ	پیرہ کلیدہ	۷	۱۰۶
مصادمہ	مصارمہ	۲	۱۰۷
اولدی	وارد اولدی	۹	۱۰۷
آ کلایان	آ کلایان	۲	۱۰۹
فرانسز	فرانسه	۵	۱۱۲
یناشہ جق	یناشمایہ جق	۶	۱۱۲
جنابلرینہ	جنانلرینہ	۱۰	۱۱۲
صرف مدنی	صرف و مدنی	۱۶	۱۱۲
تخمیندن	تخمینکن	۳	۱۱۵
معلوم	معلم	۷	۱۱۶
وحی	دخی	۱۶	۱۱۷
۱۳ شباط ۳۳۶	۱۳ شباط ۳۴۰		۱۱۸
باشلانمشدر	باشلانمقدہ	۳	۱۱۹

صورت تصحیحی	واقع سهویات	سپاری	کتاب
جرابلسه	طرابلسه	۸	۱۱۹
جرابلسه	طرابلسه	۹	۱۱۹
جرابلس	طرابلس	۱۵	۱۱۹
جرابلسه	طرابلسه	۱۶	۱۱۹
اواسه	اولسنه	۱	۱۲۵
اصطلاحك	اصلاحك	۱۹	۱۴۲
[کله سی یوقدر]	(سرای)	۱۵	۱۴۵
طوت کونوکاری	اوت کونوکاری	۱۵	۱۵۳
ایزولی	اینده لی	۱۳	۱۷۷
کدکان	کوکان	۱۳	۱۷۸
بصراوینك	مصراوینك	۱۴	۱۷۸
خرانیازدن	خرانیازدن	۴	۱۸۳
»	»	۵	۱۸۳
»	»	۱۶	۱۸۶
پوسکور تیلدیکی	پوسکور ویلیدیکی	۱۹	۲۰۵
لوی	لوس	۹	۲۰۷
۱۹۲۰	۱۹۲۴	۲۰	۲۰۹
رفقاسی	رفیقه سی	۸	۲۱۷
۸ نیشان	۲۸ نیشان	۵	۲۳۳
شیکه	شیکه	۹	۲۴۴
تفهم	تفهیم	۱۵	۲۴۷
شاشیرر	شاشیر	۸	۲۴۸
غیر قابل استحصال املک ایلك	غیر قابل استحصال ایلك	۱۱	۲۵۰
۳۳۶ تاریخنده	۳۳۶ سنه لرنده	۴	۲۵۳
اولدینی کبی	اولدینی	۱۰	۲۵۵



محل نشری

باب عالی حاده سنده ۸۱ و سروده

(کنشانه علمی)

فیاتو ۷۵ غروشدرد